





Presented to
The Library
of the
University of Toronto
by

The Estate of the late
G. Percival Best, Esq.





O E V V R E S

MESLEES DE PLVTAR-
que, tranſlatees de Grec en Fran-
çois, reueuës & corrigees en
ceſte ſeconde Edition en
pluſieurs paſſages par
le Tranſlateur.

TOME SECOND.

V. 2.

Dont le Premier Volume contient cinq
Traictez. c'eſt à ſçauoir,

I.	Les propos de Table, contenus en neuf liures.	1
II.	Les Opinions des Philoſophes en cinq liures.	207
III.	Les Demandes des choſes Romaines.	258
IIII.	Les Demandes des choſes Grecques.	303
V.	Collation abregee d'aucunes hiſtoires.	324

A P A R I S.

Par Vaſcoſan Imprimeur du Roy.

M. D. LXXIIII.

AVEC PRIVILEGE.

O E V V R E S

MESSES DE TIVAR

que, transmisses de Gascogne

cois, reçues & corrigées en

cette seconde Edition

plusieurs passages

L Gr

P737m

Fa

1574

606356

21.4.55

A PARIS

Par Vascosan Imprimeur du Roy

M. D. LXXIII

AVEC PRIVILEGE



LES

OEUVRES MESLEES
DE PLVTARQUE, TRANSLA-
TEES DE GREC EN FRANCOIS.

Les Propos de table, ou Symposiaques.

LIVRE PREMIER.

Question Premiere.

s'il faut parler de propos de Lettres à la table.



Ly en a, Seigneur Socius
Senecion, qui disent que ce
prouerbe ancien,

Il ne veulx point pour
compagnon à boire

Vn qui apres en ait bon-
ne memoire,

a premierement esté dict

pour les hostelliers, lesquels sont ordinairement
fascheux & mal-plaisans quand ils se viennent met-
tre à la table avec leurs hostes, pour ce que les Do-

riens qui habitoient anciennement en la Sicile, appelloient ce semble, vn hostellier Mnamon. Les autres estiment que ce commun prouerbe nous admoneste, de mettre en oubliance toute ce qui se fait & qui se dit à la table, en faisant bonne chere. C'est pourquoy lon tient en nostre païs que l'oubliance & la ferule sont cōsacrees & dediees à Bacchus: ce qui nous donne à entendre, que ou lon ne doit aucunement se souuenir des fautes qui ont esté faictes à la table, ou bien qu'elles ne meritent que bien legere & puerile punition. Mais estant ainsi qu'il te semble, aussi bien qu'à Euripides que

Mettre en oubly le mal est grand' sagesse:
 mais aussi que d'oublier generally tout ce que lon dit à la table, non seulement est repugnant à ce commun dire, Que la table fait les amis, & a les plus grands & plus excellēts Philosophes qui portent tesmoignage au cōtraire, comme Platon, Xenophon, Aristote, Speusippus, Epicurus, Prytanis, Hieronymus, & Dion l'academique, qui tous ont estimé & reputé chose digne d'eux, de coucher par escript les deuils qui auroiēt esté tenus en leur presence à table: tu as pensé qu'il falloit aussi que ie recueillisse les principaux & plus dignes poincts des propos de lettres que nous auons autrefois tenus & discourus, par cy par là, tant à Rome chez vous, que chez nous en la Grece, en beuuant & mangeant avec noz amis: à quoy ie me suis volontiers employé, & t'en ay desia enuoyé trois Liures, contenans chascun dix Questions, & t'en uoyeray le reste bien tost, si ie m'apperçoy que tu n'ayes

A n'ayes pas trouué les premiers impertinets, & sans aucune doctrine. La premiere question doncques que i'ay mis en auant est, à sçauoir, si est bien seant de philosopher, c'est à dire, de parler & traiter de propos de lettres, quand on est à table. Car il te peult souuenir que ceste question fut proposée à Athenes apres vn soupper, S'il estoit bien seant de tenir des propos, & faire des discours de philosophie, lors que lon est à table pour faire bonne chere: & si en falloit vser, iusques à quelle borne il estoit raisonnable d'en vser. Et lors Ariston, qui estoit vn de la compagnie: Comment, dit il, y a il doncques, ie vous prie au nom des Dieux, des personnes qui refusent lieu aux deuis & propos de la philosophie à la table? Ouy, dis-ie, il y en a qui non seulement le refusent, mais qui s'en mocquét à bon escient & à certes, & disent qu'il ne fault pas que la Philosophie (laquelle est comme la maistresse de la maison) parle à la table, où lon vient pour faire bonne chere: & que les Perses faisoient bien & sagement, de ne vouloir pas banqueter ny baller & iouer avec leurs femmes espousees, ains seulement avec leurs concubines: aussi veulent ils semblablement que nous introduisions en noz festins la musique, les danes, les farces, & plaisanteries, & que nous ne touchions point à la philosophie, comme n'estant pas elle iamais propre à iouer, ny nous lors disposez à estudier: non plus que l'orateur Isocrates ne voulut oncques respondre à ceulx qui le pressoient de leur dire quelque chose de beau en banquetant, lesquels ne peurent iamais tirer de luy

„ autre chose sinon, Il n'est pas maintenant le temps D
 „ de ce que ie sçay faire : & ce dequoy il est mainte-
 „ nant le temps, ie ne le sçay pas faire. Alors Craton
 fescriant à haute voix, Et par le bon Dieu Bacchus,
 il feit tresbiẽ, dit il, de refuser à parler, s'il eust vou-
 lu vser de ses lôgues clauses & fascheuses trainnees
 de paroles, lesquelles eussent chassé & banny du
 festin toute grace, & tout plaisir. Mais ce n'est pas
 tout vn, à mon aduis, que d'oster d'un festin le lan-
 gage affecté de Rhetorique, & les propos de Phi-
 losophie, par ce que c'est toute autre chose que la
 philosophie, laquelle estant l'art qui nous monstre E
 cõment il fault viure, il n'est pas raisonnable de luy
 fermer la porte de ieu ny de volupté & passetemps
 quelconque, ains faut qu'elle y assiste & soit pre-
 sente à tout, pour nous enseigner le tẽps, le moien
 & la mesure qu'il y conuient obseruer, si nous ne
 voulons dire par mesme moien, qu'il ne faudra re-
 ceuoir en noz festins ny la iustice, ny la temperãce,
 ny les autres vertus, en nous mocquant de leur ve-
 nerable grauité. Or si nous deuions soupper au
 Palais de la Iustice, sans parler ne dire mot, comme
 lon fait au banquet du sacrifice d'Orestes, cela se- F
 roit à l'aduenture vne peu heureuse couuerture &
 excuse de nostre ignorance: mais s'il est ainsi que le
 Dieu Bacchus soit à bon droit surnommé Lysius
 ou Lydius, c'est à dire, deslieur de toutes choses, &
 principalement de la langue, à qui il oste le mors &
 la bride, & donne toute liberté à la voix & à la pa-
 role, ie pense que ce seroit vne grande sottise de
 priuer le temps, auquel on est plus emparlé & plus
 abon-

A abondant en paroles, de bons propos & de fructueux deuils, & de disputer aux escholes du deuoir qu'il fault obseruer és festins, & de l'office du festoyant, comment il se fault comporter à la table, & vouloir puis après oster de tout poinct la philosophie des banquetts & festins, comme ne pouuant confirmer de faict ce qu'elle enseigne de paroles. Et comme tu eusses alors dit, qu'il ne falloit point s'amuser à contredire en cela à Craton, mais qu'il falloit chercher à mettre quelque borne, & donner quelque forme aux propos de philosophie
 B que lon deuroit tenir à la table, pour euitter ce que lon a accoustumé de dire plaisamment à ceulx qui ont enuie d'arguer & de disputer quand il fault manger, pris des vers d'Homere,

Allez vous en pour ceste heure manger,

Et puis venez au combat vous ranger:

& m'eusses admonesté d'en dire mon aduis, ie me pris à deduire, qu'il me sembloit que lon deuoit premierement considerer, quelle estoit la compagnie du festin. Car s'il y auoit plus de gens de lettres que d'autres, comme fut celuy d'Agathon, où
 C estoient vn Socrates, vn Phedrus, vn Pausanias, vn Eryximachus, vn Callias, vn Charondas, vn Antisthenes, vn Hermogenes, & autres semblables à ceux la, nous les laisserôs philosopher en leurs propos, meslant & trempât Bacchus, non moins avec les Muses, qu'avec les Nymphes, qui sont les eaux, par ce que celles cy le font entrer doux & gracieux au corps, & celles la non moins courtois & agreable à l'ame. Car s'il y a quelque peu d'ignorans en-

tre plusieurs doctes & sçauans, comme des lettres **D**
muertes parmy des voyelles, encore participeront
ils à quelque voix qui ne sera pas du tout inarticu-
lee pour eulx, & y pourront apprendre quelque
chose: & si d'aduenture il y a grand nombre de ces
hommes qui aiment mieulx ouïr le chant d'un oi-
seau quel qu'il soit, ou le son d'une chorde ou d'un
bois, que non pas la voix d'un philosophe, alors
l'exemple de Pisistratus sera bon à pratiquer, le-
quel aiant quelque debat & different alencontre
de ses enfans, & s'apperceuant que ses ennemis en
estoient bien aises, il fait une assemblée de ville, en **E**
laquelle il dit au peuple, qu'il eust bien desiré pou-
voir tirer à soy & gagner ses enfans, mais puis
qu'ils n'y vouloient entendre, que luy mesme se
laisseroit gagner & mener à eulx. Aussi l'homme
docte & philosophe parmy des autres cōuiues qui
ne voudront point prester l'oreille à ses propos de
lettres & de philosophie, se rengera de leur costé,
& montrera de prendre plaisir à leur passetēps, en
tant qu'ils se pourront comporter, & qu'ils ne pas-
seront point les limites d'honesteté, sçachant bien
que les hommes ne peuuent monstrier & exercer **F**
leur eloquence qu'en parlant, mais qu'ils mōstrent
& exercent leur philosophie en se taisant mesme,
voire & en se iouant, & en se gaudissant des autres,
& endurant d'estre aussi gaudis. Car ce n'est pas
seulemēt une iniustice extreme, comme disoit Pla-
ton, que n'estant pas iuste faire semblant de l'estre:
mais est une prudence souueraine de philosopher,
& ne sembler pas philosopher, & en iouant faire
tous

A tous offices de ceulx qui font à bon escient. Car ainsi comme les Bacchantes en Euripide, sans armes & sans ferrement aucun, frappans avec leurs petits iauelots ceulx qui s'adressent à elles, les blef-sent: aussi les rencōtres, les mots de risée, & les jeux des sages & vrais philosophes esmeuent & corrigent aucunement ceulx qui ne sont pas du tout incorrigibles, ne si durs que rien ne les puisse entamer. Et puis il y a des côtes propres à faire en vne assemblée de festin, les vns que lon peut tirer des histoires escrites, les autres des affaires que lon a
B en main, contenant des exemples pour inciter les hommes, les vns à l'estude de la philosophie, les autres à la pieté & deuotion enuers les Dieux, aucuns à imiter des actes genereux & magnanimes, autres à faire œuures de bôté & d'humanité, par lesquels exemples qui pourroit secrettemēt & dextrement instruire ceulx qui boiuēt, sans ce qu'ils s'en apperceussent, deschargeroit le vin d'une grande charge de plusieurs vices qu'on luy impute: Or y en a il qui mettent des feuilles de bourache dedās le vin, & arrosent les planchez des sales où lon mange,
C d'eau là où aient trempé les herbes de la Verueine, & du Capilli Veneris, aians opinion que cela apporte quelque resiouissance, & quelque gayeté aux cœurs de ceulx qui sont au festin, pour imiter Heleine, laquelle ainsi que dit Homere, charmoit avec quelques drogues le vin de ceulx qui beuuoient & mangeoient avec elle, mais ils ne s'aperceuoient pas que ceste fable amenee depuis l'Egypte par vn grand circuit de long chemin, se

va terminant à la fin en propos honestes & bien D
 accommodez au temps & au lieu, par ce que He-
 leine leur raconte à table les traux d'Vlysses,

Ce qu'il a fait & souffert constamment

En se battant luy mesme rudement.

Car c'est cela que le poëte appelle Nepêthes, dro-
 gue qui garde de sentir mal, & qui charme la dou-
 leur, c'est à sçauoir vn parler discret qui se sçait bien
 accommoder aux affections, aux temps, & aux af-
 faires qui se presentent, mais les hommes aduisez
 & de bon iugement, encore que directement ils
 parlent de Philosophie, conduisent leurs propos E
 par voye doulce & amiable de persuasiō, plus tost
 que par force & contrainte de demonstration.
 Voiez vous comment Platon en son Conuiue, dis-
 courant de la fin derniere des actions humaines, &
 du souuerain bien de l'homme, & bref faisant du
 Theologien, il ne roidit point la preuue de sa de-
 mōstration, ny ne saupoudre point sa prise, en ma-
 niere de parler, comme il a accoustumé de faire ail-
 leurs, la rendāt ineuitable, ains induit les personnes
 avec des arguments plus lasches & plus mols, par
 certains exemples, & certaines fictions: & si fault F
 d'auantage que les matieres mesmes, non seulemēt
 les raisons, soient vn peu plus familieres, & les que-
 stions plus aisees, à fin qu'elles ne serrent & n'estrai-
 gnent par trop ceulx qui n'auront pas l'esprit trop
 aigu ne trop vif, & qu'elles ne les degoustent ny ne
 destournēt point. Car tout ainsi que lon a accou-
 stumé quand on veult esgayer & remuer vn peu
 les conuiez en vn festin, de les faire danser & baller
 seule-

A seulement: mais qui voudroit les faire leuer de table pour escrimer à oultrance, ou pour ietter la barre,& pour saulter,il rendroit son festin non seulement mal agreable aux conuiez, mais aussi nuisible & dommageable: Aussi les questions faciles & legeres exercent les esprits commodément & vtilement, mais il se faut abstenir & garder de disputes enuelopees & implicquees, qui estraignent comme couroyes,ainsi que parle Democritus,c'est à dire de questions noueuses, espineuses, difficiles à foudre & à desnouer, lesquelles trauaillent ceux mesmes qui les proposent, & faschent ceux qui les escoutent. Car il faut que comme le vin est cōmun en vn banquet, aussi les propos & matieres dont on parle soient intelligibles à tous, autrement ceux qui mettroient en auant des matieres ainsi sca-breuses, seroient aussi deraisonnables, & auroient aussi peu d'esgard à leur compagnie que la Grue & le Renard d'Æsope, par ce que le Renard aiant conuié à disner la Grue, luy presenta vn potage lié de febues passees, qu'il respendit dessus vne pierre platte & lissée, de sorte que la pauvre Grue n'en eut que l'ennuy de la honte & mocquerie, d'autant qu'elle ne pouuoit humer ce potage lié avec son bec qui estoit trop long & trop menu. Mais en reuanche la Grue l'ayant aussi conuié à son tour à disner, luy presenta la viande dedans vne bouteille qui auoit le goullet long & estroit, par lequel elle pouuoit facilement descendre son bec iusques au fond, & en faire bonne chere, mais le Renard n'y pouuoit atteindre pour en auoir sa

part. Aussi depuis que les hommes doctes à la table **D** se fondent en disputes espineuses, & questions entrelassées de Dialectique, que les vulgaires ne peuvent comprendre, ils s'en faschent : & eux de leur costé se mettēt ou à dire des chāsons, ou à faire des contes de la Cigoigne, & à tenir propos de leurs traficques & marchandises: alors tout le fruit & la fin de l'assemblée du festin se perd, & faict on iniure au Dieu Bacchus. Tout ainsi donc cōme quād Phrynicus & Æschylus destournerent premiere-
ment la Tragēdie, qui estoit à dire la chanson du bouc faite à l'honneur de Bacchus, en des fables, **E** & à esmouuoir des affections passionnees, on cōmença à leur dire, A quel propos cela, quand il est question de Bacchus? aussi m'est il venu souuent en pensēe de dire à ceux qui attirēt en vn festin le Sophisme, qu'ils appellēt le Maistre, Mes amis à quel propos de Bacchus cela? Car à l'aduenture que chanter mesme les chansons ordinaires des festins, que lon appelle Scolia, comme qui diroit, les tortues, estant encore la table au milieu, & la coupe dessus, les chapeaux de fleurs que le Dieu Bacchus nous met dessus les testes, pour signifier qu'il nous **F** donne toute liberté, n'est ny beau, ny honneste, ny bien seant à l'entiere franchise qui doit estre aux festins, combien que lon die que ces chansons la ne sont pas des carmes obscurs, ainsi qu'il semble que le nom de Scolia, qui signifie obliques & tortues, le veuille donner à entendre : mais c'est pour ce que iadis tous les conuiez chantoient premiere-
ment ensemble d'une voix, la chanson à la louange
de

A de Bacchus, & puis chascun à son tour chantoit à part : & bailloit on de main en main vne branche de Meurthe de reng à chascun, que lon appelloit *Æsacos*, pour ce qu'il touchoit, à mon aduis, à celuy *ὁ πρῶτος* qui la receuoit de chanter à tour de roolle. Et pour *οὗτος* ce mesme effect portoit on aussi de reng tout alentour vne Lyre, & qui en sçauoit iouer la prenoit & chantoit dessus : mais ceux qui n'entendoient rien en la musique, la refusoiet. Aussi pour ce que ceste maniere de chanter n'estoit pas cōmune ny facile à tous, elle en fut appelée Scolion. Les autres disent que la brāche de Meurthe n'alloit pas de reng tout alentour, mais qu'elle estoit portee de liēt en liēt, par ce que apres, que le premier du premier liēt auoit chanté, il l'enuoyoit au premier du second, & celuy la au premier du troisième, & puis consequemment le second au second : au moien dequoy, pour ceste varieté & obliquité tortue de telle reuolution, la chanson fut appelée Scolion.

Q V E S T I O N S E C O N D E.

C *si le festoiant doit luy mesme faire l'aſſiette des conuiez, ou ſ'il ſ'en doit remettre à leur discretion.*

M O N frere Timon, aiant vn iour conuié bon nombre de personnes, leur dit que chascun à mesure qu'ils entreroient prist place, & s'assit là où il vouldroit & comme bon luy sembleroit, par ce qu'il y auoit des estrangers, & des citoiens de

la ville, des voisins, des familiers, des parés & amis, **D**
& bref de toute sorte de gens qui auoient esté se-
monds: & cōme desia pour la plus part ils fussent
arriuez & placez, il y eut vn certain estranger bien
en poinct, comme l'amoureux d'vne Comedie, vn
peu trop excessif en curiosité de vestemens, &
suinte de vallets qu'il trainnoit apres luy, lequel
vint iusques à la porte de la salle: & apres auoir iet-
té sa veuë tout alentour sur ceux qui estoient à ta-
ble, il ne voulut pas entrer dedans, ains s'en retour-
na tout court: plusieurs coururent apres luy pour
le prier de reuenir & d'entrer en la compagnie, **E**
mais il respondit, qu'il ne voioit point qu'on luy
eust gardé place digne de luy. Ce qu'entendans
ceux qui estoient à table, dont plusieurs auoient
desia vn peu chargé, se prirent à dire avec gran-
des risees, qu'il le falloit

A la bonne heure en liesse & en ioye,

Hors la maison remettre sur sa voye.

Mais apres que le soupper fut acheué, mon pere
dressant sa parole à moy qui estois assis bien loing
de luy tout au bout: Timon, dit-il, & moy, t'auons
esleu pour iuge d'vn different que nous auons en-
semble. C'est que ie le blasme pieça & reprens à
cause de ce Seigneur estranger, par ce que si des
le commencement il eust ordonné de l'assiette,
ainsi que ie luy auois conseillé, nous n'eussions pas
esté condamnez d'estre peu entendus à donner
bon ordre par tout, mesmement par vn person-
nage qui scait

Gens de cheual en bataille ordonner,

A Et gens de pied à la guerre mener.

Car on dit que Paulus Æmilius, celui qui desfit le Roy de Macedoine, Perseus, apres sa victoire feit de beaux & magnifiques festins, esquels il obserua en toutes choses vn ordre & disposition merueilleuse, disant que d'vne mesme suffisance d'entendement dependoit & procedoit le sçauoir ordonner vne bataille bien formidable aux ennemis, & vn festin bien agreable aux amis: car l'vn & l'autre depend d'vn bon iugemēt, de sçauoir bien ordonner. C'est pourquoy Homere a accoustumé de nommer les plus vaillans & plus royaux hommes meritis mieux de commander, Ordonneurs de peuples. Et vous autres philosophes dites, que le grand Dieu ne feit que chāger le desordre en bon ordre, quand il crea le monde, sans y oster ny adiouster, ains colloqua seulement chascune chose en lieu & place qui luy estoit conuenable, donnant à la nature, qui parauant estoit sans forme quelconque, vne tres-belle forme. Et quant à ces doctrines la, dignes veritablement & grandes, nous les apprenons de vous: mais de nous mesmes nous voyons bien, que toute la despense que lon fait en vn festin n'a rien de delectable ny de gentil, sil n'y a bon ordre. Et pourtant est-ce vne vraye moquerie que les cuisiniers & maistres d'hostel prennent garde soigneusement, quels mets ils doiuent seruir les premiers, quels au milieu, & quels à la fin, & qu'il y ait temps ordonné pour les parfums & senteurs quand il les faut apporter, & pour les chappeaux de fleurs quand il les faut distribuer, &

pour ouïr chanter & baller la balladine fil y en a: D
 Et ce pendant que lon mette à la table pesse-messe
 ceux qui y sont conuiez, à l'adventure, ainsi comme
 ils viennent, pour les saouller & engraisser seulemēt,
 sans rendre ny à l'aage, ny à la dignité, ny à autre
 telle qualité le reng qui luy appartient: combien
 que par discrette distinction de rengs, celuy que
 lon prefere soit honoré, & celuy qui est mis au se-
 cond lieu apres s'accoustume par là à se contenter
 de raison: & celuy qui en fait l'ordonnance & la
 distinction s'exerce à distinguer & à iuger ce qui
 est bien seant à vn chascun selon son estat & de- E
 gré. Car on ne scauroit soustenir avec raison, qu'il
 doïue auoir rég à se seoir en vn conseil, ou à se tenir
 debout, plus ou moins honorable, selon l'estat &
 la dignité des personnes: & que pour se mettre à
 table il n'y en doïue point auoir, ny que le festoyāt
 doïue boire à l'vn premier qu'à l'autre: & que quāt
 à l'affiette de table il n'y doïue faire difference, n'y
 obseruer distinction quelconque, faisant d'vn fe-
 stin des le commencement vne Mycone, com-
 me lon dit en commun prouerbe, c'est à dire, vne
 meslange confuse. Voilà les raisons que mon pere F
 alleguoit. Mon frere à l'opposite respondoit, qu'il
 n'estoit pas plus sage que Bias, qui ne voulut onc-
 ques se constituer arbitre entre deux siens amis,
 encore qu'ils l'en requissent, pour se faire & com-
 mettre luy mesme iuge entre tant de parens, d'a-
 mis & d'autres, mesmement où il est question non
 pas d'argent, mais de preference & precedence,
 comme sil les auoit enuoyé semondre, non pour
 leur

A leur faire bonne chere, mais pour les fascher. Et si Menelaus feit iadis vne impertinence grande, tellement qu'il en est venu en commun prouerbe, quand il fingera sans estre mandé au conseil d'Agamemnon: à plus forte raison deura bien estre iugé plus impertinent celuy, qui au lieu de festoyât se constituera iuge & censeur de ceux qui ne l'en requierent point, & qui ne veulent pas que lon iuge d'eux s'ils sont pires ou meilleurs les vns que les autres, par ce qu'ils ne viennent pas en iugement pour ester à droit, ains au festin pour disner: oultre

B ce que la distinction n'en est pas aisée à faire, par ce que les vns precedent en aage, les autres en degré de parenté, les autres en amitié. Et faudra comme si lon estudioit vne leçon de comparaison, auoir tousiours le liure des Lieux d'Aristote, ou celuy des Precedences de Thrasymachus en la main, sans faire en cela rien qui soit vtile ny profitable, sinon au contraire de transferer vne vaine gloire touchant la preseñce du Theatre où lon sied à regarder les ieux, & de la place où lon se promene en l'assiette des festins, là où on tasche d'abatre

C & reprimer les autres passions de l'ame par la priuauté de la compagnie, remettre sus en ce faisant l'arrogance & l'orgueil, duquel à mon aduis on deuroit plus tost estudier & tascher à lauer son ame, que non pas ses pieds de la fange & de l'ordure, pour cōuerser priuément & ioyeusement ensemble à la table: là où maintenant nous taschons à oster aux conuiez quelque vieille dent d'inimitié pour quelque courroux, ou pour quelques affaires

qu'ils auroient eu ensemble, en les faisant manger **D**
 en vne mesme table: & au contraire, nous l'allons
 refueiller & rallumer par ambition, en abaissant
 les vns & exaltant les autres. Et si suiuant la prefe-
 rence que nous auons faicte en l'assiette, nous beu-
 uons plus souuent aux vns que non pas aux autres,
 & les faisons seruir de plus de viandes ou de meil-
 leures, si nous les caressons & parlons plus familie-
 rement & plus souuent à eux, ce sera lors vn ban-
 quet de Seigneur, & non pas de pareils amis. Mais
 si en toutes autres choses nous leur gardons &
 maintenons egalité, pourquoy est-ce que nous ne
 commençons des l'assiette incontinent à les ac-
 coustumer de se ranger & asseoir simplement &
 familièrement les vns avec les autres, quand ils
 verront des l'entree de la salle qu'ils serôt appelez
 democratiquement & populairement à vn soup-
 per, & non pas aristocratiquement & seigneuria-
 lement à vn Senar, estans les plus pauvres assis par-
 my les plus riches? Apres que ces raisons opposites
 eurent esté deduittes, & que toute l'assistâce m'en
 eut demandé ma sentence, ie dis qu'ayant esté esleu
 pour arbitre, & non pas pour iuge, ie passerois en-
 tre deux par le milieu. Car ceux qui festoient de
 ieunes gens leurs egaux, tous amis & familiers, il
 les faut accoustumer, comme dit Timon, à se por-
 ter simplement & rondement en quelque place
 que lon les mette, prenant ceste facilité pour vn
 entretien bien propre & conuenable à nourrir l'a-
 mitié. Mais si l'est question de traicter des estran-
 gers, ou des personnes constituees en dignité, ou
 des

A des vieillards, i'ay peur qu'en fermant la porte de deuant à la fierté & arrogance, nous ne luy ouuriôs la porte de derriere avec nostre indifference : & si faut encore conceder en cela quelque chose à l'usage & à la coustume, ou bien il faut que nous ostions toutes les caresses de parler aux conuiez, de les appeller & de boire à eux, desquelles façons nous vîons, non sans iugement, à la volée, enuers les premiers venus, ains avec le plus de discretion que nous pouuons, en les honorant

D'assiette honnestes, & de plus de viande,

B De couppe pleine & tousiours la plus grande, comme dit le Roy des Grecs en Homere, mettant la seance en premier degré d'honneur: aussi louons nous Alcynous de ce qu'il fait seoir son hôte au pres de luy en faisant leuer son propre fils

Laodamas assis aupres de luy,

Quoy que rien plus il n'aimast qu'iceluy.

Car de colloquer vn estrâger suppliant en la place de son fils mieux aimé, c'est vn acte de courtoisie, d'humanité & honesteté singuliere, & mesme parmi les Dieux est obseruee celle distinction de la seance. Car Neptune, quoy qu'il fust le dernier venu en l'assemblée, si prit il sa place au milieu du conseil, comme estant le lieu d'assiette qui luy appartenoit : & Minerue semble tousiours auoir de propre sur tous les autres le lieu proche de Iupiter, ce que le poëte nous monstre en passant, quand il dit, parlant de Thetis,

Elle s'assit pres Iupiter, de grace

Pallas cedé luy auoir telle place.

Mais Pindare encore plus expressement: D

Estant assise tout ioignant

De Iupiter en main tenant

La foudre dont sort feu & flamme.

Toutefois Timon dit, qu'il ne faut pas oster ce qui appartient aux autres, mais c'est luy mesme qui le fait: car celuy l'oste, qui rend cōmun ce qui est propre. Or n'est il rien si propre à chascun que le merite de sa dignité, & en donnant à la vitesse, & à celuy qui se haste le plus, la prestance qui est deuë à la vertu, à l'aage, à la parenté, à l'office & magistrat, ou autres telles qualitez, en cuidant fuir d'estre fascheux à ceux qu'il a conuiez, il attire d'autant plus la fascherie sur luy: car il les fasche en priuant chascun d'eux de l'honneur qu'il a meritē ou accoustumē d'auoir. Et quant à moy, il ne me semble pas qu'il soit si fort difficile qu'il dit, de faire ceste distinction: car premierement il ne se rencontre pas souuent que plusieurs, en pareil degré de dignité, soient conuiez en vn mesme festin: & puis y aiant plusieurs lieux honorables, il y a moien d'en departir à plusieurs, qui a bon iugement, l'vn pource qu'il est le premier, l'autre pource qu'il est au milieu, vn autre pource qu'il l'aura mis aupres de luy, ou bien d'vn sien amy, ou d'vn sien familier, distribuant ainsi les lieux à chascune des personnes colloquées en quelque dignité: aux autres ie laisse le moien de les contenter de quelques presens, & de quelques priuautez & caresses plus que d'honneur. Mais si les merites & dignitez sont si malaisez à distinguer, & les personnes difficiles à contenter, re-

garde

A garde de quel engin ie me fers en tel cas. S'il y a vn pere, ie le vous vay prédre par la main, & le couche au plus honorable lieu, ou fil y a vn grand pere, ou vn beau pere, ou vn oncle, ou quelqu'un qui soit Sénateur au mesme Senat, Cōseiller au mesme cōseil, ou qui ait pareille prerogatiue d'honneur, que celuy qui fait le festin, prenant ceste reigle la de iuger des offices és liures d'Homere, au lieu où Achilles voiant Menelaus en dispute du second pris de la course des cheuaux alencontre d'Antilochus, & craignant que leur courroux & leur debar ne passast plus outre, il veut donner le pris à vn tiers, faisant semblant de parole d'auoir pitié de Eumelus, & de l'en vouloir honorer: mais en effect c'estoit pour oster la cause du differēt des deux autres. Comme i'acheuois de dire ces paroles, mon frere commença à crier tout haut, suiuant sa coustume, de dessus vn petit liēt bas, où il estoit assis, demandant à l'assistance qu'ils luy donnassent congé de bailler vn peu de reprimende à ce beau iuge qui resuoit: & comme chascun luy dit qu'il poulsast hardiment, & qu'il n'espargnast personne: Et qui seroit celuy la, dit-il, qui espargneroit vn philosophe, lequel distribue les lieux d'assiette en vn festin, cōme il feroit en vn theatre, pour veoir les ieux, selon les parentez, les alliances, les richesses, les estats, ne plus ne moins que fil ordonnoit les seances, pour opiner en l'assemblée des estats des Amphictyons, à fin que non pas à la table mesme en beuuant nous ne nous peussions depestrer de l'ambition, & de la folle conuoitise d'honneur:

Car il ne faut distribuer les places à la table selon **D** les degrez d'honneur, mais selon ce qui est plus au gré des seans, ny regarder à la dignité de chascun, mais à l'affection, l'habitude & conuenance de l'vn enuers l'autre, comme lon fait és autres choses que lon assemble en vne commune conionction. Car le bon Architecte ne met pas le marbre Attique, ou le Lacedemonien, le premier en œuvre, & deuant le barbaresque, pource qu'il est le plus noble: ny le bon peintre ne donne pas la principale place de sa peinture à la couleur qui est la plus riche, ou qui couste le plus: ny le charpentier & mai- **E**stre ouurier de nauires n'employe pas deuant tous autres bois, en la fabricque d'une nauire, le Pin de Peloponese, ou le Cyprés de la Candie: mais ils distribuent chascune matiere, selon qu'estant assemblee & ioincte l'une à l'autre, elle doit rendre le commun ouurage plus beau, plus fort & plus utile: ne plus ne moins que tu vois que Dieu, lequel nostre Pindare appelle maistre ouurier, ne met pas tousiours le feu au dessus, ny la terre au dessous, mais ainsi & selon que l'usage des corps le requiert, comme dit Empedocles en ces vers, **F**

Conques de mer & coquilles voutees
De doz pesans, & Tortues croustees
De tests massifs aussi durs comme pierre,
Dessus leurs corps monstrent auoir la terre:
non pas au lieu ny en la place que la nature leur a ordonnee en la constitution de l'vniuers, mais celui que requiert l'ouurage commun, auquel elle est employee. Or est le desordre & la cōfusion par tout

A tout fort mauuaife, mais quand elle se met parmy les hommes, mesmement qui boiuent ensemble, elle fait veoir sa mauuaistié par insolences, outrages, & autres maux que lon ne sçauroit ny compter ny estimer, lesquels preuoir & y remedier est office d'homme entendu en matiere de police, d'ordre & d'harmonie. Nous respondismes adôcques tous : Mais pourquoy, enuies-tu à la compagnie ceste science d'ordre, de proportion & d'harmonie, que tu ne la nous communicates? Il n'y a, dit-il, point d'enuie qui m'en engarde, prouueu que vous me vouliez croire, & obeir en ce que ie remueray & changeray en l'ordre du festin, ne plus ne moins que feroit vn Epaminondas, qui redresseroit l'ordonnance d'une bataille mal ordonnee. Nous luy permismes adonc tous de le faire ainsi. Et luy aiant premierement fait sortir tous les vallets & esclaves de la salle, regardant vn chacun de nous au visage: Escoutez, dit-il, comment ie vous veux renger & ordonner les vns avec les autres, car ie vous en veux deuant aduertir, pour ce qu'il me semble que le Thebain Pammenes reprochoit Homere iustement & avec bonne raison, disant qu'il n'entendoit rien à ordonner gens en bataille, par ce qu'il met & renge ensemble ceux de mesme nation, de mesme race, & de mesme sang, là où il ne falloit que ioindre ensemble l'aimant avec l'aimé, à fin que toute la bataille fust incitée & poussée d'un mesme esprit, estant attachee d'un lien vif & animé. Et c'est que ie veux faire tout de mesme en vostre festin, non pas accou-

pler à la table vn riche avec vn autre riche, ny vn ieune avec vn autre ieune, ou vn officier aupres d'un officier, & vn amy ioingnant vn amy, par ce que telle ordonnance est morte, en maniere de dire, & n'a vigueur ny viuacité quelcōque, pour imprimer & augmenter vne ardeur de bienveillance des vns enuers les autres : mais accommodant celuy qui a besoing avec celuy qui a ce qu'il luy faut, ie veux asseoir aupres d'un homme sçauāt vn autre studieux, aupres d'un fascheux & malaisé vn doux & patient, aupres d'un vieillard grand conteur vn ieune homme desireux d'ouir, aupres d'un grand venteur vn flattant moqueur, aupres d'un cholerique vehement vn taciturne & peu parlant : si ie voy quelque riche & puissant homme liberal à donner, ie feray leuer de quelque coing vn bon pauvre homme pour l'approcher de luy, à fin qu'il se face comme quelque defluxion d'une couppe pleine en vne vuide : mais ie me dōneray bien garde de mettre aupres d'un Sophiste vn autre Sophiste, ou vn Poëte & Retoricien aupres d'un autre : car comme dit le vieux prouerbe d'Hesiodé,

Toufiours vn pauvre est de l'autre enuieux,

Vn chantre voit l'autre de mauuais yeux.

Combien que ces deux icy Sosicles & Modestus, cōfirmās alternatiuemēt les propos l'un de l'autre,

Ne soufflent pas la flamme languissante,
ains s'accordent tresbien ensemble. Ie separe aussi ceux qui prennent les gens à la gorge, les iniurieux, ceux qui sont prompts & soudains en leurs cholerés, mettant toufiours quelqu'un de gracieuse
humeur

A l'humour entre eux deux, pour les amollir, & les engarder que de leur dureté ils ne s'entrefroissent: au contraire, ie mets ensemble & approche les vns des autres ceux qui aiment la lutte, & les autres exercices du corps, ceux qui aiment la chasse ou l'agriculture. Car il y a deux sortes de similitude, l'une qui est hargneuse & querelleuse, comme celle des coqs: l'autre amiable, comme celle des geais: aussi mets-je les vns aupres des autres les bons compagnons qui boient volontiers, les amoureux, non seulement ceux

B Qui ont d'amour l'aiguillon masculin, comme parle Sophocles, mais aussi ceux qui sont saisis de l'amour de filles ou de femmes, d'autant qu'estans eschauffez d'un mesme feu, ils s'attacheront & se prendront plus aiseemēt les vns aux autres, ne plus ne moins que le fer que lon soulde, j'entends prouueu qu'ils n'aimēt point en mesme lieu.

Q U E S T I O N T R O I S I E M E .

C *Pourquoy est-ce que la place que lon appelle Consulaire, à la table est tenue pour honorable.*

A Pres cela on commança à deuiser des lieux & places de l'assiette, comme les vns sont tenus pour honorables en vn païs, & les autres en autres. Entre les Perses le plus honorable est celuy du milieu, auquel se sied le Roy: entre les Grecs, le premier: & entre les Romains le dernier du liēt du milieu, que lon nomme communément le lieu

Consulaire: comme au contraire, entre quelques
 Grecs habitans au païs de Pont, nommeement en-
 tre ceux d'Heraclee, le premier lieu du liēt qui est
 au milieu, est le lieu d'honneur. Mais nous fusmes
 principalement en doute touchant le lieu que lon
 appelle Consulaire: car c'estoit de nostre temps ce-
 luy que lon tenoit pour le plus honorable: ce qui
 n'estoit ny pour estre le premier, ny pour estre le
 milieu, comme les autres. Et d'avantage des quali-
 tez que lon remarquoit en iceluy, les vnes ou ne
 sont pas propres à luy seul, ou ne me sembloient
 pas estre d'aucune importance, toutefois il y auoit
 trois raisons, entre celles que lon alleguoit, ausquel-
 les nous nous arrestions le plus. La premiere estoit
 que les Consuls aians defaict & chassé les Roys
 de Rome, & chageans toutes choses en façon plus
 populaire, se retiroient de la place Royale du mi-
 lieu vers le bas, à fin que iusques à ce regard de se
 demettre de la place qui leur appartenoit, ils eui-
 tassent toute occasion de rendre leur autorité &
 puissance odieuse, à ceux qui conuersoient avec
 eux. La secōde raison estoit, que les deux premiers
 liēts estans destinez pour les conuiez au festin, le
 troisiēme & le premier lieu d'iceluy appartient
 proprement à celuy qui fait le festin. Car il est pla-
 cé en lieu fort à propos, comme vn chariton en vn
 chariot, ou vn pilote en vne nauire, pour voir tout
 l'ordre du seruice, & n'est pas trop loing des autres
 liēts pour pouuoir entretenir & caresser la cōpa-
 gnie: car des lieux plus prochains de luy, celuy d'au
 dessoubs est coustumieremēt ou pour sa femme ou
 pour

- A pour ses enfans, & celuy d'au dessus est ordinairement destiné au plus honorable personnage de ceulx qui sont conuiez, à fin qu'il soit aupres du festoiant. La troisieme raison & propriété que sembloit auoir ce lieu là est, que lon le trouuoit bien à propos & commode pour ceulx qui ont des affaires: car le Consul des Romains ne fait pas comme fait iadis Archias le Capitaine des Thebains, si on luy apporte ou lettres ou nouuelles & aduertissement d'importance, fust-ce au milieu du soupper, il ne crie pas tout haut, à demain matin les affaires:
- B & ne reiette pas le pacquet de lettres pour prédre la couppe de vin. Car non seulement ce que lon dit en commun prouerbe,

La nuict apporte à tout Pilote sage,

- Tousiours la peur de tourmente & orage:
mais aussi tout plaisir de festin & d'autres passe-temps à vn sage Capitaine & homme de gouuernement requiert qu'il ait tousiours l'œil au guet. A celle fin doncques qu'il puisse tousiours entendre ce qu'il faut commander & signer, ou soubcrire, si est besoing, on luy a attribué ce lieu là, auquel
- C estant le second liêt ioinct d'vn tenant au premier, l'encoingneure laisât vne espace ouuerte en tournant, donne moien & à vn secretaire, & à vn sergent, & à vn garde-corps, & à vn messenger venant du camp de s'approcher pour parler à luy, & pour l'interroguer sans que personne l'empesche, ne que luy aussi empesche personne des conuiez, ains a & la voix & la main fort libre à son commandement.

LE PREMIER LIVRE
QUESTION QUATRIEME.

D

*Quel doit estre celuy qui est esleu pour
maistre du festin.*

M On gendre Craton & Theon mon familier estoient avec nous en vn festin, auquel il se commança à faire quelque insolence d'yurongnerie, laquelle toutefois fut incontinct appaisée, mais cela leur donna matiere & occasion de parler de la presidence & maistrise des festins, dont on vsoit anciennement, disans qu'il falloit que ie meisse sur ma teste la courōne, & ne souffrisse point que l'ancienne coustume de creer vn Roy ou gouuerneur du festin pour y donner l'ordre en toutes choses, & empescher que nul desordre ne s'y meist, s'en allast par desaccoustumâce faillir de tout point, & qu'il falloit que ie la remeisse sus, & la feisse reuenir en vsage. Autant en sembla il à tous ceulx de la compagnie, de maniere qu'il se leua vn bruit de toute la troupe, qu'ils me prioient bien fort de le vouloir ainsi faire. Puis doncques, dis-ie lors, que vous estes tous de ceste opinion, ie m'ellis moy mesme president & maistre de ce festin, & ordonne à tous autres, que pour le present ils boient à leur discretion, ainsi comme il leur plaira : Mais quant à Craton & à Theon, qui ont les premiers mis en auant ce propos, ie leur enioins de nous esbaucher sommairement en peu de paroles quel doit estre ccluy que lon eslit pour presider en vn festin, & à quelle fin il doit viser, & comment il s'y doit comporter

A porter enuers ceulx qui l'ont esleu, & leur permets de diuiser entre eulx deux la charge à leur discretion. Si en feirent les susdits vn peu de refus du commencement, prians qu'on les en excusast, toutefois voians que tous les assistans leur crioient qu'ils obeissent au maistre, Craton le premier se prit à dire, qu'il faut que celuy qui commande aux gardes soit luy mesme de bien soigneuse & diligente garde, ainsi que dit Platon : aussi fault il que celuy qui commande à ceulx qui sont conuiez pour faire bonne chere, soit luy mesme homme de fort bonne chere. Or sera il tel, prouueu qu'il ne soit point ny facile à se prendre de vin, ny trop difficile aussi à boire : ains comme Cyrus escriuoit iadis aux Lacedemoniens, que en toutes autres choses il estoit plus digne d'estre Roy que son frere, & mesmement en ce qu'il portoit mieulx grande quantité de vin que luy ne faisoit. Car celuy qui s'enyure deuiet insolent & oultrageux en son yurongnerie, & aussi celuy qui ne boit point du tout, & est trop sobre, n'est point ioyeux, & est plus apte à seruir de pēdagogue que de maistre de beueurs. Or Pericles toutes les fois qu'il sortoit de sa maison, aiant esté esleu Capitaine general d'Athenes, en prenant son manteau ducal, deuant que le vestir il disoit ainsi en soy mesme, pour rafraischir sa memoire: Pren garde à toy, Pericles, tu commandes à des hommes libres, tu commandes à des Grecs, tu commandes à des Atheniens: Aussi faut il que nostre maistre de festin die ainsi en soy mesme, Tu commandes à des amis, à fin qu'il ne leur permette

ny de faire aucune chose deshoneste, ny aussi il ne leur oste point leur plaisir: car il faut qu'il soit & amy de leurs serieuses vacations, & non ennemy de leurs ieux & plaisirs, ains bien temperé & pour l'un & pour l'autre: bien faut il que de son naturel, comme le bon vin, il soit vn peu plus enclin à l'austerité, d'autant que par ce moien le vin reduira & ramenera ses meurs au milieu de la mediocrité en le destrempant & le rendant vn peu plus ioyeux & plus facile. Car comme Xenophon disoit, que la triste seuerité de Clearchus & son aspreté sembloit plus gaye & plus gracieuse quand il falloit combattre, à cause de son asseurance: aussi celui qui n'est point de nature aigre ny maling, mais seulement graue & seuer, en beuuant s'esgay, & se relasche vn peu, tellement qu'il en deuiet plus amiable; d'auantage il faut qu'il ait sur tout par experience cogneu quel est chascun des conuiez, quel changement il prent en beuuant, en quel accident ou passion il est enclin à tomber, & comment il porte son vin. Car s'il y a temperature propre de chascune sorte de vin avec l'eau, laquelle les sommeliers des Princes & des Roys sçauent bien discerner, & à ceste cause en versent dedans le vin tantost plus & tantost moins d'eau: par plus forte raison y doit il auoir meslange de l'homme avec le vin, laquelle il faut que le maistre du festin cognoisse, & la cognoissant qu'il l'observe, à fin que comme le bon Musicien roidissant l'un & le faisant boire d'auantage, & laschant l'autre en l'espargnant, il amene & reduise les natures differentes en vne mesme egalité

A lité & consonance, ne mesurant pas l'egalité à la coupe ny au verre, ains à la mesure de l'aage & à la force du corps, selon ce qui sera propre & conuenable à vn chascun. Et si d'aduenture cela est trop malaisé à sçauoir, de cognoistre toutes ces particularitez la, pour le moins est il conuenable qu'il sçache les choses generalles des complexions & des aages: comme, pour exemple, que les vieillards s'enyurent plus tost & plus facilement que ne font les ieunes, ceulx qui sont en mouuement continuel que ceulx qui sont reposez & rassis, les

B ristes & chagrins que les gays & ioyeux, ceulx qui sobrement vsent des femmes, que ceulx qui excessiuelement y sont dissolus. Car celuy qui cognoistra cela, sera certainement plus idoine à maintenir honesteté, ordre & concorde en vn festin, que celuy qui n'y entendra rien. Outre plus il n'y a personne qui n'entende tresbien qu'il fault que le maistré du festin soit bien affectionné, & porte bonne volonté à tous les conuiez, & qu'il n'ait ny haine decouuerte ny secrette malueillance contre pas vn, autrement il ne sera ny supportable s'il cōmande,

C ny equitable s'il distribue, ny agreable s'il se iouë. Voyla, ce dit Craton, seigneur Theon, mon maistré de festin, que ie te liure formé de paroles comme de cire. Et ie le reçooy vrayement, respondit Theon, pour beau & bien formé ainsi qu'il appartient pour gouuerner vn festin, mais ie ne sçay si i'en vseray à tout faire, & si en ce faisant ie gasteray point son estat. Toutefois ie m'asseure que s'il est tel que tu l'as descrit, il sçaura bien ordōner & gou-

uerner vn festin, & ne souffrira point qu'on en face
 tantost vne assemblee de ville, tantost vne escole
 de Rhetorique, tantost vn berland à iouer aux dets,
 tantost vn eschaffaut à voir iouer Comedies, ou à
 ouir chanter & baller. Ce que ie dis parce que
 vous en voiez ordinairement qui en vn festin font
 des harengues, comme s'ils estoient en vne assem-
 blee de peuple pour prescher, les autres qui plai-
 dent comme s'ils estoient deuant des iuges, les au-
 tres s'exercent pour parler en public, ou bien reci-
 tent leurs compositions pendant que lon est à ta-
 ble: les autres entreprennēt de iuger quels farceurs
 auront le miculx ioué, cōme s'ils en estoient esleus
 iuges pour en sentencier. Qui pis est, Alcibiades
 & Theodorus feirent du festin de Polytion vn my-
 stere, y representant par mocquerie les torches &
 cierges que lon porte quand lon mōstre les saincts
 secrets des mysteres, dont vn bon maistre de festin
 n'endurera rien par nonchalance, ains dōnera lieu
 seulement aux propos, aux spectacles, aux ieux &
 aux passe-temps qui tendent à la fin, pour laquelle
 on doit faire les festins, qui est d'engendrer ou aug-
 menter amitié entre les conuiez par le moien du
 plaisir de māger ensemble, par ce que le festin n'est
 autre chose qu'une resiouissance de table, tendāt à
 fin de cōtracter amitié, par le moien du plaisir que
 lon a de boire & manger en compagnie. Mais
 pour autant qu'en toutes choses la varieté plaist, &
 la nature s'esjouit en la diuersité, & au contraire la
 simple vniformité tousiours mesme, saoule & fas-
 che incontinent, comme à l'opposite, la meslange
 de

A de varieté appliquee opportunément en temps & lieu oste ce qui offense le plaisir, & qui contriste le profit : à ceste cause le maistre du festin cherchera de donner aux conuiez quelque passe-temps & deduict melle parmy le boire & le manger. Or entens-ie dire à tout le mode que le pourmener au long de l'eau, & le nauiger au long de la terre sont les plus plaisans : aussi conioindra il tousiours l'affaire avec le ieu, & le profit avec le plaisir, à fin que & en iouant ils facent aucunement à bon escient, & en faisant à bon escient ils se recreent de voir le ieu : ne plus ne moins que ceulx qui sont malades, & rendent leur gorge sur la mer, reprennent leurs esprits quand ils voient de pres la terre, aussi peult on bien profiter en riant, & rire en profitant, & rendre vn affaire plaisant. Car comme dit le commun prouerbe,

Parmy chardons & espineux halliers

Naissent les fleurs des tendres violiers.

Mais toutes ces autres manieres de ieux, qui sans aucun profit se ruent insolentement à trauers les festins, il commādera bien expressément aux conuiez de s'en abstenir, de peur que sans s'en prendre garde ils ne deuient furieux & oultrageux, comme ceulx qui ont pris du ius de l'herbe nommee febue de porc, autrement hyuscyame, avec leurs beaux commandemens que lon appelle commandemens de vin : comme, pour exemple, quand on commande à des begues de chanter, ou à des chauues de se peigner, ou à des boiteux de saulter sur vn pied : comme lon commanda quelquefois par

mocquerie en vn festin où estoit Agamestor philosophe academique, lequel auoit vne cuisse toute eticque & pourrie, que tous ceux de la compagnie se tenans debout sur le pied droit beussent chacun vn pot de vin, autrement qu'ils payeroient certaine somme d'argét pour l'amende. Mais quand le droit de commander à tour de roolle fut venu à luy, il feit commandement que tous eussent à boire en la mesme sorte & maniere qu'ils le verroient boire. Si feit apporter vn vaisseau de terre qui auoit le goulet fort estroict, & mettant sa iambe eticque & diminuee de maladie dedans, il beut : & tous les autres, apres auoir essayé, cognoissās qu'ils ne pouuoient faire comme luy, furent tous contrains de payer l'améde. En quoy cest Agamestor fut gentil, car il faut ainsi faire ses reuanches ioyeuses & faciles à accomplir, & s'accoustumer à vser de commandemens qui tendēt à plaisir & à profit tout ensemble, en commandant à chascun ce qui luy est propre & facile, & mesme qui est pour luy faire honneur: comme à ceulx qui ont bonne voix & sont musiciens leur commandant de chāter, aux Rhetoriciēs de declamer, aux Philosophes de soul- dre quelque difficulté, aux Poētes de monst- rer quelques vers siens : car vn chascun prend plaisir à se laisser mener, & va volontiers à ce en quoy il se sent plus excellent. Or le Roy des Assyriens proposa iadis, à son de trompe par la voix du herault, vn pris à qui pourroit inuenter quelque nouuelle sorte de volupté : mais le Roy & gouuerneur d'un festin feroit gentimēt, s'il proposoit vn pris & loyer à qui

A à qui pourroit innéter quelque nouveau ieu hon-
 nesté où il n'y eust point d'insolence, quelque dele-
 ctation profitable, & vn ris qui n'approchast point
 de petulance ny de villenie, ains qui eust grace &
 plaisir : car c'est là où se perdent la pluspart des fe-
 stins, & y font naufrage, n'estans pas regis & gou-
 uernez ainsi qu'il appartient. Mais c'est faict en
 homme prudent & sage de sçauoir bien euitier la
 male-grace & le mauua'is bruit que lon acquiert
 aux marchez par avarice, aux ieux des exercices du
 corps par opinia'streté, aux brigues des offices par
 ambition, & és festins par telles manieres de ieux :

Q V E S T I O N C I N Q V I È M E.

*Comment se doit entendre ce commun dire,
 l'Amour enseigne la musique.*

O N meit vn iour en dispute chez Sossius Sene-
 cion, comment se deuoit entédre ce commun
 dire d'Euripide,

Amour enseigne à l'homme la musique,

e Quoy qu'il n'en eust deuant nulle prattique :
 apres que lon eut chanté quelques vers Saphi-
 ques, esquels le poëte Philoxenus dit, que le Cy-
 clops geant Polyphemus cōsoloit son amour auec
 les Muses aux belles voix. Si fut allegué que l'a-
 mour est habile & apte à rendre l'homme hardy,
 auantureux, & prompt à entreprédre toutes nou-
 uelletez, ainsi comme Platon mesme l'appelle en-
 trepreneur de toutes choses : Car il rend babillard

celuy qui parauant estoit morne & taciturne, grand courtisan & poursuiuant celuy qui parauant estoit honteux, diligent celuy qui estoit paresseux & negligent: &, qui encore fait plus à esmerueiller, vn chiche, tacquin & mecanique, depuis qu'il vient à donner dedans l'amour, s'amollit, ne plus ne moins que le fer dedans le feu, & deuient plus liberal, plus courtois, & plus gracieux que de coustume: de maniere que ce commun dire ne semble pas impertinent, *Que la bourse d'un amoureux ne ferme que avec des feuilles de poireaux.* On allegua aussi que l'amour ressemble à l'yurelle, d'autant que l'un & l'autre rend les personnes chaudes, gayes, resiouyes & ouuertes, & depuis que les hommes sont deuenus tels, ils se laissent facilement aller à chanter, à rythmer, & à faire des vers. Aussi dit on, que le poëte Æschylus composoit ses Tragedies en beuuant, quand il estoit bien eschauffé du vin. Et Lamprias nostre grand pere se monstroit plus docte, plus aigu, & plus riche en inuentiôs quand il auoit beu, qu'il ne faisoit en tout autre temps, disant qu'il ressembloit à l'encens, à qui la chaleur fait rendre ce qu'il a de bonne odeur. Et s'ils prennent grand plaisir à voir leurs amours, ils n'en prennent pas moins à les louer qu'à les regarder: car l'amour de soy mesme estant babillard en toutes choses, il l'est encore plus à louer ce qu'il aime, d'autant qu'ils veulēt persuader aux autres ce qu'ils se persuadent premierement à eulx mesmes, qu'ils n'aiment rien qui ne soit parfait en beauté & en bonté, & veulent que d'autres leur en portent tesmoignage. Ce fut

A fut ce qui induisit le Lydien Candaules à tirer Giges iusques dedans sa chambre, pour luy faire voir la beauté de sa femme nuë. Voyla pourquoy fils escriuent les louanges de ce qu'ils aiment, ils les accoustrent & embellissent encore de vers, de chants & de mesures, à fin qu'elles en soient plus volontiers ouyes & mieux retenues de plus de gens. Car fils donnent vn cheual, ou vn coq, ou autre chose quelle que ce soit, ils veulent premierement que leur present soit beau de soy, & puis bien proprement & exquisement accoustré : mais sur tout fils **v**iennent à les flatter par escript ou de paroles, ils veulent qu'elles coullent doucemēt, qu'elles soient braues & releuées de figures, comme est ordinairement le stile des poëtes. Sossius approuuant toutes ces raisons y adiousta, qu'à l'aduenture ne le prendroit il pas mal, qui tireroit ces raisons de ce que Theophrastus a laissé par escript touchant la musique. Car il n'y a gueres que i'en ay leu le liure, là où il dit, qu'il y a trois principes de la musique, la douleur, la volupté, & le rauissēmēt d'esprits : desquelles trois causes chascune plie & destourne **c** vn peu la voix de son ordinaire, par ce que les douleurs apportent coustumierement quand & elles des plaintes, qui facilement se glissent en chant. C'est pourquoy nous voions que les Orateurs en leurs perorations & conclusions de leurs harengues, & les ioueurs de Comedies & Tragedies, quand ils viennent à faire des regrets, approchent leur voix peu à peu de la façon de chanter, & la renforcent : & les grandes & vehementes

ioyes de l'ame souleuent tout le corps, mesme de
ceulx qui sont vn peu legers de leur nature, & les
prouoquent comme insensez à saulter & danser, &
plaudir des mains s'ils ne peuuent baller,

En se secouant de furie,

Auec forcenee crierie,

Le col & la teste croslans,

comme dit Pindare. Mais ceulx qui sont vn peu
plus graues & plus rassis, se trouuans espris de telle
ioye, laissent seulement aller leur voix iusques à
parler hault, & dire des chansons. Et sur tout le ra-
uissement d'esprit ou inspiration diuine, qui s'ap-
pelle Enthusiasme, iette & le corps, & l'ame, & la
voix hors de son ordinaire. C'est pourquoy les
Bacchantes esprises du rauissement de Bacchus v-
sent de cadences mesurees en leurs mouuements,
& ceulx qui par inspiration prophetique rendent
les oracles, respondent en carmes, & voit on peu
de personnes furieuses & maniaques, qui parmy
les follastreries qu'ils font, ne chantent & ne disent
des vers. Cela estant ainsi, si vous voulez mainte-
nant desployer l'amour, & le considerer vn peu de
pres à descouuert, à peine trouuerez vous vne autre
passion qui ait ny les douleurs plus aigues, ny les
ioyes plus vehementes, ny de plus grandes extases
& rauissements d'esprit hors de soy mesme, ains
descouurirez que l'ame d'un amoureux est comme
la ville que descriit Sophocles en son Oedipus,

Pleine de pleurs & de gemissemens,

De chants de ioye, auec encensemens.

Parquoy ce n'est pas de merueille ny chose estran-

A ge, si l'amour contenant & comprenât en soy toutes les causes primitiues de la musique, la douleur, la ioye & le rauissement d'esprit, il est en toutes autres choses diligent, grand causeur, & mesmement enclin à faire vers, & chanter chansons, autant ou plus que nulle autre passion qui puisse entrer dedans le cœur de l'homme.

Q U E S T I O N S I X I E M E .

*si le Roy Alexandre de Macedoine
estoit grand beuveur.*

L On tenoit vn iour propos d'Alexãdre le grand, qu'il ne beuuoit pas beaucoup, mais qu'il demouroit longuement à table, & passoit le temps à deuiser avec les amis : Mais Philinus monstroït par escrouës de sa despense, & papiers iournaux de sa maison, que ceux qui l'asseuroiēt ainsi ne sçauoient pas bien ce qu'ils disoient, par ce que souuent & ordinairement on y trouue, Ce iour la fut le Roy emporté dormãt de la table, & quel quefois le iour ensuyuant encore aussi. C'est pourquoy il n'estoit pas si chaud ne si aspre apres les femmes, mais bien estoit il prompt à la main & courageux, qui sont indices de chaleur interieure : & trouue lon escrit que sa chair rédoit vne odeur fort souëfue, de maniere que ses chemises & vestemens mesmes en estoient remplis de bonne odeur, comme s'ils eussent esté parfumez. Ce qui semble aussi estre argument & signe de chaleur, comme nous voions

que les plus chaudes & seiches regions sont celles **D**
 qui portent la cynamome & l'encens, suiuant ce
 que dit Theophraste, que la souefue odeur proce-
 de de la parfaicte concoction & digestion de l'hu-
 midité, quand par la chaleur l'humeur superflue en
 est de tout poinct chassée. Si semble que ç'ait
 esté la premiere cause pour laquelle Callisthenes
 fut en sa male grace, pour ce qu'il alloit enuis soup-
 per chez luy, à cause qu'il luy falloit boire d'autant:
 Car on dit qu'une fois la grande couppe, que lon
 surnommoit la couppe d'Alexandre, estant venue
 par tour iusques à luy, il la repoulsa, & ne la voulut
 point boire, disant, Je ne veulx point pour boire en
 Alexandre auoir besoing d'un Æsculapius. Voyla
 ce qui fut dit alors du beaucoup boire d'Alexandre.
 Au demourant Mithridates, celuy qui feit la guerre
 aux Romains, entre autres ieux de pris qu'il or-
 donna, en feit vn de ceux qui beuroient le mieulx,
 & qui mangeroient le plus, & dit on qu'il gaigna
 le pris de l'un & de l'autre, tellement qu'il beut &
 mangea plus qu'homme qui fust de son temps, à
 l'occasion dequoy il fut publicquement surnom-
 mé Dionysius. Mais nous disons que cela est vne
 des choses que lon a creuës temerairement, i'entens
 de la cause de ce surnom, par ce qu'estant enfant au
 berceau la foudre brussa ses langes par dessus, & ne
 toucha point à son corps, sinon entant qu'il luy en
 demoura vne petite marque de feu sur le front, que
 ses cheveux luy couuroient tant qu'il fut enfant:
 mais depuis estant ia tout homme, la foudre tom-
 ba derechef en sa chambre ainsi qu'il dormoit, &

A ne l'atteinait point quant à luy, mais passant à tra-
uers sa trouffe de flefches qui estoit pendue au che-
uet de son liêt, elle brusla les flefches qui estoient
dedans : ce que les deuins interpreterent signifier
qu'il seroit vn iour puissant de gens de traict, ar-
mez à la legere : mais depuis la commune le sur-
nomma Dionysius, à cause de la similitude de pa-
reils accidents de foudre dont il auoit esté frappé.
Après cela on commança à entrer en propos de
ceulx qui auoient esté grands beueurs, & allegua
lon vn escrimeur de poings, que ceulx d'Alexan-
drie appelloient le petit Hercules du temps de noz
peres. Cestuy ne pouuant trouuer beueur qui
luy tint pied continuellement, en appelloit les vns
à desieuner des le matin, les autres à disner, les au-
tres à soupper, & les derniers à la collation : &
quand les premiers s'en alloient, les seconds succe-
doient tout d'un tenant, & puis apres les troisie-
mes, & à la fin les quatriemes, sans aucune interrup-
tion : & luy sans bouger ne faire intermissiõ quel-
conque, fournissoit à tous, & continuoit tout de
reng les quatre repas. Et entre ceulx qui estoient
c familiers de Drusus, fils de l'Empereur Tybere, il
y auoit vn medecin qui deffioit tout le monde à
boire, mais estant espié de pres, on trouua que de-
uant boire, à tous coups il prenoit cinq amendes
ameres, à fin qu'il ne s'en yurast point : ce qu'ayant
esté obserué, & luy estant defendu de ce faire, il ne
peut pas depuis tant soit peu durer ne resister. &
dit on que ces amendes la ont vne proprieté mor-
dante, absterfiue & essuyante la chair, tellement

qu'elles ostent mesmes les taches & lentilles du visage : au moien dequoy , quand on les prend auant boire,elles raclent par leur amertume les pores & petits pertuis du cuir , & y impriment vne morsure,par laquelle elles rabattent les vapeurs du vin qu'elles ne montent à la teste , & les font evaporer par ces petits trous : mais quant à moy il me semble plus tost, que l'amertume a force de deseicher & de consumer l'humidité. C'est pourquoy la faueur amere est la plus desagrecable qui soit au goust , par ce qu'elle estrainct & reserre contre nature les petites veines de la langue, qui d'elles mesmes sont molles,rares & spongieuses, ainsi que dit Platon,en consumant l'humidité par sa secheresse: Aussi reserre lon les playes avec medicamens composez de drogues ameres,ainsi que le poëte mesme tesmoigne,

Dessus luy meit d'une amere racine,

Qu'il luy broya de sa main,medecine

Qui la douleur toute luy emporta,

Seicha la playe,& le sang arresta.

Il a bien dit,que ce qui est amer au goust a propriété & puissance de deseicher : aussi semble il que les pouldres dont les femmes se saulpoudrent pour reprimer les sueurs,sont ameres de nature & astringètes,tant l'amertume a force de restraindre. Cela doncques estant ainsi, il y a, dis-ie, grande raison que les amendes ameres aient force & vertu alencontre du vin pur , attendu qu'elles deseichent le dedās du corps, & ne permettrēt que les veines s'en remplissent,de la repletion,tension & commotion desquelles

A desquelles on dit que l'yuresse procede : à quoy peut aussi seruir de grand & apparent argument ce qui aduient aux Regnards, lesquels aians mangé des amendes ameres, s'ils ne boient incontinēt apres, meurent, par ce que soudain toute humeur defaut, & se tarit en eux.

Q U E S T I O N S E P T I E M E .

*Pourquoy est-ce, que les vieilles gens aiment
mieux le vin pur.*

ON demandoit pour quelle cause les vieilles gens aiment mieux le vin sans eau, & mettent moins d'eau dedans leur vin: les vns alleguoient la temperature de leurs corps qui est toute refroidie, & difficile à eschauffer, au moien dequoy le vin fort leur est plus conuenable. Ceste raison la est toute commune, & qui se presente la premiere à la main, mais elle n'est pas suffisante pour rendre la cause de cest effect, ny mesme n'est pas en tout veritable. Car autant leur en aduient il és autres sentimens qui sont en eux difficiles à esmouuoir, & mal-aisez à exciter pour apprehender les qualitez, si elles ne sont bien fortes & bien vehementes, dont la cause veritable est, que leur temperature estant deuenue foible & debile, elle veut estre frappee & feruë à bon escient. C'est pourquoy quant au goust ils aiment plus les saueurs qui piquent, & leur odorement au cas pareil ne s'esmeut que d'odeurs fortes & vehementes, & leur attouchement

ne sent pas grande douleur des blessures, car quand ils viennent aucune fois à estre naurez, ils n'en endurent pas beaucoup de mal: & quant à l'ouïe, il leur en aduient tout de mesme: au moien dequoy les musiciens à mesure qu'ils vieillissent entonnent plus haut & plus durement leur chant, comme excitans leurs sentimens par la force & vehemence du son, d'autant que ce que fait le fil & la trempe au fer pour couper, le mesme fait l'esprit au corps pour sentir: & depuis qu'il s'affoiblit & se lasche, le sentiment en deuient aussi mouffe, pesant & terrestre, & a besoing d'un fort aiguillon qui le poingne à bon escient, comme fait le vin pur.

QUESTION HVICTIEME.

Pourquoy est-ce, que les vieilles gens lisent mieux de loing que de pres.

A Lencontre de ces raisons que nous alleguions sur le subiect qui se presentoit, il sembla qu'il y eust oppositiō de la part de la veuë, par ce que les vieilles gens pour mieux lire esloingnēt vn peu les lettres de leurs yeux, & de pres ne les peuuent lire, ce qu'en passant nous monstre *Æschylus* quād il dit,

Ne l'ayant peu de loing apperceuoir

Tu ne pourras de pres rien qui soit voir,

Car tu es comme vn vieillard secretaire.

Et *Sophocles* declare cela des vieilles gens encore plus manifestement par ces vers,

Tardiement de la voix l'efficace

- A** Par le pertuis de leur aureille passe,
Leurs yeux de loing voient bien troublement,
De pres ils ont presque vn aueuglement.
S'il est doncques ainsi que les sentimens des vieilles gens n'obeissent à leurs obiects, sinon qu'ils soient forts & vehemens, pourquoy est-ce qu'ils n'endurent en lisant de pres le reiaillissement de la lumiere des lettres, ains les reculât plus arriere de leurs yeux affoiblissent ceste lumiere, d'autât qu'elle se respand & esuanouit parmy l'air, comme l'eau parmy le vin? A cela y en eut qui respondirent, que
- B** les vieilles gens reculent arriere de leurs yeux les lettres, non pour rendre la lumiere plus doulce, ne plus foible, mais plus tost au cōtraire pour embrasser de la lumiere d'avantage, & pour emplir d'air lumineux l'interualle qu'il y a entre les yeux & les lettres. Les autres s'accordoient avec ceux qui tiennent que les yeux iettent des rayons, car pourautant que de l'un & de l'autre œil sort vne pyramide, dont la pointe est en la prunelle, & la baze embrasse l'obiet de la chose yeuë, il est vraysemblable que l'une & l'autre pyramide va separément iusques à quelque espace de distance, mais quand elles sont plus esloingnees, venans à s'entrecroiser & confondre l'une avec l'autre, elles ne font plus qu'une lumiere des deux. C'est pourquoy chascune chose que lon voit apparait vne & non pas deux, encore qu'elle apparaisse à tous les deux yeux ensemble, à cause que les deux pyramides assemblees esclairent en commun, faisant de deux vne seule yeuë. Cela supposé les vieillards approchans les

lettres de pres les ambrassent plus foiblement, d'au- D
 rant que les pyramides des rayons de leurs yeux ne
 sont pas encore ioinctes ensemble, & touchent à
 leur obiet chascune à part: mais ceux qui les esloi-
 gnent plus loing estans desia les deux pyramides
 meslees, ils en voient plus parfaictement, tout ainsi
 que ceux qui empoignent quelque chose avec
 toutes les deux mains & la tiennent, ce qu'ils ne
 pourroient pas faire avec vne seule. Mais mon fre-
 re Lamprias donna incontinent à trauers, & recita,
 presque comme s'il l'eust leuë dedans vn liure, l'o-
 pinion de Hieronymus, maintenant que nous E
 voions, & que la veuë se fait par le moien des ima-
 ges & especes qui sortent des choses visibles, les-
 quelles sortent premierement grandes & grosses,
 & à ceste cause troublent la veuë des vieilles gens
 quand ils les regardent de pres, pour ce qu'elle est
 tardiue & dure: mais quand elles sont plus auant
 sorties & espondues en l'air, & qu'elles ont pris
 quelque distance, les plus terrestres se brisent &
 tombent à bas, mais les deliees s'approchent des
 yeux sans leur donner peine, & s'accommodent
 vniement à leurs pertuis, ainsi les yeux en estans F
 moins trauaillez, & troublez les apprehendent &
 reçoient mieux: ne plus ne moins que les odeurs
 mesmes des fleurs sont plus souëfues à sentir vn
 peu de loing, là où si on les approche de trop pres
 elles ne rendent pas vne si doulce ny si naïfue sen-
 teur, dequoy la raison est, qu'avec l'odeur il sort de
 la fleur beaucoup de fluxion terrestre, trouble &
 espesse, qui corrompt & altere la souëfueté de l'o-
 deur

A deux quand on la sent de pres : mais si on les sent vn peu de loing, ce qu'il y a d'euaporation terrestre se perd & diffue à l'enuiron, & ce qu'il y a de pur & de chaud demeure & penetre plus pour sa subtilité, tant qu'il arriue iusques au sentiment du nez. Mais nous receuās le principe Platonique disons, qu'il sort des yeux vn esprit lumineux, lequel se mesle avec la clarté & lumiere qui est alentour des corps & obiects visibles, dont il prent vne cōposition, tellement qu'il se fait des deux vn seul corps, s'accordās en tout & par tout l'vn avec l'autre, mais ils se meslent l'vn avec l'autre par mesure & proportion : car il ne faut pas que l'vn ou l'autre perisse, estant surmonté par son compagnon, ains faut que des deux meslez & contemperez ensemble par proportion, il se face vne puissance & faculté moyenne. Estant doncques ce qui sort de la prunelle des yeux des hommes suraagez, soit qu'on l'appelle fluxion d'esprit, ou rayon lumineux, foible & debile: il ne se peut faire vne meslange ny vne composition de luy avec l'air lumineux de dehors, ains plustost vne extinction & suffocation, si ce n'est qu'en esloignant les lettres vn peu arriere de leurs yeux, ils ne destrempent la trop vehemēte clarté de la lumiere, en sorte qu'elle ne rencontre pas leur veuë estant trop forte & trop brillante, ains mesuree & proportionnee à la foiblesse de leur œil : ce qui est la cause de ce qui aduiant aux animaux qui vont en tenebres, & se paissent la nuict, car leur veuë estant naturellemēt foible est offusquee de la grande lumiere du iour,

tellement qu'elle ne se peut pas mesler avec si forte & si puissante lumiere, d'autant qu'elle sort d'une si petite & si debile source, mais bien iettent leurs yeux des rayons, qui sont assez forts & bien proportionnez, pour se mesler avec une lueur plus morne & plus ternie, comme est celle d'une estoille la nuit, tellement qu'elle s'incorpore avec elle, & parfait l'operation du sentiment.

QUESTION NEUVIEME.

*Pourquoy est-ce que les habillemens se lauent
mieux avec de l'eau douce, qu'avec
de l'eau de la mer.*

THEON le Grammairien un iour que nous soupions chez Metrius Florus, demanda à Themistocles philosophe Stoïque, pourquoy c'estoit que Chrysippus ayant fait mention en plusieurs lieux de questions estranges, & qui semblent cōtre toute raison, comme sont celles cy: Pourquoy c'est que le poisson ou la chair salée, si on les laue avec de la saulmure, ils en deuient plus doux: Pourquoy les pelotons de laine se laissent moins aller si on les deschire à force, que si on les tire doucement petit à petit: Pourquoy c'est que ceux qui ont longuement ieusné, maschent plus laschement au commencement, que quand ils ont un peu mangé: il n'en rend la raison de pas une. Il luy respondit, que Chrysippus les propose en passant seulement, comme par maniere d'exemple, pour nous

A nous aduertir, que nous nous laissons trop facilement aller, & sans propos surprendre à croire les choses où il y a si peu d'apparence: & aussi au contraire à descroire celles qui nous semblent de premier front contre l'apparence: mais qu'as tu affaire, dit-il, mon bel amy, d'aller enquerir de cela? Car si tu es tant enquerant, & si fort contemplatif à rechercher les causes des choses naturelles, il n'est pas besoing que tu t'esloignes beaucoup de ce qui est de ta profession: mais dy moy, pourquoy c'est qu'Homere fait, que Nausicaa lue ses habillemens en la riuiere, & non pas en la mer qui estoit toute prochaine, combien que l'eau de la mer, estant plus chaude & plus claire que l'eau douce de la riuiere, il y auroit apparence qu'elle deust estre aussi meilleure pour lauer. Quant à cela, respondit Theon, que tu as proposé, il y a long temps qu'Aristote mesme le nous a resolu en le referant à la terrestrité de la mer, d'autant que parmi l'eau de mer il y a beaucoup d'aspreté terrestre meslé, & est ce qui la rend salée, à raison de quoy elle soustient mieux ceux qui nagent dedans, & porte plus gros fardeaux que ne fait l'eau douce, laquelle obeit & cede plus d'autant qu'elle est plus deliée & plus legere & moins forte, d'autant qu'elle est plus simple & plus pure, à raison de quoy elle perce plus tost, & en penetrant plus facilement, elle efface mieux & fait plus tost en aller les taches que ne fait celle de la mer. Ne vous semble il pas qu'en ceste raison d'Aristote il y ait grande apparence? Ouy certainement, dis-je, il y a de

l'apparence voirement, mais non pas pourtant de la verité: car ie voy que bien souuent lon grossit & espessit de l'eau douce avec de la cendre ou avec des pierres, voire s'il n'y en a, avec de la pouldre mesme, comme estant l'aspreté de la substance terrestre plus apte à nettoier toute ordure. Ce que l'eau simple & toute pure ne peut pas si bien faire, à cause de sa subtilité deliée, & qu'elle est trop foible. Parquoy il n'a pas bien dit, que l'espaisseur de l'eau de la mer empesche cest effect de nettoier: mais la cause veritable est, pource qu'elle est penetrante & perçante: car ceste acuité desbouche & ouvre les petits pertuis, & en attire dehors l'ordure: au contraire, ce qui est gras n'est iamais propre ny bon à lauer, ains plus tost fait tache & macule. Or est il que la mer est grasse, & est à l'adventure cela pourquoy elle n'est pas bonne à lauer: & qu'il soit vray que l'eau de mer soit grasse, Aristote mesme le tesmoigne: & le sel est gras aussi, au moien dequoy il fait que les lampes brulent & esclairent mieux quand on en met dedans: & l'eau de la mer quand on la distille sur la flamme s'allume, & n'y a point d'eau qui brule cōme fait la marine, & est à mon aduis la cause pourquoy elle est aussi la plus chaude. Toutefois encore y a il vne autre raison, c'est que la fin du lauer est le seicher, & est le plus net ce qui est le plus sec. Parquoy il faut que l'humidité qui laue sorte quand & l'ordure, ne plus ne moins que l'humeur melancholique quand & l'hellebore. Or est il que le Soleil rait & enleue facilement l'humeur qui est douce, à cause de sa legereté,

A legereté, là où la sallure de l'eau marine s'attachant aux petits pertuis, à cause de sa durescé & aspreté est malaisée à deseicher. Alors Theon prenant la parole: Cela que tu dis est faux, dit-il, car Aristote au mesme liure dit, que ceux qui se lauent dedans la mer sont plus tost secs, que ceux qui se lauent dedans l'eau douce, s'ils se mettent au Soleil: il le dit voiremēt, respondis-ie, mais ie pensois que tu deusses plus tost croire à Homere, qui dit l'opposite: car Vlysses apres son naufrage se rencontre deuant Nausicaa

B Terriblement deffaiët de la marine.

Et luy mesme dit aux seruantes & femmes d'icelle,

Retirez vous filles vn peu arriere,

Iusques à tant que dedans la riuiera

I'aye laué les ordures que l'eau

De la marine a mises sur ma peau.

Et apres leur auoir dit cela, descendant en la riuiera

Il nettoya toute la villenie

Sallee, dont sa teste estoit honnie.

Auquel endroit le Poëte a singulierement bien entendu, & proprement exprimé ce qui se fait:

C parce que quand ceux qui sortent de la mer se tiennent au soleil, la chaleur d'iceluy dissipe incontinent la partie la plus subtile & la plus legere de l'humidité, & ce qui est plus ord & plus sale demourant, s'attache à la peau comme vne crouste de sel, iusques à ce qu'on l'ait lauée en eau douce & bonne à boire.

*Pourquoy est-ce qu'à Athenes la danse de la lignee
Æantide n'est iamais iugee la derniere.*

AV festin que Serapion faisoit pour la victoire de la danse que la lignee Leontide auoit obtenue & gaignee par sa conduite, auquel festin nous estions conuiez comme estans d'icelle lignee, par ce que le peuple nous auoit donné priuilege & droit de bourgeoisie en icelle: on tint plusieurs propos de la grand' brigade qui auoit esté en ce ieu de la des danses, qui fut poursuiuy & brigué fort chaudement & de grande affection, à cause que le roy Philopappus en personne y presidoit fort honorablemēt & magnificquemēt, aiant fait les frais des danses de toutes les lignees ensemble, & estoit à ce festin avec nous enquerant & alleguant luy mesme plusieurs antiquitez, plus, à mon aduis, par courtoisie pour entretenir la compagnie, que pour enuie qu'il eust d'apprendre. Si fut là allegué par le Grammairien Marcus, que Neanthes Cyzicien escrit en ses narrations fabuleuses qu'il fait de ceste ville, que la lignee Æantide auoit par honneur preciput ce priuilege là, que sa danse n'estoit iamais iugee la derniere. L'autheur, dit le Roy, n'est pas gueres suffisant pour authoriser vne histoire: mais si cela d'aduenture n'est point faulx, prenons le pour vn subiect & matiere propre à discourir entre nous, & en recherchons la cause. Mais si la supposition est faulse? dit nostre amy
Milon

A Milon. Il n'y a point de dāger , respōdit-il, si lous en prend pour l'amour des lettres , comme il fei*t* iadis au sage Democritus, lequel vn iour māgeant d'vne figue , trouua qu'elle auoit le goust de miel. Si demanda à sa seruante , où elle l'auoit achetee. Elle luy nomma vn certain verger. Et luy se leuāt, luy commanda de le mener tout de ce pas sur le lieu. Dequoy la seruante fesi*bahissant*, luy demanda pourquoy il y vouloit ainsi chaudement aller. Il faut, dit-il, que ie trouue la cause de ceste douceur:& ie la trouueray, quand i'auray veu & bien

B consideré le lieu. Dequoy la seruante se prenant à rire, Rasseiez vous, dit elle, hardiment quant à cela, car n'y pēsant pas i'auois mis ces figues en vn vaisseau où il y auoit eu du miel. Et luy cōme en estant marry , Tu me fasches , dit il, de me dire cela : car nonobstant ie suiuray ma deliberation, & chercheray la cause , comme si ceste douceur venoit de la figue mesme. Aussi nous ne prendrons point occasion de fuir ceste dispute sur la trop grande facilité de Neanthes à escrire certaines choses non receuables : car quand cela ne seruira d'autre chose , pour

C le moins sera ce vn subiect à nous exercer. Si se prirent egallement tous alors à louër la lignee *Æantide*, & n'y furent pas oubliés les hauts & glorieux faicts d'armes qu'elle auoit autrefois faicts. Car on ne faillit pas d'amener en ieu la bataille de Marathon, qui est vn des bouts d'icelle lignee : & allegua lon aussi que Harmodius & Aristogiton estoient *Æantides*, natifs du bourg d'*Aphidnes*, lequel est en icelle lignee : & l'Orateur *Glaucias* af-

ferma que la poincte droicte de la bataille auoit esté donnée à ceux de celle lignee, prouuant par les Elegies que le poëte Æschylus en auoit composees à la louange d'icelle contree, y aiant luy mesme en personne fort vaillamment combattu. D'auantage il monstra que Callimachus le mareschal du camp en estoit, qui se porta fort vaillamment au combat, & fut l'vn des principaux auteurs de la bataille, aiant au conseil conclud à icelle apres le capitaine Miltiades: & ie cōfirmay le dire de Glaucias, alleguāt que le decret, par lequel l'armee d'Athenes sortit en campagne, fut arresté lors que la lignee Æantide estoit en son reng de presider au conseil, & que la mesme lignee, en la bataille de Platées, emporta le pris d'auoir mieux fait. A l'occasion dequoy les Æantides vont encore tous les ans faire vn sacrifice pour la victoire, commandé & ordonné par l'oracle d'Apollo, sur le mont de Cithéron, aux Nymphes Sphragitiēnes: à quoy la ville leur fournit les victimes, & autres choses necessaires pour le sacrifice. Mais vous sçauiez, dis-je, que toutes les autres ligneas peuuent aussi bien alleguer beaucoup de telles vaillances, mesme-
ment la Leontide, qui est la mienne, ne cedant en gloire à nulle des autres qui qu'elle soit: confidez doncques sil seroit point plus vraysemblable de dire, que cela fust comme vne excuse & vn reconfort enuers le demy-Dieu Ajax Telamonien, lequel ne fut pas fort patient à supporter sa perte au iugement des armes d'Achilles, ains fut si enflammé de ialousie & de courroux, qu'il ne voulut
par-

A pardonner à personne. De peur doncques qu'il n'en deuint encore vn autrefois furieux, & n'en fust implacable, il a esté ordonné de luy oster ce qui le pourroit plus aigrir en sa defaveur, c'est que iamais la lignee qui porte son nom ne seroit reculee iusques au dernier lieu.

LE SECOND LIVRE des propos de table.

QUESTION PREMIERE.

*Quelles sont les choses dont Xenophon dit, que
lon est bien aise d'estre interrogué
& gaudy à la table.*

EN T R E les choses dont on fait prouision pour vn festin, Sossius Seneciõ, les vnes sont du tout necessaires, comme le pain, le vin, & les viandes, les liets aussi & les tables : les autres sont accessiores, & sans aucune necessité vrgente, comme sont les passe-temps que lon y introduit pour veoir ou pour ouir apres soupper, comme sont les farces, le bal, les ieux, les masques, quelques plaisans boufons pour faire rire, ainsi que pourroit estre vn Philippus de chez Callias : lesquels passe-temps resiouissent bien quelquefois la compagnie, quand il y en a, mais

quand il n'y en a point, on ne s'en soucie pas d
 beaucoup, ny n'en treuve lon pas le festin defe-
 ctueux pour cela. Autant en peut on dire des pro-
 pos de table, par ce que les vns concernent pro-
 prement l'usage des festins, les autres contiennent
 bien quelque gentille speculation, mais qui con-
 uient plus proprement au temps que lon employe
 à ouir la musique des flustes, des aubois, de la
 lyre ou des violes: dequoy le premier liure nous
 peut fournir quelques monstres & eschantillons
 meslez les vns parmy les autres. Comme, pour
 exemple de la premiere sorte, soit la question, **E**
 S'il est bon de traicter & disputer de la Philoso-
 phie à table: & ceste autre, S'il est meilleur que le
 festoiant distribue luy mesme les lieux de l'assiette,
 ou qu'il les laisse à la discretion des conuiez. De la
 seconde sorte sont telles questions, Pourquoi c'est
 que lon dit, que l'amour fait les hommes musi-
 ciens & poëtes, & la question touchant la prero-
 gative de la lignee *Æantide* & autres semblables.
 Et quant à moy i'appelle proprement les premie-
 res, propos de table: & les secondes, propos apres
 la table. Si les ay couchez par escript pesse-messe, **P**
 non pas distinctement, ains selon que chascune
 me venoit en la memoire. Et ne faut pas que les
 lecteurs s'esbahissent, si ie vais recueillant pour te
 dedier quelques propos que toy mesmes par cy
 deuant as tenus: car encore que nostre appren-
 dre ne soit pas vn resouuenir, si est-ce que le re-
 souuenir & l'apprendre se rencontrent bien sou-
 uent ensemble en mesme subiect. Au demourant
 ayant

A ayant mis dix questiōs en chasque liure, la premiere de ce second est vne que Xenophon disciple de Socrates nous a aucunemēt proposee, quand il dit que Gobrias souppant avec Cyrus louoit grandement les façons de faire des Perses, mesmement en ce qu'ils se faisoient des interrogatoires l'un à l'autre, dont ils estoient bien-aïses, & s'entredisoient des traicts de risée, dont ils estoient plus ioyeux que si on ne leur en eust point dit. Car s'il est ainsi que les autres en nous louant mesmes, bien souuent nous faschent, comment ne seroit grandement à
B louer & priser la gentille grace & honnesteté de ceux la, dont les traicts mesmes de risée & de moquerie donnoient plaisir & ioye à ceux à qui ils estoient dictz? C'est pourquoy Sopater nous festoiait vn iour, proposa, qu'il scauroit volontiers de quelle forte estoient ces interrogatoires la, & quelle en estoit la façon. Car ce n'est pas vne petite partie de l'entre-gens, que scauoir dextrement obseruer la bienseance en telles demādes, tels ieux & telles faccies. Non certainement, dis-ie alors : mais regardez si Xenophon luy mesme, tant au festin de So-
C crates qu'en ceux des Perses, ne donne point à entendre quelle en estoit la façon, & s'il vous semble bon que nous entriōs en ce discours. Premieremēt il m'est aduis que les hōmes sont bien-aïses qu'on leur demande les choses que facilement ils peuvent respondre, & ces choses la sont celles dont ils ont plus de cognoissance & d'experience. Car si on les interroque de choses qu'ils ne sachent pas, ou ils s'en faschent, ne plus ne moins que qui leur

demanderoit ce qu'ils ne pourroient pas payer, ou D faisant des responses de trauers, & non pertinentes, ils se troublent & se mettent en danger de faillir, là où si la response leur est non seulement facile, mais aussi aigue & subtile, elle en est tant plus agreable & plaisante à celuy qui la fait. Or est elle aigue & subtile quand ils sçauent quelque chose de ce que lon ne sçait pas communément, & que peu de gens entendent ordinairement, comme sont des poincts d'Astrologie, ou bien de la Dialectique, si eux y sont bien versez: car non seulement ce que dit Euripides est vray, que E

Chascun se plaist où il se treuue mieux, mais aussi chascun deuise & parle plus volontiers de ce qu'il sçait & entend le mieux, & sont tous hommes bien aises quand on les interrogue de ce qu'ils sçauent bien, & qu'ils ne veulent pas que lon l'ignore, & que lon ne le sache. Voyla pourquoy ceux qui ont beaucoup voyagé ou nauigué par le môde, sont bien aises quand on les interrogue des pais loingtains, des mers estrangeres, des mœurs, façons & coustumes des barbares, & volontiers le racontent, & descriuent sur vne table les lieux, les destroicts & les golfes par où ils ont passé, reputās que cela soit par maniere de dire le fruiet & le recōfort des trauaux qu'ils y ont endurez. Brief tout ce que de nous mesmes, sans que personne nous en demande, nous auons accoustumé de dire & de racōter volontiers, nous sommes plus aises d'en estre interrogez, par ce qu'il semble que nous facions plaisir à la compagnie en les disant, là où nous

A nous auons grande peine à nous abstenir & garder de les dire: ceste sorte de maladie prend volontiers aux gens de marine: mais ceulx qui sont plus honestes & plus modestes entre eulx sont fort aises qu'on leur demâde ce qu'ils voudroient bien dire, mais ils en ont honte, & n'osent reprendre ceulx qui passent sous silence les choses que par le passé ils ont faictes eulx mesmes heureusement & honorablement. Parquoy le bon Nestor en Homere fait sagement, lequel cognoissant la conuoitise de gloire qui estoit en Vlysses luy dit,

■ Dy moy tressage Vlysses, ie te prie,
Le grand honneur de la cheualerie

Des Grecs, comment vous pristés les cheuaux.
Car on oit mal volontiers ceulx qui se louent eulx mesmes, & qui racontent leurs beaux faicts, sil n'y a quelqu'un de la cōpagnie qui le leur face faire, & que par contrainte ils le facent. Pourtant sont ils bien ioyeux qu'on les interroque des ambassades qu'ils ont faictes, des actes de gouuernement, mesmement sil y a eu quelque chose de grand & honorable, quand ils sentent que ce n'est point par enuie ne par malignité que lon les en interroque: & autrement aussi ceulx qui sont enuieux & malings destournent tels propos, ne voulans point donner de lieu à telles narrations, ny bailler occasion ou matiere de deuis qui tourne à l'honneur & à la louange de celuy qui le dit. C'est doncques encore vn autre moien de gratifier à ceulx qui ont à respondre, de leur demander choses que lon sçait bien que leurs ennemis & malueuillans ne veulent

pas ouir, combien qu'Vlyſſes dit à Alcinous,
 Tu veux ouir mes plorables malheurs,
 Pour rengreger de rechef mes douleurs
 En gemiſſant ma dure deſtinee.

Auſſi reſpond Oedipus en Sophocles en la compa-
 gnie du Chorus,

Il grieve, amy, bien fort quand on reſueille
 Vne douleur qui de long temps ſommeille.

Au contraire Euripide eſcrit ainſi,

Combien en ſoy a de ſuauité
 Le ſouuenir d'un danger euité?

Mais non pour ceulx qui en mer importune
 Courent encor' incertaine fortune.

Parquoy il ſe fault bien garder de demander de
 mauuiſes nouuelles, par ce que les hommes ſe faſ-
 chent quand on leur fait raconter comment ils ont
 mis en terre leurs enfans, commét ils ont eſté con-
 damnez, & comment ils ont perdu leur proces, ou
 comment ils ont eſté malheureux en quelque traf-
 ficque par terre ou par mer: & au contraire, ils ſont
 bien-aiſes de repeter ſouuent quand on leur de-
 mande comment ils ont eu bonne audience, com-
 ment ils ont obtenu ce qu'ils demandoient en
 quelque harengue publique, commét ils ont eſté
 bien recueillis du Roy, comment leurs autres com-
 pagnons eſtans demourez au danger de la tour-
 mente, ou des larrons, ils en ſont tous ſeuls eſchap-
 pez. Et pource qu'en le racontant il leur eſt aduis
 qu'ils iouiſſent de la choſe meſme, ils ne ſe peuuent
 ſaouler de la raconter & rememorer: auſſi ſont ils
 bien-aiſes quand on leur demande de leurs amis
 qui

A qui font bien leurs besongnes, ou de leurs enfans qui profitent bien aux lettres, ou à plaider au Palais, ou qui ont credit aux cours des princes. Ils sont aussi bien-aîsés & content volontiers quand on leur demande les pertes ou hontes de leurs malueuillans & ennemis qu'ils ont conuaincus & fait condamner, ou autrement qui sont rôbez en quelque defastre : car ils craignent de le raconter d'eulx mesmes sans en estre enquis, pour ne donner opinion d'eulx, qu'ils soient gens de maligne nature fesiouissans du mal d'autrui. C'est aussi grand plaisir à vn chasseur quād on l'interrogue de chiës, & à vn qui aime les exercices de la personne quād on luy demande des ieux où lon s'exerce à nud, & à vn de complexion amoureuse quand on luy parle des belles creatures : comme aussi vn deuot & religieux ne fait ordinairement que raconter des songes & visions qu'il a euës, & combien de choses luy seront heureusement succedees pour auoir bien obserué quelques presages & augures, fait des sacrifices, & consulté les oracles par la faueur des Dieux : aussi sont ils bien ioyeux quand on leur en demande : mais quant aux vieilles gens, quoy que la narration ne soit point à propos, toute fois ceulx qui les interroguent de quelque chose que ce soit, leur font presque tousiours plaisir, & les grattent, comme lon dit, où il leur demange.

O Nestor fils de Neleus, beau sire,

Je te supply la verité me dire,

Comment est mort Agamemnon l'aîné

Fils d'Atreus, & où est son puisné

Menelaus, s'il est en Achaie,

Ou en Argos, encore plein de vie.

Il luy demâde plusieurs choses à la fois, & luy donne matiere de beaucoup parler, non pas comme font aucuns, qui estraignans les personnes à ne respondre que ce qui est necessaire, & pressans ainsi les responses, ostent aux vieillards cela où ils prennent plus de plaisir. En somme ceulx qui veulent plaire, plustost que fascher & desplaire, proposent de telles questions, que les respôses d'icelles soient plus tost suyuiues & accôpagnées de louâge que de blasme, d'amitié & de bienueuillâce plus tost que de haine & de malueuillance des escoutans. Voyla ce qui me semble quant aux interrogatoires & demandes. Au demourant quant aux brocards & traiçts de risée, le meilleur est de s'en abstenir de tout poinct qui n'en sçait vser dextrement, & y estre retenu avec artifice en temps & en lieu opportun. Car tout ainsi que ceulx qui sont en lieu fort glissant & panchant, pour peu qu'on les touche en courant au long d'eux, on les porte & renuerse par terre : aussi à la table en beuuant nous sommes en danger de broncher en cholere à la moindre occasion du môde pour aucune parole ditte mal à propos, & bien souuent sommes plus esmeus pour vn traiçt de mocquerie que non pas d'une iniure, parce que nous voions que l'iniure se dit bien souuent par vne impetuosité de soudaine cholere contre la volonté mesme de celuy qui la dit : mais nous prenons à cœur plus aigrement la mocquerie, comme procedant de volonté propensée d'outrager, & d'une

A d'une malignité volontaire sans aucune nécessité:
& brief par tout le parler nous nous offenso-
plus, & sçauons plus mauuais gré à ceulx qui par-
lent à certes grauement, qu'à ceulx qui parlent à la
vollee legerement. Or est il certain, qu'en tout
brocard de mocquerie il y a tousiours quelque fi-
gure, & quelque parole dictée de biais, tellemēt que
c'est comme vne artificielle iniurē de longue main
propensee: cōme, pour exemple, celuy qui appelle
vn autre chaircuitier, il l'iniurie tout ouuertement:
B mais celuy qui luy dit, Il me souuiēt que tu te sou-
lois moucher du coude, il se mocque de luy cou-
uertemēt: & ce que dit Ciceron à vn Octauius que
lon soupçonnoit estre Africain, & qui s'excusoit de
„ n'ouir pas ce que Ciceron luy disoit, Si est ce que
„ tu as l'aureille percee: & Melanthius estant bro-
„ cardé & mocqué par vn iouēur de farces, Tu me
„ rens, dit il, vne aumosne que ie n'ay pas meritee.
Les mocqueries doncques poignent & picquent
d'auantage, ne plus ne moins que les traiēts barbelez
qui demeurent plus long temps dedans la playe, &
faschent plus ceulx qui sont mocquez, d'autāt que
C pour estre ingenieuses elles delectēt d'auantage les
assistans, qui pour le plaisir qu'ils prennent à l'ar-
guce ingenieuse de la mocquerie semblent adiou-
ster foy à celuy qui l'a ditte: Car à dire vray, moc-
querie n'est autre chose, qu'un reproche couuert &
figuré de quelque faulte, ainsi que Theophrastus
mesme le dit: tellement que l'auditeur qui l'escoute
adiouste de luy mesme par coniecture ce qui de-
meure à dire, comme le sçachāt bien & le croiant.

Car celuy qui se prit à rire & mōstra d'auoir trou-
 ué bon, quand il entendit que Theocritus respon-
 dit à vn, qui auoit le bruit de destrouffer & oster les
 robbes de ceulx qui alloient la nuit par la ville, &
 „ luy demādoit s'il alloit soupper en ville: Ouy, dit il,
 „ i'y vais, mais ie coucheray là: Celuy la, dis-ie, sem-
 bloit confirmer le crime dont l'autre estoit souspe-
 çonné: tellement que le mocqueur qui se mocque
 mal à propos & de mauuaise grace, remplit les assi-
 stans mesmes & escoutans de malignité, comme
 estās bien aises de l'iniure qui est faite au mocqué,
 & comme aidans eux mesmes à l'iniurier. C'estoit
 vne des choses que lon apprenoit iadis en la belle
 Lacedemone, que se mocquer & gaudir sans fas-
 cher, & ne se fascher point aussi quand on estoit
 gaudy & mocqué: & si d'aduenture lon se faschoit
 de fouir brocarder, le mocqueur incontinent s'en
 deportoit. Comment doncques ne seroit difficile
 de trouuer vne mocquerie qui fust agreable au
 mocqué, veu qu'il fault auoir l'entendement bien
 vif & aigu pour sçauoir iuger & discerner que c'est
 qui ne fasche pas en vn traict de mocquerie? Tou-
 refois pour en ouurir vn peu les moiens, il me sem-
 ble en premier lieu que comme les moqueries fas-
 chent plus ceux qui se sentent subiects aux vices &
 imperfections dont ils sont mocquez: aussi celles
 qui semblēt mettre sus des fautes dont lon est no-
 toirement fort esloigné, sont celles qui donnent
 quelque plaisir & quelque grace aux mocquez,
 comme Xenophon dit plaisamment d'un homme
 qui estoit extremement laid & velu comme vn
 Ours

A Ours, que c'estoit les amours de Sambaulas. Il vous peult souuenir aussi de nostre bon amy Lucius Quintius, qui estant au liēt malade se plaignoit d'auoir les mains froides, & Aufidius Modestus luy respondit, Si les as tu nagueres rapportees bien chaudes de la Prouince de ton gouuernement. ce mot luy donna à luy Preteur, qui estoit homme de bien, occasion de rire & matiere de plaisir, mais ce fut vn reproche & vne iniure bien picquante au Proconsul qui estoit larron. C'est pourquoy quād Socrates prouoquoit Critobulus qui estoit vn fort

B beau ieune homme, à faire comparaison de leurs beautez, il se iouoit & ne se mocquoit pas. Et Alcibiades de mesme se iouoit à Socrates en luy disant qu'il estoit ialoux du bel Agathon. Les Roys mesmes quelquefois prennent à plaisir quand on parle à eulx, comme s'ils estoient pauures, ou hommes priuez, ainsi comme vn bouffon, duquel Philippus se gaudissoit, luy dit, Et quoy, ne te nourris-

C ie pas? Car en leur reprochant des maux ou imperfections que notoirement ils n'ont pas, on donne à entendre obliquement les biens qu'ils ont: mais aussi fault il bien prédre garde, que ces biens la certainement & sans aucune doute soient en eulx, car autrement ce que lon diroit au contraire les mettroit en souspeçon douteuse. Car celuy qui dit à vn homme fort riche qu'il luy amenera ses creanciers & vsuriers qui luy prestent à vsure: ou qui dit à vn beueur d'eau fort sobre, qu'il est yure, & qu'il a trop beu: ou qui appelle vn personnage liberal, & qui despend magnifiquement, & fait

volontiers plaisir, chiche, tacquin & mechanique: ou qui menace vn qui a la vogue au Palais en matiere d'estre excellent aduocat, & qui a grande authorité au gouuernement, qu'il le fera adiourner: celuy la, dis-ie, dōne occasion de rīsee & de resiouissance à celuy à qui il le dit. Ainsi se rēdit Cyrus agreable par ceste courtoisie de prouocquer ses familiers à faire à l'enuy les choses esquelles il sçauoit bien qu'il estoit inferieur à eulx. Et Ismenias iouant vn iour de ses fleustes durant vn sacrifice, comme les signes & pronostiques des hosties ne se monstrassent point propices, celuy qui l'auoit loué pour iouër, luy ostant les fleustes des mains s'en prit à flageoller lourdement & ridiculement: » de quoy toute l'assistance le reprenant, Ce n'est pas » tout, dit il, de bien iouër, car il fault iouër au gré des » Dieux. Adonc Ismenias se prenant à rire luy respondit, Mais c'est l'opposite de ce que tu pēses, car » ce pendant que ie iouois, les Dieux y prenoient si » grand plaisir qu'ils en differoient à receuoir le sacrifice: & quand tu t'es meslé de iouër, ils l'ont » incontinent receu, à fin de tant plus tost se deliurer » de toy. D'auantage ceulx qui appellent les choses notoirement bonnes par des noms iniurieux avec rīsee, s'ils le font de bōne grace, ils plaisent plus que ceulx qui louēt de droit fil à descouuert: comme aussi poignent & picquent plus asprement ceulx qui iniurient soubs de beaux & louables noms, cōme ceulx qui appelleroient des meschans hommes des Aristides, ou des lasches & couards des Achilles: Oedipus en Sophocles quand il dit,

Creon

Creon qui d'elle

Auoit esté tousiours amy fidele.

Il y a vne autre sorte de mocquerie opposite à celle louage simulee, quand on fait semblant de blâmer : de laquelle sorte de louer Socrates a souuent vsé, comme quand il appelloit la façon de faire qu'auoit Antisthenes de concilier amitié entre les hommes & les assembler ensemble, macquerellage & courretage : comme aussi pour la bonne grace qu'auoit le philosophe Crates, & pour ce qu'il estoit bien venu & receu en toutes maisons, on l'appelloit ancienement Thyrepanoïctes, comme qui diroit, crocheteur de portes. Aussi est plaisante la mocquerie qui semble estre vne plaincte, mais accompagnée de gratitude, cōme Diogenes disoit de son maistre Antisthenes, Celuy qui m'a vestu de haillons & de lambeaux, qui m'a contrainct de mendier, qui m'a chassé de ma maison : Il n'eust pas eu si bonne grace s'il eust dit, Celuy qui m'a fait sage, content & bien-heureux. Et vn Laconien faisant semblât de se plaindre d'un maistre d'estuues, qui leur bailloit le bois si sec qu'il ne faisoit aucune fumée, Celuy par lequel on ne peult pas plorer. Et comme qui appelleroit celuy qui tiendroït fort bonne table, & donneroit tous les iours tresbien à disner, vn Tyran & vn preneur d'hommes à force, qu'il ne luy auroit pas souffert de manger chez luy, ny de voir vne seule fois la table de sa maison depuis tant d'annees. Et cōme celuy qui disoit que le roy l'auoit attrapé, & luy auoit ioué vn mauuais tout, de luy auoir osté tout son repos & loisir, & le

moien de dormir à son aise, l'ayant rendu de pauvre & riche. Et si quelqu'un aiant recueilly de fort bon vin, accusoit les Dieux Cabires d'Æschylus, d'auoir fait faillir le vinaigre en sa maison, ainsi cōme eulx mesmes par ieu l'en auoient menacé. Car ces façons la de louanges couuertes & simulees touchent au cœur, & agreēt de tāt plus qu'elles ont la grace plus aiguë, tellement que ceulx qui se sentēt ainsi louez n'y resistēt pas, & n'en sont pas mal contents. Mais il faut que celuy qui veut gentiment & dextremēt vser d'une mocquerie cognoisse bien la difference des vices & imperfections dont les personnes seront tarees, comme d'auarice & d'opiniastreté, & des vacations auxquelles elles seront adonnees, comme aux lettres ou à la chasse : car on est marry à bon escient de se sentir atteint de ces imperfections, & bien aise d'estre gaudy des autres, comme Demosthenes le Mitilenien dit plaisammēt, estant allé voir vn sien familier qui aimoit fort la Musique & le ieu de la Cithre, Apres qu'il eut frappé à la porte, & que l'autre luy eut respondu de dedans qu'il entraist : mais que tu aies attaché ta Cithre, dit il. Mais le bouffon de Lyfimachus au contraire rencontra mal plaisamment, Car le Roy se iouant à luy, luy meit vn scorpion contrefait de bois sur sa robe, dequoy il s'effroya, & en tressaillit de peur : mais s'estant incontinent apperceu que le Roy se iouoit : le te vais, dit il, Sire, faire belle peur aussi, „ Donne moy vn talent. Autant fault il auoir d'escgard & faire pareille differēce quant aux defectuositez & imperfections corporelles des personnes,

Au moins en la plus part. Car si on les moque pour ce qu'ils ont le nez long ou court, ils ne s'en font que rire : comme vn mignon de Cassander ne se courrouça point de ce que Theophrastus luy dit,
» Le m'esbahis cōment tes yeux ne chantent de ioye,
» veu que le nez leur cede. voulant dire qu'il auoit le nez plus enfoncé que les yeux. Et Cyrus qui dit à vn qui auoit le nez grand & aquilin, qu'il espou-
fast vne femme camusé, par ce qu'ainsi ils seroient bien appariez. Mais si on les picque d'auoir ou le nez punais, ou l'aleine puante, ils s'en offensent : &
» derechef si on les gaudit d'estre chauues, ils le pas-
sent aisémēt, mais si on les mocque d'estre borgnes ou aueugles, ils s'en faschēt. Car Antigonus se gau-
dissoit bien luy mesme de son œil creué, comme
» Vn aueugle mesme, dit il, y mordroit. Mais il feit
mourir Theocritus de Chio prisonnier, pour ce que
quelqu'un le confortāt, luy dit, qu'incontinēt qu'il
viendroit deuāt les yeux du roy, il auroit la vie sau-
ue : voire mais, respondit il, c'est autant à dire, qu'il
est impossible que ma vie soit sauue : pour ce que le
» roy Antigonus n'auoit qu'un œil. Et Leon Bysan-
tin, cōme Paciades luy obiiceast qu'il auoit les yeux
» chassieux : Tu me reproches, dit il, vn peu de mal
» que i'ay aux yeux, & tu ne regardes pas que tu as
» vn fils qui porte la vengeance diuine sur ses espau-
» les. pour ce qu'il auoit vn fils qui estoit bossu. Aussi
se courrouça Archippus qui de son tēps estoit l'un
des orateurs qui auoit credit au gouuernement
d'Athenes, de ce que Melanthius se mocquant de

luy, pour ce qu'il estoit fort courbé en auant, disoit D

*La grace où $\omega\epsilon\gamma\epsilon\sigma\acute{\upsilon}\nu\alpha\iota$, c'est à dire, qu'il ne presidoit pas : mais
se peut $\omega\epsilon\gamma\kappa\epsilon\upsilon\sigma\theta\epsilon\iota\nu\alpha\iota$, c'est à dire, qu'il courboit & panchoit
trouuer en en auant la republique, comme qui diroit, qu'il ne
ermes fran dresseoit pas, mais qu'il courboit le gouuernement
toys, par ce d'Athenes. Il y en a d'autres qui prennent ces gau-
que l'un si differies la doucement & modérément : comme
gnisse estre l'un des mignons d'Antigonus luy aiant demandé
droict, & vn talēt en don, & en aiant esté refusé, luy deman-
l'autre cour da qu'il luy baillast de ses gardes pour l'accompa-
bē en auāt. gner & luy faire escorte, de peur que par le chemin
on ne l'espiast pour le destroussier, & qu'il feroit E
semblant de porter le talent sur ses espaulles. Voila
comment les hommes se portent en ces choses la
exterieures pour leur inegalité, les vns d'une sorte,
les autres d'une autre. Epaminondas estant en vn
bancquet avec ses compagnons en magistrat, beu-
uoit du vinaigre : & comme ils luy demandassent
pourquoy il faisoit cela, & s'il estoit bon pour la
santé: ie ne sçay, respondit il, mais bien sçay- ie qu'il
est bon pour faire souuenir comment on vit en ma
maison : pourtant fault il cognoistre & considerer F
les natures & les mœurs d'un chascun, pour tascher
à vser de jeux & de traiçts de risée sans fascher per-
sonne, & pour se rendre agreable à vn chascun.
Quāt à l'Amour il est fort diuers & variable, com-
me en toute autre chose, en brocards & traiçts de
risée, par ce que les vns s'en offensent, les autres s'en
esiouissent, mais sur tout fault il obseruer & sçauoir
bien cognoistre l'oportunité du temps : car tout
ainsi comme le vent du commencement esteint le*

A feu à cause de sa foiblesse, mais quād il est embrasé il luy donne nourriture & accroissement, aussi l'amour quand il ne fait que naistre & commencer à venir, il se courrouce & se fasche contre ceux qui le descouurent, mais quand il est tout descouuert & cogneu de tous, alors il s'en nourrit & s'en rit, estāt par maniere de dire soufflé & enflammé d'auantage par les brocards & atteintes qu'on luy en donne : mais bien sont ils ioyeux qu'on les gaudisse de leurs amours, principalement quand les personnes qu'ils aiment sont presentes, encore que ce soit de leurs propres femmes qu'ils soient amoureux, ou de quelques ieunes hommes qu'ils aiment d'un amour vertueux, ils s'en preualēt, en sont fort aises & en font gloire enuers eulx, d'estre gaudis & brocardez pour l'amour d'eulx. Comme Arcesilaus luy en aiant esté en son eschole ietté vn traiēt par quelque vn de ceulx qui faisoient profession d'aimer, respōdit, Ceste atteincte la ne me semble toucher à personne de la compagnie. Tu ne touches doncques point, repliqua l'autre, à celuy là : en luy montrant vn beau & honneste iouuenceau qui estoit assis tout ioingnant luy. Il fault aussi bien prendre garde deuant qui on les dit ces traiēts là, car on se rit quelquefois des mots que lon s'oyt dire entre familiers & amis, que qui les diroit deuant vne femme, ou deuant vn pere, ou deuant vn maistre d'eschole, on s'en offenseroit, si ce n'estoit chose qui leur fust fort agreable. Comme si quelque vn se mocquoit d'un sien compagnon deuant vn philosophe, de ce qu'il iroit les pieds nuds, ou de ce qu'il

passeroit les nuicts à estudier & escrire, ou deuant son pere de ce qu'il seroit tenant & chiche, ou deuant sa femme de ce qu'il ne se monstreroit point courtois & gracieux aux autres dames, & qu'il seroit seruiteur d'elle seule: comme Tigranes en Xenophon est mocqué par Cyrus, Et que sera ce si ta femme entend que tu portes toy mesmes tes hardes à ton col? Elle ne l'entendra pas seulement, dit il, car elle le verra en sa presence mesme. Mais quād ceux qui disent de tels brocards, participent eulx mesmes aucunement à la mocquerie, cela les rend plus irreprehensibles, comme quand vn pauvre se gaudit de la pauvreté d'un autre, ou vn roturier de la basse & roturiere naissance de son compagnon, ou vn amoureux de l'amour d'un autre: car il semble que ce n'est pas en intention d'iniurier ny outrager quand ils se disent par ceulx qui ont semblables marques de defectuositez. Autrement il fache fort, & picque bien au vif asprement: comme l'un des affranchis de l'Empereur, glorieux à cause qu'il estoit soudainemēt deuenü fort riche, se portoit superbement & insolentemēt en vn banquet enuers quelques philosophes, iusques à leur demander par mocquerie, Pour quelle cause la puree des febues & blanches & noires estoit egaleüent verte. Aridices qui estoit l'un des philosophes, s'en courrouçant, luy demanda reciproquement, Pourquoi c'estoit que les marques des coups de fouët, soit que les escourgees fussent blanches, ou fussent noires, estoient tousiours egaleüent rouges: dequoy l'autre se courrouça si aigrement, qu'il se leua de la

A de la table tout bouffé, & s'en alla. Et Amphias natif de la ville de Tarse, que lon tenoit estre fils d'un iardinier, s'estant mocqué de l'un des familiers du gouverneur, comme estant yssu de petit lieu, y adiousta puis apres, Mais nous mesmes sommes yssus de pareille graine: & en fait rire l'autre. Aussi y eut il un musicien qui arresta gentiment & de bonne grace, la curiosité presumptueuse & importune du roy Philippus de Macedoine, qui s'oublioit tant que de luy vouloir monstrier sa leçon, & le reprendre touchant quelques accords de la musique: l'à

B Dieu ne plaise, dit il, Sire que tu sois si mal fortuné que d'entendre cela mieux que moy. car en faisant semblât de se mocquer de soy mesme, il remōstra au Roy sa faute sans l'offenser. C'est le moien duquel vsent aucunes fois les poëtes comiques, pour oster l'aigreur de la picqueure de leur mocquerie en se gaudissant d'eux mesmes, comme fait Aristophanes de sa teste chauue, & Cratinus de ce qu'il aimoit trop le vin, en sa comēdie qu'il a intitulee Pytiné. Mais sur tout fault il bien prendre garde que les brocards & traits de risée soiēt dictz promptement, & en respondant à quelque demande ou quelque risée sur le champ, non pas de loing comme chose estudee & premeditee: car ainsi comme lon porte plus doucement & plus patiemment les courroux, noises & debats qui naissent aucunes fois és conuiues mesmes, mais si quelque suruenant de dehors iniurie quelqu'un des cōuiez, & y viēt faire quelque scandale, on le repute importun ennemy, & le chasse lon: aussi pardonne lon facilement

à vn traitt de mocquerie, à vne rifee, & à vne parole libre qui sera procedee de la matiere presente naïfuelement, sans estre par artifice cherchee d'ailleurs : mais si elle n'est point à propos de ce qui se fait, ou qui se dit là presentement, ains tiree par les cheueux, comme lon dit, de dehors, elle ressemble proprement à vn guet à pend, & à vne embusche proiettee de loing, pour oultrager & iniurier quelqu'un, comme fut le brocard de Timagenes, qui dit au mary d'une femme coustumiere de rendre sa gorge,

Ta musique est d'entree mauplaisante

Nous amenant icy la vomissante. *

La grace de
ceste recôtre
ne se peut
exprimer,
à cause de
l'equiuoque
des mots
Grecs, dont
l'un signifie
musique, &
l'autre vo-
missante.

Il deuoit
estre souste-
gné d'a-
buser d'une
femme fille.

& la demande qui fut proposée au philosophe Athenodorus, * si l'amour & charité des peres envers les enfans estoit naturelle : l'importunité de telles picqueures estans hors de propos, monstre vne malueillance maligne, vn propos deliberé d'oultrager & iniurier. Aussi ceulx la bien souuent pour la plus legere chose du mode, qui est vne parole, payent la plus griesue amende qui soit : & au contraire, ceulx qui en scauent vser bien à propos en temps & lieu rendent tesmoignage à Platon, F qui dit que c'est signe certain qu'un homme est bien né, & qu'il a esté bien nourry & appris, quand il se sçait iouer de bonne grace sans offenser personne.

QUESTION SECONDE.

Pourquoy est-ce que les hommes mangent plus
en Automne qu'en autre saison.

AEN la ville d'Eleusine, apres la cerimonie des mysteres, estant la feste au fort de sa vigueur, nous estions en vn festin chez l'orateur Glaucias, là où apres que les autres eurent acheué de soupper, le frere du festoiant Xenocles commença à harceler & gaudir le mien Lamprias, de ce qu'il mangeoit encore, en se mocquant de ceulx de nostre pais de Bœoce, comme il a accoustumé, leur reprochant qu'ils sont grands mangeurs: & lors pour defendre mon frere, ie pris la parole contre Xenocles qui suiuiot la doctrine d'Epicurus, & luy dis: Tout le monde, mon bon amy, ne definit pas la volupté comme vostre Epicurus, que ce soit priuation de toute douleur: & y a d'auantage, que Lamprias qui honore plus le pourmenement des Peripatetiques & l'eschole de Lyceon, qu'il ne fait pas le verger d'Epicurus, veult par effect porter tesmoignage à ce que dit son Aristote, que chascun endroit soy mange plus en Automne qu'il ne fait en toute autre saison de l'annee, & si en donne la raison, mais il ne m'en souuient pas. Tant mieux, dit Glaucias: car nous nous efforcerons de la trouuer apres que nous aurons acheué de soupper. Apres doncques que les tables furent ostées, Glaucias & Xenocles en refererēt la cause aux nouueaux fruits diuersemēt, l'un pour ce qu'il disoit, que les fruits nouueaux esmouuoiet & laschoient le vêtre, & ainsi qu'en vuidant le corps ils y engendroient tousiours de nouueaux appetis: l'autre, Xenocles, disoit, que la plus part des fruits ont ie ne sçay quoy de perçant & poingnant qui prouoque l'estomac à appeter de

manger plus que nulle autre viãde ny autre faulſe **D** qui ſoit, tellemēt que les malades qui ſont deſgouſtez, recourrēt bien ſouuent leur appetit perdu en mãgeant vn peu de fruiēt nouueau: mais Lamprias dit, que la chaleur naturelle, par laquelle nous nous nourriſſons, ſe diſſipe en Eſté & deuiēt foible: & au cōtraire, quãd ce viēt ſur l'Automne elle ſe rasſemble de rechef, & ſe fortifie par la froideur de l'air enuironnant, qui eſtrainct & reſerre le corps. Et moy, à fin qu'il ne ſemblaiſt que ie vouluſſe participer à ce propos ſans y rien cōtribuer à mon tour, ie dis que l'Eſté nous auōs plus grãd ſoiſ, & vſons **E** plus d'humidité à cauſe de la chaleur. Maintenant doncques la nature, à cauſe de la mutation de l'air, cherchant le cōtraire, ſelon ſa couſtume ordinaire, nous fait auoir plus de faim en Automne, à fin de rendre à la temperature du corps autant de nourriture ſeiche, cōme elle en a pris d'humide en Eſté. Toutefois encore ne pourroit on pas nier, que partie de la cauſe de ceſt effect ne depende des viandes que lon mãge, qui ſont faites des fruiēts nouueaux tous frais & recents, non ſeulement des porages & legumages, mais auſſi du pain, du bled, des **F** chairs de l'annee preſente, qui ſont bien plus ſauoureux & plus appetiſſans que ceux des anneepaſſees, & par conſequent prouoquent auſſi plus à les appeter ceux qui en vſent & qui en mangent.

Q V E S T I O N T R O I S I E M E.

Lequel a eſté le premier, la Poule ou l'Oeuf.

A Ily auoit ia long temps que ie m'abstenois de
 I manger des œufs à raison de quelque songe que
 i'auois eu, voulant bien faire ceste experience en
 vn œuf comme on le fait en vn cœur, pour vne
 vision qui m'estoit par plusieurs fois bien euidem-
 ment apparue en dormant : Si prit la compagnie
 opinion de moy en vn festin que nous faisoit Sof-
 sius Senecion, que i'auois mis en ma teste les fan-
 taisies & superstitions d'Orpheus & de Pythago-
 ras, & que i'abominois le manger de l'œuf, pour
 ce que ie croyois que l'œuf fust le principe & la
B source originale de la generation, comme aucuns
 l'ont pensé du cœur, & les autres du cerueau, telle-
 ment qu'Alexandre Epicurien par maniere de ri-
 see allegua ces vers,

Qui febues mange autant de mal il fait

Que qui son pere ou sa mere deffait.

Comme si par ce mot Cyamos, qui signifie febues
 ils eussent voulu entendre couuertement des œufs,
 à cause de la grosse qui s'appelle Cyesis, estimant
 que c'est tout autant manger des œufs que des ani-
 maux qui les ponnent. Et si pour respondre à cela
C ie leur eusse dit la vraye cause, elle leur eust semblé
 encore plus impertinente & plus digne de moc-
 querie, mesmement à cest Epicurien la, si ie luy euf-
 se dit que c'estoit pour vn songe : tellement que ie
 n'empeschay pas que cest Alexandre, qui se iouoit,
 n'imprimaist ceste opiniõ de moy, car il estoit gen-
 til personnage, & docte assez honnestement. Mais
 de là il prit occasion de tirer en auant la question
 de l'œuf & de la poule, qui donna bien de l'affaire

aux chercheurs des causes naturelles, pour sçavoir lequel des deux auoit esté deuant en nature. Si dit nostre familier amy Sylla, qu'avec ceste petite question de l'œuf & de la poule, comme avec vn petit leuier, nous remuons toute la grande & lourde machine de la generation du monde, & se deporta d'en parler plus auant. Mais Alexandre s'en mocquant, cōme d'vne demande legere pour rire, à laquelle il n'y auoit riē de pois attaché, mon gendre Firmus commança à dire, Il ne faudra dōcques icy emprunter les atomes d'Epicurus: car s'il est vray qu'il faille supposer, que les petits elements soient les principes des grands corps, il est vray-semblable que l'œuf ait esté premier que la poule, car comme entre les choses qui se peuvent iuger par les sens, il est plus simple, là où la poule est corps plus meslé & composé. Et à parler generalement, le principe va tousiours deuant. Or la semence est vn principe, & l'œuf est plein de semence, & plus petit que non pas l'animal: & tout ainsi comme le progres & aduancement est vn milieu entre la disposition & la perfection, aussi semble il que l'œuf soit vn progres & aduancement de nature tendant à faire vn animal viuant de la semence disposee. D'auantage ainsi comme en l'animal on dit que premierement se forment les arteres & les veines, aussi est il raisonnable de dire, que l'œuf a esté premier que l'animal, comme le cōtenu dedans le contenant: car les arts mesmes esbauchent premierement leurs ouurages grossièrement sans forme ne figure, & puis apres elles donnent

Aient distinctement forme & figure à chasque chose, suivant ce que disoit le statuaire Polycletus, que leur ouurage estoit lors le plus difficile, quand l'argile dont ils font leurs moules estoit venue à l'ongle. Pourtant est il vray-semblable, que la matiere cedant & obeissant premier à la nature remuante & informante, produisit du commencement des masses grossieres, non encore figurees ny formees, telles que sont les œufs, mais depuis ils furent taillez & formez, tellement que la nature figura & forma dedans l'animal: ne plus ne moins que nous

Bvoïos que la chenille s'engêdre premieremêt, puis venant à s'endurcir par la seicheresse, en fin elle créue, & met hors de sa taye vn petit papillon, que lon appelle nymphe. Aussi l'œuf est comme la premiere matiere de la generation, par ce qu'il est force qu'en toute mutation precede & aille deuant ce qui se doit transmuier en autre chose. Regardez comment les artisans s'engendrent dedans les arbres, & les vers dedans le bois, par la putrefaction ou concoction de l'humidité. Il n'est homme qui sceust nier que ceste humidité la n'ait precedé, &

Cque selon tout ordre de nature ce qui engendre ne soit plus ancien que ce qui est engendré, par ce que la matiere, ainsi que dit Platon, tient lieu de mere & de nourrice en toutes choses qui viennent à naistre, & est la matiere tout ce dont est composé ce qui se produit: mais quant au surplus, ce dit il en riant,

Le chanteray aux sages entendus
vne sentéce sainte & sacrée prise des hauts secrets

d'Orpheus, laquelle ne pronôce pas seulemēt, que l'œuf soit plus ancien que la poule, ains luy donne & adiuge le droict d'aînesse de toutes les choses ensemble qui sont en ce monde, mais le reste demeure caché soubz sacré silence, comme dit Herodote, par ce que ce sont de trop profonds secrets, Seulement vous diray-ie en passant, que le monde contenant beaucoup de diuerses especes d'animaux, il n'y en a pas vne seule qui soit exempte de passer par la generation de l'œuf. Car l'œuf produict les volatiles, qui sont les oiseaux: les nageans, qui sont les poissons, en nombre infiny: les terrestres, comme les lisards: les ambigus qui viuēt & en eau & en terre, comme les crocodiles: ceux qui n'ont que deux pieds, comme la poule: ceux qui n'en ont point du tout, comme le serpent: & ceux qui en ont plusieurs, comme les sauterelles. Ce n'est donc pas sans grande raison qu'il est consacré aux saintes cerimonies de Bacchus, comme vne representatiō de l'autheur de nature qui produit & comprend en soy toutes choses. Apres que Firmus eut ainsi discouru, Senecion luy respondit, que la derniere cōparaison qu'il auoit faicte estoit celle qui faisoit la premiere opposition contre luy. Car tu ne t'es pas pris garde, Firmus, que tu as ouuert la porte, comme lon dit en commun proverbe, du monde, contre toy mesme: pource que si le monde a esté deuant toutes choses, comme celuy qui est le plus parfaict, & la raison veut que ce qui est parfaict precede ce qui est imparfaict, l'entier ce qui est defectueux & mutilé, & le tout

la

A la partie, d'autant que rien ne peut estre partie que son tout ne soit premier. C'est pourquoy personne ne dit iamais que l'homme soit de la semence, ains au reuers dit on l'œuf de la poule, & la semence de l'homme, comme estans ces choses la succedentes & posterieures à celles cy, & prenans leur naissance en icelles, paians puis apres comme vne debte à la nature, qui est la generation: car elles sont indigentes & appetentes de ce qui leur est propre, pource qu'elles ont vne inclination naturelle à desirer produire chose telle que celle dont elles sont sorties. Aussi est-ce, comme lon definit la semence, geniture appetant generation. Or n'y a il rien qui appetite ce qui n'est pas en estre, & voit on que les œufs ont totalement leur essence de la composition & compaction qui se fait dedans le corps de l'animal, il s'en fault seulement qu'il n'a pas les outils ny les vases tels qu'ils sont és animaux. C'est pourquoy lon ne treuve point escrit, qu'il y ait iamais eu œuf engendré de la terre, car les poëtes mesmes feignent que celuy des Tyndarides estoit tombé du ciel: là où la terre produit **c** iusques au iourd'huy en Ægypte des animaux tous entiers & complets, & en plusieurs lieux des serpens, des grenouilles, des cygales, le principe & la puissance generatiue y estant de dehors inserée. En la Sicile du temps de la guerre seruile y aiant eu grande quantité de sang espendu, plusieurs corps s'estans corrompus & pourris dessus la terre sans estre inhumez, il en sortit vn nombre infiny de sauterelles, qui gasterent & rongerent tous

les bleds, s'estans respandues par toute l'isle. Tous ces animaux la dōcques naissent de la terre & s'en nourrissent, & puis en se nourrissant font vne superfluité genitale propre à engendrer que lon nōme semēce : pour de laquelle se descharger ils s'apparient par volupté le masle avec la femelle, & se meslans ensemble, les vns selon leur nature font des œufs, les autres des petits viuans: & par là voit on manifestement que leur premiere generation & production en estre estant yssue de la terre, par vne maniere de cōionction puis apres les vns avec les autres, ils font leurs enfentemens, mais en somme c'est tout autant comme qui diroit que la matrice a esté deuant la femme: car telle relation que la matrice a à l'œuf, telle aussi & semblable l'a l'œuf au petit qui s'engendre & s'exclost dedans luy. De maniere que celuy qui demande commēt sont nez les oyseaux, n'estans pas nez les œufs, c'est tout autant comme qui demanderoit comment sont nez les hommes & les femmes auant que les parties naturelles de l'un & l'autre sexe fussent en estre: combien que la plus part des parties naissent ensemble avec le total, mais les facultez & puissances viennent à estre empraintes apres es parties, & les operations & actions succedent puis apres aux facultez, & consequemmēt les ouurages accomplis & parfaits aux actions & operations. Or l'ouurage de la puissance & faculté generatiue des parties naturelles est la semēce, & l'œuf, de maniere qu'il est force de cōfesser qu'il est doncq posterior de generation à la naissance du total. Et

A considerez, que comme il n'est pas possible qu'il se face concoction de viande & de nourriture deuant que l'animal tout entier soit faict, aussi n'est il pas possible que l'œuf ny la semence soit, attendu qu'ils se font par certaines concoctions & alterations: & ne se peut faire que deuant que l'animal soit entierement complet, il y ait en luy ou de luy chose aucune qui ait nature de superfluité de nourriture. Toutefois encore la semence est autrement principe, là où l'œuf n'a pas mesme raison de principe, par ce qu'il ne subsiste pas le premier, ny aussi raison de total, par ce qu'il est imparfaict: dont vient que nous ne disons pas que l'animal ait esté engendré sans principe, ains disons qu'il y a eu vn principe de generation, qui est la puissance generatiue, par laquelle la matiere a esté trāsmuee, & luy a esté imprimée vne temperature generatiue, & que l'œuf puis apres est comme vne supergeneration, ne plus ne moins que le sang & le lait de l'animal apres la nourriture & la concoction. Car on ne voit iamais œuf engendré de limon, d'autant qu'il a sa generation & cōcretion dedans le corps de l'animal seulement, là où il y a des animaux innumerables qui se procreent & engendrent du limon, & dedans le limon. Car pour n'en alleguer point d'autres exemples, on prend tous les iours vne infinité d'anguilles, & ne veit on iamais anguille qui eust ny œuf ny germe, ains si on espuise toute l'eau, & que lon oste toute la bourbe & le limon, soudain que l'eau retourne à couler dedans ce lieu la, il s'y engendre des anguilles. Il est

doncq force que ce qui a besoing d'un autre pour estre, soit postérieur de generation, & que ce qui autrement & sans cela peut estre, soit précédant, & qu'il aille deuant quant à la précédence de generation, car c'est de celle priorité dont on parle. Qu'il soit ainsi, les oyseaux font & cōposent leurs nids auant que pondre leurs œufs, & les femmes preparent des couches & des langes pour leurs enfans auant qu'elles soient accouchees, & toutefois vous ne diriez pas ny que le nid ait esté de generation auant l'œuf, ny les langes auant l'enfant. Car la terre, ce dit Platon, n'imité pas la femme, mais c'est la femme qui imite la terre, & conséquemment chascune des autres femelles: & est vray semblable, que la premiere generation a esté faicte entiere & accomplie de la terre par la vertu & perfection du generateur, sans auoir besoing de tels ouils ny tels vases que la nature a fait & inuenté depuis és femelles, qui portent & engendrent à cause de son impuissance & imbecilité.

QUESTION QUATRIEME.

*si la Lucte est le plus ancien des combats
& ieu de pris sacré.*

Nous faisons le festin pour la victoire que Sosicles de Corone auoit obtenue és ieu Pythiques sur tous les autres poëtes, & approchant le iour que deuoient combattre les cōbattans à nud, on y parloit plus des lucteurs que de nuls autres, pource

A pource qu'il en estoit arriué grand nombre, & des plus renommez de toute la Grece. Estant doncques en la compagnie Lyfimachus, l'un des ptoqueurs des Amphictyons, dit qu'il auoit n'aguères ouy dire à vn Grammairien, que la luitte estoit le plus ancien de tous les cōbats à nud, & disoit que le nom mesme en portoit tesmoignage, estant la luitte appelée Palé, comme qui diroit antique. Car communément les choses plus modernes & plus recentes d'inuention prennent leurs noms des ancienes, comme *αυλος*, qui signifie aubois, semble auoir esté nommé de *νάυλη*, qui est instrument de clavier: & encore auourd'huy appelle lon le ieu des flustes *κρημα*, qui signifie touchement, la denomination estant prise de la lyre dont on iouë en touchât. Qu'il soit vray, on appelle Palēstra le lieu où s'exercent tous ceux qui combattent à corps nud, combien que le ieu de la luitte de toute ancienneté luy ait donné le nom, & l'a tousiours retenu aussi biē pour les autres exercices qui ont esté inuētez, & sont venus en vsage depuis. Le pris alors la parole & dis, que cest argument & tesmoignage la n'estoit pas fort assez pour conclure, par ce que Palēstra a bien esté denommé de Palé, qui signifie la luitte, non pource qu'elle soit plus ancienne que les autres combats, mais pource que c'est celuy seul de tous qui a besoing de saulpoudrux de poulcier qui s'appelle Pelos, & de Cerome, qui est vne composition d'huile & de cire dont on frotte les luitteurs. Car au reste on n'exerce en ces lieux la ny la course ny l'escrime des poings, ains seulement

y praticque lon la luiçte, & le Pancration qui est d
l'escrime à faire du pis que lon peut, à cause qu'en
l'vn & l'autre exercice on y renuerse l'vn l'autre
dessus le sable: & est tout apparent que ceste escri-
me la du Pancration est meslee de la luiçte & de la
simple escrime des poings: autrement quel propos
y auroit il, que ce combat la qui est le plus inge-
nieux & le plus artificiel de tous, soit aussi le plus
ancien? Car la necessité & l'vsage met en auant le
premier ce qui est simple, sans art, & qui se fait
avec force & violence plus tost qu'avec regle.
Après que i'eus dict cela, Sosicles y adiousta, Tu e
dis vray quant à cela, & pour confirmer ton dire,
il me semble que Palé a esté denomné de ce verbe
παλέειν, qui signifie porter par terre, & renuerse
par ruse & par tromperie. Et Philinus, Mais plus
tost il me semble, dit-il, qu'elle a esté appelée de
ce mot παλαιή, qui signifie la paulme de la main,
par ce que c'est la partie des deux mains que plus
emploïent ceux qui luiçtent, comme aussi ceux qui
escrimēt se seruent plus des deux poings, dont l'es-
crime en a esté appelée πυγμή, comme la luiçte
Palé, de la paulme de la main, cōbien que les poë-
tes vsent de ce mot παλύνειν, qui signifie faulpou-
drer & semer de poudre, dequoy nous voions que
les luiçteurs vsent plus que nuls autres champions,
& pourroit on bien encore dire, que le nom de Pa-
lé seroit deriué de là. Mais considerez encore d'a-
uantage cela, que les coureurs font tout ce qui est
en eux pour esloigner le plus qu'ils peuuēt, & lais-
ser derriere leurs concurrents: & les escrimeurs des
poings,

A poings, encore qu'ils ne demandent bien souuent autre chose que s'entreharper, les iuges & gouuerneurs ne leur permettent pas de ce faire, & voions que les luidteurs seuls sont ceux qui plus s'entr'acollent & s'entr'embrassent, & la plus part de leurs façons de cōbattre sont prises ou vrayes ou feintes, accrochemens & mesuremés de l'un à l'autre, qui toutes les attachent & les entrelassent ensemble, tellement qu'il pourroit sembler que pour s'entr'approcher ainsi, & estre tousiours pres l'un de l'autre, la luidte auroit esté appelée Palé de ce mot Πάλας, qui signifie aupres.

QUESTION CINQUIEME.

Pourquoy est-ce qu'Homere entre les combats de pris, met tousiours en premier lieu l'escrime des poings, & puis la luidte, & le dernier la course.

Ces paroles aiant esté dittes, apres que nous eusmes tous loué les raisons de Philinus, Lyfimachus se prit à dire de rechef: Et quel autre combat voudroit on mettre deuant la course, & la carriere, comme lon l'observe és ieux Olympiques? Car icy aux ieux Pythiques, à chasque fois que lon combat, ils introduisent ainsi les combattans: Les enfans luidteurs les premiers, & puis les hommes luidteurs aussi, puis les escrimeurs des poings, & apres les Pancratiastes à faire du pis que lon peut, puis quand les enfans ont acheué tous leurs com-

bats, alors on appelle les hommes. Mais prenez garde si Homere auroit point fait cela expressement pour monstrier l'ordre qui y estoit obserué de son temps, par ce qu'en ses œuvres tousiours l'escrime des poings est ordonnee, entre les combats à nud, la premiere, au second lieu la lucte, & au dernier la course. Dequoy Crates le Thessalien s'esbahissant, O Hercules (dit-il) combien nous ignorons de choses! Et ie vous prie, dit-il, si d'aduenture vous auez en main aucuns de ses vers, de les nous vouloir reduire en memoire. Timon respondant: Il n'y a celuy, dit-il, à qui il ne sonne aux oreilles que aux honneurs des funerailles de Patroclus, cest ordre des combats y est obserué. Et le poëte gardât tousiours ce mesme ordre egaleme[n]t, fait qu'Achilles dit au bon homme Nestor,

Je t'offre en don gratuit ce present
 Pere Nestor, car ton aage est exempt
 D'escrire plus des poings, & te rebutte
 Doresnauant du combat de la lucte,
 Du ianelot à tour de bras lancer,
 Et du courir les autres auancer.

Puis faisant respondre le bon vieillard avec vne longue trainee de paroles à la façon des vieilles gens, il dit ainsi,

Clytomedes ie gaignay combattant
 De mes deux poings, Angeus en luctant,
 Et Iphiclus ie passay de vifesse.

Et puis en vn autre passage il introduit Vlysses qui prouoque les Pheaciens

A faire à coups de poing, ou à lucter,

A Ou à courir & se cullebuter.

A quoy Alcinous luy respond,

A coups de poing pas nous ne combattons

Des mieux du monde, & aussi peu luiçtons:

Mais à courir nous sommes bien fort vistes.

Là où il ne change pas l'ordre fortuitement, & selon qu'il luy venoit en la memoire, tantost en vne sorte, tâtost en vne autre, ains suiuant de poinct en poinct, comme par loy prescrite ce qui se faisoit alors & qui estoit en vsage, par ce qu'ils gardoient encore lors l'ancienne ordonnance. Apres que

B mon frere eut acheué son propos, ie dis que selon mon aduis il auoit bien parlé, mais que pour cela ie ne pouuois entendre la raison de cest ordre, & si sembla à quelques vns des autres, que veu qu'il estoit question de cōbat, il n'y auoit point de propos que l'escrime des poings, ou le luiçter allast deuant le courir. Dequoy ils me prierēt de rechercher la cause vn peu de plus haut: parquoy ie me pris à leur dire tout sur le chāp, Qu'il me sembloit que tous ces exercices la estoient representations des choses de la guerre. Car qu'il soit vray, la coutume est encore, apres que tous les combats sont acheuez, d'amener sur les rengs vn homme de pied armé de toutes pieces, comme pour tesmoigner que cela est le but où tendent tous les exercices du corps, & toutes ces ialousies la de gagner le pris & le priuilege que lon dōne aux victorieux quand ils retournent triomphants és villes dont ils sont nez, de faire vne bresche aux murailles, & en abatre vne partie. Cela reçoit telle interpretation,

qu'il n'est pas grand besoing de murailles à vne^D ville qui a des hommes qui sçachent combattre & emporter la victoire. Et en Lacedemone ceux qui auoient vne fois emporté le pris en ces ieux la sacrez & couronnez, par special priuilege d'honneur auoiēt lieu & place de combattre en vn iour de bataille tout ioignant le Roy : & n'y a de tous animaux que le cheual seul qui puisse participer à la couronne de tels ieux, pour autant que luy seul est idoine de nature & instruiēt par discipline à accompagner l'homme és batailles, & à combattre quand & luy. Or si cela est veritable & à propos,^E nous voions que le premier affaire de ceux qui cōbattent est de frapper l'ennemy, & de se couvrir de luy. Le second est quand ils sont venus aux mains, & attachez aux prises, de s'entrepousser & essayer de renuerser l'un l'autre, qui fut l'aduantage, à ce que lon dit, que noz Citoiens, estans bien adroits à la luitte, eurent en la bataille de Leuctres à porter par terre les Lacedemoniens. C'est pourquoy Æschylus en quelque passage parlant d'un vaillant homme de guerre, le nomme

Ferme luitteur à l'espee & bouclier.

Et Sophocles en quelque lieu parlant aussi des Troyens, les appelle

Aimans cheuaux aux armes adresser,

Les arcs de corne aux deux bouts enfoncer,

Luitter de pres par si rudes approches,

Que les boucliers en sonnent comme cloches.

Le troisiēme apres tout est, de fuir si lon est vaincu, & de chasser si lon est vainqueur. A bon droit

donq

A donq l'escrime des poings precede, la luiçte est mise au second lieu, & la course au dernier. Par ce que l'escrime des poings represente le charger l'ennemy, & se couvrir de luy, la luiçte le harper & terrasser, & par le courir on s'exerce à chasser ou à fuir.

Q V E S T I O N S I X I E M E .

Pourquoy est ce que le Pin, le Sapin, & autres semblables arbres iettans resine, ne se peuvent enter en escusson.

SOclarus nous festoiant en vn sien vergier qui sest arrosé & enuironé tout alentour de la riuere de Cephisus, nous monstroït des arbres diuersifiez de toute sortes d'entures en escusson. Nous y voions des Oliuiers qui sortoient de Lentisques, & des Grenadiers de Meurthes. Il y auoit des chesnes qui portoient de bons poiriers, & des Platanes qui receuoient des pommiers: & des Figuiers qui auoient esté entez de greffes de Meuriers, & d'autres meflanges de plantes sauuages domtees & appriuoisees iusques à porter fruits. Si se prirent les autres conuiez à se iouer avec Soclarus, disans qu'il nourrissoit des especes de bestes plus estranges & plus monstrueuses que les Sphinges & les Chimeres des poëtes: Mais Craton nous meit en auant la question, Pour quelle cause les arbres huileux, & iettans resine ne reçoient ny n'admettent point telles compositions, par ce que lon ne veit iamais ne Cyprez, ne Pin, ne Sapin qui nourrist

aucun greffe d'arbre de differēte espee. Et Philon ^D
 prenant la parole : Il y a, dit il, vne maxime entre
 les hommes doctes, qui est confirmee par l'expe-
 rience des laboureurs, que l'huile est ennemie de
 toutes plantes, & n'y a plus prompt moien de faire
 mourir tel arbre que vous voudrez, que de le frot-
 ter d'huile, aussi bien que les abeilles. Or est il que
 tous ces arbres la sont gras, & ont vne nature mol-
 lace, tellement qu'ils distillent la poix & la resine,
 & quand on les vient à fendre, ils iettent du dedās
 vne liqueur, & les esclats d'iceux rendent vne hu-
 meur huileuse qui reluit, à cause qu'elle est grasse. ^E
 C'est pourquoy ils ne se peuuent mesler avec les
 autres arbres, non plus que l'huile avec les autres li-
 queurs. Philon aiant acheué, Craton adiousta qu'il
 estimoit, que la nature de l'escorce y faisoit aussi
 quelque chose, par ce qu'estant deliee & seiche, elle
 ne bailloit pas siege ferme ne moien de prédre sé-
 ue & s'incorporer aux greffes que lon mettoit de-
 dans, comme tous les bois qui ont les escorces de
 qualité trop humide & trop molle : car ils empe-
 chent que le greffe ne se puisse vnir & incorporer
 avec les parties qui sont au dessoubs de l'escorce. ^F
 Soclarus mesme dit alors outre cela, qu'il ne le pré-
 droit pas mal celuy qui diroit estre necessaire, que
 ce qui reçoit vne autre nature soit facile à muer &
 mouuoir, à fin que se laissant vaincre il se rende
 semblable, & qu'il transmue sa propre nature en
 celle de ce qui est planté dedans luy. Voyla pour-
 quoy nous rendōs, premier que de semer ou plan-
 ter, la terre meuble, & l'amollissons & assouplis-
 sons

A fons, à fin qu'estant ainſi rompue & labouree, elle en ſoit plus aiſee à ſe tranſmuer, & à ambraffer en ſon ſein ce que lon y ſeme, & que lon y plâte. Car au contraire, celle qui eſt aſpre & dure ſe tranſmue difficilement. Or ces arbres la eſtans de bois doux & leger, d'autant qu'ils ne ſe peuuent vaincre ne ſe tranſmuer, ne ſe peuuent auſſi incorporer : & puis il eſt tout manifeſte qu'il fault, que ce qui reçoit air nature de champ & de terre labourable enuers ce qui eſt enté dedans. Or fault il que la terre ſoit femelle & apte à porter : c'eſt pourquoy lon choiſit

■ les plus fertiles arbres pour enter deſſus, ne plus ne moins que les femmes qui ont trop de laiçt, on leur baille encore d'autres enfans que les leurs à nourrir de mamelle. Et nous voions que le cyprez, le ſapin, & autres tels arbres ſont ſteriles & ne portent gueres ny de beaux fruiçts : ainſi que nous voions le plus ſouuent, que les hommes & les femmes qui ſont par trop graſſes, ne font & ne portent point d'enfans, par ce que conſumans la plus part de leur nourriture en la groſſeur de leurs corps, ils n'en laiſſent point de ſuperfluité vtile à faire de la

• ſemence. Auſſi ces arbres la emploians toute leur ſubſtance & nourriture à ſe groſſir eulx meſmes, ils en deuiennent fort grands, & fort gros : mais où ils ne portent point de fruiçt du tout, ou il eſt bien petit, & vient bien tard à perfection de maturité : pourtant ne ſe fault il pas eſbahir, ſi l'eſtranger ne peult naiſtre ne viure, là où le naturel malaiſément ſe nourrit.

QUESTION SEPTIEME.

*Du poisson qui s'appelle Remora, à cause
qu'il arreste les navires.*

D

CHæremonianus le Trallien, vn iour qu'on auoit apporté grand nombre de petits poissons de toutes sortes, nous en monstra vn qui auoit la teste longue & pointue, & nous dit qu'il ressembloit proprement à celuy que lon appelle Remora ou Echeneis, lequel il disoit auoir veu nauiguant en la mer de la Sicile, & s'estoit grandemēt esmerueillé de voir la propriété & force naturelle qu'a ce poisson de retarder & alentir sensiblement le cours d'une nauires cinglant en pleine mer, iusques à ce que le marinier de la prouë le surprit attaché au paroy de la nauires par le dehors. Si y en eut en la compagnie qui se mocquerēt de luy, disans qu'il auoit reçu pour bonne monnoye vn conte fait à plaisir, où il n'y auoit point de verissimilitude. Aussi y en eut il d'autres qui commencerent à caquetter des proprietes occultes & contrarietes naturelles, & allegua lon plusieurs telles choses, cōme Que l'Elephant estant en fureur s'appaise si tost qu'il voit vn mouton. Et si vous approchez d'une vipere quelque petite branche de fousteau, & l'en touchez, vous la ferez demourer tout court. Vn Taureau sauage quelque eschauffé & esmeu qu'il soit, s'appaise & s'adoucit aussi tost que lon l'attache à vn figuier. Que l'ambre remue & attire à soy tout ce qui est sec & leger, excepté le basilic & ce qui est frotté d'huile. Que la pierre d'aimant ne tire plus le fer quand elle est frottee d'ail. De tous lesquels

A lesquels effects l'experience est toute notoire, mais la cause en est bien difficile à trouuer, si du tout elle n'est impossible: Et quant à moy, ie dis que cela estoit plus tost vne defaite pour ne respondre point pertinemment à la question proposee, que non pas vne exhibitiō de la cause: car nous voions que beaucoup d'euenemēs qui s'entresuiuent l'un l'autre sont reputez causes, qui ne le sont pas pourtant, comme si quelqu'un disoit, que le florir de l'ozier frāc fust cause de faire meurir le raisin, pour ce que lon dit communément,

B Si l'ozier fleurit,

Le raisin meurit :

ou qui diroit que par les potirons qui apparoissent dedās les lampes l'air se trouble & le ciel se couure, ou les ongles crochus soient cause & non pas accident d'ulcere estant dedās les parties nobles. Tout ainsi doncques que chascun de ces exemples la, est suite de diuers accidents produits de mesmes causes, aussi cuide-je qu'il y a vne mesme cause qui retarde la nauire, & qui attrait ce petit poisson de Remora à sy attacher : car ce pendant que la nauire est seiche, & non pas encore trop imbue & trempee d'eau, il est vraysemblable que la quille en coule plus facilémēt par dessus la mer, & que pour ceste legereté elle fend plus aisémēt les vagues qui luy cedent, mais apres qu'elle a esté bien trempee & longuement baignee, & qu'elle a amassé force algue, force coralline, & force mousse qui s'y est attachee, alors le bois de la quille en deuient plus mousse à coupper & fendre les flots de la mer, & la

vague venant à donner contre ceste masse ainsi **B**
grasse, ne se rompt pas aisément. C'est pourquoy
les mariniers ont accoustumé de bien fiourbir &
racler les parois de la nauire, pour en oster toutes
accroches des herbes, d'algue, & de la mousse, qui
s'y attachent, ausquelles il est aisé à croire que ce
petit poisson Remora s'accroche volontiers, pour
ce que c'est vne matiere molle & rendre, au moien
dequoy on a pensé qu'il fust cause principale d'ar-
rester ainsi la nauire, & non pas accessoire ioincte
à la principale de ce retardement.

QUESTION HVICTIEME.

*Pourquoy est-ce que lon dit que les cheuaux Lycos-
spades, c'est à dire qui ont esté tirez ou rescous
du Loup, sont plus couragex
que les autres.*

AVcuns estiment que les cheuaux Lycospades
ont ainsi esté appelez, à cause d'une sorte de
mors forte & rude qu'on leur baille, qui s'appel-
le Lycos, c'est à dire Loup, pour les arrester, à cause **P**
qu'ils sont ardents & malaisez à tenir: Mais nostre
pere, qui n'estoit pas homme prompt à dire com-
me les autres, & qui auoit tousiours des meilleurs
cheuaux qu'on eust sceu choisir, disoit que ceux
qui estoient eschappez aux Loups pendant qu'ils
estoient encore poulains en deuenoient meilleurs
& plus vistes, & qu'on les appelloit pour cela Ly-
cospades. Et d'autant que plusieurs luy portoient
resf

A. tefmoignage de dire en cela verité, nous eftions en peine de trouuer la caufe, comment & pourquoy celt accident la pouuoit rendre les cheuaux plus genereux, & plus courageux, par ce que la plus part de la cōpagnie fouftenoit au contraire, que cela eftoit plus toft pour leur imprimer vne couardife que non pas vne generofité: & que pour cela eftans deuenus paoureux & craintifs, ils en auoient les mouuemens plus legers & plus foudains, tout ainfi que les beftes qui fe font vne fois trouuees enuelopees dedans les toiles. Mais ie dis quant à
 B moy, qu'il falloit confiderer, fi c'eftoit point tout le contraire de ce qu'il sembloit de prime face, par ce que les poulains ne deuenoient pas plus viftes & plus dispos pour auoir euité le danger d'eftré mägez des Loups, mais au contraire ils n'en furent iamais efchappez, fi de nature ils n'euffent efté viftes & courageux: Non plus que Vlyffes ne deuint pas plus fage & plus prudent, pour auoir efchappé le danger du Cyclops geant Polyphemus: mais pour ce que de luy mefme naturellement il eftoit rel, il trouua l'expedient & le moien de s'en faouer.

Q V E S T I O N N E V F I E M E.

Pourquoy est-ce que les moutons qui ont esté mords du Loup, en ont la chair plus tendre, mais la laine plus subiette à engendrer des poulx.

C E propos la nous cōduisit apres à parler auffi des moutons qui ont esté mords du Loup, par

ce que lon dit, que celle morsure en rend la chair plus delicate, mais que la laine en engendre des poulx. Si sembla bien que la raison que mon gendre Patrocleas allegua touchât la delicateſſe estoit vraie, disant que ceste beste rendoit par sa morsure la chair plus tendre & plus fondante, d'autant que son aleine est si chaude & si ardente, qu'elle fond & digere les os mesmes dedans son estomac. Et que c'estoit pourquoy les chairs que le Loup auoit mordues, se corrópoient plus tost que les autres: mais quât à la laine nous en estions en dōubre, d'autant qu'il nous sembloit qu'elle n'engendroit pas les poulx, mais que seulemēt elle les attrayoit, par la proprieté qu'elle a d'une aspreté raclante, & d'une chaleur dont elle ouure les pores de la chair, laquelle proprieté s'imprime en la laine du mouton, par la morsure & par l'aleine du Loup, qui altere non seulement la chair, mais iusques au poil & à la laine mesme de la beste tuee: dequoy faisoit foy l'experience & histoire, par ce que lon ſçait que les chasseurs & les cuyſiniers tuent aucunes fois des bestes d'un seul coup, de sorte qu'elles tombēt toutes roides mortes, sans respirer ny remuer pied ne p^ate, & d'autres à plusieurs coups mal-aisément & à toute peine: & qui est encore plus merueilleux, c'est que la chair de celles qui sont ainsi tuees à plusieurs fois, prend du ferrement dont elles sont bleſſees, vne telle qualité, qu'elles se corrompēt incontinent, & ne demeurent pas entieres vn tout seul iour. Au contraire celle des bestes qui sont tuees tout à coup ou moins lentement, ne reſſent rien de
cela

À cela, ains demeure saine & entiere assez lōg temps. Et qu'il soit vray que les diuerſes façons de mort dont les beſtes ſont tuees, paſſent & ſ'apperçoiuēt iuſques aux cuirs, iuſques aux poils, & iuſques aux ongles, Homere meſme le nous donne à entendre, parlant du cuir & des courroyes d'un bœuf tué à viſue force : car la peau de ceulx qui ne meurent point de vieilleſſe ny de maladie ou langueur, ains ſont occis violemment, en eſt plus ferme & plus dure : vray eſt que des animaux qui ont eſté mordus par les beſtes ſauuages les ongles leur deuiennent noirs, le poil leur tombe, & leurs peaux en deuiennent laſches & faciles à deſchirer.

Q U E S T I O N D I X I E M E .

Si les anciens faiſoient mieulx ſeruans à table chaſcun à part, que maintenant que lon mange de communes viandes tous enſemble.

L'Annee que ie fus Preuoſt à Athenes de la preuoſté qui donne le nom à l'annee, les ſouppers en ma maiſon eſtoient preſque touſiours bâcquets ordinaires de ſacrifices, là où à chaſcun eſtoit aſſigné à part ſa portion : dequoy pluſieurs eſtoient fort aiſes, & les autres le blaſmoient comme choſe inciuite & mal honneſte, diſans que puis que lon a oſté la couronne du ſacrifice de deſſus la teſte, il fault auſſi remettre les tables à l'vſage & à la façon accouſtumee : car ce n'eſt pas pour manger ſimplement, ce diſoit Agias, ny pour boire, à mon ad-

uis, mais pour manger & boire ensemble, que nous
 nous entreconuions, là où ce département de chair
 & de viandes par portions oste toute communica-
 tion de societé, & fait d'un soupper plusieurs soup-
 pers, & plusieurs souppans à part, & nuls souppans
 ensemble les vns avec les autres, quand chascun
 prent ainsi comme de l'estau du boucher, sa chair à
 certain pois, & à certaine mesure, & met sa portion
 deuant soy. A quoy tient il, ie vous prie, que lon
 ne baille quant & quant à chascun des conuiez son
 hanap, son pot plein de vin, & sa table à part? com-
 me lon dit que ceux de la lignee Demophoontide^E
 feirent iadis à Orestes, en luy commādant de boire
 & manger, sans s'amuser à parler aux autres. N'est-
 ce pas tout vn que ce qui se fait maintenāt en met-
 tant du pain & de la chair deuant vn chascun pour
 le paistre à part en sa propre mangeoire? Il n'y a
 differēce sinon que lon ne nous fait pas comman-
 dement de manger en silence sans parler, comme
 lon fait à ceux qui disnent au festoyement d'Ore-
 stes, là où cela mesme nous doit appeller à com-
 munauté de toutes choses en vn bācquet que nous
 parlons les vns aux autres, que nous participons au^F
 plaisir du chāt d'une menestriere, qui nous resiouit
 autāt les vns que les autres de sa musique, & d'une
 balladine tout de mesme. Ceste couppe mesme
 d'amitié qui est apportee au milieu de la compa-
 gnie pour y boire tous les vns aux autres sans estre
 astrainct à certaines bornes, comme vne source &
 fontaine viue de beneuolence, aiant pour toute
 mesure la soif & disposition à boire d'un chascun,

A non pas comme ceste tres-iniuste distribution de portions de chair & de pain à chascun, qui se farde & se masque d'une couleur faulse d'egalité entre ceulx qui sont inegaux, par ce que l'egal & le mesme à vn qui a besoing du moindre deuient plus, & à celuy qui a besoing de plus, est moins. Tout ainsi doncq que celuy se feroit mocquer, qui à plusieurs differents malades de diuerses maladies distribueroit medecines egales à pois & mesures exactement semblables : aussi feroit le festoiant qui aiant assemblé en vn festin plusieurs differemment appetisiez, les voudroit traiter tous de mesme, en mesurant l'egalité de sa distribution à la proportion Arithmetique, & non pas à la Geometrique. Il est vray que nous allons tous à la tauerne acheter le vin à vne mesme mesure & egale, qui est la publique, mais à la table chascun y apporte son estomac, lequel se remplit non de ce qui est egal à tous, mais de ce qui suffit à chascun. Et quant aux banquets d'Homere, il n'est point à propos de les apporter de ceste discipline la militaire, & de la coustume du camp, à noz mœurs de maintenant, c'ains est plus raisonnable que nous nous propositions à ensuiure l'humanité & courtoisie des anciens, qui honoroient non seulement ceux qui logeoient & demouroient avec eulx, mais aussi leurs commésaux qui mangeoient à mesme table, & de mesme viande, d'autant qu'ils reueroient la société & communauté en toutes choses. Parquoy laissons la, ie vous prie, les souppers d'Homere, lesquels me semblent vn peu trop affamez, & trop altetez,

encore qu'ils aient des Princes pour maistres d'ho-
stel, qui sont plus fins & de plus pres regardans à
la despenſe que les tauerniers & hosteliers meſmes
de l'Italie, veu qu'entre les armees, & lors qu'ils
eſtoient aux mains avec les ennemis, ils se ſouue-
noient exactemēt combien de fois chaſcū des con-
uiez auoit beu en ſon logis. Ceux de Pindare ſont
certainemēt bien meilleurs, eſquels, comme il dit,

Bien ſouuent le Prince honorable

Seioit avec eulx à la table.

par ce qu'ils auoient cōmunication de toutes cho-
ſes enſemble : cela veritablement eſtoit vne com-
munion & vne mixtion, là où cecy n'eſt qu'une di-
uiſion & vne ſeparation d'hōmes, qui monſtrent
ſemblant d'eſtre grands amis, & ne peuuent pas
neantmoins communiquer enſemble iuſques à
manger de meſme viande. Agias fut bien ouy &
loué pour les raiſons qu'il auoit alleguees, & y en
auoit qui diſoiēt qu'il ne falloir pas trouuer eſtran-
ge, ſil ſe courrouçoit qu'on luy baillaſt vne portio
égale aux autres, veu qu'il auoit le ventre ſi grand,
& ſi gros : car à la verité il eſtoit de grande vie, &
mangeoit beaucoup. Or en vn poiſſon commun,
comme diſoit Democritus, il n'y a point d'areſtes.
Et c'eſt cela, dis-ie adoncq', principalement qui
nous a introduit & amené l'vſage des portions, &
non ſans grande raiſon : car comme dit la vieille
Royne Iocaste és Phœnices d'Euripide,

Cela qui ioinct les peuples alliez

L'un avec l'autre, & citez à citez

En vn liē, c'eſt ceſte egalité:

A de laquelle il n'y a rien qui ait tant affaire ny tant de besoing, comme la société & communion de la table, l'usage en estant fondé sur la nature & sur la loy nécessaire, non pas vaine ou tirée d'ailleurs par opinion, par ce que naturellement celuy qui ne peult tant manger, ou qui demeure derriere, veult mal à celuy qui mange plus de la viande commune, ne plus ne moins que la galere qui a la vogue deuant les autres, nécessairement est mal vouluë d'elles : car ce n'est point à mon aduis vn amiable commencement de festin, quand on vient à rauir des mains la viande les vns aux autres, & que lon y iouë à qui sera plus habile de la main, & que lon s'entrepousse à coups de coude l'un l'autre, ains sont routes ces façons de faire là mal honnestes, & tiennent de la coustume des chiens, se terminant quelquefois, & bien souuent, en iniures & en choleres, non seulement des conuiez les vns contre les autres, mais aussi alencontre des maistres d'hostel, voire de ceulx mesmes qui font le festin. Mais du temps que ces sages Fees la, Mœra & Lachesis, gouernoient la société & communauté des festins, on n'y voioit rien de desordre, rien de sale ny mechanique, ains appelloit on lors les souppers & bâcquets *δαΐτας*, & les conuiez souppans *δατυμόνας*, & les escuyers trenchans, qui seruoient à la table *δατῖπῆς*, pour ce qu'ils partoient & donnoient à chascun sa portion. Aussi auoient les Lacedemoniens pour leurs distributeurs de chairs, non personnes vulgaires, ains les premiers hommes de leur estat, tellement que Lyfander mesme fut en Asie estably par le roy

Agésilas, commissaire à distribuer les chairs en son camp. Mais telles distributions cessèrent alors que la superfluité & les delices furent introduictes es festins, d'autant que lon ne pouuoit pas ainsi facilement partir les pastisseries, les tartes, les maschepans, les saulës, les saupiquets & viandes exquisës, de maniere qu'estans vaincus par la friandise de telles voluptez, les hōmes abandonnerent l'egalle distribution des parts & portions: dequoy on peult prendre pour argument & preuue suffisante ce que lon voit encore iusques au iourd'huy, que les sacrifices & banquets publicques se font encore à la mode antique aux portions: pour monstrier la netteté & simplicité de viure des anciens: tellement que celuy qui reçoit la distribution remet sus quant & quant la frugalité. Voire mais on me pourra dire, que là où il y a du propre se perd le commun. Ouy bien, où le propre n'est pas egal entre tous: car ce n'a pas esté la possession du propre, mais l'vsurpation de l'autrui, & la conuoitise du cōmun, qui a amené l'iniustice, la noise & la guerre au monde, laquelle les loix reprimans par les bornes du propre à chascū, en ont esté appellees νόμοι, F de l'autorité & puissance qu'elles ont de partir egallement à chascun ce qui est cōmun entre tous: autrement tu ne deuras non plus vouloir que le festoiant distribue à chascun sa couronne & son chapeau de fleurs, ny sa place de l'assiette, voire que si quelqu'un d'aduenture amenoit au festin vne siēne amie, ou vne balladine, cela deura dōcq' estre cōmun entre les amis, à fin que toutes choses soient

A soient ensemble pelle mesle & tout vn, comme disoit Anaxagoras. Ou s'il est ainsi, que la vendication en propriété de telles choses ne trouble rien la société & communauté, veu que les autres de principale consideration & de plus grande importance sont communes, j'entens la conference de paroles, les caresses de boire les vns aux autres : nous nous deporterons à bon droit de mespriser & condamner les portions & le sort de partage, fils de Silence, come dit Euripides, lequel ne donnant point la prerogative, ny à la richesse, ny au credit, ny à la noblesse, ains allât ainsi qu'il se rencontre tãtost cy tãtost là, esléue le cœur à celuy qui est pauvre & petit, & ne le priue point de quelque espece de liberté, & si accoustume le grand à ne desdaigner point l'egalité, ains le modere & tempere sans le fascher.

LE TROISIEME LIVRE

DES PROPOS DE TABLE.

LE PREAMBULE.

C E poëte Simonides, Sossius Senecion, voiant en quelque banquet vn estranger qui ne disoit mot, & ne parloit à personne, luy dit : Mon amy, si tu es vn sot, tu fais sagemët : mais si tu es sage, tu fais sottement. Car il vaut bien mieux couvrir & cacher son ignorance, comme disoit Heraclitus, que de la descou-

urir, mais il est bien malaisé quand on est à faire D
grand chere, & que lon boit à bon escient: car com
me dit le poëte,

Le vin peult tant, que le sage il destrae,
Et fait chanter l'homme tant soit il graue,
Rire, gaudir, & chanter, & baller,
Et ce, que taire il deuroit, deceler.

là où il semble que le poëte en passant nous a vou-
lu monstrier la difference qu'il y a entre auoir beu
& estre yure: par ce que le chanter, le rire & baller
adiuent communement à ceulx qui ont assez beu,
mais de babiller, & ne celer ce qu'il eust mieulx E
vallu taire, cela est acte d'ebriété & yurongnerie.
C'est pourquoy Platon dit, que les conditions du
commun des hommes se descouurent mieulx en
beuant qu'autrement. Et quand Homere dit,

Ils ne festoient pas cogneus à la table,
il monstre bien qu'il entendoit la vehemence du
vin, & la force qu'il a d'engendrer beaucoup de pa-
roies, car on ne cognoistroit point les hommes, ny
leurs meurs & conditions pour manger & pour
boire, s'ils beuuoient & mangeoient sans mot dire.
Mais d'autant que le boire induit les gens à beau- F
coup parler: & le parler descouure & met en eu-
idence plusieurs choses, qui autremēt estoient cou-
uertes: le boire ensemble, par consequent, donne
grāde cognoissance des vns aux autres. De manie-
re que lon pourroit à bon droit reprendre Æsope
& luy dire, Dea mon amy, à que faire vais tu cher-
chant des fenestres, par lesquelles chascun peust
voir ce que son voisin a sus le cœur: car le vin le
nous

A nous descouure assez, ne laissant pas demourer celui qui a beu en silence, ains luy ostant tout masque & toute simulation deguisee, lors qu'il semble estre plus esloigné de la loy, comme de son regent & pëdagogue. Le vin doncq' est suffisant pour Æsope, pour Platon, & pour tous ceux qui chërchèt les moiens de descouurir les secrets des cœurs des hōmes : mais ceux qui ne se veulent point tenter ne langueier les vns les autres pour s'entredescouurir, ains cherchent à se resiouir & recreer ensemble, ils tiennent de tels propos, & mettent en
 B auant de telles questions, que par icelles les mauuaises parties & imperfections de l'ame, si aucunes y en a, se cachent, & ce qu'il y a de meilleur & de plus gentil se fortifie, comme estant conduit par le deuis des lettres en ses propres prairies, & ses propres pastis. C'est pourquoy nous t'auons recueilly ceste troisième dizaine des propos de table, dont la premiere questiō sera celle des chapeaux de fleurs.

Q U E S T I O N P R E M I E R E .

C *S'il est bon de porter sur la teste chappeaux de fleurs à la table.*

EN vn banquet que faisoit vn iour à Athenes le Musicien Eraton, aiant sacrifié aux Muses, là où il y auoit belle compagnie, on meit en auant le propos des couronnes & chappeaux de fleurs, par ce que lon en apporta de toutes sortes apres le soupper. Et Ammonius se mocqua vn peu de

nous, qui au lieu de chappeaux de laurier en met- D
tions de roses sur noz testtes, par ce, disoit-il, que les
chappeaux de fleurs sont plus propres aux filles,
& conuiennent mieux aux pucelles & ieunes fem-
mes, que non pas aux assemblees des Philosophes
& des hommes de lettres. Et m'esbahis de cest Era-
ton, attendu que haïssant & reprouuant les fleur-
tis en la musique, & blasmant le bon & gentil A-
gathon, de ce quelondit que ce fut luy premier
qui faisant iouer la Tragedie des Mysiens messa
parmy la musique ordinaire vn petit de la chro-
matique, & ce pendant luy mesme nous a remply E
tout son festin de festôs & chappeaux de fleurs, &
de toutes sortes de parfums & fenteurs: trouuant
estrange que fermât la porte des oreilles aux deli-
ces & aux voluptez, il ouure ce pendant celle des
yeux & des naseaux, leur donnant entree en l'ame
par ailleurs, & faisant de la courône de religion &
deuotion, chapeau de volupté & de dissolution:
combien que les huiles & pouldres des parfums
rendent plus douce & plus souëfue odeur que
ne font pas ces chappeaux de fleurs toutes fenees
& flastries entre les mains des bouquetieres: & F
toutefois elles n'ont point de lieués banquets &
assemblees des philosophes, d'autant que c'est
vne volupté oyseuse, qui n'est accouplée à vtilité
quelconque, ny ne part d'aucune source de neces-
sité naturelle, ne plus ne moins que ceux qui vont
en vn banquet y estans menez par quelqu'vn des
conuiez, suiuant vne coustume honneste, ils sont
lesbien venus, & traitez de mesme les conuiez,
comme

A comme fut Aristodemus mené par Socrates au festin que faisoit Agathon : mais si quelqu'un presu-
moit d'y aller de luy mesme sans y estre mandé
ne mené, on luy fermeroit la porte. Aussi les volup-
tez du boire & du manger estans conuiees par la
necessité, en suivant les appetits naturels, ont lieu
mesme entre les sages: mais aux autres qui viennent
sans estre mandez ny conuiez par vne seule con-
uoitise desordōnee, la porte leur est bouchée. A ces
paroles d'Ammonius, les ieunes hōmes qui ne co-
gnoissoient pas encore la façon de faire, estans hō-
E teux, commencerent tout bellement à arracher les
chappeaux de fleurs qu'ils auoient dessus leurs tes-
tes. Mais moy qui sçauois que c'estoit pour vn
exercice, & pour nous inuiter à en chercher la rai-
son qu'il auoit mis ce propos en auant, adressant
ma parole au medecin Tryphon: Il est raisonnable,
dis-ie, ou que tu poses comme nous ce beau chap-
peau que tu as sus la teste, reluisant de belles roses
vermeilles, ou bien que tu dies presentement, cō-
me tu fais souuent entre nous, les profits & com-
moditez que nous apportent les chappeaux de
c fleurs quand nous beuons d'autant. Alors Era-
ton prenant la parole: Cōment, dit-il, est il donc-
ques ordōné que lon ne doit receuoir aucune vo-
lupté, sinon qu'elle apporte son salaire quand &
& elle? Et que quād on nous tiēdra bien aises nous
nous en fascherons & courroucerōs, si ce n'est en-
core auec quelque loyer: car quant aux huiles de
parfum & à la couleur de pourpre, à l'adventure y
a il bonne occasion pour laquelle nous en deuons

oyez le 3.
Herodote.
Roy des
ethiopiës
acrobies.

auoir quelque honte, pour la superfluité affectee & trop curieusement cherchee, qu'il y a : & les de-
urions reietter comme vestemens, couleurs & oi-
gnemens frauduleux & trompeurs, ainsi que di-
soit iadis le Scythe barbare*. Mais les couleurs &
odeurs qui sont naturelles sont simples, pures &
nettes, ne differens en rien des fruiçts des arbres
que la nature produit. Ne seroit ce doncq pas vne
fortise de recueillir le ius de tels fruiçts, & ce pen-
dant condamner & reietter les odeurs & les cou-
leurs que les saisons apportent, à cause de la vo-
lupté & du plaisir qui florit par dessus, si d'ailleurs
elles n'apportent encore quelque propriété qui
soit vtile & profitable, car plus tost il semble au
contraire que s'il est veritable? comme vous autres
Philosophes dittes, que la nature ne fait rien pour
neant & en vain, qu'elle a fait & produict ces cho-
ses la pour la volupté de l'homme seulement, qui
ne seruent à autre chose qu'à resiouir & donner
plaisir, & n'ont point d'autre propriété. Qu'il soit
ainsi, considerez comme és arbres & plantes qui
verdoient la nature a donné des feuilles pour sau-
uer & contregarder leur fruiçt, & à fin que sous
icelles les arbres s'eschaufans, ou rafraischissans,
peussent plus facilement porter les iniures de l'air
& mutation de temps: mais quant à la fleur, elle ne
porte profit quelconque, si ce n'est qu'elle nous
donne quelque plaisir à veoir & à sentir, pource
qu'elle nous rend de merueilleusement souëfues
odeurs, & nous ouure la porte à vne infinité de
teintures & couleurs presque inimitables. Et pour-
tant

A tant quand on arrache les feuilles aux arbres, il semble qu'ils en soient marris, qu'ils en sentét douleur d'une blessure vlceree, & d'un despouillemēt de leur naturelle beauté & honneur, en demourant difformes à veoir. Si ne se faut pas seulement abstenir, comme dit Empedocles,

Totalement des feuilles de laurier:

Ains faut aussi pardonner aux feuilles & branches de tous autres arbres, & ne se point parer de leur desamparemēt, en leur rauissant par force & cōtre nature, là où leur oster leurs fleurs ne leur fait tort
B ny dommage quelconque: car cela ressemble proprement aux vendanges, quand on oste le raisin à la vigne, par ce que qui ne les leur oste en la saison, elles tombent d'elles mesmes toutes fenees & flastries. Comme doncques les peuples barbares se vestent des peaux de leurs moutōs, au lieu de faire des draps de leurs laines: aussi me semble il que ceux qui tissent leurs chapeaux & couronnes de feuilles plus tost que de fleurs, ne se seruent pas des plantes ainsi qu'il appartient. Voyla ce que ie dy
C quant à moy, pour defendre la cause des bouquetieres qui font les chapeaux de fleurs. Car ie ne suis pas Grammairien pour alleguer les poētes, où nous lisons comme anciennement les victorieux qui auoient gaigné le pris es ieux sacrez, estoient couronnez de chapeaux de fleurs: bien diray-ie que le chapeau de roses estoit proprement destiné & attribué aux Muses, ainsi qu'il me souuient auoir leu en un passage de Sapho, là où parlant d'une femme ignorante & aliene des Muses, elle dit,

Toute au tombeau morte gerras,
 Pource que cueilly tu n'auras
 Iamais des roses, dont fleurie
 Est la montaigne Pierie.

D

Mais il nous faut escouter si Tryphon nous alleguera point quelque tesmoignage de sa medecine. Tryphon adonc prenant la parole: Les anciens, dit il, n'ont point oublié à traicter de cela, comme ceux qui vsoient & se seruiôient beaucoup des plantes à la medecine, dont il y en a encore de grands signes qui en sont demourez iusques au iourd'huy: Car les Tyriens offrent à Agenorides, & les Magnesiens à Chiron quiles premiers ont exercé & practiqué la medecine en leurs pais, les primices des herbes & des racines, dont ils souloient guerir les malades. Et Bacchus non seulement pour auoir inuenté le vin qui est vne puissante & plaisante medecine, fut estimé bon medecin, mais aussi pource qu'il enseigna à ceux qui estoient espris de fureur bacchanale de se couronner la teste de lyerre, mettant ceste plante en honneur & en reputation, à cause qu'elle a vne proprieté contraire à celle du vin, reprimât & estraingnant par sa froideur la chaleur d'iceluy, & le gardant par ce moien d'enyurer, & les noms mesmes de quelques plantes môstrent en cela la soigneuse diligence des anciens: car ils ont appelé le noyer Caryon, pour autant qu'il iette vne vapeur & esprit perçant & endormant, qui fait mal à la teste de ceux qui se couchent & s'endorment dessoubs ses branches & à son ombre. Le Narcisse, autrement Campanette, 2
 sem-

A semblablement esté ainsi appelé, d'autant qu'il endort les nerfs, & engêdre des pesanteurs endormies. C'est pourquoy Sophocles l'appelle l'ancienne couronne des grands Dieux, qui est à dire des Dieux terrestres. Aussi dit on que Peganon, qui signifie la Rue, est ainsi appelée, d'autant que par sa chaleur elle fait seicher & durcir la seméce de l'homme, & generalemēt est ennemie aux femmes grosses. Quant à l'Amethyste, tant l'herbe que la pierre qui en porte le nom, ceux qui estimēt qu'elles aient l'une & l'autre esté ainsi nommees, pource qu'elles empeschent l'yuresse, ils se mescontent, pource que l'une & l'autre a esté ainsi nommee pour la couleur, à cause que la feuille n'a pas la couleur vive, ains ressemblant à celle d'un vin passé & usé, ou qui est fort destrépé d'eau. Lon pourroit alleguer plusieurs autres plantes auxquelles la force & propriété naturelle a imposé le nom, mais ces exēples la suffisent pour monstrier la diligence & experience des anciens, pour laquelle ils vsoient de chapeaux de feuilles & fleurs sus leurs testes ce pédant qu'ils beuvoient. Car le vin pur venant à donner

C à la teste, & à relascher tout le corps, en saisissant l'origine des nerfs & des sens, tormente & travaille fort l'homme, là où les fluxions de senteurs qui sortent des fleurs y seruent merueilleusement, d'autant qu'elles munissent, remparent & fortifient la teste contre l'yuresse, comme une citadelle, d'autant que les chaudes ouurent mediocrement, & destouppent les pores, & en ce faisant donnent moien au vin de s'euaporer & euentier ses fumees.

Au contraire, celles qui sont modérément froides, & par vn gracieux attouchement repoulsent les vapeurs qui montent au cerueau, comme font les chappeaux de violettes & de roses, & par leur odeur repriment & empeschent les douleurs de la teste. Mais la fleur du fouchet, du safran & de la gantelee, attirent doucement à dormir ceux qui ont beu : car elle a vne defluxion douce & coulante vniment, qui applanit tout bellement les inegalitez, & aspretez qui sont au dedans de ceux qui boient, & y engendrant vne tranquillité rabbat la tormente de l'yurongnerie. Il y a d'autres especes de fleurs, dont les odeurs iaillissans au cerueau purgent les pores des sentimens, & subtilisent les humeurs tout doucemēt sans agitation ne violence, en les rarefiant par leur moderee chaleur, & le cerueau qui de sa nature est froid, en est aucunement rechauffé. Voyla pourquoy anciennement ils vsoient de festons de fleurs qu'ils attachoient & pendoient au col, lesquels pour ceste occasion ils appelloient *ἰσθμυιδας*, comme qui diroit, sousperfums, & se frottoient toute la poictrine des huiles ou elles auoient esté trempées : ce que tesmoigne Alceus, là où il commande, que lon luy verse de l'huile parfumee sur sa teste qui a tant souffert, & sur sa poictrine chenuë, car ainsi les odeurs se guindent iusques au cerueau estans rauies par les sentimens. Si n'estoit pas pource qu'ils pensassent, que l'ame eust sa residence dedans le cœur, qu'ils appelloient Hypothymidas ces chappeaux & festons qu'ils se mettoient alentour du col,

A comme quelques vns ont voulu dire, pource que si c'eust esté à cause de cela, il eust plus tost esté couenable qu'ils les appellassent Epithymidas : mais c'estoit, comme ie dis, pour l'exhalation & euaporation. Et ne nous faut pas esbahir si les exhalatiōs des fleurs ont si grande force: car on trouue par escript, que l'ombre du lierre blanc fait mourir les hommes qui s'endorment dessus, mesmement quand il est en sa fleur. Et du Pauot il en decoule vn esprit quand on recueille le ius, que qui ne s'en donne bien de garde en tombe tout esuanouy par terre: & l'herbe qui s'appelle Alysson, en la prenant en la main, voire en la regardant seulement, fait passer les sanglos du hocquet: & dit on qu'elle est aussi fort bonne au bestail pour le garentir de maladies, qui la plante au long des bergeries & alentour des estables. Et Rhodon la rose est ainsi appelée pource qu'elle iette vn grand flux d'odeur, aussi est-ce pourquoy elle se fene & se passe bien tost: elle est refraischissante de propriété, & neantmoins à couleur de feu, non sans cause, pource qu'il y a vn peu de chaleur qui vole par dessus, estant poulsé du dedans au dehors par la naïfue froideur.

Q V E S T I O N S E C O N D E .

*si le Lierre de sa nature est
froid ou chaud.*

Nous donnâmes tous louanges au discours de Tryphon, & Ammonius s'en prenāt à rire,
h

Il ne feroit pas bié à propos, dit-il, de regiber maintenant à l'encontre d'un discours embelly de tant de varietez, & auffi fleury que les chappeaux de fleurs mesmes, qu'il a entrepris de soustenir & defendre, sinon que ie ne sçay pas comment on a entrelassé le lierre en ce chapeau de fleurs, en disant que par sa naturelle froideur il a propriété de re-
 straindre la force du vin: car au contraire il semble qu'il soit chaud & ardent, & son fruiçt estant mis & trempé dans le vin, luy donne force d'enyurer, & de trauailler & troubler le corps, d'autant qu'il enflamme. Au moien dequoy son serment de son naturel est tortu, ne plus ne moins que le bois que lon courbe avec le feu. Et la neige qui demeure bien souuét dessus les autres arbres par plusieurs iours, s'enfuit incontinent, ou pour mieux dire, se defait & se fond dessus le lierre, à cause de sa chaleur: & qui plus est encore, & que Theophrastus a laissé par escrit, c'est que Harpalus lieutenant d'Alexandre le grād en la prouince de Babylone, par ordonnance de son maistre s'efforça d'affier és vergers Royaux des arbres & plantes de la Grece, mesmement de celles qui font grand ombrage, & qui ont la feuille large, & sont fresches, pource que le pais en Babylone est fort bruslant & ardent, mais la terre ne peut iamais endurer ny receuoir le lierre, combien que Harpalus y emploiait beaucoup de peine, & y vlast de grande diligence: car il y mouroit incontinent & se deseichoit, d'autāt qu'il est chaud de sa nature, & que lon le mesloit avec vne terre encore plus chaude, qui empeschoit qu'il

A qu'il n'y pouuoit prédre pied, parce que tousiours les excessiues vehemens des obiects destruisent les puissances. C'est pourquoy ils appetent leurs contraires, de maniere que la plante qui est froide demande place chaude, & celle qui est chaude demande assiette froide. A raison dequoy les lieux hauts & montueux qui sont continuellement battus des vents, & couuerts de neiges, portent ordinairement les arbres qui font la poix, & qui seruent à esclairer, comme sont les Pins, les Pesses & Sapins. Mais sans cela, Tryphon mon bel amy, les

B arbres qui sont de nature froids & frilleux perdent leurs feuilles tous les ans pour le peu de chaleur, foible & debile, qui se restraint & abandonne l'arbre, là où au cōtraire la chaleur & qualité grasse & onctueuse qui est en l'oliuier, au laurier & au cyprez les maintient tousiours verds & feuillus, cōme aussi demeure tousiours le lierre. Voila pourquoy le bon pere Bacchus n'a pas amené en vsage le lierre, comme vn preseruatif & vn secours alencontre de l'yuresse, ny comme l'ennemy du vin, atēdu qu'il appella le vin pur Methy, & se surnomma soy-mesme Methymneus : mais à mon aduis, tout ainsi cōme ceux qui aiment le vin, quand ils n'en peuuent auoir de celuy de la vigne vsent de biere, breuuage contrefaict d'orge, ou bien de cydre fait de pōmes, ou de dattes: Aussi celuy qui desiroit auoir en la saison d'hyuer vn chapeau de pāpre de vigne sur sa teste, la voiant nue & destituee de feuilles se cōtenta d'auoir du lierre qui luy ressemble : Ioinct que son bois & son ferment est

aussi tousiours tortu, & ne va iamais droict, ains se d
 iette à l'aduenture çà & là, & la mollesse grasse des
 feuilles esparfes alentour des branches sans ordre,
 & apres tout, son raisin qui ressemble proprement
 à vne grappe de verius commanceant à se tourner,
 representent fort naïfvement toute la forme de
 la vigne, & toutefois encore qu'il apportast quel-
 que secours alencontre de l'yuresse, nous dirons
 que cela se fait par le moien de sa chaleur, en ou-
 urant les pores & petits pertuis pour faire sortir &
 euaporer les fumees du vin, ou plustost en aidant
 de sa chaleur à le cuire & digerer, à fin que Bacchus E
 pour l'amour de toy Tryphon, demeure medecin.
 A cela Tryphon demeura vne espace de tēps sans
 respondre, pensans en luy mesme comment il luy
 repliqueroit : & Eraton aiguillonnant chascun de
 noz autres ieunes gens, nous disoit, que nous de-
 uions secourir Tryphon l'aduocat & defenseur
 de noz chappeaux de fleurs, ou bien que nous les
 deuiōs offer de dessus noz testes. Mais Ammonius
 dit qu'il leur donnoit assurance de sa part, d'au-
 tant qu'il ne rechargeroit point alencontre de ce
 que nous respondrions : & Tryphon mesme nous F
 incitoit à dire quelque chose. Alors ie me pris à
 dire, Ce n'est point à moy à prouuer que le lierre
 soit froid, ains à Tryphon, attendu qu'il l'a employé
 à refraichir & à reserrer & constiper. Mais quant
 à ce quia esté maintenant allegué, que la grappe
 du lierre enyure quand elle est trempee dedans le
 vin, il ne se trouue pas veritable, & l'accident qu'il
 fait en ceux qui en boient ne se pourroit bonne-
 ment

A ment appeller yureſſe, ains plus toſt troublement d'eſprit & alienation d'entendement, comme fait le Iuſcyame, autrement hanebane, & pluſieurs autres plantes, qui troublent furieufement & transportent l'entendement. Et quāt à la tortuoſité des branches, elle eſt hors de propos: car les œuures & effects contre nature ne peuuēt proceder des uiſſances naturelles, ains les bois meſmes ſe courbent & ſe tordent parce que le feu qu'on leur applique en tire toute l'humeur naturelle par force, là où la chaleur interieure & naturelle leur euſt entretenue

B & augmentee. Mais prenez garde plus toſt, que ceſte forme tortue-boſſue, & ceſte baſſeſſe tendant touſiours contre terre, ne ſoit plus toſt argument d'imbecillité & de froideur au corps là où elle eſt, prenant pluſieurs reſoſees, & faiſant pluſieurs reſriſes, ne plus ne moins qu'un pelerin, qui pour ſa foibleſſe & laſſitude ſe reſoſe & ſe ſied par pluſieurs fois en chemin, & puis ſe remet de recheſ à cheminer. Voyla pourquoy il a touſiours beſoing de quelque ſouſtien qu'il embrasse, à quoy il ſe tiēne, & ſur lequel il ſ'appuye n'ayant pas la uiſſance

C de ſe ſouſtenir & de ſe conduire ſoy meſme, à faute de chaleur. De laquelle la force naturelle eſt de monter contremont: & quant à ce que la neige ſeſcoule & ſe fond incontinent deſſus, c'eſt à cauſe de la moiteur molle de ſa feuille, comme nous voions que l'eau meſme deſſait & diſſoult incontinent la laxité & rarité ſpōgieuſe d'icelle, attendu qu'il ſemble que ce ne ſoit qu'un amas de pluſieurs petites boutiffles ſerrees & eſtraintes enſemble,

dont vient qu'aux lieux fort baignez & fort humi-
des, la neige ne se fond pas moins tost, qu'aux lieux
qui sont exposez au Soleil. Quant à l'estre touf-
sours feuillu, & auoir la ferme feuille, comme dit
Empedocles, cela ne vient point de la chaleur, non
plus que le perdre tous les ans la feuille ne proce-
de pas de froideur. Qu'il soit ainsi, le Meurthe, &
l'Adianton qui est Capilli Veneris, qui ne sont pas
plantes chaudes, mais froides, sont tousiours feuil-
lues & verdoïâtes. Et pourtant y en a qui ont opi-
nion, que ce demeurer feuillu procede d'une cer-
taine egalité de réperature. Mais Empedocles ou-
tre cela le refere à certaine proportion des pores &
petits pertuis, par lesquels également penetrer & se
transmet la nourriture aux feuilles. Tellemēt qu'il
y en coule tousiours suffisamment pour les entre-
tenir, ce qui ne se fait pas és arbres perdans leurs
feuilles, à cause de la laxité & largeur des pertuis
d'enhaut, & l'estroïsseure de ceux d'embas, qui fait
que les vns n'en enuoyent pas, & les autres ne le
retiennent pas, ains si peu encore qu'ils en reçoï-
uent, ils le respendent tout à la fois, comme il ad-
uient és escheneaux & canaux à arroser les iardins
quand ils ne sont pas bien egaux, là où celles qui
sont tousiours arrosees & abreuees, pource qu'el-
les ont continuellement de la nourriture autant
qu'il leur en faut en proportion, elles resistent, &
demeurent fermes, tousiours verdoiantes, sans se
fener ne vieillir. Voire mais quand on voulut
planter & faire croistre le lierre en Babylone, il n'y
peut iamais venir, & refusa d'y viure. Il feït bien

A certes & genereusement, si estant familier & commensal d'un Dieu Bœotien, il ne voulut pas sortir hors de son païs pour aller habiter entre les barbares. Et ne feit pas comme Alexandre qui s'allia par mariage à ces nations estrangeres la, ains resista à ce changement de son païs naturel. Mais la cause en estoit non sa chaleur, ains plus tost sa froideur, de maniere qu'il ne pouuoit supporter vne temperature d'air si contraire à la sienne. Car ce qui est propre ne perd & ne gaste point ce qui luy est familier, ains le reçoit, le nourrit & le porte, cōme la terre seiche le thim. Or dit on que la prouince de Babylone a vn air si estouffant de chaleur, & si malaisé à supporter, que plusieurs des habitans qui sont riches font emplir des outres & peaux de chéure d'eau fraische, & couchent dessus pour dormir & se tenir fraichement.

Q V E S T I O N T R O I S I E M E .

Pourquoy c'est que les femmes s'en yurent malaisément, & les vieillards facilement.

FLorus s'esmerueilloit vn iour comment Aristote en son traitté de l'yuresse, aiant escrit que les vieillards estoient fort facilement & bien tost surpris de l'yuresse, & au cōtraire les femmes difficilement & rarement, & n'en auoit pas rédu la raison, veu qu'il n'a pas accoustumé de mettre ainsi en auât aucune difficulté sans la decider. Et puis le proposa à la compagnie pour en chercher la raison:

car c'estoit en vn soupper de gens tous de familie-^D
 re cognoissance. Si dit adonq Sylla, que lon voioit
 l'un atravers l'autre, & que si nous prenons bien la
 cause des femmes, il ne sera pas besoing de beau-
 coup de recherche pour trouuer celle des vieil-
 lards, parce que leurs natures sont directement
 toutes cōtraires en humidité, siccité, aspreté, mol-
 lesse & durescé. Et supposé cela premierement que
 la naturelle temperature des femmes est fort hu-
 mide, ce qui leur rend la charnure ainsi molle, lif-
 fee & luyfante, avec leurs purgations naturelles.
 Quand dōcq le vin vient à tomber en vne si gran-^E
 de humidité, alors se trouuāt vaincu il perd sa cou-
 leur & sa force, & deuient decoloré & eueux, &
 en peut on tirer quelque chose des paroles mes-
 mes d'Aristote : car il dit, que ceux qui boient à
 grands traiçts sans reprédre haleine, ce que les an-
 ciens appelloient *ἀνυσίζεν*, ne s'en yurent pas si facie-
 lement, parce que le vin ne leur demeure gueres
 dedans le corps, ains estant pressé & poussé à force
 il passe tout oultre atravers. Or le plus communé-
 mēt nous voions que les femmes boiuent ainsi : & si
 est vraysemblable que leur corps, à cause de la con-^F
 tinuelle attraction qui se fait des humeurs contre
 bas, pour leurs purgations méstruelles, est plein de
 plusieurs conduicts & percé de plusieurs tuyaux &
 escheneaux, esquels le vin venāt à tomber, en sort
 vistemēt & facilémēt sans se pouuoir attacher aux
 parties nobles & principales, lesquelles estās trou-
 blees l'yuresse s'en ensuit. Au cōtraire, que les vieil-
 lards aient faute d'humeur propre & naturelle, il
 me

A me semble que le nom le donne assez à entendre: car ils ont esté appelez *γέγοντες*, non pource qu'ils panchent vers la terre, mais pource qu'ils sont eulx mesmes tous terrestres de leur habitude & temperature: & le monstre aussi ce, qu'ils sont malaisez & durs à plier: l'aspreté de leur cuir aussi monstre la seicheresse de leur temperature: ainsi est il vray semblable, que quād ils boient, leur corps, qui est deuenue, à cause de la seicheresse, rare comme vne esponge, reçoit par tout le vin, lequel s'y arrestāt faire des battements au cerueau, & des pesanteurs en la

B reste. Tout ainsi doncques comme les eaux coulent par dessus les terres qui sont dures & solides, & n'y font point de bouë, ains les lauent par dessus en passant seulement, & penetrent plus au dedans de celles qui sont rares, aussi le vin estant attiré par la seicheresse alteree de leurs corps, y demeure d'auantage. Mais sans cela encore voit on que la nature des vieillards a d'elle mesme les accidents que l'yuresse cause, qui sont tous euidents, par ce qu'elle fait trembler & branler les membres, begueyer la langue, parler beaucoup, se courroucer facilement,

C oublier, & troubler l'entendement, desquels la plus part estans aux vieilles gens, voire quand ils sont mesmes en pleine santé, il ne leur fault pas gueres d'esbranlement, & bien peu d'agitation, pour faire que l'yuresse engendre en eulx non de nouveaux accidents, mais qu'elle augmente ceulx qui desia leur sont tous communs: qu'il soit vray, il n'y a rien qui ressemble mieulx à vn vicillard qu'un ieune homme quand il est yure.

LE TROISIEME LIVRE
QUESTION QUATRIEME.

D

*Si les femmes sont de complexion & tempe-
rature plus froides, ou plus chaudes,
que les hommes.*

A Insi doncques parla Sylla : & le Capitaine Apollonides, qui faisoit profession de rengier les gens en bataille, dit qu'il approuuoit bien ce qui auoit esté allegué des vieilles gés, mais qu'il luy sembloit qu'on auoit obmis à dire la cause de la froideur naturelle des femmes, par laquelle on di-
E
foit que le vin qui est fort chaud venoit à s'estaindre & à perdre celle vehemence enflammee qui secouë & esbranle tout le corps de l'homme, ce qui toutefois auoit esté trouué vray semblable par toute la compagnie. Mais Athrylatus medecin natif de l'isle de Thasos entreietta vn peu de retardemēt à l'inquisition de ceste cause, parce qu'il y en a, dit il, qui estiment que les femmes ne sont pas froides, mais plus chaudes que les hommes, & qu'il y en a aussi qui tiennent que le vin ne soit pas chaud, mais froid. Dequoy Florus s'esmerueillant : Quant au
F
vin, dit il, ie le laisse à celuy la, en me monstrant, pource qu'il n'y auoit pas long temps que nous en auions deuisé ensemble : Mais quant aux femmes, ceulx qui cuydent soustenir qu'elles sont plus tost chaudes que froides, alleguent pour prouuer leur dire, qu'elles ne sont point pelues ny velues, disans que c'est à cause que la chaleur consume la superfluité qui engendre le poil. Secondement ils alle-
guent

Augment l'abondance du sang qui semble estre la source de la chaleur qui est dedans le corps : & les femmes en ont tant, qu'elles brusleroient & s'enflammeroient, si souuent elles n'auoient leurs purgations. Tiercement, l'experience des funerailles & obseques, ce disent ils, monstre & prouue que les corps des femmes sont plus chauds que ceulx des hommes, par ce que ceulx qui ont la charge de brusler les corps en mettent tousiours vn de femme parmy dix d'hommes, car il aide à faire brusler les autres, d'autant que leur chair a ie ne sçay quoy de gras, qui brusle cōme vne torche, de maniere qu'il sert de bois sec à allumer les autres. D'auantage s'il est vray que ce qui est plus generatif, soit aussi plus chaud : il est certain que les filles sont plus tost prestes à marier, & appetent plus tost la generation que non pas les fils, & n'est pas petite ny foible preuue de chaleur, ains plus grande & plus vraysemblable ce, qu'elles supportent plus facilement la rigueur du froid & de l'hyuer: car elles transissent moins de froidure que ne font les hommes, & demādent bien peu d'habillemens. Mais au contraire, dit Florus, il m'est aduis que par ces mesmes argumēs ceste opinion se refute d'elle mesme. Car premierement elles supportent mieulx le froid, & y resistent plus facilement, d'autant que chascune chose s'offense moins de son semblable. Et puis elles n'ont pas la semēce idoine à engendrer à cause de leur froideur, ains sert leur geniture seulement de matiere & de nourriture à la semēce virile. Qui plus est, elles cessent bien plus tost de porter, que

les hommes d'engendrer, & brulent leurs corps d
miculx que ne font ceulx des hommes, d'autant
qu'ils sont plus gras, & la graisse est la plus froide
partie de tout le corps: c'est pourquoy les ieunes
hōmes & ceux qui sont plus d'exercice, ont moins
de graisse: & la purgation de leurs mois n'est pas si-
gne d'abondance ou de quantité grande, mais de
corruption où de mauuaistié de sang: car ce qu'il y
a de plus crud & de plus superflu, n'ayant où s'arre-
ster & s'amasser dedās le corps, en sort dehors tout
pesant & tout trouble, à cause de son imbecillité
procedant de faulte de chaleur. Ce qui appert par
ce que ordinaiemēt celles qui ont leurs mois sont
frilleuses, & tremblent de froid le plus souuent,
d'autant que ce qui est esmeu & qui demande à
sortir de leurs corps est froid & crud. Au reste quāt
à ce qu'elles ont le cuir lissé sans aucun poil, qui di-
roit que cela fust effect de chaleur, & non pas plus
tost de froideur? veu que nous voions que les plus
chaudes parties du corps humain sont ordinaire-
mēt veluës: car toutes telles superfluitez sont poul-
sées au dehors vers le cuir par la chaleur qui gratte
& ouure les pores de la superficie d'iceluy. Mais au
contraire la polissure vient de la froideur qui l'es-
peffit & la serre. Or qu'elles aient le cuir plus serré
que les hommes, Seigneur Athryilatus, tu l'enten-
dras de ceulx qui couchent avec les femmes les-
quelles se parfument le corps, ou se frottent d'hui-
les de senteurs: car ils se treuuent tous pleins de tel
parfum & huilemēs, encore qu'ils ne s'approchent
pas d'elles, & qu'ils ne les touchent pas, à cause que
leur

A leur corps d'eux qui est chaud & rare le tire à soy:
 Toutesfois, dit il, quoy qu'il en soit, si a la cause des
 femmes diuinement esté debatue.

Q V E S T I O N C I N Q V I E M E .

si le vin est de nature froid.

MAis au demourant ie desire sçauoir dont tu
 Mas prins suspicion de dire, que le vin de puis-
 sance soit froid de nature. Comment, dis ie adonc,
B cuides tu que ce soit moy qui le die? Et qui donc?
 dit il. I'ay souuenance, dis-ie, d'auoir leu, non de-
 puis n'agueres, mais il y a long temps, vn discours
 d'Aristote touchant ceste question: Et Epicurus
 mesme en son festin en fait vn long proces, dont
 le sommaire, ainsi comme il me semble est tel: c'est
 qu'il dit, que le vin n'est pas absoluëment chaud,
 mais qu'il a en soy quelques atomes qui causent la
 chaleur, & d'autres aussi qui causent la froideur,
 dont il en perd les vnes quand il entre dedans le
 corps, & en prend aussi d'autres du corps mesme
C où il entre selon qu'ils sont de nature ou de tem-
 perature propres à s'accommoder avec nous, de
 maniere que les vns quand ils sont yures s'echauf-
 sent par le vin, les autres au contraire se refroidis-
 sent. En disant cela, repliqua Florus, il nous meine
 tout apertement par les opinions de Protagoras
 en l'incertitude de Pyrrhō: car il est tout manifeste
 qu'en parlāt de l'huile, du laiēt, du miel, & de rou-
 res autres choses, nous ne viendrons iamais à spe-

cifier de quelle nature elles seront, & dirons qu'elles deuiendront telles, selon qu'elles seront meslees & contemperees les vnes avec les autres. Mais toy, dit il, quels argumens allegues tu? Ceulx icy, dis ie, me voiant pressé par deux de dire sur le champ vistement ce que i'en pensois. Le premier qui me vient en l'entendement est, ce qui se fait par les medecins à ceulx qui ont debilitation d'estomac, & qui ont besoing de corroborer & fortifier celle partie, ils ne leur ordonnent rien qui soit chaud, mais en leur baillant du vin ils les secourent. Semblablement aussi arrestent ils & font cesser les fluxions quād le corps se resould tout en sueurs, avec du vin, les arrestant & retenant ainsi, non moins voire plus, que ne sçauroit faire la neige en rafraichissant & reserrāt toute l'habitude du corps, qui se va autrement dissoluant: là où sil auoit la nature & la force d'eschauffer, ce seroit autant d'appliquer du vin pur au cœur, comme d'approcher le feu de la neige. Et puis la plus part des medecins tient, que le dormir se fait par refrigeration, de maniere que la plus part des medicaments qui prouocquent à dormir sont froids, comme la mandragore & le pauot: mais c'est avec grand' force & violence qu'ils compressent & figent le cerueau, là où le vin rafraichissant tout doucement, & avec plaisir, arreste & fait reposer le mouuement, n'y ayant differēce que du plus & du moins quant à cest effect. D'auantage ce qui est chaud est generatif de semence: car l'humour luy donne aptitude de couleur, & l'esprit par le moien de la chaleur luy donne

A ne la vigueur, la puissance & appetit d'engendrer. Or ceulx qui boiuent beaucoup de vin, mesmemēt tout pur, sont lasches à l'acte de la generation, & ne sement rien qui vaille, ne qui soit de bonne trempe pour bien engendrer, ains sont leurs coniunctiōs avec les femmes vaines & imparfaictes, à cause de la foiblesse & frigidité de la semence. Et puis tous les signes que le froid fait aux hommes aduiennent semblablement, à ceulx qui sont yures: ils tremblent, ils deuient pesans, ils pallissent: l'esprit vital qui est en leurs membres branle, la langue
B leur beguoye, les nerfs en leurs extremittez se retirent, perdēt sentimēt: & en plusieurs les yuresse se terminēt en vne resolutiō generale de tous membres, apres que le vin a du tout amorty & esteint entierement leur chaleur. Et remedie lon aux inconueniens qu'apportent ces yurongneries la & excès de boire sur l'heure, en les faisant coucher, & les couurant fort pour les eschauffer, & le lendemain en les mettant au baing & les frottant d'huile, & les nourrissant de viande qui ne trauaillent point la masse du corps, reuocquant tout doucement la chaleur qui par le vin a esté dissipée & chassée dehors. Et cōbien que nous sçachiōs rechercher es choses qui apparoiſſēt à l'œil des similitudes cachees & des facultez secretes, on ne se sçauroit douter de l'yuresse que c'est, ny quelle elle est. Car ainsi que nous auōs desia dit, les yurōgnes ressemblēt le plus qu'il est possible aux vieillards, & pourtāt les grands yurōgnes vieillissent fort tost, & la plus part d'eux deuient chauues auāt le temps, & se font

chenus auāt l'aage: ce qui semble aduenir à l'homme à faulte de chaleur. D'auantage le vinaigre semble tenir de la nature & propriété du vin. Or n'y a il de toutes les choses propres à estaindre, rien si repugnant ny contraire au feu que le vinaigre, qui plus que nulle autre surmonte & suffoque la flamme par son excessiue froideur. Et entre tous les fruiçts nous voions que les medecins se seruent le plus de ceulx qui sont vineux pour rafraischir, cōme des grenades & des pōmes, & du miel: mesme n'en melle lon pas la substance auec de l'eau de pluye, ou de la neige pour faire du vin, le froid conuertissant le doux, pour l'affinité qui est entre eux en faueur austere, quand il est plus puissant. Et qu'il soit ainsi, les anciens ont ils pas attribué & consacré le Dragon à Bacchus pour ceste occasion? & le Lierre entre les plantes, comme estant vne puissance froide & gelee? Et si lon m'oppose pour cuider monstrier que le vin soit chaud, qu'à ceulx qui ont beu de la ciguë le plus souuerain remede est de boire beaucoup de bon vin pur apres, ie luy repliqueray au contraire en renuersant son argument, que le vin meslé auec la ciguë est venim incurable, & qui sans remede tue & fait mourir ceux qui en boient, de maniere qu'il ne doit point estre estimé plus tost chaud pour repugner, que froid pour aider à l'effect de la ciguë, ou bien il faudroit dire que ce n'est pas par sa froideur qu'elle tue ceulx qui la boient, mais par quelque autre qualité & propriété.

QUESTION SIXIEME.

Du temps propre à cognoistre femme.

Quelques ieunes hōmes qui s'estoient de nouveau mis à l'estude des anciēns bons liures, deschiroient Epicurus, comme homme impudent qui auoit importunément mis en auant vn propos qui n'estoit ne beau ny honnestes, & encor moins necessaire, mesmement en vn banquet où il y auoit force ieunes gens, d'aller faire mention des œures de Venus, vn homme vieil & ancien comme luy, deuant de ieunes adolescents, & proposer la question, S'il est meilleur auoir affaire aux femmes deuant ou apres le soupper. cela sembloit proceder d'extreme incontinence. Contre ce propos la, il y en eut quelques vns qui alleguerent l'exemple de Xenophon, qui en son Conuiue, apres soupper emmene les cōuiez, non à pied, ains à cheual, coucher avec leurs femmes. Mais Zopyrus le medecin qui estoit fort versé & exercité es liures d'Epicurus, dit, qu'ils n'auoient pas assez diligemment leu le Conuiue d'Epicurus, par ce qu'il n'auoit pas pris ceste question à traiter des le cōmancement, comme vn subiect expressément choisi, pour terminer encore leur deuis à ne parler d'autre chose que d'iceluy : mais aiant faict leuer les ieunes hommes de table, pour se pourmener apres le soupper, il en commança à discourir pour les induire à continence & temperance, & les retirer des cupiditez dissolues, comme de chose tousiours dangereuse à faire tomber l'homme en quelque inconuenient, mais qui faisoit encore plus de mal à ceulx qui en

vſoient apres auoir bien beu & faiſt grand chere **D**
 en vn feſtin. Et quand bien, dit il, il euſt pris pour
 ſon principal ſubieſt, le diſcourir de ce poinſt là,
 eſt il impertinent & du tout mal ſeant à vn philo-
 ſophe de traiter & enquerir du temps propre &
 cōmode à coucher avec les femmes? ou bien (eſtant
 certain qu'il vault trop mieulx en vſer en temps
 opportun, & avec raiſon, qu'autrement) eſt il deſ-
 honneſte d'en deuifer en vn feſtin à la table, encore
 qu'il ne fuſt pas impertinent d'en diſputer ailleurs?
 Quant à moy, il me ſemble au contraire, que lon
 pourroit avec raiſon reprendre & blaſmer vn phi- **E**
 loſophe qui diſputeroit publiquemēt de plein iour
 en ſon eſchole, deuant toute ſorte de gens, de ceſte
 matiere: mais eſtant la table miſe deuant ſes fami-
 liers & amis, là où il eſt quelquefois expedient de
 diuerſifier, en buuant, vn propos qui ſera ou tiede
 ou froid, comment voulōs nous qu'il ſoit deſhon-
 neſte de dire & d'ouir choſe qui ſoit ſalubre & vtile
 aux hōmes pour l'vſage de la compagnie des fem-
 mes? car quāt à moy, par le Chien, j'aimerois mieux
 que les eſcarquillemeſts de Zenon euſſent eſté cou-
 chez en quelque liure de banquet, & en quelque **F**
 ioyeux traitté, qu'en vne compoſition ſi graue & ſi
 ſerieuſe, comme ſont les liures du gouuernement
 de la choſe publique. Les ieunes hommes ſe ſen-
 tans attachez de ces paroles, demourerent tout
 court picquez. Et comme les autres de la compa-
 gnie le priaſſent de leur reciter les paroles d'Epicu-
 rus touchant ceſte matiere, il dit qu'il ne ſe ſouue-
 noit pas bien particulièrement de tous les propos,
 mais

A mais qu'il pensoit, qu'il craignoit les battemens & emotions qui se font en telle conionction, par ce que les corps en sont tout esmeus & agitez, d'autant que le vin, qui de soy mesme est remuant, & causant agitation turbulente, communément iette le corps hors de son repos rassis: & si la masse du corps estât en telle agitation ne vient à trouuer vn calme de tranquillité & vn repos de sommeil, ains se va precipiter en d'autres mouuemens, troubles & agitations du ieu de Venus, tellemēt que les ligatures qui ont accoustumé de maintenir nostre corps

B plus robuste & plus ferme, en sont toutes esbrâlees & secouees, il y a danger que les fondemens estans ainsi remuez, tout l'edifice n'en vienne par terre, car la semence mesme & geniture ne coule pas lors facilement, y aiant vne constipation à cause de la repletion, ains la fault arracher comme par force toute troublee & confuse: & pourtant dit il, qu'il se faut mettre à ceste besongne la lors que le corps est totalement rassis, & que la cōcoction & digestion de la viande est toute parfaicte, de maniere qu'il a desia besoing d'une autre nourriture. Et pour confirmer ceste opinion d'Épicurus, on y pourroit adiouster la raison medicinale, que l'opportunité du lendemain matin, apres que la cōcoction est du tout paracheuee, est beaucoup plus seure: là où se mesler avec la femme incōtinēt apres le soupper n'est pas sans dāger, par ce que lon ne sçait si apres l'emotiō de l'acte Venerien il ensuiura point vne crudité & indigestion, tellement que ce seroit double inconuenient qui en ensuiuroit. Adōc Olympius prenāt

la parole : Quant à moy, dit il, la sentence du Py-
thagorien Clinias me plaist infiniment, lequel
estant enquis, quand il estoit meilleur s'approcher
» de la femme, Quand tu auras, respondit il, enuie
» d'en valoir pis. Car ce que Zopyrus a dit mainte-
nant, a bien grande raison : & l'autre temps oppor-
tun a plusieurs autres importunitéz, & plusieurs
difficultéz que ie voy en cest affaire. Tout ainsi
donc comme le sage Thales estant importuné par
sa mere, qui le pressoit de se marier, s'en deffit dex-
tremment, & la trompa, en luy disant à sa premiere
» semonce, Il n'est pas encore temps, ma mere : puis
» quand il eut passé la fleur de son aage, comme elle
» luy en feist encore instance, Il n'est plus temps, dit
» il, ma mere. Aussi sera il tresbon que chascun se
porte & gouerne de mesme enuers le ieu d'a-
mours, de maniere que le soir en se couchant il die,
Il n'est pas encore temps : & le matin en se levant, Il
n'est plus temps. Alors Soclarus prenant la paro-
le se prit à dire, c'est à faire aux champions de la lui-
cte & de la course, qui veulent combattre aux ieux
sacrez pour gaigner le pris. Cela sent la vieille mo-
de que lon iouoit à faire floquer le vin, & que lon
ne faisoit que manger force chair : mais à present
cela est mal à propos, par ce qu'il y a icy beaucoup
de ieunes gens qui sont nouueaux mariez,

Lesquels iouïr doiuent au ieu d'amours.

Et si n'est pas encor' de tout poinct dame Venus
esloignée ny reculée de nous, car nous luy faisons
encore priere en chantant les hymnes des Dieux,
& luy disons,

Dame

A Dame Venus, nostre belle Deesse,
Renuoye encore arriere la vieilleisse.

Considerons doncq' si bon vous semble, si Epicurus a bien & conuenablement osté la nuit à Venus, ou sil a faict contre tout droit & raison, combien que Menander homme bien entendu en l'amour l'appelle tres-bonne entre les Dieux: car il a esté, à mon aduis, bié institué par coustume de venir à cest acte la, en mettāt le voile des tenebres au deuāt de la volupté, & non pas chasser toute honte au dehors de ses yeux, en y venant de plein iour à
B la lumiere, & donnant moien à la luxure de s'enhardir & asseurer, & de s'imprimer la memoire de l'acte si viue, qu'elle demeure long temps en l'entendement, pour derechef rallumer de nouuelles cupiditez. Car la veuë, ainsi comme dit Platon, passe fort vistement à trauers les affections du corps iusques à l'ame, & resueille tousiours la concupiscence fraische & nouuelle, en luy representāt avec grande vehemence les images de la volupté: là où au contraire, la nuit ostant la plus part de ce qui est plus furieux, abuse & endort la nature, de
C maniere qu'elle ne se desborde pas par la veuë iusques à luxurieuse dissolutiō. Mais sans cela, quel propos y auroit il qu'un mary retournant tout gay d'un festin, aiant peut estre encore le chapeau de fleurs sur la teste, & parfumé d'huile de parfum, rournast le dos à sa femme, & s'enueloppant dedans le liēt se mist à dormir, & puis qu'en plein iour au milieu des affaires du mesnage il mādast à sa femme qu'elle le vint trouuer pour telle chose: ou bien, qu'il ne

l'ambraſſaſt que le matin à ieun, comme fait le coq & ſes poules? car le ſoir, mon bel amy, eſt la fin & le repos des trauaux de tout le iour, & le matin en eſt le cōmancement. Au ſoir preſide le bon Bacchus, qui eſt ſurnōmé Lyſius, pour ce qu'il diſſoult tous ennuis, & met fin à tous trauaux, & avec luy les Muſes, Terpſichore qui aime la dāſe, & Thalia les banquets: là où le matin ſe lēue au point du iour pour vaquer à Minerue l'ouuriere, & à Mercure le trafficqueur. Et pourtant au ſoir conuiennent les chanſons, la muſique, le bal, le plaſir des nopces,

Maſques, feſtins, & les chanſons à voix, E

Le bruit plaſant des fleuſtes & auboſ.

Le matin on n'entend que les coups de marteaux, le bruit des ſies, le reſueille-matin des gabeleurs & peagers qui crient apres ceux qui entrēt & qui ſortent, les adiournements des ſergents à comparoir deuant les Iuges, les publications des Ediĉts, & ſommatiō de venir faire la court à quelque Prince, ou à quelques Seigneurs ou Magiſtrats aiāts charge publique, auquel temps il n'y a point de lieu pour la volupté:

Dame Venus à l'heure eſt en default, E

Du iauelot de Bacchus plus ne chault,

Ny de ſon Lierre, & prennent alors ceſſe

Tous les feſtins & les ieux de ieuneſſe.

Et puis il ne ſe trouuera point que le poète ait iamais fait qu'aucun des Princes demy-dieux ſe ſoit ſur iour couché avec ſa femme ny avec ſa concubine, ſinon Paris, qui ſ'en eſtant fuy de la bataille ſ'en alla cacher au gyron de ſon Heleine, donnant
à en-

A à entendre par là, que ce n'est point acte de mary honnesté & legitime, mais lubricité d'adultere furieux de paillardise, de seruir à telle volupté en plein iour:& si ne fault point qu'Epicurus die, que le corps s'offense plus de l'œuure de mariage apres le soupper que le matin, si ce n'est que l'hôme soit yure, ou bien si chargé de viande & d'auoir trop mangé, qu'il en créue:car certainement en ce cas la l'acte seroit dangereux & dōmageable voirement, mais si l'a beu & mangé à suffisance, qu'il soit moderément gay, son corps dispos & son esprit bien
B deliberé,& qu'il vienne par interualles à embrasser sa femme, cela ne luy causera agitation grande la nuit pour la quantité de la viande, ny ne luy apportera dōmage, vn refroidissement, ny vn remuement des atomes hors de leur place, ainsi que dit Epicurus,ains se mettant puis apres à reposer, & se relaschant par le sommeil, il remplira ce qu'il aura vuidé,d'autant qu'il se fera nouuelle fluxion és vases qui auront esté espuisez. Mais bien plus tost fault il prendre garde de n'vser de ce mestier la sur iour, de peur que le corps & l'esprit estans agitez
C du labeur & du soucy des affaires, ne s'aigrissent & senflamment encore d'auantage, n'ayant pas eu la nature suffisant interualle & distance entre deux pour se reposer & refaire: car tout le monde, mon amy,n'a pas le grād loisir d'Epicurus, ny prouision pour toute sa vie de ce grād repos qu'il disoit auoir acquis par les lettres & l'estude de philosophie,ains n'y a celuy qui ne se treuve par chascun iour assailly de plusieurs affaires, & de plusieurs exercices

qui le trauaillent infiniment, ausquels il n'est ny d'beau ny bon d'exposer le corps ainsi resolu, affoibly & debilité d'un furieux exploit de cōcupiscence: parquoy laissons luy tenir quant à luy sa folle opinion, que les Dieux estans immortels & bienheureux, ne se soucient & ne s'entremettent point de noz affaires: mais nous obeissans aux loix, v^z & coustumes de nostre païs, ainsi comme tout homme de bien doit faire, donnons nous bien garde d'entrer le matin au temple, & de mettre la main aux sacrifices, venans tout fraischement de faire vn tel acte. Car il est honeste qu'interposant la nuit & le sommeil entre deux, & y mettans suffisant espace & interualle, nous nous y venions presenter purs & nets, comme nous estans leuez en vn autre iour nouveau avec toute nouuelle pēsee, ainsi que dit Democritus.

Q V E S T I O N S E P T I E M E .

Pourquoy est-ce que le moust n'enyure point.

ON essaye du vin nouveau à Athenes l'vnziesme iour du mois de Feurier, & appelle on ce iour la *πρωίη*, c'est à dire l'ouuerture des tonneaux: & anciennement auant que d'en boire ils en respendoient les primices aux Dieux, en leur faisant prieres que l'usage de ce medicament leur fust salutaire & non dommageable. Mais en nostre païs ce mois la s'appelle *μεσσηνιος*, & est la coustume que le sixieme on taste des vins nouveaux, apres

A apres auoir faict sacrifice à la bonne Fortune & au bon Démon, & apres auoir commencé à sentir le soufflement du vent de Zephyre, qui est celuy du Ponent, par ce que c'est luy qui plus trouble & esmeut le vin, tellement que celuy qui s'en est peu sauuer, on a esperance qu'il demourera ferme, & tiendra bon pour toute l'annee. Si fit nostre pere le sacrifice accoustumé, & apres le soupper son vin aiant esté trouué bon, & loué, il proposa ceste question aux ieunes hommes qui estudioient en la philosophie avec moy, Pourquoi c'est que le moust n'enyure point. La chose sembla de prime face estrange à plusieurs, & Agias dit, que le doux saou-le incontinent & vient contre cœur, au moien de-quoy malaisément pourroit vn homme boire tant de moust qu'il fust suffisant à l'enyurer, par ce que l'appetit se lasse incontinent pour le peu de plaisir qu'il y prend, si tost qu'il est venu iusques à ne sentir plus de soif. Or qu'il y ait difference entre doux & souëf, le poëte mesme le donne à entendre, quand il dit,

Du doulx miel avecques du fourmage,

c Du vin souëf agreable bruuage.

Car le vin à son commencement est doulx, & deuiet à la fin souëf, quand il est enuieilly, & que moienant l'ebulition & concoction il a passé par la faueur austere & brusque. Et Aristenetus de Nice dit qu'il se recorde auoir leu en quelques liures, que le moust meslé avec le vin fait cesser l'yuresse: & si dit d'auantage, qu'il y a des medecins qui ordonnent à ceux qui ont trop beu, quand ils se

vont coucher, de prendre du pain trempé dedans **D**
du miel. S'il est doncques ainsi, que les douceurs
emoussent la force du vin, c'est avec bonne raison
que le vin nouveau n'enyure pas iusques à ce que
la douceur soit changée en souëfueté. Nous ap-
prouuasmes grandement le discours de ces ieunes
hommes, de ce que n'estans point tombez sus les
communes raisons, ils en auoient excogité de nou-
uelles: car les communes & plus prôptes à la main
font, la pesanteur du moust, comme dit Aristote,
laquelle ouure le ventre, & la quantité des vents
qui y demeurent, & la substance eueuse dont les **E**
vents en sortent estans poulsez par force, & la sub-
stance eueuse de sa nature affoiblit la force du vin,
côme au contraire la vieillesse luy augmēte la for-
ce, par ce que ce qu'il y auoit de substance eueuse
en est dechassé, au moien dequoy la quātité du vin
en diminue, & la force & vertu en augmente.

Q V E S T I O N H V I C T I E M E .

*Pourquoy est-ce que ceux qui sont yures à
faict, sont moins troublez que ceux
qui le sont à demy.*

F

P Vis doncques, dit mon pere, que nous auons
commancé à remuer Aristote, il ne sera pas
mauuais que nous essayons de dire quelque chose
touchant ceux qu'on appelle *ἀνεθώγαντες*, c'est à
dire qui ont bien beu & sont à demy yures: car en-
core qu'Aristote soit ordinairement fort aigu &
subtil

A subtil à resouldre telles questions, si m'est il aduis qu'il n'a pas assez exactement resolu celle cy, ne suffisamment déclaré la cause: car il dit, comme il me semble, que le discours de celuy qui est sobre, iuge bien & à la verité les choses ainsi comme elles sont: au contraire que de celuy qui est yure à faict & mort yure, comme lon dit, le sentiment est du tout assoupi: mais de celuy qui a bien beu & est à demy yure, l'apprehension & fantasie est encore saine, mais le discours & iugement est desia troublé, & pourtant ils iugent, & iugent mal, pour ce qu'ils suivent leurs fantasies & apprehensions corrompues. Or que vous en semble de cela? Quant à moy, dis-je, considerant sa raison à part moy, elle me semble assez suffisante pour rendre bien la cause de cest effect. Mais si vous voulez que nousy recherchions quelque chose de singulier d'avantage, considerez premierement si ceste difference qu'il allegue ne se doit point referer au corps. Car de ceux cy qui ont bien beu, il n'y a que le discours de la raison seulement qui soit troublé, & le corps peut encore servir à toutes ses volontez, d'autant qu'il n'est pas du tout noyé de vin: car quand il est du tout abbatu & oppressé de la quantité du vin, il destitue les appetitions, & faut de garant aux affections, estant si descousu & si relasché qu'il ne leur peut plus servir, ny venir iusques à executer ce qu'il voudroit bien. Les autres, aians le corps qui leur sert & leur aide à pecher & faillir, sont descouverts, non pource qu'ils soient plus fols ne plus priuez de raison, mais pource

qu'ils ont plus de moi en de monstrent leur folie. D
 Toutefois à le prendre par ailleurs, dis-je, qui con-
 siderera la force du vin, il n'y a rien qui empesche
 qu'avec la quantité, elle ne se change & deuienne
 diuerse, ne plus ne moins que le feu, s'il est medio-
 cre il endurec la tuyle, & tous ouurages de terre,
 mais s'il est vehement à outrance, il les fond & fait
 couler: & d'autre costé, l'Esté au commencement
 esmeut & enflamme les fiebres, & quand il est
 à son milieu elles se rasseient & diminuent, & à la
 fin se terminent du tout. Qui empesche donc que
 l'entendement, qui naturellement est troublé par E
 le vin, apres qu'il a bien esté renuersé sans dessus
 dessous, venant la quantité à s'augmenter, ne se
 reuienne de rechef, & se rasseie aussi: ne plus ne
 moins que l'hellebore commence son operation
 de purger par renuerser sans dessus dessous l'esto-
 mac & toute la masse du corps: mais si on en don-
 ne en quantité moindre dose qu'il ne faut, il trou-
 ble bien, mais il ne purge rien: & ceux qui prennent
 des medicamens propres à faire dormir, s'ils en
 prennent en dose moindre que moyenne, au lieu
 de dormir, ils se trouuent plus tormentez qu'au pa- F
 rauant, & d'autres en aians pris plus qu'il n'en faut,
 dorment à faict. Aussi peut-il estre, que la tormen-
 te qui est en l'entendement de celuy qui a bien beu,
 quand elle est creüe iusques à sa plus grande force
 & vigueur se va diminuant, & qu'à cela luy aide le
 vin, lequel entrant en grande abondance dedans
 le corps, bruste & consume ce qu'il y a de mania-
 que troublant l'usage de la raison, tout ainsi que le
 chant

A chant funebre que lon sonne avec des flustes aux funerailles des trespassez, au commencement esmeut les cœurs à compassion & fait tomber les larmes des yeux, mais apres qu'il a ainsi amené l'ame iusques à pitié & compassion, passant plus outre petit à petit il oste & assoupit tout sentiment de tristesse & de douleur. Semblablement aussi verrez vous apres que le vin a bien esmeu & agité la partie vigoureuse & courageuse de l'ame, leur entendement puis apres vient à se reuenir & à se rasseoir, de maniere qu'ils demeurent en repos, aiant B l'yuresse passé plus oultre.

Q U E S T I O N N E V F I E M E .

Que signifie ce vieil prouerbe, Boy cinq ou trois, & non pas quatre.

A Pres que j'eus dit cela, Aristion criant à pleine teste, comme estoit sa coustume, A ce que ie voy, dit-il, le rappel de ban des mesures aux bancquets a esté decerné avec la plus iuste & plus populaire raison du monde. Lesquelles mesures par ie ne sçay quel temps sobre, ne plus ne moins que par vn Tyran, en auoient esté longuement bannies. Car ainsi que ceux qui font profession de sonner de la lyre, disent que la proportion s'esquialtere produit l'accord musical de la quinte, que la double produit le Diapason qui est l'octaue, & que l'accord de la quarte qui est le plus obscur qui soit, se fait de la proportion sesquiterce. Aussi ceux

qui font profession d'entendre les harmonies de Bacchus, ont cogneu qu'il y auoit trois accords du vin avec l'eau, disans & châtans ainsi, Boy cinq ou trois & non pas quatre. Car le cinq contient la proportion sesquialtere, quand trois mesures d'eau sont meslées avec deux de vin : & le trois contient la proportion double, quand deux d'eau sont meslez avec vn de vin : mais le quatre contiét en soy la proportion sesquitierce, quand sur vn de vin on verse trois d'eau, qui est la mesure de quelques graues Senateurs & Magistrats seans au Palais à despescher de grands affaires de consequence, ou de quelques Dialecticiens renfrongnez & fronçans leurs sourcils, quand ils desuèloppét & desmeïlent les changemens de leurs Syllogismes. Brief c'est vne meslâge & vne trempe trop sobre & trop froide : mais des deux autres, celle d'vn à deux, produit ce turbulent ton des Acrothoraces, c'est à dire, de ceux qui ont trop beu,

Touchans du cœur les chordes plus cachees,

Qui ne deuoient pour rien estre touchees.

Car il ne permet pas, le maladiisé qu'il est, que l'homme demeure ou sobre du tout, ou du tout ennoyé en vin. Mais la meslange de deux à trois est la plus gétille & plus musicale proportion de toutes, faisans gracieusement dormir l'homme, & oublier tous ses ennuis, comme celle bonne & fertile terre d'Hésiode,

Tous les ennuis du laboureur chassant,

Et ses enfans doucement nourrissant.

Elle appaise & endort toutes les plus superbes & plus

A plus violentes passions qui soient dedans nostre cœur, y induisant vne paix & tranquillité profonde. A ces paroles d'Ariston personne ne contredit ny ne repugna, par ce que lon voyoit bien qu'il se iouoit. Parquoy ie luy dis, qu'il prist donq la coupe en main: & comme s'il tenoit vne lyre qu'il entōnast cest accord & cōsonance la qu'il louoit tant, & qu'il trouuoit si bonne. Si s'approcha incontinent vn seruiteur qui luy versa du vin, mais il le refusa, disant que la musique consistoit en raison de speculation, & non en pratique d'instrumens, mais

B mon pere y adiousta seulement, qu'il luy sembloit, que les poëtes anciens auoient aussi feinct que Iupiter auoit deux nourrices, Ide & Adrastia: & Iuno vne, Eubœa: Apollo semblablemēt aussi deux, Alethia & Corythalia: mais que Bacchus en auoit plusieurs, pour autant qu'il faut qu'il soit alaicté & nourry de plusieurs nymphes, c'est à dire de plus de fois autant d'eau pour le rendre plus sage & mieux domté.

Q V E S T I O N D I X I E M E .

Pourquoy est ce que les chairs se corrompent plus tost à la Lune que non pas au Soleil.

EVthydemus du bourg de Sunion nous festoiât En sa maison nous feit seruir vn porc sanglier bien grand, tant que tous ceux de la table s'en esmerueilloiēt, & il nous dit, qu'on luy en apportoit vn autre qui estoit encore bien plus grand, mais

qu'il f'estoit gasté en venant aux rayons de la Lune, & qu'il estoit en grand doubte dont cela pouuoit ainsi aduenir, pource qu'il ne luy sembloit pas vraysemblable, que le Soleil ne deust plus tost corrompre la chair, attendu qu'il estoit plus chaud que la Lune. Et lors Satyrus: Cela n'est pas, dit-il, ce que ie treuue plus esmerueillable en tel cas, mais bien ce qui se fait par les veneurs. Car quand ils ont abbatu ou vn sanglier ou vn cerf, & qu'ils le veulent enuoyer loing en la ville: ils y fichent dedans vn clou de cuyure, comme s'il auoit force & vertu d'empescher la putrefaction. Apres le souper d'ocques Euthydemus mettant de rechef ceste demande en auant, Moschion le medecin dit, que la putrefaction estoit vne maniere de fonte & de coulleur de la chair, par ce que la corruption la reduict en vne certaine humidité, tellement que ce qui pourrit deuient plus humide qu'il n'estoit au parauant, & que toute chaleur qui est douce & benigne esmeut & dilate l'humidité, mais au contraire l'ardente & bruslante la diminue & la raut, & que de cela apparoiſſoit la raison de ce que nous demandions route euidente, par ce que la Lune eschauffant tout bellement les corps par consequence les humectoit, là où le Soleil rauissoit plus tost tout ce qu'il y auoit d'humeur és corps par son ardente chaleur. Suiuant quoy Archilochus a bien dit en philosophe naturel,

P'ay bon espoir que la Caniculaire,
 Qui d'une ardeur de feu bruslant esclaire,
 Desseichera vn grand nombre d'iceux.

A Et Homere encore plus clairement parlant d'Hector, sur le corps duquel gisant mort estendu, Apollo, dit-il, amena vne nuee vmbreuse,

Que du Soleil la cuisante bruslure

Ne luy gastaist les nerfs & la charnure.

Au contraire, que les rayons de la Lune soiēt plus imbecilles, le poëte Ion le monstre quand il dit,

Iamais raisin par iceux meurissant

En sa couleur n'en deuint noircissant.

Après que cela eut esté ainsi dit : Tout le reste, dis-je, me semble bon, mais de referer la cause de la pourriture à la quantité de la chaleur, & au plus ou moins d'eschauffoison, totalement ie le treuue mauuais : car nous voions que le Soleil eschauffe moins en hyuer, & pourrit plus en esté, dequoy il eust deu faire le contraire, si les putrefactions aduenoient à cause de l'imbecille chaleur : mais au contraire, plus il augmente sa chaleur, plus il gaste & corrompt les chairs. Parquoy il faut aussi inferer, que ce n'est point à faute de chaleur, ny par la foiblesse d'icelle, que la Lune amène les corps morts à pourriture & putrefaction, ains le faut c plus tost referer à vne propriété de l'influence qui procede d'icelle. Car que la chaleur n'ait pas vne seule qualité differēte du plus ou du moins, & que le feu mesme ait plusieurs facultez diuerses qui ne ressemblent point l'un à l'autre, il appert par experiences qui sont toutes notoires. Car les orfèvres fondent l'or avec feu de paille : les medecins cuisent les medicamens qu'ils veulent faire bouillir ensemble, principalement avec du serment de vi-

gne: & pour fondre & mettre en œuvre le verre, il **D**semble que le feu de bruyere soit plus à propos que de nulle autre matiere. Le bois d'oluiier pour chauffer les corps est bien bon, mais au contraire il est fort mauuais pour chauffer les estuues, parce qu'il gaste les ais du lambris & fonce mēs d'icelles, & si gaste aussi les fondemens quand on en brusle dedans le fourneau, dont vient que les Escheuins de bon entendement, quand ils baillent à ferme les estuues publiques, exceptent ordinairement le bois d'oluiier, defendant à ceux qui les prennent à louage d'en vser, & semblablement de ietter de **E** dans le fourneau de la graine d'yuraie, parce que les fumees qui exhalent de telles matieres apportent des pesanteurs & douleurs de teste, & des esblouissemens, à ceux qui se lauent & estuuent. Parquoy il ne se faut pas esmerueiller si il y a difference entre la chaleur du Soleil & celle de la Lune, veu que l'une enuoye influence qui deseiche, & l'autre qui dissout & estend les humeurs des corps. Voyla pourquoy les nourrices, si elles sont bien apprises se gardent soigneusement d'exposer leurs petits enfans aux rayons de la Lune, parce qu'estās pleins **F** d'humiditez, comme sont les boys verds, ils se torquent & se reiettent: & nous voyons ordinairement que ceux qui s'endorment à la Lune ne se peuvent esueiller qu'à toute force, & quand ils sont esueillez se treuuent tout estourdis & hebetes de leur entendement, parce que la Lune fondant & dilatāt leurs humeurs appesantit les corps: aussi dit on qu'elle aide & sert aux femmes grosses à leurs enfante-

A fantemens, mesmement quand elle est au plein, en relaschant & respandant ainsi les humeurs. Voyla pourquoy à mon aduis Diane, qui n'est autre chose que la Lune, s'appelle Lochia & Ilythia, c'est à dire, aiant la superintendance des enfante-mens: ce que Timotheus tesmoigne tout apertement en ces vers,

Par le haut ciel azuré des estoilles,

Et de la Lune aussi qui les femelles

Fait accoucher sans douleur vistement.

Et se monstre la puissance de la Lune fort euidement és corps mesme qui n'ont point d'ame ny de sentiment, parce que les charpentiers reiettent les bois qui ont esté coupez en pleine Lune, comme estans tendres, subiets à vermoullure & à se pourrir biē tost, à cause de l'humidité. Et les laboureurs s'estudient à enleuer leurs grains de l'aire, à la fin du mois au decours de la Lune, à fin qu'estans endurcis par la seichereffe, ils en soient de meilleure garde, & en durent plus long temps, là où ceux qui sont serrez en la pleine Lune se tournent en poudre, deuenans plus mols à cause de l'humidité. Aussi dit on que la paste se léue mieux durant la pleine Lune: car encore qu'il y ait peu de leuain, & moins en quantité qu'il n'en faudroit, si ne laisse il pas en rarefiant & aigrissant de faire leuer aussi bien toute la masse de la paste. Les chairs aussi qui se pourrissent ne le seuffrēt pour autre chose, sinon que l'esprit qui les maintient venant à se tourner en humidité, elles se rarefiēt, se laschent & s'escoulent. Ce que nous voïcs aduenir en l'air mesme, le-

quel se fondant aux pleines Lunes plus qu'en autre d temps rend aussi lors plus grande quantité de rosee. Ce que le poëte Lyricque Alcman nous donne couuertement à entendre quand il dit,

De Iupiter & de la Lune fille,

Dame Rosee.


Ainsi est il tesmoigné de tous costez, que la lumiere de la Lune a ie ne sçay quoy d'humide, & propriété de lascher & d'humecter: & quant au clou de cuyure, s'il est vray ce qu'ils disent, qu'estant fiché dedans la chair, il la preserue quelque temps de putrefaction, c'est pource qu'il semble auoir quelque vertu & efficace de restraindre. Car les medecins vsent de sa fleur qui est le ver-de-gris, à faire les medicamens restraintifs. Et dit on que ceux qui frequentent pres des minieres où lon tire le cuyure, en sentent vn grand secours alencontre de la chassie & autres maux des yeux, tellement que s'il y en a qui aient perdu les sourcils, ils leur reuiennent là. C'est pourquoy lon dit que le poëte appelle le cuyure *εὐνοια* & *ρόσση*, c'est à dire seruuant à la veuë: & dit Aristote que les playes & blessures qui se font de lances aux bouts de cuyure, ou d'espees mesmes de cuyure, sont moins douloureuses & se guarissent plus facilement que celles qui se font avec le fer, d'autant que le cuyure a ie ne sçay quoy de vertu medicinale, laquelle il laisse incontinent dedans la playe. Or est il tout manifeste, que ce qui resiste à pourriture est cōtraire à ce qui pourrit, & ce qui preserue a faculté contraire à ce qui perd & qui gaste, si ce n'est qu'on
veille

A veuille dire, qu'en perçant à trauers la chair, le clou attire à soy toute l'humidité, attendu que tousiours la fluxion se fait en la partie qui est offensée. Aussi dit on qu'il apparoit tousiours, comme quelque meurtrisseure & quelque mascheure en cest endroit la de la chair, & y a apparence de raison que le reste de la chair demeure sain & entier, quand la corruption conflue toute & accourt en cest endroit la.

B LE QUATRIEME LIVRE

DES PROPOS DE TABLE.

LE PROEME.



OLYBIUS donna iadis à Scipion l'Africain vn bon aduertissemēt, de ne se partir iamais de la place, là où communément se font les affaires des citoiens, que premierement il n'y eust faict quelque nouuel amy. Si ne

faut pas prendre là estroictement & trop subtilement ce nom d'amy pour celuy qui demeure ferme & stable à tout iamais, ains le faut entendre ciuilement pour vn bien-veillant, ainsi comme le prenoit Dicearchus, quand il disoit, qu'il falloit se rendre tous hommes bienueillans, & les gens de bien amis, par ce que celle vraye amitié ne s'ac-

quiert que par vn long temps & avec la vertu, là où ceste bienueillance se peut gaigner pour auoir en quel que affaire ensemble, pour auoir deuisé ou ioué quelquefois les vns avec les autres, mesmement quand l'opportunité du temps s'y rencontre, qui aide à vne bonne volonté & affection humaine de s'entredonner du plaisir. Mais considere, Sossius Senecion, si cest admonnestement se pourroit pas bien & dextrement applicquer non seulement à la place, ains aussi au festin, & dire, qu'il ne faut iamais se leuer de table, ny se departir de la compaignie du festin, que lon ne se soit acquis la bienueillance & bonne affection de quelqu'un de ceux qui auront esté à la compaignie, avec tant plus de raison, que lon va sur la place ordinairement, pour autres affaires & negoces: mais à vn festin, les sages & bien aduisez y vont autant pour acquerir nouueaux amis, que pour entretenir ou faire plaisir à ceux qui sont desia tous acquis. Car il seroit trop importun, trop sale & trop mechanicque, de vouloir emporter d'un banquet autre chose quelle qu'elle soit: mais d'en sortir avec plus d'amis que l'on n'y est entré, c'est chose & delectable & honorable à vn homme de bien: comme au contraire, celuy qui neglige cela se rend l'vsage de se trouuer en compaignie imparfait, sans en rapporter ne plaisir ne profit, & s'en va aiant souppé du ventre, & non pas de l'ame & de l'esprit, attendu que celuy qui vient à vn soupper, n'y vient pas pour participer seulement au pain, au vin, à la viande & aux confitures, ains pour cōmuniquer aussi

A aux deuïs, à la doctrine & conuerſation des conuiez, laquelle finalement avec le temps ſe termine en amitié. Car les ſaiſies, accrochemens & priſes de ceux qui luiſtent, ont beſoing de pouſſiere eſparſe ſur leurs mains pour les rendre plus fermes: mais le vin & la table ſont ce qui donnent la commodité aux priſes de l'amitié quand on les accompagne de bons propos, d'autant que le deuïs tranſfonde par celle communication, comme par des tuyaux, la courtoisie & l'humanité honneſte du corps en l'ame. Car qu'il ſoit autrement,

B le vin ſe reſpand çà & là par le corps, ſans y apporter rien de meilleur que de le ſaouller & remplir. Mais tout ainſi comme le marbre oſte au fer fondu l'humidité coulante en le refroidiſſant, & rend ſa molleſſe ferme & roide apte à receuoir impreſſion de quelque forme: auſſi les propos & deuïs honneſtes à la table, ne ſeuſſrent pas les conuiez beuuans & mangeans enſemble ſe laiſſer trop aller au vin, ains les arreſtent & font que leur gayeté & reſiouiſſance procedant du relâſchemēt de boire, ſe deſtrempe & ſe rend apte à eſtre ſeellée, comme d'un ſeau d'amitié, ſi on ſçait manier les hommes dextrement lors qu'ils ſont attendris & rendus ſuſceptibles de toute impreſſion par le vin & l'aiſe de la bonne chere.

Q V E S T I O N P R E M I E R E.

ſi la nourriture de pluſieurs diuerſes viandes eſt plus facile à digerer que la ſimple.

LA premiere question doncques de ceste quatriéme dizaine des propos de table, fera de la diuersité des viandes, par ce qu'estant la feste de Elaphebolia, comme qui diroit la tuerie des cerfs, en la ville de Hyampolis où nous estiós allez pour la solennité, le medecin Philon nous y festoioit aiant fait vn grand appareil pour nous traicter. Et voiant Philinus avec son petit garsonnet de fils qui mangeoit du pain tout sec, sans demander autre chose: O Hercules, dit-il, c'est bien ce que lon dit communément,

Ils combattoient en lieu tout plein de pierre, E
Et n'en pouuoient leuer vne de terre.

Si s'en alla courant à la cuyfine pour leur apporter quelque chose de bon pour leur faire collation, & apres auoir demouré vne bõne espace de temps, il reuint sans leur apporter autre chose que des figues & du fourmage. Quoy voiant ie luy dis alors que c'estoit l'ordinaire de ceux qui faisoient provision de choses exquisés & sumptueuses de ne se soucier point des vtiles & necessaires, dont il se trouue puis apres auoir faulte. Il ne me souuenoit pas, respõdit Philon, que Philinus nous nourrissoit F vn Zoroastes, lequel on dit n'auoir iamais beu ny mangé en toute sa vie autre chose que du laiët. Mais quant à celuy la il est vraysemblable qu'il cõmença ceste vie par quelque mutation, & qu'il n'auoit pas tousiours ainsi vescu: mais ce Philinus icy, cõme vn nouveau Chiron, nourrit son fils en la maniere que fut esleué Achilles des son enfance, de viandes dont il n'a point esté tiré de sang, c'est à sçauoir

A ſçauoir des fruicts de la terre. Ne vous ſemble il doncques pas, qu'il verifie par demonſtration certaine ce que lon eſcrit des cygalles, qu'elles viuent de l'air & de la roſee? Ie ne penſois pas, reſpondit Philinus, que nous deuſſions au iourd'huy ſoupper en feſtin de cent victimes, comme lon fait à la feſte de Ariſtomenes, autrement ie fuſſe venu de chez nous premuny des viandes ſimples & ſaines, comme de preſeruatiſs alencontre de ces ſumptueuſes & fiebureuſes tables, aiant meſmement entendu par pluſieurs fois des medecins, que les viâdes ſimples ſont encore plus aiſees à digerer, que faciles à recouurer. Alors Marcion adreſſant ſa parole à Philon : Ce Philinus icy, dit il, gaſte tous tes preparatiſs, faiſant peur à tes conuiez pour les diuertir d'en māger: Mais ſi tu m'en requiers ie reſpondray pour toy, & me cōſtitueray pleige enuers eulx, que la diuerſité de viande eſt plus aiſee à digerer que n'eſt la ſimplicité & vniformité, à fin que plus aſſeurément ils ſe mettent à faire bonne chere de ce que tu leur as fait appareiller. Philon le pria d'ainſi le faire, & apres que nous euſmes ſouppé nous priames Philinus d'entreprendre de blaſmer & accuſer la multiplicité & diuerſité de viandes : Ce n'eſt pas moy qui le dis, reſpondit il, mais c'eſt ce beau Philon icy, qui à tous propos nous dit premiere-ment, que les beſtes qui ne mangent que viande ſimple, & touſiours d'vne ſorte, ſont plus ſaines que ne ſont les hōmes, & que celles que lon tient enfermées dās des cages ou en des toits, ſont plus en danger de tomber en des maladies, & que ſou-

uent elles se treuuent trauallees de cruditez, d'au-
tant qu'on leur baille vne nourriture aucunement
meslee. D'auantage il n'y eut iamais medecin si te-
meraire entrepreneur de nouveauté, ny si hardy,
qui osast donner à vn febricitant viande & nour-
riture diuerse, ains leur ordonne lon tousiours la
plus simple que lon peut & la moins cuysee, cō-
me celle qui est la plus aisee à cuire en l'estomac:
car il faut que la viande soit alteree par les facultez
naturelles qui en viennent au dessus. Or la teintu-
re de couleurs toutes simples perce & penetre bien
mieux, & entre les huiles celle qui n'a aucune sen-
teur préd bien mieux les drogues & bōnes odeurs
des parfumiers, & se tourne plus facilement que
ne fait l'autre: aussi la nourriture qui est plus sim-
ple, est celle qui plus aisément s'altere & se cuit par
la vertu digestiue, là où quand il y a plusieurs diuer-
ses qualitez contraires en facultez les vnes aux au-
tres, elles s'en corrompent plus facilēmēt, d'autant
qu'elles s'empeschent les vnes les autres, ne plus ne
moins qu'une ville & vne tourbe confuse de gens
ramassez de toutes pieces, difficilement peult ia-
mais prendre consistence bien vnice & accordante, F
par ce que chascune partie tire à son profit particu-
lier & à sa priuee affection alencontre de l'autre, &
ne se peut iamais accorder & entendre avec ce qui
luy est estranger. Ce que lon peut voir euidem-
ment par vn exemple bien familier du vin, pour ce
qu'il n'est rien qui enyure plus promptemēt que le
vin meslé de plusieurs. Or semble il que l'yuresse
ne soit autre chose, qu'une indigestiō de vin qu'on
ne

A ne peut cuire: c'est pourquoy ceux qui font profession de bien boire, fuyent le plus qu'ils peuuent le vin brouillé, & ceux qui le brouillent aussi le font à cachettes, le plus secrettement qu'il leur est possible, comme ceux qui dressent embusche: car toute mutation apporte inégalité & sort de son premier estat: c'est pourquoy aussi les musiciens le plus tard qu'ils peuuent, touchét plusieurs cordes ensemble, & n'y a rien de mal qui ne soit meslé & diuersifié. Je puis bien dire cela, que plus facilement on feroit à croire & consentir ce que lon voudroit, en alleguant raisons cōtraires, que lon ne feroit vne bōne cuisson & digestion de facultez diuerses & différentes, mais à fin qu'il ne semble que ie me mocque, laissant ces preuues la, ie reuiés aux raisons de Philon: car nous luy entendions dire bien souuēt, que pour la qualité de la viande se cause la difficulté de la digestion, & que la meslāge de plusieurs est chose pernicieuse qui engendre d'estranges accidents. Si faut cognoistre par experience ce qui est amy & propre à sa nature, en vser & s'en contenter: & si d'aduenture il n'y a rien qui soit de nature difficile à cuire, & que ce soit la quātité seulemēt qui trouble nostre estomac, & y fait la corruption, de tant plus, à mon aduis, deuōs nous euitier la diuersité de plusieurs sortes de viādes, desquelles le cuisinier de Philon exerçant vne art toute contraire à celle de son maistre, nous a empoisonnez, en nous diuersifiant & gardant nostre appetit de se lasser par nouuelle varieté, le menant de l'vne à l'autre, & le faisant sortir hors des bornes du contentement de la

raison par ceste diuersité, comme le nourrisson de D
Hypsipyle assis dedans vne belle prairie,

Alloit cueillant de main tendrette

Mainte fleurette sur fleurette,

Ne pouuant son cœur enfantin

Rassasier de tel butin.

Et se fault en cest endroit souuenir de l'instruction
de Socrates, qui conseilloit de se garder & abstenir
des viandes qui conuient les hommes à manger
encore qu'ils n'aient point de faim : ce qui ne vou-
loit autre chose dire, sinon que lon deuoit crain-
dre & fuir la diuersité & pluralité de viandes, d'au-
tant que c'est ce qui tire hors des bornes de suffi-
sance, plus loing qu'il ne seroit de besoing, la volu-
pté en toutes choses qui plaisent à voir & à ouïr,
en amour, en ieux, en toutes sortes d'exercices, estât
toufiours rafraichie & renouvellee par la singula-
rité qui a plusieurs commencemens, là où és sim-
ples & vniformes voluptez, iamais l'attrait de de-
lectation n'excede l'appetit & le besoing naturel.
Bref il m'est aduis, que plus supportable seroit le
musicien qui louïeroit vne confusion de plusieurs
cordes discordâtes, ou vn maistre de luidte qui pri-
feroit l'huile de parfum, & non pas la simple dont
on huile les corps de ceulx qui s'exercent, que non
pas le medecin qui recommanderoit la pluralité &
diuersité de viandes, par ce que tels chāgemens &
deguisemens de viandes destournent à force les
hommes de la droite voye & chemin de santé.
Après que Philinus eut ainsi parlé, Marcion dit
qu'il luy sembloit, que non seulement ceux qui se-
paroient

A paroient l'vtilité de l'honnesteré, encouroient la maledictiō de Socrates, mais aussi ceulx qui distinguoient la volupté de la santé, comme si elle luy estoit repugnante & contraire, & non pas amie & compagne : car nous nous seruons, dit il, bien peu souuent & enuis de la douleur, comme d'un instrument trop violét, là où lon ne sçauroit, quand bien on le voudroit, chasser la volupté & la bannir de toutes autres actions, ausquelles elle est tousiours presente, & assiste au manger, au dormir, au lauer, estuuer, frotter & baigner, recueille, traite & entretient celuy qui est trauaillé & lassé, effaçant par sa benignité amiable & cōuenable à la nature toute l'estrangeté de la maladie : car quelle douleur, quelle disette, quel poison, pour present qu'il soit, appaise & dissipe si promptement & si doulcemēt vne maladie, que fait le baing donné à propos, & le vin baillé à ceulx qui en ont besoing, quand le cœur leur faut ? La viande mesme descendant en l'estomac avec volupté & plaisir resoult incontinent & efface tous ennuis & toutes fascheries, remettant la nature en son estat, comme estant retourné le beau printemps & la serenité, là où au contraire les secours & remedes qui procedēt par moiens douloureux & laborieux, petit à petit, difficilement & à grand' peine en viennent à bout en forçant & tenaillant la nature. Parquoy que Philinus ne nous calomnie point, si nous ne fuyons la volupté à pleines voiles, leuant tous les apparels, ains nous estudions de concilier & marier ensemble la volupté avec la santé, plus raisonnablement

que ne font aucuns philosophes la volupté avec
l'honnesteté : car tout premierement il me semble,
Philinus, que tu t'es grandement abusé des l'entree
de ton discours, en supposant, que les bestes brutes
vsent de plus simple nourriture que les hommes,
& que pour ceste cause elles en vivent plus saine-
ment : car ny l'un ny l'autre n'est veritable, ains est
l'un desméty par le tesmoignage des chœurs d'E-
upolis, qui chantent & louënt hautement leur pa-
sture, comme estant meslee & diuersifiée de plu-
sieurs plantes & plusieurs herbes, en disant :

Nous nous paissions de toute sorte

De plantes que la terre porte,

Du sapin les tendres iettons

Et du chesne verd nous brouillons,

Du cythise, de l'arbusier,

Genieure odorant & laurier,

De l'if au dru-menu feuillage,

Du pin, de l'oliuier sauuage,

Du lierre, lentisque, & du fresne,

Du tamarin, bruyere & chesne,

Du fouteau & du grosellier,

Du cisthe, faule & prunellier,

Des aphrodilles, du bouillon,

De la sariette :

Ces plantes, herbes & arbres qu'il nomme là, il est
certain qu'ils ont plusieurs differences de ius, de sa-
ueurs, de senteurs & de facultez, encore en a il ob-
mis d'auantage à compter. Et quant au second
point Homere le refute par experience, affermant
que les maladies contagieuses & pestilentes faillif-
soient

A soient premierement les bestes brutes, & puis la briefueté mesme de leur vie tesmoigne assez, combien elle est maladiue & subiette à diuers accidēts: car il n'y en a pas vne, en maniere de dire, qui viue bien longuement, si lon ne m'oppose le corbeau & la corneille, lesquelles mangent beaucoup & de toutes sortes de viande, comme nous voions ordinairement. D'auantage il me semble que tu as pris bien à gauche le moien de discerner les choses qui sont de facile ou de difficile digestion, en le prenant de ce quel'on ordonne aux malades: car le travail

B & les exercices seruent de beaucoup à la digestion, mais pour cela ils ne conuiennēt pas à ceux qui ont la fiebure. Et au demourant il m'est aduis que tu craignois sans occasion la repugnāce & cōtrarietē de la viāde & nourriture diuerse: car soit ou que la nature recueille des dissēblables, ce qui luy est propre, la diuerse nourriture transmettāt plusieurs diuerfes qualitez en toute la masse du corps, distribue à chasque partie, ce qui luy est conuenable, de maniere qu'il se fait ce que dit Empedocles en ces vers,

Le doux saisit ce qu'il y a de doux,

C L'amer sen court se ioindre à l'amer roux,

L'aigre s'attache à l'aigre, & la partie

Qui est bruslee, aussi à la rostie:

l'vn allāt deça, l'autre delà, à ce qui luy est sortable, apres que la meslange par la chaleur est dilatee, les semblables suivent ce qui est de leur mesme genre: car vn corps qui est ainsi fort meslé & composé de plusieurs choses, comme le nostre, il est vraysemblable qu'il emprūte son entretenemēt, & remplit

sa temperature plus tost d'une diuerse que d'une simple nourriture. Ou bien si cela n'est ainsi, mais que la cōcoction que lon appelle soit ce qui a force d'alterer & de changer la viande, encore ainsi cela aduiendroit bien plus tost & mieux en vne viande diuerse qu'en vne simple, par ce que le semblable ne reçoit point de passion ny d'alteration de son semblable, mais la contrariété & repugnance altere & chāge bien plus tost les qualitez affoiblies par la meslange de leur opposite. Et si d'adventure, Philinus, tu as resolu de condamner tout ce qui est meslé & composé, ne te prens pas seulement à reprendre & blasmer Philon de ce qu'il traite ainsi sumptueusement & friandement ses amis à la table, mais reprens le encore d'avantage de ce qu'il mesle ses compositiōs royales de medicamēts que Erasistratus souloit appeller les mains des Dieux: condamne de vanité, de curiosité & superfluité ceux qui brouillent & meslēt ensemble les herbes, les simples minéraux, la theriaque où il entre partie des bestes venimeuses tant de la mer que de la terre: car selon ton aduis il vaudra mieux reduire la medecine à la tisanne, à la semence de courges, à l'eau, & à l'huile. Voire mais la pluralité & diuersité de viandes rait & transporte hors de soy l'appetit, de maniere qu'il n'est pas maistre de soy mesme. Je te respons aussi qu'elle tire apres soy la netteté, qu'elle fait bon estomac, qu'elle rend l'aleine douce, & brief qu'elle tient l'homme plus ioyeux & plus gay, & nous dispose à mieux boire & mieux manger: car autrement, que ne destrempons nous

A du son aussi bien que de la fleur de farine pour faire de la boulic? Que ne faisons nous accoustrer des chardons & des oignons sauvages, aussi bien que des asperges? Que ne reiettons nous ce vin qui a l'odeur si souïfue, & que nous n'en buuôs de quelque sauvage fait de pommes ou d'orge, enuironné d'une musique de mouscherons à l'entour? Pour ce me diras tu, que le viure selon le regime de santé n'est pas de fuir totalement & abominer la volupté, mais plus tost une moderation & attrempe-mét de voluptez qui rend l'appetit obeissant à l'utilité. Et tout ainsi comme les pilotes & patrons de nauires ont plusieurs artifices & moïens d'eschapper un vent impetueux & violent, mais quâd il est cessé & du tout amorty, il n'y a personne qui le sceust resueiller ny remettre sus: Aussi à refrener l'appetit, & reprimer ce qu'il y a de trop, il n'y a pas beaucoup d'affaire, mais de le remettre sus & le rendre gaillard & vigoureux quâd il vient à se lascher & à perdre la vigueur qu'il auoit en son tēps, c'est la maistrise que de le sçauoir faire, & y a bien de la peine & de la difficulté. Parquoy la nourriture de diuerses viandes est meilleure que la simple, qui pour tousiours estre d'une sorte saoule incontînēt; pour autant qu'il est plus aisé d'arrester la nature quand elle va trop viste, que de l'émouuoir quand elle se lasse. Au reste quant à ce que quelques vns disent, que la repletion est plus à craindre & à fuir, que nô pas l'inanition, il n'est pas veritable: ains au cōtraire la repletion, quâd elle se termine en quelque corruption & quelque maladie, est mauuaise:

mais l'inanitiō, encore qu'elle n'ameine autre mal, elle est cōtre nature d'elle mesme. Voila les raisons qui me semblent sonner au contraire de ce que tu as philosophé : mais vous autres chiches, qui vous attachez au sel & au cumin, de peur de despendre, n'avez pas entēdu que la varieté est plus plaisante, & que ce qui est plus plaisant, est aussi plus appetissant, pourueu que vous en ostiez tout excès & toute gourmandise de trop manger: car elle s'attache incontinent à nostre corps qui la desire, & qui va, par maniere de dire, au deuāt pour la receuoir, luy aiāt la veuë faict & préparé le chemin: là où au contraire, ce qui n'est point appetissant va flottant & errant dedans le corps sans trouuer qui le reçoive, de sorte que ou nature le reiette totalement, ou si elle le reçoit, c'est maugré elle & à faute d'autre: mais quād ie parle de diuersité & varieté de viandes, souuenez vous & notez que ie ne parle point de pastisserie, de faulces, tartes & gasteaux, car tout cela ne sont que delicateesses curieuses & vaines. Et qui plus est, Platon mesme baille diuersité de viures à ses gentils & genereux citoiens qu'il décrit en sa Republique, en leur presentant eschallottes, oliues, des herbages des iardins, & de toutes sortes de potage, & outre tout cela, encor' ne priue il pas les festins des yssues de table.

QUESTION SECONDE.

Pourquoy est-ce qu'il semble que les truffes s'engendrent du tonnerre, & que lon pense que les dormans ne sont iamais frappez de la foudre.

A EN vn soupper où nous estions en la ville d'Elide, Agemachus nous feit seruir de bien fort grosses truffes, dequoy les assistans s'esbahissans, il y eut vn de la compagnie qui en se fouriant dit: Elles sont certainement dignes des tonnerres qu'il a fait ces iours passez, cōme s'il se fust voulu mocquer de ceste opinion que lon a, que les truffes naissent du tonnerre. Si y en eut qui dirent que le tonnerre fait ouurir & fendre la terre en se seruant de l'air, comme d'un coing: & puis que ceux qui cherchent les truffes par ces creuaces la coniecturent là où elles sont, & les trouuēt, & que de là est venue l'opinion vulgaire qu'elles s'engendrent du tōnerre, comme si quelqu'un pensoit que la pluye produisist les escargots, & nō pas les feist sortir & venir en euidence. Mais Agemachus le confirmoit, & asseuroit par experience l'auoir veu, & prioit que lon ne le tint pas pour chose incroyable, si biē il estoit estrāge & admirable, par ce qu'il y auoit beaucoup d'autres effects du tonnerre, de la foudre, & autres impressions celestes, admirables, dont il estoit bien malaisé, sinon du tout impossible, de comprendre les causes. Car ce bulbe que quelques vns appellent des appetits, dont lon fait plusieurs risées, iusques à le tourner en commun proverbe, ne se sauue pas du tonnerre pour sa petitesse, mais pour ce qu'il a vne propriété qui luy est contraire, comme aussi a le figuier, & la peau du veau marin, & de la Hyene, desquelles peaux les mariniens ont accoustumé de reuestir les bouts de leurs antennes ou verges à attacher leurs voiles: & les

iardiniers qui cultiuēt les iardins appellent les eaux **D**
 de pluyes qui tombēt quand & le tonnerre *εὐλά-*
δεια, c'est à dire bonnes à arroser, & les estiment
 telles. Et brief ce seroit simpleſſe de ſ'eſmerueiller
 de cela, veu que nous voions deuāt noz yeulx des
 choses plus admirables & plus difficiles à croire que
 cela, de voir sortir du feu & de la flāme, & des bruits
 ſi grands & ſi espouuentables des nuees qui ſont
 humides & molles: ce que i'en cacquette, dit il,
 pour vous ſolliciter d'en vouloir chercher la cauſe,
 à fin que ie ne vous preſſe point d'exiger de chaſ-
 cun de vous ſa quotte partie du payement de mes **E**
 groſſes truffes. Alors prenant la parole, ie dis,
 qu'Agemachus luy meſme auec la main en mon-
 ſtroit la vraye cauſe: car pour le preſent il ne me
 vient rien en l'entendemēt qui ſoit plus vrayſem-
 blable. C'eſt qu'auec le tōnerre il tombe bien ſou-
 uent de l'eau genitale & propre à engendrer, dont
 la cauſe eſt la chaleur meſlee parmy: car la ſubſtāce
 pure, legere, & perçante du feu ſ'en eſt allee, ſ'eſtāt
 conuertie en foudre. Et ce qui en eſt plus peſant
 & venteux demourant enueloppé dedans la nuee
 l'altere, en oſtant toute la froideur, & rendant l'hu- **F**
 meur flatueuſe, tellement que ces pluyes la pene-
 trent & ſe fourrent fort douces & amiables dedās
 les plantes, arbres & herbes qui en ſont arroſees, les
 faiſant en peu de temps groſſir, & leur imprime au
 dedans vne particularité de temperature & pecu-
 liere difference de ius, comme nous voions que la
 roſee rend l'herbe plus appetiſſante & mieux affai-
 ſonnee au gré des moutons: & les nuees où ſe fait

A la refraction de l'arc en ciel, remplissent les arbres & les bois sur lesquels elles fondent d'une bien souëfue odeur : au moien de quoy noz païsans les recognoissans à cela, les appellent *ιερισικηθα*, aians opinion que l'arc en ciel est tombé dessus. Si est vraysemblable, que quand ces eaux la de foudre & de tonnerre avec leurs ventosités & chaleurs viennent à percer bien profondement dans la terre, elle s'en tourne, & s'y engendre quelques tels nœuds & pelotons mols & friables, cōme és corps humains se produisent les tumeurs & enfleures que lon appelle glandes & escrouelles, y estans formées par ie ne sçay quelles chaleurs & humeurs sanglantes, ou qui tiennent de la qualité du sang. Car la truffe ne ressemble point à vne plante, ny ne s'engendre point sans humeur, n'ayant ny racine, ny germe qui iette aucune verdure, & si est toute separée alentour ne tenant à rien, par ce qu'elle a sa consistance de la terre seulement, qui a esté vn peu alterée & changée. Et si d'adventure ce propos & ceste raison vous semble maigre, ie vous dy que la plus part des accidents qui suivent les foudres & tonnerres sont de semblable sorte : c'est pourquoy on a opinion qu'en la plus part d'iceux il y a de la diuinité. Adonc l'orateur Dorotheus, qui estoit en la compagnie: Tu dis la verité, dit il, car non seulement les personnes simples & ignorantes, mais aussi quelques vns des philosophes en sont là logez. Quant à moy ie le sçay bien par experience, par ce que n'agueres la foudre estant tombée en nostre maison, y fait plusieurs choses estranges &

merueilleuses : car elle versa tout le vin emmy la caue, sans offenser les tenons & poinçons de terre, où il estoit, & volât par dessus vn homme qui dormoit, elle ne luy feit aucun mal, ny ne toucha point à son habillement, mais aiant vn baudrier ceint, où il y auoit quelques pieces de billon, elle les foudit toutes & les cōfondit, de sorte que lon n'y eust plus sceu recognoistre aucune forme. Le personnage s'en adressa à vn philosophe Pythagorien qui d'auenture se rencontra là passant son chemin, & luy demanda que cela vouloit signifier : mais le philosophe s'en excusant luy dit, qu'il y auisast luy mesme à part luy, & qu'il se recommandast bien aux Dieux. I'entens aussi que depuis n'agueres il y eut vn soldat à Rome, lequel faisant la sentinelle en vn des temples de la ville, la foudre tomba tout au pres de luy, sans luy faire autre mal que de brusler seulement les courroies de ses souliers, & des boettes d'argent estans dedans des estuis de bois, l'argent tout fondu se trouua en masse, au fond, & le bois n'eut mal aucun, ains demoura en son entier. Et quant à cela, on le peut croire & non croire qui veut, mais ce qui est plus merueilleux & plus estrange, nous le sçauons, ie croy, tous, c'est que les corps de ceux qui ont esté tuez par la foudre, demeurent longuement sus terre sans se corrompre ne pourrir, pour ce que plusieurs ne les veulent brusler ny enterrer, ains les laissent sur la terre, & les remparent de quelque fermeture alentour, de maniere que lon voit les corps demourans là long temps sans se corrompre ny empuantir : & consequem-

ment

A ment arguans de menterie Clymené, à qui Euripides en sa Tragédie fait dire du corps de son fils Phaëton,

Mon bien aimé, las en quelque fondriere

Son corps pourrit estant sur la poulciere!

Et croy que c'est pourquoy on a appelé le soulfre *Scïoy* pour la similitude de l'odeur que rendent les choses qui ont esté frappees de la foudre, lesquelles sentent le feu, & ont vne odeur de soulfre fort perçante : c'est pourquoy à mon aduis les chiens & les oiseaux s'abstienēt de manger de tels corps, qui ont
B esté frappez du ciel. Iusques icy doncques soit la premiere pierre du fondement ietee par moy, & au reste prions cestui-cy de l'acheuer, pour ce qu'il s'est bien porté, & a bien rencontré en la recherche de la cause & generation des truffes, à fin qu'il ne nous en prenne comme il feit iadis au peintre Androcydes, lequel peignant le gouffre de Scylla, peignit plus viuement & plus au naturel les poissons d'alentour, que tout le demourant, par où lon iugea qu'il y auoit employé plus d'affection que d'artifice, par ce qu'il estoit de sa nature friand de
C bons poissons. Aussi pourroit quelqu'un dire, que nous aurions tant philosophé de la naissance & origine des truffes, qui est douteuse comme tu vois, pour le plaisir que nous prenons à les manger : mais attendu qu'il y auoit de la probabilité en ce propos, puis que personne ne disoit alencontre, qui nous persuadoit que la cause en estoit assez clairement exposee : ie fus d'aduis, & dis, qu'il estoit temps de dresser les engins de feintes, cōme

lon fait és Comedies pour contrefaire le tonnerre, D
 en deuissant des effects de la foudre & du tonnerre,
 dequoy toute la compagnie fut bien d'aduis, mais
 ils passoient tous les autres poincts, & me prioient
 instamment de leur vouloir discourir touchant ce-
 stui-cy, Pourquoi c'est que les hōmes en dormant
 ne sont iamais frappez de la foudre. Or voyois-ie
 bien que ie ne gaignerois rien de toucher vne cau-
 se, dont la raison fust cōmune à tous les effects du
 tonnerre: toutefois si me mis-ie à dire premiere-
 ment, que le feu de la foudre estoit merueilleuse-
 ment delié & subtil, comme celuy qui prenoit son E
 origine & naisſance de la plus pure, plus nette & plus
 saincte essence, & où encore qu'il y eust quelque
 humidité ou terreſtreité meslee parmy, la celerité
 de son mouuemēt l'en ietteroit dehors & l'en pur-
 » geroit. Ce qui ne peut arrester le feu celeste, ce di-
 » soit Democritus, n'est iamais foudroyé. Parquoy
 les corps solides comme le fer, le cuyure, l'argent &
 l'or l'arrestēt bien, mais aussi sont ils gastez & fon-
 dus par la foudre, d'autant qu'ils luy tiēnent coup,
 & luy font resistance. Au contraire ceulx qui sont
 rares, pleins de pertuis, mols & laxes, il passe sou- F
 dain à trauers, sans leur faire dommage: cōme sont
 les habillemens, les bois fort secs, car ceux qui sont
 verds brulent, d'autant que l'humidité qui est au
 dedans tient coup & s'allume. S'il est doncq veri-
 table, que les dormans ne soient iamais frappez ny
 tuez du tonnerre, il en faut là, & non ailleurs, cher-
 cher la cause: car les corps des hōmes veillans sont
 plus robustes, plus serrez, & font plus de resistēce,
 comme

A comme ceux qui en toutes leurs parties sont pleins d'esprit, lequel regissant les sentimens naturels, & les tenant serrez, l'animal en demeure roide, ferme, & s'entretenant tout d'une venue: là où en dormant il se lasche, devient rare & inegal, mol, & comme tout resolu, les pores ouuerts, l'esprit luy defaillant & l'abandonnant. C'est pourquoy lors les voix, les odeurs & faueurs courent tout à trauers, sans qu'elles soient apperceuës ny senties, d'autant que ce qui doit resister, & en resistant souffrir, ne vient point au deuant de tels obiects qui se presentent mesmement quand ils percent avec vne telle subtilité & vitesse que fait le feu de la foudre: car ce qui est de soy mesme moins fort & robuste pour resister, nature le defend, en luy donnant des remedes contre ce qui le peut offenser, luy mettant au deuant des duretez & soliditez: mais ce qui est de puissance non-pareille & inuincible, outrage & offense moins ce qui luy cede, que ce qui luy fait teste & luy resiste. Adioustez y cela d'auantage, que ceux qui dorment ont moins de peur, d'estonnement & de frayeur, de laquelle plusieurs sont **c** morts, seulement pour la crainte qu'ils auoient de mourir, sans souffrir autre mal. Voyla pourquoy les bergers duisent leurs moutons à courir tous ensemble en vne troupe, quand il tonne, pour ce que ceux qui demeurent escartez çà & là, sont plus tost saisis & offensez de la frayeur, tellement qu'on en voit innumerables qui sont morts du tonnerre, sans auoir sur eux aucune marque ny de coup, ny de blesseure, ny de brulure, leur ame s'en estant

fuy de peur hors de leur corps, comme l'oiseau
qui s'en vole de sa cage: car comme dit le poëte
Euripide,

Le violent esprit du grand tonnerre,

Iette sans sang plusieurs tout morts en terre.

Et puis d'ailleurs l'ouye est le sentiment de tous le
plus subiect à souffrir violètes passions, & les peurs
& frayeurs qui viennent du bruit, apportent les plus
grands troubles à l'ame: alencontre de quoy ne
sentir point, est vn tres-ferme & tres-seur rampart
à l'homme qui dort, là où ceux qui sont esueillez se
perdent de la frayeur qu'ils souffrent auât le coup, &
& la peur leur serrant & espeffissant tout le corps,
fait que la foudre tombant sur eux, en donne plus
grand coup & plus rude atteinte, d'autant qu'elle
trouue plus de resistance.

QUESTION TROISIEME.

*Pourquoy est ce que aux nopces on conuie
plusieurs gens à soupper.*

A La feste des nopces de mon fils Autobulus se
trouua Sossius Senecion à Cheronee avec
nous, & y auoit vne belle & grande compagnie de
plusieurs autres honorables personages: Ce qui
luy donna occasion de demander pour quelle cau-
se on conuioit plus grand nombre de personnes à
vn soupper de nopces qu'à nul autre festin, atten-
du mesmement qu'entre les legistateurs ceux qui
ont plus formellemēt fait la guerre à la superfluité,
ont

A ont nommément definy le nombre des personnes qu'ils vouloient pouuoir estre cōuiees aux nopces. Car quant aux philosophes celuy qui a voulu parler de ceste cause, qui est Hecateus Abaritain, à mon iugement n'en a escrit rien qui vaille, ne où il y ait fondement. Car il dit, que ceux qui se marient cōuient plusieurs personnes au festin de leurs nopces, à fin que plusieurs sçachēt & puissent tesmoigner, qu'estans de condition libres, ils prēnent aussi femme de mesme condition: & au contraire les Poètes comiques se moquent de ceux qui font de superbes & sumptueux festins en leurs nopces avec vne splendeur & magnificence grande, disans que c'est signe qu'ils ne se sentent pas bien certains ny asseurez de leur baston: comme Menander fait dire par vn, à qui lon conseilloit qu'il remparast bien avec force plats & escuelles,

Le marié nouveau qui le feroit,

Comme tu dis, par trop couard seroit.

Toutefois à fin qu'il ne semble que comme lon dit communément nous reprenions bien à nostre aise les autres, pource que nous ne disons rien de nous mesmes, ie dis qu'il n'y a point d'occasion de festoyer qui soit si publique ne si diuulguee, que celle de ceux qui se marient. Car soit que lon face sacrifice aux Dieux, ou que lon conuoye vn amy partant pour faire vn long voyage, ou que lon festoye vn sien hoste passant, on peut bien le faire sans le sçeu de ses parents & amis, mais la table & le festin nuptial avec la chanson coniugale de l'Hymeneus criant à haute voix, les torches que lon porte

deuant l'espousee, les fleustes & aubois, comme dit D Homere, & les femmes qui sont à leurs portes pour regarder l'espousee, tout cela ne peut estre que la feste ne soit cogneuë de tous. Au moien de quoy, les mariez aians honte de n'y semôdre ceux qui le sçauent, y conuiënt tous leurs familiers, leurs parents, leurs alliez & amis, & generallement tous ceux qui en aucune sorte leur appartiennent. Ce que nous tous ayans approuué, Theon prenant la parole: Cela, dit-il, soit supposé pour veritable, car il y a grande apparence, mais adioustez y encore si vous voulez, que ces festoimens la nuptiaux ne font pas seulement festins d'amis, mais aussi de parens & d'alliez, parce que toute vne race & parenté vient à se conioindre & allier l'une avec l'autre. Et qui plus est venans deux maisons à s'assembler en vne, celle qui prend estime qu'elle doit traicter & festoier tous les parës & amis de celle qui donne, & reciproquement celle qui donne de celle qui prend: ainsi doublent ils le nombre de leurs conuiez. Et puis d'autant que tout ou la plus part des choses qui appartiennent au mariage se font par l'entremise des femmes, là où les femmes sont, il est necessaire d'y receuoir aussi les marits.

QUESTION QUATRIEME

*si les viandes de la mer sont plus friandes
que celles de la terre.*

GAlepus est vn bourg en nostre pais de Bœoce, là où il y a des baings de fontaine d'eau chaude,

A chaude, fort accōmodez de la nature pour y prendre tous honnestes plaisirs, & basty de logis, en sorte que c'est comme vne hostellerie publique de toute la Grece, & y prend on grande quantité de gibbier, tant de volatiles que d'animaux terrestres: & si la mer n'y rend pas les tables moins bien fournies, par ce qu'au long de la coste la mer y est fort profonde & haute, & l'eau fort nette nourrissant force beau & bon poisson. Mais encore y fait il meilleur au cœur de l'esté qu'en nulle autre saison de l'annee: car plusieurs y conuiennent en ce temps la, qui conuersent familieremēt les vns avec les autres, en grande affluence de viures, & abondance de tous biens: & n'aians autre chose à faire, la plus part de leur passe-temps est, de deuiser ensemble de propos de lettres. Mais quand Callistratus l'orateur s'y treuue, il est bien malaisé de soupper ailleurs que chez luy, car il a vne courtoisie & hospitalité inexpugnable. Et d'autant qu'il assembloit volontiers tous ceux qui estoient gens de lettres, il en rendoit de tant plus douce sa compagnie & conuersation: car il imitoit souuent Cimon entre les anciens, prenant plaisir à festoier plusieurs personnes, & de tous païs, en sa maison: & tousiours, à maniere de dire, Celeus, lequel on escrit auoir esté le premier, qui iournellement en son logis meit sus vn reduict & vne assemblee de personnes honorables, & de gens de marque, qu'il appelloit le Conseil, ou le Senat. Si estoient les propos que lon y tenoit ordinairement fortables & conuenables à telle compagnie: & vn iour la table

estant chargée de toutes les sortes de viandes que lon eust sceu souhaitter, cela donna occasion d'enquerir touchant icelles viandes, lesquelles estoient les meilleures, celles de la terre, ou celles de la mer. Et comme tous les autres presque d'un commun consentemēt louassent celles de la terre, y en aiant de toutes especes en nombre infiny, Polycrates appellant Symmachus par son nom: Toy, dit il, qui es vn animal aquaticque nourry entre tant de mers, qui enuironnent tout alentour vostre sacree ville de Nicopolis, ne veux tu point soustenir & defendre vostre Neptune? Ouy certainement ie le veux, E dit Symmachus, & te prés & prie d'estre en la defense de ceste cause mon adioinct, attendu que tu es iouyssant de la plus belle partie de la mer d'Achaïe. Commençons doncques premierement, ce dit Polycrates, à la coustume de parler: Car ainsi comme entre tant de poëtes qu'il y a, nous en appellons vn par excellence simplement le poëte, aussi y aiant au monde plusieurs friandises & plusieurs viandes exquises, l'usage de parler a ainsi obtenu, que le poisson seul, ou principalement, entre les autres s'appelle *ὀψών* c'est à dire viande exquisite, F parce que c'est la meilleure de toutes: dont vient que nous appellons aussi les friands & gourmâds, *ὀψοφάγες*, & *φιλοψοφοί*, non ceulx qui aiment la chair de bœuf, comme Hercules, lequel ainsi que dit vn poëte,

Mangeoit la chair aiant des figes fraïches.

Ny vn figon mägeur de figes, comme estoit Platon: ou vn friant de raisins, comme estoit Arce-

Glaus

A filaus: ains ceux qui ne se font que pourmener ordinairement en la poissonnerie, & qui ont l'aureille tousiours ouuerte à escouter le son de la cloche, quand on deliurera le poisson au marché. Et Demosthenes reproche à Philocrates que de l'argent qu'il receuoit pour estre traistre à son pais il en achetoit des putains & des poissons, l'accusant ensemble de luxure & de gourmâdise. Et Ctesiphon ne rencontra pas mal, quand il dit à vn gourmant qui crioit en plein Senat, qu'il creueroit plus tost: Garde toy bien, dit il, mon amy, de le faire, car tu
B nous ferois manger icy aux poissons. Et celuy qui a composé ces petits vers,

Viure pourrois d'estourgeon grassément,

Là où tu vis de capres maigrement,

que veut il entendre? & que veut dire le commun vsage de parler, quand le peuple s'enhorte l'un l'autre à se resiouir, en disant, Au iourd'huy nous Actaferons? qui est autant à dire comme, auourd'huy nous ferons grande chere, pour autant que la grande chere se faict sus le bord de la mer qui s'appelle Acté, non pas pour y voir les vndes de la
C mer, ny les petits cailloux & coquilles de la gréue. Quoy donq? pource qu'on y mange du potage de legumes, ou bien des capres? Nenny certes: mais c'est pource, que ceux qui habitent au long du riuage de la mer ont tousiours foison de beau, bon & frais poisson. Aussi le vend on plus cherement que nulle autre viâde qui viène au marché: de sorte que Caton declamât deuant le peuple, alencôtre de la superfluité, & des delices de la ville de Rome,

dit, non point excessiuement par vne maniere de
 parler, mais veritablement, qu'un poisson se ven-
 doit plus cher à Rome, que non pas un bœuf: car
 ils vendent à plus haut pris vne oulle ou pot de ge-
 lee faite de poisson fondu, qu'ils ne feroient tou-
 tes les hosties d'un sacrifice solennel, où le bœuf
 marche deuant aspergé de farine. Or est il ainsi
 que le meilleur iuge de l'efficace des medicamens,
 c'est celuy qui est le plus exercité en la medecine: &
 semblablement celuy qui peut mieux iuger des
 chansons & motets, c'est celuy qui est le plus ex-
 pert en la musique: par consequent aussi faut il
 doncques inferer, que le plus apte à iuger de la bô-
 té & friandise des viandes, c'est celuy qui les aime
 le plus. Car il ne faut pas prendre pour iuge & ar-
 bitre d'un tel different, un Pythagoras ny un Xe-
 nocrates, mais bien un Antagoras le poëte, ou un
 Philoxenus fils d'Eryxis, & un Androcydes le pein-
 tre, lequel on dit quand il peingnit le gouffre de
 Scylla & de Carybdis, auoir peinct les poissons
 d'alentour avec plus d'affection, mieux au vif & au
 naturel, que tout le demourant, pource qu'il en
 estoit friant. Et Antagoras le poëte estant un iour
 au camp du Roy Antigonus, le Roy le trouua tout
 trouffé & rebrassé qui faisoit cuire un Cōgre dans
 vne poelle, si luy dit à l'aureille en s'approchant
 „ de luy, Penses tu Antagoras qu'Homere samusast
 „ à frire un Congre, quand il escriuoit les hauts faicts
 „ du Roy Agamemnon? & le poëte luy replicqua
 „ tout sur le champ, Mais penses tu, Sire, que quand
 „ Agamemnon faisoit ces hauts faicts d'armes là, il al-
 last

A last curieusement rechercher parmy son camp, qui
frisoit du congre dedans vne poesle, comme tu fais?
Ainsi parla Polycrates en concluant: Quant à moy
ie le donne gaigné à la poissonnerie, tant par les
tesmoignages sus alleguez, que par la preuue de
la coustume. Mais moy, dit Symmachus, i'y viens
à bon esciant, plus subtilement & plus dialectic-
quement. Car si friandise est ce qui assaisonne &
rend appetisante la nourriture, il est force de con-
fesser, que la meilleure viande & plus friande sera
celle, qui pourra plus retenir l'appetit à la table:
D Tout ainsi doncques que les philosophes que lon
surnomme Elpistiques, afferment qu'il n'y a rien
qui contienne & conserue mieux la vie de l'hom-
me que fait l'esperer, parce que sans l'esperāce qui
adoucit les trauaux, la vie seroit insupportable à
tout le monde: aussi faut il confesser, que ce qui
contient & qui cōserue l'appetit est cela, sans quoy
toute viande est desagreable & malaisée à pren-
dre. Or ne trouuerez vous rien procedant de la
terre qui soit tel, mais de la mer, si: c'est le sel, sans
lequel rien, par maniere de dire, ne se peut māger,
C car le pain mesme en est plus agreable au goust,
quand on en mesle dedans. C'est pourquoy lon lo-
ge tousiours en vn mesme temple Neptune avec
Ceres. Brief le sel est comme la saulse & la friandi-
se de toutes les autres delicateesses & friandises du
monde. Voyla pourquoy les demy-Dieux & Prin-
ces de la guerre de Troye, qui faisoient profession
de vie simple, comme des religieux, & qui ostoient
toute volupté curieuse & adioustee à la nourriture

necessaire, de maniere qu'ils ne mangeoient pas ^D
 seulement des poissons, lors qu'ilz estoient cam-
 pez sur le destroict de l'Hellespont, ne pouuoient
 endurer qu'on leur seruist de la chair à la table sans
 sel, portans tesmoignage que c'est la seule saulſe
 qui ne se peut obmettre ny refuser. Car ainsi com-
 me les couleurs ont necessairement besoing de lu-
 miere, aussi ont les ius & liqueurs besoing de sel
 pour resueiller & resiouir le sentiment du goust,
 autrement ils luy sont desagrecables & fascheux.
 Car les morts, ce disoit Heraclitus, sont plus à iet-
 ter dehors, que non pas les fumiers. Or toute chair ^E
 que lon mange est morte, & partie d'un corps
 mort, mais quand la puissance du sel vient à y estre
 adioustee, c'est comme vne ame qui luy donne &
 grace & faueur. Voyla pourquoy lon prend de-
 uant toute autre nourriture, celle qui est aiguë ou
 fallée, & brief celle qui tient & participe plus du
 sel. Car les choses fallées sont comme vn aiguillon
 ou vn allechement de l'appetit, lequel appasté &
 alleché par tels auant-coureurs de hault goust, viét
 plus frais, plus dispos, & plus deliberé à donner de-
 dans les autres viandes, là où sil commençoit aux ^F
 autres, il se lasseroit & se retireroit incontinent. Je
 diray plus, que le sel n'est pas seulement la saulſe &
 l'assaisonnement du manger de l'homme, mais
 aussi de son boire. Car l'oignon qu'Homere cele-
 bre, comme l'attraict & la friandise du boire, est
 plus conuenable aux matelots, forſats & mari-
 niers, que non pas aux princes ny aux Roys : mais
 les viandes qui sont vn peu saupoudrees de sel,
 pour

A pour la bonne bouche, ont force de rendre agreable au goust toute sorte de vin, & toute eau amiable, & si ne tiennent rien de ceste mauuaise senteur & odeur de l'oignon. Qui plus est il rarefie les autres viandes, & les rend plus faciles à la concoction & digestion, tellement qu'il sert au corps de grace, de viande sauoureuse, & de force de medicament. Au demourant les autres viandes que la mer nous fournit, outre ce qu'elles sont tressouëfues & plaisantes au goust, encore sont elles innocentes. Car bien qu'elles aient la nature de chair, si ne chargent
B & ne pesent elles point sur l'estomac, ains se cuy-sent & digerent facilement : à quoy nous porteront-tesmoignage Zenon & Crantor, lesquels, incontinent que l'homme se sent mal disposé, le renuoyent au poisson. Et si est vraysemblable que les animaux que la mer nous nourrit, doiuent estre plus salubres : d'autant qu'ils sont plus exercez, encore qu'ilz ne respirent pas vn air en pureté & simplicité semblable au nostre. Tu dis bien, dit adonc Lamprias, mais i'y adiousteray encore ceste philosophie, que mon grand pere souloit dire ordinairement en se mocquant des Iuifs, qu'ils s'abstenoient de manger de la chair qui plus iustement meritoit d'estre mangee que nulle autre : aussi dirons nous, que la plus iuste viande que l'homme mange, est celle qui nous vient de la mer. Car quand nous n'aurions autre communauté avec ces animaux icy terrestres, si est-ce pour le moins qu'ils mangent de mesmes choses que nous, & respirent vn mesme air, se lauent & boiuent de mesme nous,

& brief ils font quelquefois honte & pitié à ceux qui les tuent, quand ils iettent vn cry lamentable, & font plusieurs choses respondantes à la nourriture qu'ils ont eüe: là où les animaux maritimes & aquatiques sont totalement estranges à nous, comme estans nez & nourris en vn autre monde, & n'y a ny leur regard, ny leur voix, ny seruice aucun qu'ils nous aient fait, ou puissent faire, qui les sauue ou exempte d'estre par nous tuez. Car on ne s'en sçauroit à quoy seruir les gardant vifs, attendu qu'ils ne viuent pas mesmes avec nous: & ne pouuons prendre aucune charitable affection enuers eux, par ce que le lieu où nous habitons, leur est à eulx comme vn enfer, d'autant que si tost qu'ils y arriuent, ils meurent.

QUESTION CINQVIEME.

*Si c'est par Religion, ou par abomination
que les Iuifs s'abstiennent de
manger chair de porc.*

A Pres que cela eut esté dit, comme quelques vns se preparassent pour discourir au contraire, Callistratus leur rompant la parole demanda, Que vous semble il de ce que Lamprias vient de dire, que les Iuifs ne mangent point de la chair la plus iuste qui soit? Il me semble, dit Polycrates, qu'il a fort bien parlé. Mais ie demande d'auantage, si c'est par honneur ou reuerence qu'ils portent aux porceaux, ou bien par abominatiõ & par

haine,

A haine, qu'ils s'abstiennent d'en manger. Car quant à ce qu'ils en content eulx, cela ressemble proprement aux fables controuuees à plaisir, si ce n'est qu'ils en aient quelque propos secrets qu'ils ne veulent pas dire deuant tout le monde. Quant à moy, ce dit Callistratus, i'estime que ceste beste la soit en quelque honneur enuers eulx. Et bien que ce soit vne laide, villaine & orde beste, ie ne voy point qu'elle soit ny plus estrange de figure à veoir, ny plus maufade de nature que l'escharbot, le chié, le crocodile, la musaraigne, ou le chat, que les

B presbtres des Ægyptiens honorent & reuerent, comme de tressaincts animaux, les vns en vn lieu, les autres en vn autre. Mais quant au porceau on dit qu'ils l'honorent pour luy rendre graces, d'autant que ç'a esté luy qui premier a monstré la maniere de labourer la terre en la fendânt & couppât avec le bout de son groin: & a quant-&-quant enseigné la forme & maniere de faire le soc de char-rue, qui pour cela s'appelle *ÿvis*, le mot estant deriué de *ÿs*, qui signifie porceau. Qu'il soit ainsi, iusques au iourd'huy les Ægyptiens qui habitent en lieux

C bas, & mols au long de la riuiera, n'ont aucunemét que faire de charrue: car quand le Nil s'est escoulé apres auoir bien trempé les cāpagnes, les païsans ne font que ietter les porceaux dedans, & vont apres avec la semēce, par ce que les porceaux à force de fouller des pieds, & fouiller du muzeau, ont incontinent renuersé toute la terre, & couuert la semence que les païsans ont iettée dessus. Si ne faut pas trouuer estrange qu'il y ait des gens, qui

pour cela s'abstiennent de manger du porceau, & veu qu'il y a d'autres animaux, qui pour aussi legeres causes, & quelques vnes fort ridicules & dignes de plus grande mocquerie, ont bien de plus grâds honneurs empres les nations barbares, par ce que lon dit que les *Ægyptiens* ont deisié la *Musareigne*, pour autant qu'elle est aueugle, & qu'ils estiment que les tenebres sont plus anciennes que la lumiere, & qu'elle s'engendre des souris à la cinquieme generation, au croissant de la Lune, & outre que son foye va diminuant à mesure que la Lune décroist. D'avantage ils attribuēt le Lion au Soleil, parce que c'est la seule beste à quatre pieds, de celles qui ont les ongles croches, qui fait son petit voiant, qu'il dort bien peu, que ses yeux reluisent encore quand il dort, & mettent des testes de lion au bout des tuyaux des fontaines, & en font des gargouilles, pour autant que le Nil amène de nouvelle eau sur leurs chāps & terres labourables, quand le Soleil passe par le signe du Lion: ils disent que la *Cicogne* noire qu'ils appellent *Ibis*, incontinent qu'elle est esclose poise deux dragmes, autant que poise le cœur d'un petit enfant qui viēt de naistre, & que de ces deux iambes estendues, & de son bec, elle forme en terre vn triangle à trois costez egaulx. Et pourquoy reprendroit on les *Ægyptiens* de si grande simplesse, veu que lon dit que les *Pythagoriens* mesmes adoroient vn coq blanc, & entre les animaux marins ils s'abstenoient principalement du *Surmulet*, & d'une ortye de mer: & que les *Magiciens* qui furent de la secte de *Zoroastes*,

A Zoroastes, honoroient sur tous animaux le herisson de terre, & haïssoient les souris de mer, estimâs que celuy faisoit grand seruice & agreable aux Dieux, & estoit plus heureux qui en tuoit le plus. Cela me fait penser que si les Iuifs auoient en haine & abomination le porceau, ils le tueroient, cōme les Magiciens tuent les souris, là où au contraire il leur est autant defendu d'en tuer, comme d'en manger: & à l'aduenture y a il raison, que comme ils honorent l'asne pour ce que iadis en vne grande seicheresse il leur mōstra l'endroit où il y auoit

E vne fontaine, aussi qu'ils reuerent le porceau, d'autant qu'il leur monstra à labourer & semer la terre. Il y en a certes aussi qui disent, qu'ils s'abstiennent semblablement de manger du lièvre, le haïssans & abominans, comme vne beste impure & pollue. Ce n'est pas sans cause, dit Lamprias, prenant la parole: car ils s'abstiennent de manger du lièvre, pour la similitude qu'il a avec l'asne, lequel ils reuerent mysticquement & significatiuement: car la couleur en tous deux est mesme, les oreilles longues & grandes, les yeux grands & reluisans, dont

C ils s'entrentesemblent merueilleusemēt, de maniere qu'il n'y a animal, de petit au grand, qui soit plus semblable l'un à l'autre: si ce n'est d'aduēture qu'entre ces similitudes ils imitent encore en cela les Ægyptiens qui estiment la celerité & viftesse de cest animal diuine, & la perfection de ses sentimēs naturels. Car son œil est de telle vigueur qu'il dort les yeux tous ouuers, aussi a il l'ouïe fort aiguë, tellement que les Ægyptiens l'en aians en admiration,

quand ils veulent signifier l'ouyë en leurs lettres d' sacrees hieroglyphiques, ils peignent vn lieure. Mais il semble que les Iuifs abominent la chair de porc, pourautant que les barbares ont fort à contrecœur & haïssent merueilleusement entre autres maladies la lepre, & le mal de S. Main, estimās que telles maladies deuorent & rongent à la fin les hōmes auxquels elles s'attachent. Or voions nous que le porceau ordinairement a le vêtre tout plein de lepre, & couuert de ceste fleur blanche qui s'appelle Psora, ce qui semble proceder de quelque mauuaise habitude au dedans, & de quelque corruption interieure, se monstrant au dehors par le dessus du cuir, outre que l'ordure de cest animal en sa façon de viure, apporte encore quelque mauuaise qualité à sa chair: car il n'y a point de beste qui prenne ainsi plaisir à la fange, & à se veautrer en ords & sales lieux, comme il fait, si ce ne sont celles qui y naissent & qui s'y nourrissent. Mais on dit d'auantage, que leurs yeux sont tellement de leur regard tournez & attirez contre bas, que iamais ils ne peuuent apprehender chose qui soit en haut, ny regarder le ciel, si ce n'est qu'on les renuerse les pieds contremont, & que leurs prunelles ne soient par ce moien renuersees tout au contraire de leur naturel. Et pourtant voit on, que combien que ce soit vn animal autrement criard & qui grongne ordinairement, toutefois si on le porte les pieds contre-mont, il se tait du tout sans crier, tant il est estonné de veoir la face du ciel qu'il n'a pas accoustumé: & se trouuant serré de si estroite peur,

A il ne peut pas crier:& si l'y faut encore adiouster les fables poëtiques, on dit que le bel Adonis fut tué par vn porc sanglier. Et que cest Adonis n'est autre chose que Bacchus mesme, ce qui est confirmé par plusieurs cerimonies semblables qui se font és sacrifices de l'vn & de l'autre: les autres tiennent que c'estoit le fauorit de Bacchus, comme lon peut voir par ces vers de Phanocles, homme bien entendu en matiere d'amour,

Bacchus aimant des montraignes l'oree,

Passant vn iour par Cypre la sacree,

B Veit d'Adonis la diuine beauté,

Le rauissant en fait sa volonté.

Symmachus s'esmerueillant de ce dernier propos se prit à dire, Cōment Lamprias endure tu doncques que lon insere & entre-messe le Dieu qui est de vostre pais,

Bacchus Euius qui errantes

Incite à fureur les Bacchantes,

Qui veult estre honoré de ioux

Et de seruice furieux,

parmy les secrettes cerimonies des Hebrieux, ou si
C tu penfes que ce soit à la verité vn mesme Dieu, que celuy des Iuifs? A donc Moeragenes prenant la parole, Laisse moy là, dit il, Lamprias: car moy, qui suis Athenien, te dis & t'asseure que ce n'est autre Dieu que Bacchus. Mais la plus part des arguments, indices & coniectures qui le preuuent, ne se peuuent declarer, sinon à ceulx qui sont profez en la religion & confrairie Trieterique de Bacchus en nostre pais. Toutefois ce qui n'est pas

defendu de dire entre ses amis, mesmement à la table en iouissant des dons de ce Dieu, si l'on plaist à la compagnie, ie suis prest de le dire. Toute l'assistâce adonc le pria & enhorta de ce faire. Premièrement, dit il, la saison & façon de leur principale & plus grande feste, est toute propre & conuenable à Bacchus : car celle qu'ils appellent le Ieusne, ils la celebrent enuiron les plus grands forces des vendanges, & dressent emmy les rues des tables chargees de toutes sortes de fruiçts, & se seiēt soubs des fueillades & ramees tissues principalemēt de branches de vigne & de lierre entrelassées les vnes parmy les autres, & appellent le iour de deuant, la feste des Pauillons. Puis peu de iours apres ils en celebrent vne autre, qui n'est plus soubs figure & couuertemēt, mais tout à descouuert de Bacchus, & est vne feste où lon porte des rameaux en main & des iauelots, & entrent ainsi avec leurs iauelots dedans leur temple, mais que c'est qu'ils y font, nous ne le sçauons pas, sinon qu'il est vraysemblable que ce soient quelques resiouissances Bacchanales, car ils vsent de petites trompettes & clairons, dont ils inuoquent leur dieu, ne plus ne moins que font les Argiens en la solennité de leurs Bacchanales, & en viennent d'autres qui iouent de luths & de cithres, lesquels ils appellēt en leurs langages Leuites, nom à l'aduenture deriué de ce surnom de Bacchus Lysius, ou bien plus tost d'Euius. Et si me semble que leur feste des sabbats n'est pas du tout aliene de Bacchus, par ce qu'il y a encore beaucoup de lieux en la Grece, où lon appelle les suppos de Bacchus Sabbes

Abes, lesquels en leurs ieuX & cerimonies Bacchanales iettēt ces voix, *βοῖ* & *σαλloo*, cōme lon peult voir en l'oraison de la Coronne que fait Demosthenes contre *Æschynes*, & en Menander aussi: ce que lon pourroit encore nō sans propos dire estre imposé, à cause de l'agitatiō & turbulēte motion dont sont espris les Bacchants en leur fureur Bacchanale, & eulx mesmes semblent porter tesmoignage à ce propos, par ce qu'ils honorent ce sabbat, en se conuians les vns les autres à boire & à s'enyurer, si ce n'est qu'il soit suruenue quelque occasion grāde qui les en empesche: & lors encore accoustumēt ils de goulter du vin pur. Toutefois quelqu'un pourroit dire, que tous ces argumēts la ne sont que cōiectures vraysemblables, mais ce qui se fait parmy eulx en est preuue necessaire à toute force: premierement leur grād Pōtife fortāt en leurs festes avec vne mitre en la teste, vestu d'un palletoc faict de peau de cerf, semé de papillottes d'or, avec vne robe lōgue par dessoubz iusques en terre, de brodequins en ses pieds, & de petites clochettes attachees à la bordure de sa robe tout alentour, qui sonnent à mesure qu'il chemine, ne plus ne moins que lō fait un grād bruit en nostre païs és sacrifices nocturnes de Bacchus qui s'appellent *Nyctelia*, mesmement que lon furnōine les nourrices de Bacchus *Chalcodristas*, cōme qui diroit grattās le cuiure: & puis le Thyrsē ou iaelot & les tabourins que lō mōstre imprimez cōtre les lambris des parois de leur tēple, toutes ces cerimonies la ne peuuēt certainemēt cōuenir à autre Dieu qu'à Bacchus. D'auātage ils n'offrēt iamais

en leurs oblatiōs du miel, d'autāt qu'il semble qu'il
gaste le vin quād on y en mesle: & c'estoit anciēne-
ment ce dont on faisoit les libations aux Dieux, &
dont on buuoit auant que la vigne fust trouuee: &
iusques icy les Barbares qui ne boiuet point de vin,
vsent de bruuage fait de miel, corrigeās sa doultour
auec quelque saueur de racine aigrette & vineu-
se. Et les Grecs encores appellēt ces mesmes obla-
tions là, Nephalia & Melisponda, cōme qui diroit
sobres & miellees, aiant le miel nature & proprie-
té toute contraire à celle du vin. Et que ce soit vn
mesme Dieu, cela en est encore vn argument non
petit, qu'entre plusieurs sortes de punitions qu'ils
ont, la plus ignominieuse & plus honteuse est cel-
le, où lon defend le vin à ceux qui sont punis, pour
autant de tēps qu'il plaist à celuy qui a la puissance
d'imposer la peine: & ceux qui sont ainsi punis, *

Tout le reste de ce Quatrieme Liure ne se trouue plus.

LE CINQVIESME LIVRE

DES PROPOS DE TABLE.

LE PROEME.



E ne sçay pas quelle opiniō tu as
presentement, Sossius Senecion,
touchant les plaisirs de l'ame &
du corps,

Car il y a entre nous maintenant

Beaucoup de mer terrible bruit menant,

Et de forests mainte montaigne noire.

Mais par cy deuāt il me sembloit que tu accordois
fort

A fort à mon opinion, & n'approuuois pas celle qui tient, qu'il n'y ait rien qui soit proprement agreable, ny aucunement plaissant à l'ame:& que ne faisant seulemēt que viure à l'ombre du corps, elle rit avec luy selon qu'il sent de doulces affectiōs, ou au contraire se chagrine & se contriste, comme si c'estoit vn miroir qui ne feist que receuoir les images & especes des sentimens qui se font en la chair. Car on peut aisément refuter par plusieurs raisons la faulseté ignorante & deshōeste de ceste opinion, mesmement par ce que à la table, incontinēt apres

E soupper, les hommes doctes & de sçauoir se mettent à deuiser ensemble, comme à vne yssue de table, s'entreresiouissent & se donnent plaisir les vns aux autres de propos & deuïs, auxquels les corps ne participent aucunemēt, si ce n'est de bien loing, portans tesmoignage que cela est comme vne reserve & vne espargne de plaisir pour l'ame, & que ces plaisirs la sont seuls propres à l'ame, & les autres sont bastards & estrangers qui sont attachez au corps. Tout ainsi doncques comme les nourrices, pendant qu'elles donnent la boullie ou la panade à leurs enfans, y prénent & en sentent quant à elles biē peu de plaisir: mais apres qu'elles les ont faict māger, & qu'elles les ont mis dormir, de sorte qu'ils ne crient plus, alors estās à par elles, elles prénent leur refection de boire & de manger, & font bonne chere. Aussi l'ame participe aux appetits du corps, ne plus ne moins qu'une nourrice le seruant & s'accommodant à ses necessitez: mais quand il est suffisammēt traitté & qu'il se repose, alors estāt

deliure de sa besongne & de son seruice, de là en
 auant elle se met à prendre ses propres plaisirs, en
 se repaissant de discours de lettres, de sçauoir, d'hi-
 stoires, d'enquerir, ouir & apprendre tousiours
 quelque chose de singulier. Et qui pourroit dire
 autrement, veu que ceux mesmes qui sont alienes
 des lettres, & addonnez à plaisirs importuns, apres
 le soupper appliquent leur entendement à des au-
 tres ieux qui sont bien eslongnez du corps, propo-
 sans & mettans en auant des Enigmes à souldre, &
 des questions impliquees à faire deuiner, & des
 noms compris soubz les notes de certains nom-
 bres? Oultre cela, les banquets ont donné lieu aux
 farces & moralitez, à Menander & ceulx qui les
 iouent. Tous lesquels passetemps n'ostent aucune
 douleur au corps, ny n'apportent aucun doulx &
 gracieux chatouillement à nostre chair: mais c'est
 pour ce que la partie speculatiue & studieuse qui
 est en chascun de nous, requiert & demande quel-
 que particulier plaisir & recreation sienne, quand
 elle est deschargee de l'occupation que luy donne
 le corps à le traitter.

Q V E S T I O N P R E M I E R E.

*Pourquoy est-ce que nous oyons & voyons volon-
 tiers ceux qui font les courroucez & faschez,
 mais ceux qui le sont au vray, non.*

DE telles choses furēt tenus propos entre nous
 à Athenes en ta presence, lors que le ioueur de
 Começ.

A Comedies, Straton, estoit en si grande reputation d'honneur, que lon ne parloit que de luy. Nous estions en vn banquet chez Boëtus l'Epicurien, auquel souppoient avec nous plusieurs de la mesme secte, & apres le soupper la fraische souuenance de la Comedie que nous auions veu iouer, nous feir, comme gens de lettres, tomber sur le propos de rechercher la cause, pour laquelle nous nous faschôs & supportons mal volontiers d'ouïr les voix de ceux qui se courroucent, ou qui se contristent, qui craignent, & qui sont en frayeur : & au contraire

E ceux qui contrefont ces passions la, qui representent leurs voix, leurs gestes & leurs façons de faire, nous donnent du plaisir. Si estoit l'opinion & le dire des autres presque tout de mesme, par ce qu'ils disoient, que d'autant que celuy qui contrefait ces passions la, est meilleur que celuy qui les souffre, & que pour ne les souffrir point, il en est plus à priser. Nous entendans & cognoissans cela, y prenons plaisir & nous en esiouissons: mais moy, combien que ie meisse le pied en la dâse d'autrui, dis, que nous estans naturellement nez à discourir

E par raison, & aimans les choses ingenieuses & artificielles, portons affection, & auons en estime ceux qui rencontrent bien à les faire : car ainsi comme l'abeille, par ce qu'elle aime le doux, recherche & aime toute plante où il y a quelque substance emmiellee : aussi l'homme qui de sa nature est ingenieux & amateur de choses belles, cherit & embrasse tout œuure, où il cognoit qu'il y a de l'entendement. Si doncques on vient à presenter à vn

petit enfant vn pain, & vn petit chien ou vn petit bœuf faict de paste, vous verrez qu'il s'en viendra courant à ce qui sera figuré. Semblablement aussi, si quelqu'un luy offre de l'argēt en masse, & vn autre quelque petite beste formée d'argent, il prendra beaucoup plus tost cela où il verra qu'il y aura l'esprit de l'artifice meslé parmy, & pourtant ces mesmes enfans, en cest aage la, prennent plus de plaisir à ouir des propos couuerts qui monstrent vne chose & en enseignēt vne autre. Et quant aux ieux ils prēnent aussi plus de plaisir à ceux où il y a quelque entrelassure ou quelque ingenieuse difficulté: car ce qui est gentil, aigu & subtil tire à soy la nature de l'homme, comme estant son propre, encore que lon ne luy enseigne point. Pourautant doncq' que celuy qui a la verité se courrouce & se fasche, ne monstre que des passions communes & ordinaires, mais à les représenter & contrefaire il y a de la dexterité & de la subtilité d'esprit qui le scait bien faire, c'est pourquoy nous prenons plaisir à voir l'un, & desplaisir à regarder l'autre. Qu'il soit ainsi, il nous en prend tout de mesme aux spectacles que nous voions, car nous voions avec ennuy & tristesse ceux qui meurent ou qui sont malades: & au contraire nous prenons plaisir à voir & admirons vn Philoctetes peint en vn tableau, & vne Iocaste de bronze ietee en moule, sur la face de laquelle on dit que l'ouurier mesla vn petit d'argent, à fin que la bronze representaist plus naïfvement la face & couleur d'une personne trespassee. Cela, dirent les Epicuriens, est vn grand argument

A ment aux Cyrenaiques alencontre de nous, pour
monstrer que és passetemps de voir & ouïr, le plaisir
n'est pas ny en la veüe, ny en l'ouye, mais à l'en-
tendement : car c'est chose fascheuse & mal plais-
sante que d'ouïr vne poule croquetter, & vne cor-
neille crailler, & toutefois celuy qui contrefait bien
naïfvement la poule croquetante, ou la corneille
craillante, nous plaist & nous resiouist : aussi nous
fâchons nous de voir des personnes etiques, ou
phthisiques, & toutefois nous prenons plaisir à en
voir les figures bié peintes ou moullées, par ce que
B nostre entendement se delecte de l'imitation, com-
me de chose qui luy est propre : car à quel propos,
& pour quelle occasion exterieure se seroient ainsi
esmerueillez les hômes du porceau de Parmenon,
que la chose en est venue en commun prouerbe ?
Car on dit que ce Parmenon estoit vn qui contre-
faisoit excellemment le grongnement du porceau,
dequoy ses cōpagnons estans enuieux s'efforçoïent
à le contrefaire à l'enuy de luy. Mais les hommes
estans desia preoccupez d'une opinion preiugee,
C disoient : Voyla bon, mais encore n'est-ce rien au-
pris du porceau de Parmenon. Parquoy il y en eut
vn qui prit vn petit cochon sous son aisselle, & le
fit crier : les assistans oyans ce vray cry se prirent à
dire, Cela n'approche point du porceau de Par-
menon. Et adonc celuy la laissa aller le cochon
emmy la place pour les couaincre, qu'ils iugeoient
par opinion anticipée, & non pas à la verité : par
où il appert tout manifestement, qu'une même
action du sentiment n'affectionne pas de même

l'ame, quand l'opinion n'y est pas, encore que l'ad-
ction soit faicte ingenieusement & exquisement.

QVESTION SECONDE.

*Que c'estoit vn ancien ieu de pris que
celuy de la Poésie.*

EN l'assemblée des ieux Pythiques on tint quel-
que fois propos, qu'il falloit retrécher & oster
les ieux supernumeraires, que lon auoit adioustez
aux anciens premiers, par ce que du cōmanement
il n'y en auoit eu que trois, le ieu des fleustes, le ieu
de la Cithre, & le chāter sus la Lyre. Mais depuis y
aiant esté receu le ieu des Tragedies, aussi tost que
la porte, par maniere de dire, a esté ouuerte, on n'a
peu resister à vn nombre infini d'autres ieux qui
s'y sont iettez à la foulle : ce qui a bien apporté vne
diuersité, & vne multitude concurrente à ceste fe-
ste qui n'est pas mal-plaisante, mais aussi n'a pas la
feste retenu son ancienne dignité ny grauité bien
ordonnee, ains en ont esté les Iuges faschez, & a le
combat engendré plusieurs inimitiez, par ce que
où il y a plusieurs qui combattent & font à l'enuy
à qui gaignera le pris, il est force qu'il y en ait beau-
coup de malcontents qui perdent : mais entre au-
tres on iugeoit principalement estre raisonnable
d'en oster ceulx qui combattent à qui gaignera le
pris des Oraisons & de la Poésie : non certes pour
haine qu'on portast aux lettres, mais pour ce que
ceulx qui se presentent à tels combats de lettres,
sont

A sont ordinairement les plus notables personnes de tous les combattans , ausquels les Iuges deputez portent hōneur & reuerence, les estimans tous doctes & honnestes : & toutefois ils ne peuuent pas tous gagner le pris. Or tachaſmés nous à contenir au conseil ceulx qui vouloient changer & remuer les façons accoustumees , & qui blasmoient en vn ieu sacré la multiplicité & varieté de tant de voix, ne plus ne moins que de beaucoup de cordes en vn instrument : & durant le soupper au logis de Petraeus, le President & gouuerneur du ieu , qui nous festoyoit, le propos en estant derechef mis en auant, nous prîsmes à defendre la cause de la Musique, & monstrasmes que la Poësie n'estoit pas modernement ny depuis vn peu de temps entree aux combats des ieux sacrez, ains que de toute ancienneté elle y auoit obtenu & gagné des pris & des couronnes. Si y en auoit en la compagnie à qui il sembloit que ie deusse alleguer des choses toutes vulgaires & triuiales, cōme les funeraillles de Oeolycus Theſſalien, & celles d'Amphidamas Chalcidien, ausquelles lon tiét qu'Homere & Hesiode feirent des carmes à l'enuy l'vn contre l'autre, mais passant par sus tout cela, comme estât trop repassez & diuulguez par le babil des Grammairiens : & ce que quelques vns alleguēt des honneurs funebres de Patroclus en Homere, là où ils lisent *nō ^μuonai*, qui signifie lāceurs de dards, mais *ῥῆμouai*, c'est à dire harēgueurs ou orateurs, cōme si Achilles eust proposē vn pris pour les harēgues & oraisons : laissant aussi, dis-je, que Acastus faisant les

funerailles de son pere Pelias , proposa vn ieu de pris de Poësie , auquel la Sibylle emporta le pris. A quoy plusieurs s'opposans , & demandâs garant & pleigé de cela, pour ce que l'histoire leur en sembloit estrâge, & mal-aisée à croire, de bõne aduerture il me vint en memoire que i'auois leu en la Chronique de Libye, de Acesander où il est escrit: & ce liure la, dis ie, n'est pas en la main de tout le monde, mais ie croy que plusieurs de vous ont esté curieux de lire ce que Polemõ Athenien hõme diligët, & qui n'est point sommeillât en la recherche des antiquitez & singularitez de la Grece, a mis par escript touchant ce qui se treuve és Thresors de la ville de Delphes : car vous trouuerez là, dedans la chambre du Thresor des Sicyoniens , qu'il y auoit vn liure d'or qu'auoit donné, dedié & consacré Aristomache poetisse Erythrienne, apres auoir obtenu la victoire & gaigné le pris des ieux Isthmiques. Et si ne fault pas que vous estimiez que la feste Olympique, non plus que les autres, ait esté comme vne fatale destinee immuable ny immobile en ses combats & en ses ieux : car quant à la feste des ieux Pythiques, il y en a eu trois ou quatre adioustez & extraordinaires de ceux des lettres : & quant à ceulx où lon combat à corps nud , la plus part furent instituez & establis des le commencement, ainsi cõme ils sont maintenant : mais quant aux Olympiques, tous ont esté adioustez, fors que celui de la course. Et si y en a plusieurs que lon auoit premierement instituez , que lon a depuis abolis & ostez, comme celui de *καλπυ*, qui estoit,

que

A que le coureur monté sur vne Iument, au milieu de la course se iettoit à terre, & tenant la iument par la bride couroit à pied à elle au grand galop: & celuy de ἀπὸν, qui estoit la course de charrette trainee par deux mules. Aussi a lon osté la couronne qui auoit esté ordonnée pour les enfans victorieux des saints combats. Bref on a innoué, changé & remué beaucoup de choses en l'ordonnance de ceste feste la, & ay peur que vous ne me demandiez encore vne autrefois garant, si ie vous dis qu'ancienement à Pise il se faisoit des combats B à outrance d'homme à homme, où celuy qui demouroit vaincu & qui tomboit, estoit tué sur le champ. Et si d'adventure il ne me peult souuenir du nom de l'historien qui l'a escrit, ie crains que lon ne s'en mocque de moy, comme en ayant perdu la memoire pour auoir trop beu.

Q U E S T I O N T R O I S I E M E .

Pourquoy est-ce que le Pin est consacré à Neptune & à Bacchus, & que du commencement on couronnoit de brâches de Pin ceux qui gaignoient le pris és ieux Isthmiques, & depuis d'Ache, & maintenant on a recommencé à les couronner de Pin.

O N demandoit vn iour pourquoy c'est que lon couronne de chapeaux de branches de Pin ceux qui gaignent le pris és Ieux Isthmiques, c'estoit en la ville de Corinthe durât la feste Isthmique, que le grand Pontife Lucanius nous festoyoit

en son logis. Le geographe doncq Praxiteles alle-^D
gua les fables poetiques, que le corps de Melicerta
fut trouué contre le tronc d'un Pin, où le flot de la
mer l'auoit ietté, par ce qu'il y auoit assez pres de
la ville de Megare vn endroit que lon appelloit
encore la course de la Belle, par où lon dit que Ino
tenant son enfant entre ses bras s'en courut preci-
piter dedans la mer: mais estant le commun langa-
ge & la commune opinion, que le Pin est le chap-
peau propre à Neptune, le Pontife Lucanius y ad-
iousta lors, que le mesme arbre estant aussi bien
consacré à Bacchus, ce n'estoit pas de merueille fil^E
estoit aussi associé aux hōneurs de Melicerta. Par-
quoy cela nous donna oçcasion de chercher pour
quelle raison les anciens auoient consacré le Pin à
Bacchus & à Neptune tout ensemble. Si me fut
aduis qu'en cela il n'y auoit rien d'estrange ny hors
de propos, par ce que ces deux Dieux sont sei-
gneurs & dominateurs d'un principe genital, qui
est l'humidité, estât certain que tous les Grecs vni-
uersellement sacrifient à Neptune sous le surnom
de *Ποσειδών*, cōme qui diroit, Protecteur des plan-
tes: & à Bacchus aussi surnommé *Δενδρίτης*, comme^F
qui diroit, Presidât aux arbres. Toutefois on pour-
roit dire, que le Pin particulierement apparten-
droit à Neptune, non comme dit Apollodorus,
pource que ce soit un arbre qui aime les riuages de
la mer & les vents, ainsi que fait la mer, car il y en a
encore d'autres qui le disent: mais pour ce qu'il est
propre à faire nauires: car luy & les autres arbres
qui luy ressemblent, comme le Sapin, la Pesse, la
Meleze

A Meleze fournissent de bois fort propre à flotter sur les eaux, & si rendent la poix & la resine pour les godranner & poisser, sans laquelle composition rien ne seruiroit le calfeutrer, quelques iointures & liaisons que lon sceust donner au bois contre l'eau de la mer. Et quant à Bacchus ils luy ont consacré le Pin, cōme à celuy qui adoulcit le vin, pour ce qu'on dit que la vigne produit le vin doux és lieux où croist le Pin naturellemēt. Ce que Theophrastus refere à la chaleur de la terre, car communément le Pin croist és terres où il y a de l'argille, laquelle de sa nature est chaude, & par conséquent aide à cuire le vin, comme elle rend & produit aussi l'eau fort legere & fort douce. D'avantage estant meslee parmy du froment, elle en fait croistre le tas & le monceau, d'autant qu'elle l'enfle & l'attendrit de sa chaleur : mais encore reçoit la vigne plusieurs commoditez & plaisirs du Pin, attendu qu'il luy fournit les choses propres & necessaires à bonifier & conseruer le vin : car tous vniuersellement empoissent les vaisseaux où on le met, & encore y en a il qui mettent de la resine dedans le vin mesme, comme font ceux de Eubœe en la Grece, & en Italie ceux qui habitent aux environs du Pau. Et qui plus est, on apporte de la Gaule Viennoise du vin empoissé, que les Romains estimēt beaucoup & en font grand cas, d'autant qu'il semble que cela luy donne non seulement vne agreable odeur, mais aussi qu'il le rend plus fort & meilleur, luy ostant en peu d'espace tout ce qu'il a du nouveau, & de substance eueuse,

par le moien de sa chaleur. Cela aiant esté dit, il y eut vn Orateur qui auoit bien veu & beaucoup leu les lettres humaines, qui se prit à dire : ô Dieux, & comment, n'est il pas vray qu'il n'y a comme rien que les branches de Pin seruent de couronne aux victorieux qui gaignēt le pris és ieux Isthmiques, & que parauant ils estoient couronnez de feuilles & chapeaux d'Ache? Cela se peult voir par les mots que dit vn taquin auaricieux, en vne Comédie,

Toute la feste Isthmique volontiers

Je quitterois pour autant de deniers

Que cousteroit vne couronne d'ache.

Et Timeus l'historien escrit, que comme les Corinthiens marchoiēt en bataille sous la cōduite de Timoleon, alencōtre des Carthaginois pour combattre de la Sicile, ils rencontrerent en leur chemin quelques vns qui portoient des faisceaux d'ache, & comme plusieurs de l'armee prissent cela pour vn mauuais presage, à cause que l'ache est tenue pour herbe funeste & mortuaire, de maniere que quand il y a quelqu'vn extremement malade en danger de mort, nous disons qu'il ne luy fault plus que de l'ache : Timoleon les assoura & leur remit le cœur, leur ramenant en memoire que lon vsoit de l'ache és ieux Isthmiques, & que lon en couronnoit les victorieux. D'auantage la galere capitaineſſe du Roy Antigonus fut surnommee Isthmia, pour autant que sans semer ny planter, il y creut de l'ache d'elle mesme alentour de la poupe. Et cest Epigramme enigmatique, qui sous

paroles

A paroles obscures & couuertes signifie des vases de terre pleins de vin bouchez & estouppez d'ache,
 Terre Argienne au feu arse & bruslee
 Cache le sang noir de Bacchus, sellee
 Sa gueule estant d'Isthmiques rameaux.

Certainement ils n'auoient pas leu cela ceux qui soustenoient & vantoient le Pin, comme n'estant vn moderne estranger venu d'ailleurs, ains ancien, propre & naturel couronnement des Jeux Isthmiques. Ces paroles esmeurent aucuns de la compagnie, comme estans dittes par homme qui auoit beaucoup veu & leu: & le grand pontife Lucanius iettans ses yeux sus moy, & me soubriant: ô Neptune, dit il, que cest homme a de lettres! Toutefois les autres se tindrent à mon ignorance, se persuadans le contraire, que le Pin estoit le couronnement ancien, naturel & ordinaire du pais és Jeux Isthmiques: & au contraire que celuy de l'ache estoit estranger, venu d'ailleurs par emulation & ialousie d'Hercules, & auoit eu tant de vogue, que pour quelque temps il auroit supplanté l'autre, mais que depuis le Pin, aiant de-rechef recouré son credit, florit au-iour-d'huy en honneur, comme deuant. Parquoy ie me laissay persuader, & me l'imprimay si bien en ma fantasie, que i'appris d'eux plusieurs tesmoignages pour le confirmer, dont i'en retins quelques vns en ma memoire, mesmement d'Euphorion entre autres, qui dit ainsi touchant Melicerte,

En lamentant l'enfant mort estendirent
 Soubs des hauts pins, dont les brâches ils prirent

Pour couronner les chefs victorieux,
 Qui gaigneroient les pris és sacrez ieux:
 Car pas encor n'auoit la main meurtriere
 Tué Charon, au long de la riuere
 Du pere Aſope, & depuis lors en ça
 Ceindre le front d'ache lon commença.
 Et Callimachus qui l'expoſe encore plus claire-
 ment, là où il introduit Hercules, luy diſant tou-
 chant l'ache,

Les Allaićtins, qui au Dieu de la mer
 Feront vn ieu bien plus à eſtimer
 Que ceſtuy cy, la prendront pour le ſigne
 De la victoire Iſthmiaeque treſdigne,
 Comme font ceux de Nemee, quittans
 Le pin duquel iadis les combattans
 On couronnoit en la noble Corinthe.

D'auantage il me ſemble auoir leu quelque eſcript
 de Procles, touchant ceſte feſte des Ieux Iſthmiés,
 où il recite que du commencement que la feſte
 fut ordonnee, la couronne eſtoit de branches de
 pin. Mais depuis que les Ieux furent ſacrez, ils trās-
 fererent de la feſte de Nemee la couronne d'ache
 aux Iſthmiques. Ce Procles a eſté l'vn de ceux qui
 furent en l'eſchole de l'Academie du temps de
 Xenocrates.

Q V E S T I O N Q V A T R I E M E.

*Que veulent dire ces mots qui ſont en
 Homere, Ζωόντες ἱπποῖς ἀνέρας.*

Quelques

A Velques vns de la compagnie où ie souppois
 Vn iour, se mocquoient d'Achilles, de ce qu'il
 commande à son amy Patroclus au neuſieme de
 l'Iliade d'Homere, qu'il verſe du plus pur, & y ad-
 iouſte encore ceſte raiſon,

Car ces Seigneurs qui voir me ſont venus,

Sont de mon cœur plus chers amis tenus.

Mais l'un de noz familiers amis Niceratus Mace-
 donien affermoit, que ζωέτις en ceſt endroit la
 ne ſignifie pas pur & ſans eau, mais du meilleur &
 plus chaud, à cauſe de la chaleur vitale & de l'ebu-
B lition: & qu'il eſtoit raiſonnable qu'eſtās ſuruenus
 de ſes plus grands amis, le ieune homme verſaſt du
 vin frais, comme quand nous voulons faire les li-
 bations aux Dieux, nous verſons touſiours du vin
 frais. Et Soſicles le poète alleguant Empedocles,
 qui en la mutation generale de l'uniuers dit,

Meſlé fut lors ce qui ſouloit ſainct eſtre,

& qu'il n'y auoit rié qui empeschast que lon n'en-
 tendiſt qu'Achilles commandoit à Patroclus qu'il
 preparaſt & temperaſt le vin, comme pour boire:
 & ne ſe falloir point eſbahir ſil auoit dit ζωέτις,

C au lieu de ζῶς, cōme nous auons accouſtumé de
 dire θηλύτις, au lieu de θῆλυ, & δέξιτις, au lieu
 de δέξιον, eſtant reçu en commun vſage que nous
 vſons des cōparatifs en quelques dictiōs, au lieu des
 poſitifs. Et Antipater l'un de noz amis diſoit, que
 en langage ancien ὦς ſignifioit l'annee, & que ζα,
 en cōpoſition, auoit accouſtumé de ſignifier aug-
 mentation: c'eſt pourquoy le vin vieil, & qui eſt de
 pluſieurs anneés en ce lieu la eſt appellé par Achil-

les ζωότρειον. Mais quant à moy ie leur ramenay en D
 memoire que ζῶειν aucunefois signifie chaud, &
 que par ce chaud il entendoit en ce lieu, viste &
 tost, comme nous commandons quelquefois à
 nos vallets de se prendre plus chaudement à leur
 besongne: mais en fin ie leur remōstray qu'ils crai-
 gnoient puerilement de confesser que ζωότρειον si-
 gnifiast en ce lieu la plus pur & moins trempé,
 comme si en cela Achilles eust fait quelque erreur
 & quelque impertinēce, ainsi comme Zoilus Am-
 phipolitain estimoit, ne prenant pas garde premie-
 rement qu' Achilles voyoit Phenix & Vlysses tous E
 deux anciens, qui ne prenoient plus plaisir à
 mettre beaucoup d'eau en leur vin, ains le beu-
 uoyent plus pur, comme font tous autres vieilles
 gens. Au moien dequoy il luy commande de leur
 moins tremper: & puis aiant esté disciple de Chi-
 ron, & aiant appris de luy le regime, par lequel le
 corps se doit gouverner, il discouroit en luy mes-
 me, que les corps qui sont en repos, & ne font rien,
 aians au parauant accoustumé de trauailler, ont
 besoing d'vne temperature plus molle & plus ai-
 see, comme leur estant plus conuenable. Car mes- F
 me aux cheuaux parmy les autres fourrages il leur
 fait ietter deuant de l'ache, non sans grande raison,
 parce que les cheuaux qui demeurent oyseux, &
 que lon tient à l'estable sans rien faire, se gastent
 les pieds, à quoy remedie souuerainement ceste
 herbe d'ache. Aussi ne trouuerez vous point en
 toute l'Iliade, que lon baille de l'ache, ou de quel-
 que autre semblable pasture à nuls autres cheuaux
 qu'à

A qu'à ceux qui sont de repos, & qui ne trauaillent point. Parquoy Achilles ayant cognoissance de la medecine, traictoit & pensoit les cheuaux selon que le requeroit l'occasion du temps : & pour les corps des hommes leur ordonne reigle de vie plus aisee, comme estant la plus saine à ceux qui sont de repos, & qui ne trauaillent point, là où il ne donnoit pas semblable traictement à ceux qui tout le iour estoient à la guerre & aux factions des armes, comme à ceux qui estoient de loisir, leur faisant
B mettre plus d'eau dedans leur vin. Et puis Achilles de sa nature estoit sobre, & n'aimoit pas le vin, d'autant qu'il estoit aspre, comme dit le poëte,

Car point n'estoit d'une nature douce,

Et qui iamais de rien ne se courrouce,

Mais homme ardent, aspre & déterminé.

Et parlant de soy-mesme auantageusement il dit en quelque autre passage,

Sans clorre l'œil i'ay passé mainte nuit.

Or le court sommeil, & le peu dormir ne suffit pas & n'est pas conuenable à ceux qui boient le vin pur. Et là où il entre en grosses paroles alencontre
C d'Agamemnon, la premiere iniure qu'il luy dit, il l'appelle yurongne, comme estant l'yurongnerie le vice que son cœur detestoit le plus. Ainsi pour toutes ces occasions là, il estoit raisonnable que voiant ces personnages de tel aage venant deuers luy, il pensast à donner ordre que lon ne leur trempast le vin, comme lon auoit accoustumé de le tremper pour luy, par ce que telle trempé ne leur estoit pas conuenable.

LE CINQUIEME LIVRE
QUESTION CINQUIEME.

*De ceux qui conuient plusieurs
personnes à soupper.*

A Mon retour d'Alexandrie chascun de mes Amis me voulut festoier, & conuioit on quād & moy tous ceux que lon pensoit aucunement d'amitié ou de parenté m'appartenir, de maniere que pour la multitude grande des conuiez, le festin en estoit ordinairement tumultueux, & s'en retiroit on plus tost que lon n'auoit accoustumé. Parquoy le desordre qu'il y auoit en l'assiette de tels festoyemens, nous donna occasion de parler de ceste matiere: mais Onesicrates le medecin me festoiant comme les autres à son tour, n'en conuia pas beaucoup, ains seulemēt ceux qu'il sçauoit qui m'estoient plus familiers & plus grands amis. Si me fut aduis proprement ce qu'auoit escrit Platon, que la ville qui va tousiours croissant se trouue à la fin n'estre plus ville, & qu'il y a vne certaine grandeur qui luy est prefixe & limitee: aussi y a il vne certaine grandeur de festin iusques à laquelle il demeure festin, mais oultre laquelle s'il passe, les conuiez ne se peuuent plus entre saluer, ny entrecaresser de boire les vns aux autres, non pas seulement s'entre cognoistre, de maniere qu'il n'y a plus forme de festin: car il ne faut pas qu'en vn festin il y ait, comme en vn camp, des aduertisseurs pour enuoyer çà & là, ny comme en vne galere des comites & sous-comites avec leurs sifflers:

A flets : ains faut que les conuiez par eux mesmes parlent & deuissent les vns avec les autres, & que ne plus ne moins qu'en vne danſe, celuy qui eſt à la queuë ſ'entende avec celuy qui eſt à la teſte. Apres que i'eus dit cela, mon grand pere Lamprias prenant la parole d'une voix ſi claire & ſi forte que toute la compagnie le pouuoit entendre: Il y a doncq, dit-il, vne eſpece de moderation & d'attemperance, dont nous auons beſoing non ſeulement à manger en vn feſtin, mais auſſi à ſemondre & à conuier. Car auſſi y a il vne intemperance de courtoisie & d'humanité qui ne peut omettre ny laiſſer pas vn de ceux avec leſquels elle a quelque-fois banqueté, ains les tire tous avec elle, comme ſi c'eſtoit pour aller veoir iouer des ieux ou ouir de la muſique: quant à moy, il me ſemble que le feſtoiant n'eſt pas tant digne de reprehension & mocquerie, quand le pain ou le vin defaillent aux conuiez à ſon feſtin, comme quand il n'y a pas aſſez de place ny de lieu pour les placer, dequoy non ſeulement il y doit auoir largement pour ceux qui ſont conuiez, mais encore pour les ſuruenans qui viennent d'eux mesmes ſans mander, & pour les eſtrangers paſſans ſ'il en ſuruient: meſmement que quand il y a faute de pain ou de vin on ſ'en peut prendre aux ſeruiteurs, & les meſcroire de l'auoir deſrobé, mais où il ſe treuue faute de place, & que le lieu eſt trop anguſte, pour le nombre de ceux qui ſont conuiez, cela ne peut venir que de la negligence & faute de iugement du feſtoiant qui a fait faire la ſemonce: de ſorte que le poëte

Hesiodé a fort bien rencontré quand il a dit, D

Premierement le grand Chaos estoit.

Car il falloit qu'il y eust premierement lieu & place pour pouuoir tenir & comprendre les choses qui seroient créées: non pas, dit-il, comme mon fils fait l'autre iour de son soupper proprement, ce que disoit Anaxagoras, que toutes choses estoient ensemble pêle-mêle. Toutefois encore qu'il y eust de la place assez, & prouision suffisante de viandes, il faudroit neantmoins euirer la presse & la confusion, comme ce qui rend vne société non sociable, & vne assemblée mal compagnable. Car ce seroit moins de mal d'oster à ceux qui sont appellez à vne mesme table la communication du vin, que la communication de discourir & de deuiser ensemble. C'est pourquoy Theophrastus en se iouant appelloit les ouuroids & bouticques des barbiers, des banquetts sans vin, à cause que ceux qui y sont assis les vns aupres les autres, y deuissent ensemble, & ceux qui entassent les hommes à troupes ainsi les vns sur les autres, leur ostant toute communication de propos: ou, pour mieux dire, ils font qu'il y en a peu qui soient ensemble: car ils se départent eux mesmes deux à deux, & trois à trois pour parler ensemble. Et ceux qui sont assis loing, à peine les cognoissent ny les regardent ils, d'autant qu'ils sont eslongnez d'eux de la course d'un cheual, par maniere de dire,

Les vns deuers les rentes d'Achilles,

Autres deuers celles d'Aiax.

Voilà pourquoy les riches monstrét quelquefois
leur

A leur magnificence mal à propos quand ils bastissent des salles de trêtelits, & encore de plus grandes. Car cela est vn appareil pour faire des soupers de gens qui n'ont aucune societé ny amitié les vns avec les autres, & où il seroit plus tost besoing d'un preuost de foire, que d'un maistre de festin: mais quant à ceux là, il leur fault pardonner, par ce qu'ils estimēt que leur richesse ne seroit pas richesse, ains qu'elle seroit à la verité sourde & aueugle, & sans honneur, si elle n'auoit beaucoup de tesmoins, comme la Tragedie beaucoup de spectateurs. Mais quant à nous, le remede de n'en assembler pas tant à la fois seroit, de les conuier souuent peu à peu à diuerses fois, par ce que ceux qui conuient peu souuent, & quand il esclaire à Harma, comme lon dit en commun prouerbe, c'est à dire bien tard, & ne sçait on quand, sont contraincts de faire mettre en leur roolle, tous ceux qui leur appartiennent aucunement ou de parenté, ou d'amitié, ou de cognoissance, là où ceux qui ordinairement en conuient tantost trois, tantost quatre, font de leurs festins comme des alleges & barques à descharger les grands batteaux. Mais avec cela quand on considere la cause, pour laquelle on fait l'assemblée, cela met quelque difference entre les amis. Car ainsi comme pour affaires nous n'assemblons pas toutes sortes de gens, mais seulement ceux qui sont idoines à chasque besongne: car si c'est pour prendre conseil, nous assemblons les plus prudents: si c'est pour plaider, les plus eloquents: si c'est pour aller à l'esbat aux champs, ceux

qui sont plus deliures d'affaires & plus de loisir: D
 aussi és semonces faut il selon les occasions choisir
 les plus idoinés. Car si c'est vn prince ou vn Sei-
 gneur que nous festoions, les plus à propos pour
 soupper avec luy seront les officiers, ou les princi-
 paux hommes de la ville, mesmemēt s'ils ont quel-
 que familiarité & cognoissance avecques luy: si
 c'est vn festin de nopces ou de la natiuité, ceux
 qui sont parents & liez du lien de Iupiter prote-
 cteur de consanguinité. Et en tels festoiemens faut
 tousiours auoir l'œil de mettre ensemble ceux qui
 sont plus agreables les vns aux autres. Car quand E
 nous sacrifions à vn Dieu, ce n'est pas à dire que
 nous facions priere à tous les autres, encore qu'ils
 soient en mesmes temples, & sur mesmes autels,
 ains estans trois coupes apportees pleines, nous
 offrons les libations aux vns de la premiere coup-
 pe, aux autres de la secōde, & aux autres de la troi-
 sieme, d'autant que l'enuie n'a point lieu en la dan-
 se des Dieux, & la danse des amis est aussi diuine
 moiennant que lon sçache bien distribuer & de-
 partir les caresses à tous en beuuant à eulx.

F

Q V E S T I O N . S I X I E M E .

*Pourquoy est ce qu'au commencement du soup-
 per on se trouue pressé à table, &
 à la fin au large.*

CES propos acheuez on demanda incontinent
 la cause, pourquoy au commencement du
 soupper

A soupper on se trouue coustumierement ferré & pressé à la table, & à la fin à l'aise & au large, là où il sembleroit que ce deuroit plus tost estre le contraire, d'autant que lon s'est remply au soupper. Si y en auoit quelques vns d'entre nous qui attribuiét cela, à ce que nous souppons ordinaiemēt assis de nostre large, veu que nous estendons la main droicte sur la table: & puis quand nous auōs souppé, alors nous nous tournons sur le costé, faisant la forme de nostre corps plus aigüe, & n'occupons plus la place de l'assiette par superficie, en
B maniere de dire, ains par ligne seulement. Ne plus ne moins dōcques que les osselets occupent moins de place quand ils tōbent droits sur l'vn des costez, que quand ils tombent couchez tout à plat, aussi vn chascun de nous au commencement panche sur le deuant, regardant de front vers la table, mais apres il change son assiette de front en flanc. Il y en auoit plusieurs autres qui alleguoient que la coulre du liēt s'affaïssoit, par ce qu'estāt foullee de l'assiette, elle s'eslargit & s'esuachit, ne plus ne moins que les souliers croissans & se laschās à force
C de marcher, deuient à la fin si larges que le pied tourne dedans. Et le bon vieillard alors se iouant dit, qu'il y auoit tousiours deux gouuerneurs & presidens d'vn mesme festin, qui estoient bien differens l'vn de l'autre: au cōmancement la faim, qui ne sçait rien de garder ordre: & à la fin puis apres Bacchus, que tous confessent auoir esté vn tres-suffisant capitaine. Tout ainsi doncq comme Epaminondas, aians les autres capitaines Thebains

par leur ignorance ietté l'armée de Thebes en des lieux si estroicts & si malaisez, qu'elle se rompoit, heurtoit & fracassoit elle mesme, la retira de ces destroicts, & puis la remeit en bonne ordonnance: aussi la faim nous trouuant à l'entree du soupper affamez, nous fait presser & chocquer les vns les autres, comme chiens: mais le bon Bacchus puis apres nous prenant, luy qui est surnommé Lyeus & Chorius, c'est à dire delieur & maistre de bal, nous rend & remet en ordonnance gracieuse, doulce & aisee.

QUESTION SEPTIEME

De ceux que lon dit qu'ils charment.

S'Estant quelquefois esmeu propos à table, touchant ceux que lon dit qui charment, & qui ont l'œil enforcelleur, les autres passoient la chose en risee & mocquerie: mais Metrius Florus qui nous donnoit à soupper, dit que les effects que lon en voioit aidoient merueilleusement au bruiet qui en estoit, & qu'il n'estoit pas raisonnable que si lon ignoroit la cause d'une chose faicte, que lon la mescreust pour cela, attendu que d'une infinité d'autres choses qui realement sont en essence, nous n'en pouuons comprendre la cause. Car generally qui veult qu'en toute chose il y ait raison apparente, il en oste la merueille, par ce que là où on ignore la cause, là commence lon à douter & enquerir, qui est à dire, philosopher, de maniere que

A que lon peult dire, que ceux qui decroient les choses merueilleuses, ostent toute la philosophie : mais il fault de telles choses chercher le pourquoy il est ainsi, avec la raison : & qu'il est ainsi, le prendre de l'histoire. Or en lisons nous de cela plusieurs exemples és histoires. Car nous sçauons & cognoissons des hommes qui par regarder fichément de petits enfans ; les offensent griefuement, par ce que la temperature de leur corps, qui est humide & imbecille, s'en altere & s'en tourne en pis, là où ils feuffrent moins cela quand leurs corps sont desia

B fermes & plus robustes. Et Philarchus escrit, que certaine nation de gens qui habitoient iadis au royaume de Pont, que lon appelloit les Thybiens, estoient mortels & pestilens non seulement aux ieunes enfans, mais aussi aux hommes faicts, par ce que ceux qui receuoient ou leur haleine, ou leur regard, ou leur parole, se fondoient en langueur, & tomboient aussi tost malades, dequoy se sont aperceus, cōme il est vray semblable, les marchands trafficquans en ces quartiers la, qui en amenoient des serfs à vendre : mais quant à ceux-la, l'exemple

C à l'aduenture n'en est pas si esmerueillable, par ce que l'attouchement & la contagion de les hanter familièrement apporte vn manifeste principe de tel accident. Et tout ainsi comme les aëles des autres oiseaux, qui les met avec celles des aigles, perissent & viennent à neant, par ce que les penes & plumes leur tombent & pourrissent : aussi est il bien raisonnable que l'attouchement des hommes, d'aucuns soit vtile & profitable, & des autres

nuyfible & preiudiciable. Mais d'estre offensé pour estre seulement regardé, il se fait comme nous auons desia dit: mais pource que la cause en est difficile à trouuer, on le decroit: & toutefois, dis-ie, il semble que tu en es sur les voyes, & en as trouué la trace, aiant touché la defluxion qui se fait des corps. Car & la senteur, & la voix, & la parole & l'haleine sont des fluxions & decoulemés qui sortent des corps des animaux, & parties qui esmeuent les sentimens naturels, lesquels en les receuât en sont alterez & affectez. Et est encore plus vraysemblable, que telles defluxions se facent hors des corps des animaux par la chaleur & le mouuemēt, quand ils sont eschauffez, & esmeus, & que les esprits vitaux en prennent vn haulsēment de poulz, & vn battement plus vifte, duquel le corps estant agité & secoué, iette hors de soy continuellement quelques defluxions: & y a apparence que cela se fait autant par les yeux que par autre conduict qui soit. Car la veuë estant vn sentiment fort leger & mobile, respand vne merueilleuse puissance enflammee quād & l'esprit qui la dirige, de maniere que l'hōme par le moien d'icelle veuë, fait & souffre plusieurs notables effects, & reçoit des choses qu'il voit des plaisirs & des plaisirs qui ne sont pas petits. Car l'amour, qui est l'vne des plus grandes & plus vehemētes passions de l'ame, prent sa source & origine de la veuë, tellement que celuy qui est espris d'amour, se fond & s'escoule tout en regardant la beauté des personnes qu'il aime, comme s'il entroit dedans elles, au moien de quoy lon se

A se pourroit avec raison esbahir, comment il y en a qui confessent que l'homme peut bien souffrir & receuoir dommage par la veuë, & trouuent estrange qu'il face du mal & porte nuyssance par la mesme veuë. Car le regard des personnes qui sont en fleur de beauté, & ce qui sort de leurs yeux, soit en lumiere ou fluxion d'esprits, fond les amoureux, & les consomme avec ie ne sçay quelle volupté meslee de douleur, qu'ils appellent eulx aigredouce. Car ils ne sont pas tant ferus & vlcerez ny pour ouïr, ny pour toucher, que pour regarder & estre

B regardez, tant il se fait profonde penetration & inflammation grande par la veuë, de sorte qu'il me semble que ceux la n'ont iamais senty ny esprouué que c'est de l'amour, qui s'esmerueillent de la Naphthe de Babylone, laquelle s'allume en la monstrant seulement au feu de loing: car les yeux des belles creatures allumét vn feu dedās les ames & entrailles des amoureux, encore qu'ils n'y regardent que de bien loing. Mais nous experimentons souuent le secours que fait à ceux qui ont la iaunisse le regard du Lorient, car s'ils le peuuent veoir

C ils guarissent, aiant cest oyseau telle nature & temperature, qu'il attire à soy & reçoit la maladie sortant du patient, comme vne fluxion par le conduit des yeux. C'est pourquoy les Lorientiers ne veulent iamais regarder vne personne qui a la iaunisse, ny ne le peuuent endurer, & le fuyent & s'en destournent, tenans leurs yeux clos de peur de les regarder: non pour enuie qu'ils portent à la guarison des malades, comme quelques vns estiment, mais

pour ce qu'ils en font blecez & offensez eulx mes-
mes. Et quant aux autres maladies, ceux qui
hantent & frequentent avec ceulx qui ont mal
aux yeux, facilement & promptement prennent
le mal, tant la veüe a vne prompte & legere puis-
sance d'attacher à vn autre le principe de quelque
contagion. Ouy bien, dit alors Patroclias, és mala-
dies & passions corporelles, mais quant aux cho-
ses de l'ame & spirituelles, entre lesquelles est le
charmer & enforceller, comment est-ce que cela
se fait, & comment est-ce que par vn regard ils
transmettēt vne lesion & nuyssance au corps d'au-
truy? Ne sçauiez vous, dis ie, que l'ame selon qu'elle
est affectionnee dispose & altere aussi le corps? car
la cogitation du ieu d'amour fait dresser la nature:
l'ardeur des chiens quand ils sont acharnez apres
les bestes, bien souuent leur estaint la veüe, & les
aueugle du tout. Les ennuys, l'auarice & la ia-
lousie changent ordinairement la couleur du vi-
sage, & deseichent les habitudes des corps, & l'en-
uie qui n'est pas moins subtile à penetrer és ames,
emplit le corps d'une mauuaise & pernicieuse dis-
position, laquelle les peintres representent gentil-
mēt és tableaux, où ils peingnēt la face de l'enuie.
Quand doncques ceux qui sont infects de ce vice
viēnent à ietter leurs yeux, qui pourestre prochains
de l'ame tirent aiseement ce vice, & venans à dar-
der leurs rayons, cōme des traicts empoisonnez &
enuenimez sur quelques vns, si ceux la en sont of-
fensez & blecez, il me semble qu'il ne leur aduiant
rien qui soit estrange, ny à quoy on doieue refuser
creance.

A creâce. Car les morsures mesmes des chiés sont plus mauuaises & plus dangereuses quand ils mordent estans courroucez: & la semence des hômes prend mieux & est plus apte à engendrer quâd ils ont affaire à femmes qu'ils aimêt: & generalemêt les passions & affections de l'ame fortifient & corroborent les puisâces & facultez du corps. Voila pourquoy lon pèse que les preseruatifs que lon appelle *ωχλαστικά*, aient force alencontre de cest enforcellement d'enuie, quand on retire & destourne le regard qui est ainsi malefique, à fin que moins il s'appuye & prenne moins pied sur les patiens: voila, dis-ie, Seigneur Florus, mon escot de ce bâquet, que ie te paye contant. Ouy bien, ce dit Soclarus, mais que nous en aions esprouué les deniers pour voir s'ils sont bons, car il y en a qui me semblent faulx: par ce que si nous supposons que ce que le vulgaire dit touchant ceulx qui sont ainsi enforcelez, soit veritable, tu n'ignores pas certainement qu'ils estiment qu'il y ait des amis & des parents, voire des peres mesmes, qui aient des yeulx forciers, de sorte que les femmes ne leur veulent pas seulement monstrier leurs petits enfans, & ne permettent pas que telles gens les regardent longuement. Comment doncques procederoit cest effect la d'enuie? & que direz vous, ie vous prie, de ceulx que lon dit qui s'enforcellent eulx mesmes? car tu l'as bien ouy dire, & pour le moins as tu bien leu cest Epigramme,

Belles estoient la face & cheueleure
D'Eutelidas, mais trop à sa mal-heure,

En l'eau d'un fleuve esblouy les mira,
 Et sa beauté tellement admira,
 Que de ses yeulx il se charma soy mesme,
 En se fondant par maladie blesme.

Cestuy Eutelidas s'estant veu dedans vne riuere,
 se trouua si beau, & s'affectiona si fort à ceste veüe,
 qu'il en tomba malade, & en perdit toute sa beauté
 & son en-bon-poinct : mais maintenant regarde
 comment tu es prouueu de responce pour souldre
 ces inconuenients la. Fort suffisammēt, dis-ie, d'ail-
 leurs : mais encore buuant en vne si grande & si
 ample couppe comme ceste cy, i'ose bien hardimēt
 dire & asseurer, que toutes les passions demourans
 long temps en l'ame, y impriment des habitudes
 mauuaises, lesquelles apres y auoir auec le temps
 pris force de nature s'esmeuent pour la moindre
 occasion du mōde, & bien souuent tuent les hom-
 mes malgré eulx, en leurs propres & accoustumees
 passions. Qu'il soit ainsi, voyez que les hommes
 couards redoutent cela mesme qui les sauue, &
 ceux qui sont choleres se courroucent bien souuēt
 à ceulx qui sont leurs plus grands amis : & ceulx
 qui sont luxurieux, à la fin ne se peuuent pas con-
 tenir qu'ils ne touchent mesmes aux plus saincts
 & plus sacrez corps : car l'accoustumance a vne
 force merueilleuse de conduire la disposition à ce
 qui luy est familier, & est force que celuy qui est
 disposé à broncher, choppe à tout hurt qui se pre-
 sente. Et pourtant ne se fault il pas esbahir si ceulx
 qui ont contracté en eulx mesmes vne habitu-
 de enuieuse & forcierre, se meuent selon la par-
 ticu-

A ticularité de leur passion contre ceulx mesmes qui leur sont plus chers : & quand ils sont vne fois esmeus , alors ils ne font pas ce qu'ils veulent , mais ce à quoy ils sont enclins & disposez : ne plus ne moins qu'une boulle quand elle se meut est contraincte de se mouvoir rondement , selon la qualité de sa forme : & semblablement aussi vn rouleau , en façon de rouleau , selon la difference de sa figure : aussi celuy qui a ainsi l'habitude de ceste enuie forcere , sa disposition le meut & le pousse enuieusement à toutes choses. Et est vray-semblable qu'ils

B offensent plus ceux qui leur tiennent de plus pres , & qu'ils aiment le plus. Parquoy le bon Eutelidas & tous autres que lon dit qui se charment & enforcellent eux mesmes , me semblent souffrir cela , & encourir en cest inconuenient , non sans tresgrande apparence de raison : car comme dit Hippocrates , l'extreme en-bon-poinct est fort dangereux , & les corps qui sont paruenus iusques à vne extreme vigueur de bon portement , n'y peuuent demourer , ains panchent incontinent & enclinent vers l'opposite. Quand doncques ils sont venus à croistre

C tout à coup , & qu'ils se voyent en meilleur estat qu'ils n'esperoient , tellement qu'ils s'en esmerueillent & se contemplent , alors leur corps est prochain de mutation , & tendans selon leur habitude au pire , ils s'enforcellent & se charment eulx mesmes. Et cela se fait encore de tant plus facilement & plus promptement , par les fluxions qui sont arrestees par la repercussion d'un mirouer , ou d'un carquois , par ce que telles fluxions reiallissent en arriere

alencontre de ceulx mesmes qui y regardent, tellement que le mal & dommage qu'ils eussent fait à autrui, ils se le font à eulx mesmes. Ce qui, peult estre, aduient bien souuent aux petits enfans : mais on en attribue la cause, à faulses enseignes, à ceulx qui les regardent. Côme i'eū acheué mon propos, Caius, le gendre de Florus, se prit à dire : Et quoy, des images de Democritus, on n'en fait doncques ne mise ne recepte, ny cōpte ny mention, non plus que des Ægiens ou Megariës (que dit le prouerbe) car ce philosophe dit, qu'il sort des images des yeux de ceulx qui sont enuieux forciers, & ce non sans ^E quelque sentiment & quelque inclination, ains estans pleines de l'enuie & meschanceté de ceulx qui les iettent hors de soy, avec laquelle venans à femplastrer, s'attacher & s'arrester avec ceulx qui sont ainsi enuiez, perturbēt & offensent leur corps & l'ame & l'entendemēt: car il me semble que cest homme parle ainsi magnifiquemēt & merueilleusement, & qu'il décrit ainsi son opinion. Si fait il certainement, dis-ie, mais ie ne sçay commēt vous ne vous estes pas apperceus que ie n'ay rien osté à ceste fluxion & decoulement la, sinon l'ame & la ^F volonté, de peur que si maintenant qu'il est bien auant en la nuit, i'allois introduire des esprits & fantosmes, aians sens & entendemēt, cela ne vous meist en quelque trouble & en quelque frayeur: parquoy, si bon vous semble nous en remettrons la dispute & la consideration à demain au matin.

- A Pourquoi est-ce que le Poete appelle le Pommier
 ἀγλαόμαρον, portant beau fruit: & Empe-
 docles appelle les pommes ὑπερφλοια.

Comme nous souppions vn iour en banquet
 En nostre ville de Cheronce, on nous seruit de
 routes sortes de fruitz en grande abondance. Si
 vint en la fantasie de l'un de ceulx qui estoient à la
 table, d'alleguer ce vers d'Homere,

Des figuiers doux, des pommiers au beau fruit,
 Des oliuiers verdoians.

- B Et demanda lon, pourquoy le poëte auoit appellé
 les pommiers, au beau fruit. Et adonc le medecin
 Tryphon respondit, que cela pouuoit estre dit par
 comparaison à l'arbre, lequel estant petit & de
 peu d'apparence produit vn si beau & si gros fruit.
 Vn autre dit qu'il apperceuoit, que la beauté com-
 posée de toutes ses parties estoit en ce seul arbre
 fruitier la, car il a l'attouchement net comme la
 violette, sans qu'il fallisse en sorte du monde,
 ains emplit de douce senteur les mains de celuy
 qui le touche: il a le goust doux, & si est à sentir
 C tressouëf, & tresplaisant à voir, de maniere que
 delectant tous les sentimens ensemble, il en est à
 bon droit loué comme beau. A cela nous dismes
 que c'estoit assez bien discouru: mais Enpedocles
 aiant escrit,

Voila pourquoy les poires sont tardiuës

Communément, & les pommes hastiuës.

I'entens, dis ie, bien l'epithete des poires, pour-
 quoy illes appelle tardiuës: c'est pour ce qu'elles

ne sont point meures qu'il ne soit sur la fin de l'Aut^o tomne, estans ia les grâdes chaleurs toutes passées, pour ce que leur humidité estant foible & en petite quantité, le Soleil ne permet pas qu'elle prenne consistance, que l'air ne cōmance de se tourner & changer en froidure: Et pourtāt dit Theophrastus, que c'est le seul de tous les arbres fruićtiers qui meurit mieulx & plus tost son fruićt à l'ombre. Mais ie ne sçay en quel sens le sage poète a appellé les pommes *ὑπέρφλοια*, attendu mesmement que ce philosophe la a accoustumé d'embellir & esgayer les matieres d'adiećtifs fort propres & exquis, cōme de couleurs viues, non pour orner son langage ny enrichir son stile, ains pour représenter & exprimer plus viuement quelque substance ou quelque faculté, comme quand il appelle *ἀμφίβροτον* terre circummortelle, le corps qui enuironne l'ame, & *νεφεληγερέτην*, l'air assemble-nuee, & *πολυαίματον*, le foye sanglant. Aiant mis ces doubtes en auant, il y eut quelques Grammairiens qui dirent qu'il appelloit les pommes *ὑπέρφλοια*, a raison de leur vigueur, par ce que les poètes appellent *φλοῖον* estre en sa vigueur & en sa fleur: & que le poète Antimachus auoit ainsi appellé la ville des Cadmiens, florissante de fruićts. Et semblablement Aratus parlant de l'estoile caniculaire,

Croistre des vns elle fait la vigueur,

D'autres perir la totale verdeur,

il appelle en ce lieu-la la fleur & verdeur des fruićts *φλόον*: & y a quelques vns entre les Grecs qui sacrifient à Bacchus, surnommé Phlœus. Pour

autant

A autant doncq que la pōme se cōtregarde plus longuement en sa vigueur, c'est pourquoy le philosophe l'appelle ὑπερφλοια. Mais Lamprias nostre grād pere dit, que ceste diction ὑπέρ ne signifioit pas seulement fort & beaucoup, mais aussi par dehors & par dessus: car ainsi appellons nous ὑπερθυσεν, le dessus de l'huis, & ὑπερώον la chābre haulte. Et le poète appelle la chair ὑπέρτερα, qui est au dehors de la victime, comme il nomme, ἐγκυτω, ce qui en est au dedans, comme les entrailles. Considere doncq, si Empedocles a point visé à cela en cest adiectif, que les autres fruiçts sont contenus dedans quelque escorce, & ont par le dessus les coques, les taves, & les gouffes que lon appelle, là où l'escorce de la pomme est par le dedans vne petite tunique gluante & grasse, en laquelle est cōtenue la graine & le pepin, & ce qu'il y a de bon a māger est par dehors tout aléuiron, à raison dequoy elle est appelée ὑπερφλοια.

Q V E S T I O N N E V F I E M E.

*Quelle cause y a il pourquoy le figuier estant vn
arbre acre & agu, produit vn fruiçt
qui est fort doux.*

A Pres cela on demanda aussi, Pourquoy la figue, qui est l'un des plus doux fruiçts du monde, peult naistre d'un arbre qui est fort amer: car la feuille mesme du figuier, à cause de son aspreté est appelée Thrion, & le bois en est plein de ius, de maniere que quand on le brusle il rend vne fu-

mees fort acree, & quand il est brulé la cendre en fait vne lexiue qui est fort deterſiue & forte à merueilles, à cause de ſon acrimonie : & ce qui est encore plus admirable, là où tous arbres & toutes plantes qui portent feuilles & fruits florissent, le seul figuier ne florist iamais : & ſil est vray ce que lon dit d'auantage, que iamais il n'est touché de la foudre, cela se doit referer & attribuer à l'amertume & mauuaise habitude du tronc : car il semble que la foudre & le tōnerre ne touche iamais à telles choses, non plus qu'à la peau du veau marin, ny au cuir de la Hyene. Adonc le bon vieillard prenant la parole : Ce n'est pas de merueilles, dit il, si toute la douceur se rendant au fruit, tout le reste de l'arbre en demeure aspre & amer : car ainsi comme toute la substance & humeur cholerique se rengeant en la bourse du fiel, la propre substance du foye en demeure fort douce, aussi le figuier aiant enuoyé tout ce qu'il auoit de douceur au fruit de la figue, luy en demeure tout despourueu : car qu'il soit vray que dedans le tronc de l'arbre il y ait autrement quelque douceur, & quelque peu de bon suc, i'en prens pour argument ce que lon dit de la rue, que ce qui en croist dessous vn figuier ou aupres, en deuiant plus doux, comme en tirant & receuant quelque peu de douceur, par le moien de laquelle la trop grande & trop vehemente pesanteur de la rue s'esteint : si ce n'est d'aduenture plus tost au cōtraire, que le figuier attirât à soy la nourriture, luy oste ce qu'il y a d'acrimonie & d'amertume.

QUESTION DIXIEME.

*Qui sont ceux que lon appelle en commun prouerbe,
Après le sel & le cumin : & pourquoy est-ce
que le Poete appelle le sel diuin.*

FLorus nous demanda vn iour que nous soup-
pions en son logis, qui sont ceux que lon appel-
le en cōmun prouerbe, autour du sel & du cumin.
Apollophanes le Grammairien, qui estoit en la
compagnie, solut la question tout sur le champ:
B Car ceux, dit il, qui nous sont si amis & si familiers,
qu'ils souppent de sel & de cumin, sont designez
par ce commun prouerbe. Mais nous demãdions
d'auantage, dont procedoit que lon honoroit tant
le sel, par ce qu'Homere dit tout ouuertement,

Il espartit du sel diuin dessus.

Et Platon dit, que le corps du sel par les loix hu-
maines est tressacré & sainct : & augmenta encore
la doute, que les presbtres des Ægyptiens qui sont
chastes, & viuent sainctement, s'abstiennent du
tout de sel, de sorte qu'ils ne mãgent point de pain
C fallé, car fil est sainct & diuin, pourquoy l'auoient
ils en abomination ? Florus dōc nous pria de laisser
là les façons de faire des Ægyptiēs, & de dire quel-
que chose des Grecs sur ce subiect : & adoncq ie dis,
que les Ægyptiens mesmes n'estoient point en
cela contraires aux Grecs, car la saincteté de cha-
steté defend l'vsage de faire des enfans, le rire, & le
boire vin, & plusieurs autres choses semblables,
qui autrement sont choses bonnes & non point à

reietter: mais quant au sel, ceux qui veulent mener **D**
vne vie saincte & impollue s'en abstiennent, à l'ad-
uenture pour ce qu'il prouoque par sa chaleur
ceux qui en vsent, à luxure & à se messer avec les
femmes, ainsi comme quelques vns tiennent, & si
est vraysemblable qu'ils s'en abstiennent, comme
d'une trop delicate viande: car lon peult dire, que
c'est la faulse & l'assaisonnement de toutes les au-
tres viandes. Et pourtant y en a il qui l'appellent
les Graces, pour ce qu'il rend ce qui est necessaire
pour nostre nourriture, doux & agreable. Dions
nous doncq que le sel soit appellé diuin pour ceste **E**
cause? Ce n'en seroit pas, dis-ie, vne trop legere oc-
casion, par ce que les hōmes ont accoustumé d'at-
tribuer quelque diuinité aux choses qui sont fort
cōmunes, & dont l'vtilité s'estend bien largement,
comme sont l'eau, la lumiere, les saisons de l'an, &
la terre, laquelle ils n'estiment pas seulement diui-
ne, mais en font vne deesse. Or à toutes ces choses
la le sel ne cede aucunement en vtilité & commo-
dité, estant comme vn temperament & fortifica-
tion de la viande dedans le corps, & qui luy donne
vne conuenance avec l'appetit: mais toutefois con- **F**
siderez sil y a point encore ceste proprieté diuine,
que/conservant longuement les corps morts sans
pourriture & corruption, il resiste par ce moien à
la mort, & ne seuffre pas que ce qui est mortel pe-
rissè & s'en aille à neāt de tout poinct: ains ne plus
ne moins que l'ame estant la plus diuine partie de
nous qui maintient le reste en vie, & ne laisse point
fondre la masse du corps: aussi la nature du sel pre-
nant

Auant les corps morts, & imitant en cela les actions de l'ame, les retient qu'ils ne faillent precipiter en corruption, & les arreste, donnant aux parties vne amitié, accord & conuenance des vnes avec les autres. Voyla pourquoy quelques vns des Stoiques disent, que la chair de porc est des sa naissance morte, & que l'ame y a esté semee, comme du sel pour les garder de pourrir, & les conseruer longuement. Et vous voyez que nous estimons le feu du tonnerre feu celeste & diuin, pour ce que nous voïons que les corps qui ont esté frappez de la foudre demeurent long temps sans se gaster & corrompre. Quelle merueille est ce doncques si les anciens ont estimé le sel diuin, pour autant qu'il auoit la mesme vertu que ce feu celeste & diuin? En cest endroit aiant finy mon propos, Philinus prenant la parole: Et ce qui est generatif & a puisſance d'engendrer, dit il, ne te semble il pas estre diuin, attendu que lon estime que Dieu est le principe & l'origine de toutes choses? I'aduouay qu'il estoit ainsi. Et lon tient que le sel aide & sert beaucoup à la generation, comme toy mesme en as faict mention

C en parlant des presbtres Ægyptiens. Et ceulx qui nourrissent des chienes pour en faire race, quand il vient qu'elles ne deuient point chaudes, ils excitent & reueillent leur vertu generatiue qui est endormie, tant par autres viandes chaudes, que par leur faire mager des chairs salees & cōſittes en saumure: & les vaisseaux & nauires où lon mène du sel, produisent vne multitude innumerable de souris, parce que quelques vns tienēt que les femelles


engrossissent sans la conionction du masse, quand D
elles ont lesché du sel. Mais il est plus vraysembla-
ble que la saleure imprime quelque demãgeaison
és parties naturelles des animaux, & les prouoc-
que par ce moië à se ioindre le masse & la femelle,
& s'assembler ensemble. C'est pourquoy, à mon
aduis, nous appellons la beauté d'une femme salee
& assaisonnée de sel, qui n'est point fade ny mor-
ne, ains accompagnée de grace viue & émouuan-
te. Et c'est aussi pourquoy, à mon aduis, les poëtes
appellent Venus *Ἀλιγεν*, c'est à dire, engendree de
la mer, & en feignent vne fable qu'elle ait pris sa E
generation de la mer, donnans par cela couuerte-
ment à entendre la vertu generatiue du sel: & bref
ils font tousiours les Dieux marins peres de plu-
sieurs enfans & de grande lignee, & entre les ani-
maux il n'y en a espee quelcôque ny terrestre, ny
volatile, qui soit si generatiue comme sont routes
les especes des poissons: à quoy visant Empedo-
cles escrit,

La nation muette conduisant
Peuple infini de poissons produisant.

LE

A LE SIXIEME LIVRE DES
PROPOS DE TABLE.

LE PROEME.



D L A T O N retirant Timotheus le fils de Conon deces sumptueux & superflus banquets que font ordinairement les Capitaines , luy donna vn iour à soupper en l'Academie sobrement, doctement & nettement, d'un appareil qui n'apporte point de fiebureuse eschaufaison, ny d'inflammation, comme souloit dire Ion, ains est communément suiuy d'un doux & gracieux sommeil, & d'imaginations produisans peu de songes, qui mōstrent vne grande tranquillité & serenité du corps. Le lendemain doncques Timotheus s'apperceuant de la difference qu'il y auoit entre ces souppers la & les autres, dit que ceulx qui auoient souppé chez Platon s'en trouuoient bien encore le lendemain : car à dire la verité c'est vn grand moien de viure heureusement, que d'auoir le corps dispos & bien temperé, non noyé de vin, ny agraué de viāde, prest à employer, sans doute ny defiance quelconque, à toute action que lon veult. Mais il y auoit encore vn autre moien, qui n'estoit pas moindre que celuy la, qu'auoient ceulx qui souppoient chez Platon, c'estoit la discussion des bons & doctes propos, qui y

estoient tenus à table durant le soupper: car les vo-
 luptez du boire & du manger ont vn souuenir qui
 n'est point liberal ny digne de gens d'honneur, &
 qui autrement ne fait que passer, & ne demeure
 point, non plus que l'odeur de parfum, ou la sen-
 teur de cuisine du iour passé: là où les discours de
 philosophie, & les decisions des disputes qui y sont
 traictees, en les rememorant apres, donnent du
 plaisir tousiours frais à ceulx qui se souuiennent d'y
 auoir assisté: & si font que ceux qui ne s'y sont pas
 trouuez presents, en oyent & participent autant,
 quant à la doctrine & erudition, comme eulx mes-
 mes, attendu que maintenant les hommes studi-
 eux & doctes ont autant de fruition & de partici-
 pation aux festins de Socrates, que ceulx mesmes
 qui pour lors realement soupperent avec luy. Et
 toutefois si les delices corporelles les eussent affe-
 ctionnez & espris de volupté, il eust fallu que Pla-
 ton & Xenophon eussent escrit les memoires non
 des propos & discours qui furent lors tenus, mais
 des viandes qui furent seruies chez Callias & chez
 Agathon, & qu'ils eussent laissé vne liste des pastif-
 series & des confitures: là où de toutes ces choses
 la ils n'en ont iamais fait aucun compte, encore
 qu'il soit vraysemblable qu'ils y aient employé &
 de la diligence, & de la despense beaucoup: mais
 au contraire ils ont soigneusement redigé par es-
 cript les discours des lettres & de la philosophie,
 qui lors furent tenus en iouant & passant le temps,
 & nous les ont laissez par escript, pour nous don-
 ner exemple que nous deuons non seulement
 conuer-

A conuerſer enſemble de propos & de deuſis, mais auſſi nous ſouuenir encore apres de ceulx qui ont eſté tenus.

QUESTION PREMIERE.

Pourquoy eſt-ce que ceux qui ieunent ont plus de ſoiſ qu'ils n'ont de faim.

IE t'enuoie donq', Soſſius Senecion, ce Sixieme liure des propos de table, duquel la premiere **Q**ueſtion eſt, Pourquoy ceux qui ieunent ont plus de ſoiſ qu'ils n'ont de faim. Car il ſembloit que ce fuſt contre raiſon que ceulx qui auoient ieuné euſſent plus de ſoiſ que de faim, par ce que le default de nourriture ſeiche, ſembloit auſſi par nature requierir vn rempliſſement propre de nourriture pareille. Je commençay doncques à dire aux aſſiſtans, que de tout ce qui eſtoit dedans la chaleur naturelle, ſeulement ou principalement auoit beſoing de nourriture & d'entretienement, comme certainement nous voions au dehors, que ny l'air, **C**ny l'eau, ny la terre, n'appetent d'eſtre nourris ny ne conſument ce qui eſt aupres d'eux, & n'y a que le feu ſeul qui le face: c'eſt pourquoy les ieunes mangent plus que ne font les vieux, à cauſe qu'ils ont de la chaleur d'auantage. Et au contraire les vieillards portēt bien plus facilement le ieune, par ce que la chaleur naturelle eſt deſormais toute lāguifſante & debile en eulx, cōme elle eſt auſſi aux animaux qui n'ont point de ſang, leſquels ont beſoing

de bien peu de nourriture, à faulte de chaleur. **P**
 Et nous voions qu'en chascun de nous, les exercices du corps, le crier, & autres choses semblables, qui par le mouuement augmentent la chaleur, font que nous prenons plus de plaisir à manger, & mangeons de meilleur appetit: & la nourriture premiere plus propre & plus selon nature de la chaleur, à mon aduis c'est l'humeur, ainsi que nous monstrent & donnent à cognoistre les flammes qui s'augmētent, quand on iette de l'huile dessus, & ce que la coudre est la plus seiche chose qui soit, par ce que toute l'humidité en est brus- **E**
 lee, & la substance terrestre, destituee de toute liqueur, y est seule demouree. Semblablement aussi le feu separe & diuise les corps, en ostant l'humidité qui les colle & tient reliez ensemble. Quād doncques nous auons bien ieuné, la chaleur naturelle attire premierement toute l'humeur qu'il y a és reliques de nostre nourriture, & puis l'inflammation passe oultre à la liqueur mesme radicale, qui est en nostre chair, cherchant par tout de l'humidité pour se nourrir. Se faisant doncques vne seichereffe en nostre corps, ne plus ne moins qu'en **E**
 de la terre cuitte, nostre chair par consequence vient à auoir plus tost besoing de boire que de manger, iusques à ce que apres que nous auons beu, la chaleur en estant refaite & renforcee, engendre lors vn appetit de nourriture graue, seiche & folide.

Q V E S T I O N S E C O N D E .

Si c'est

A - *Si c'est l'indigence de nourriture qui fait la faim
& la soif, ou si c'est le changement & la
transformation des conduits.*

C E propos acheué, le medecin Philon voulut
Cremuer & renuerfer la premiere position, par
ce qu'il maintenoit que la soif ne pouenoit point
de faute d'aucune nourriture, ains de la mutation
des corps: & pour le monstrier alleguoit d'un costé
que ceux qui ont soif la nuit, s'ils s'endorment la-
dessus, ils perdent leur soif sans auoir beu: & de
B l'autre costé, que ceux qui ont la fiebure, quand ils
ont quelque relasche, ou bien que la fiebure leur
cesse du tout, ils sont quant-&-quant deliurez de
la soif. Item, il y en a qui apres s'estre baignez &
lauiez, ou bien apres qu'ils ont vomy, perdent aussi
leur soif: & toutefois ny l'un ne l'autre accident
n'augmente l'humidité du corps, & n'y a que les
pores & petits conduits qui souffrent mutation,
par ce qu'ils sont remuez & transformez en autre
estat & autre disposition: ce qui appert encore plus
manifestement en la faim, car il y a plusieurs mala-
C des qui tout ensemble ont besoing de nourriture
& faute d'appetit, & d'autres qui, quoy qu'ils man-
gent & qu'ils se remplissent, iamaïs leur appetit
n'en diminue, ains demeure tousiours & s'aug-
mente. Et y en a plusieurs qui estans degoustez ont
recourré & fait reuenir leur appetit, en goustant
seulement vn peu d'oliue confite avec du sel, ou vn
peu de cappres. Par où il appert tout euidemment
que la faim ne nous vient pas de faute de nourri-

ture, mais pour quelque alteration qui aduiét aux **D**
pores & conduicts : car ces viandes la diminuent
la faute de nourriture, & neantmoins font auoir
faim. Ainsi la pointe & acrimonie de telles vian-
des confites en sel, reserrant & estraingnant l'esto-
mac, ou bien au contraire le relaschant & l'ouurât,
impriment en iceluy certaine conuenance mor-
dante de la nourriture, laquelle nous appellons
appetit. La raison de cest argument me sembla
bien assez ingenieusement tissue, & subtilement
deduite, mais toutefois estre contraire à la fin
principale de la nature, à laquelle l'appetit mène **E**
& conduit tout animal, desirant le remplissement
de ce qui luy defect, & poursuyuant tousiours ce
qu'il s'en faut qu'elle n'ait ce qui luy est propre.
Car de dire que ce en quoy principalement dif-
fere l'animal du corps sans ame, ne nous ait esté
baillé pour la tuition, entretenement & conserua-
tion de nostre salut, comme est le desir de toutes
les choses qui sont propres & amies à nostre corps,
& la crainte de toutes celles qui luy sont ennemies
& contraires, & de penser que cela soit seulement
vne passion, remuement & alteration des pores **F**
qui aduient, selon qu'ils sont faits ou plus grands
ou plus petits, cela est tout rondement à faire à
gens qui ne mettent en aucun compte ny aucune
consideration la nature: & puis de confesser que le
trembler de froid aduienne à nostre corps à faulte
de la chaleur qui luy est propre & familiere, & nier
que la faim & la soif n'aduienne pas aussi à faulte
d'humidité & de nourriture, il n'y auroit point
de

A de propos : & feroit encore plus deraisonnable de dire, que la nature desire l'euacuation, quand elle se sent chargée de repletion, & qu'elle n'appete pas repletion quand elle se sent trop vuyde, ains que ce soit quelque autre passio qui s'imprime en elle. Et neantmoins ces defaults la & remplissemens qui se font és corps des animaux, ressemblent proprement à ce qui se fait en l'agriculture. Car la terre seuffre plusieurs telles necessitez & defaults, auxquels on essaye de remedier, comme alencontre de la seicheresse on l'arrose, quand elle est arse &

B qu'elle brulle, on la rafraischit tout doucement: quand elle est gelee on tasche à la rechauffer, & la couure lon de plusieurs couuertes. Et ce qui n'est pas en nostre puissance de faire, nous supplions aux Dieux de le nous donner, comme de la rosee douce, & des vents gracieux, tellement que la nature cherche tousiours le remplissement de ce qui luy defect pour conseruer sa temperature : & estime quant à moy que ce mot Trophé, qui signifie nourriture, ait ainsi esté appellé, comme qui diroit, conseruant la nature, laquelle se

C conserue quant aux arbres & plantes insensiblement, ce dit Empedocles, par l'air d'alentour quād elles sont arrosées autant comme elles en ont de besoing. Mais quant à nous l'appetit nous fait chercher & procurer ce qui s'en faut que nous n'ayons nostre temperature, mais toutefois cōsiderons vn peu à part chascune des oppositions qui ont esté proposees, & nous verrons comment elles ne sont pas veritables. Car premierement les

viandes qui ont vne poincte aiguë & acrimonie **D**
n'impriment pas vn appetit aux parties capables
& susceptibles de nourriture, mais vne picqueure
& morsure, comme vn chatouillement quand on
a appliqué au cuyr quelque chose qui racle & qui
gratte, il est vraysemblable que par telles viandes
acres ce qui remplissoit venant à estre subtilizé &
attenué se resoult, & par ainsi qu'il se fait vn defect,
non pource que les pores soient alterez ou chan-
gez en autre forme, mais plus tost pource qu'ils
sont vuydez & purgez, parce que les ius qui sont
acres, aigus, perceans & salez, attendrissans & atte- **E**
nuans la matiere, la dissipent disgregent & respan-
dent, en sorte qu'ils engendrent vn nouuel appetit.
Et quant à ceux qui s'endorment sur leur soif, ce
ne sont pas les pores qui pour estre transformez
appaissent la soif, mais pource qu'ils recoiuent l'hu-
midité de la chair, & qu'ils se remplissent d'une
moiteur vaporeuse. Quant aux vomissemens, en
reiectant l'humidité qui est estrangere ou ennemie
à la nature, ils luy donnent moien de iouir de celle
qui luy est amie & familiere. Car la soif n'est pas
vne appetence d'infinie quantité d'humeur, mais **F**
seulement de celle qui est propre & agreable à la
nature. Voyla pourquoy l'homme, encore qu'il ait
en son corps vne quantité grâde d'humeur estran-
gere, a neantmoins faute & besoing, par ce que la
soif ne cede qu'à l'humeur propre & naturelle, dont
elle est apperente, & ne donne point d'attrempan-
ce au corps de l'homme, iusques à ce que ce qui est
estranger ait cédé & s'en soit allé, & alors les pores
recoi-

A recoiuent celle moiteur qui leur est propre & familiere. Quant à la fiebure elle poulse l'humidité au fond du corps, le milieu duquel brullant, toute l'humeur s'y retire & y est retenue, pressée & entassée, de sorte qu'il aduient souuent que pource qu'elle y est ainsi fort amassée, les parties du milieu la reiettent par vomissement, pour se descharger, & qu'ils ont soif quant-&-quant, par ce que le demourant du corps est aride & a besoing d'humidité. Quand doncques il se fait vn relaschement de la fiebure, & que l'ardeur s'en va dedans, l'humidité retourne alors, & se respendant & coulant par tout, comme est son naturel, elle apporte tout ensemble vne aisance au dedans & milieu du corps, & rend la chair & la peau par dehors lissée, douce & moite, au lieu que parauant elle estoit aspre, seiche & aride, & bien souuent elle amène encore des sueurs, dont vient que le defaut qui parauant engendroit la soif, cesse quand l'humidité passe du lieu, où elle estoit au parauant estroictement retenue & pressée, à celuy où elle est au large, qui la desfire & qui en a besoing. Car tout ainsi comme **C** en vn iardin où il y a vn puy, dedans lequel y a force eau, si on n'en tire & que lon n'en arrose, il est force que les herbes, plantes & arbres aient grand soif & faute de nourriture: aussi en vn corps, si toute l'humeur est attirée en vn lieu, il ne se faut pas esmerueiller si il y en a disette & grande seicheresse au demourant, iusques à ce que de rechef il s'y soit fait vn nouveau decoulement & nouvelle diffusion, ainsi comme il aduiant aux feбри-

citans quand la fiebure les a laschez, & à ceux qui s'endorment en leur soif. Car à ceux la le dormir en ramenant l'humidité du fond & milieu du corps, & la distribuant par tout aux membres & parties, en fait vn egal departement & remplissement. Mais ceste transformation & changement de pores, dont lon dit que procede la faim & la soif, quelle est elle? Quant à moy ie n'y voy point d'autres differences que du plus ou du moins, & qu'ils soient estouppez, ou ouuerts, quand ils sont estouppez, ils ne peuuent recevoir ny breuvage ny viande: quand ils sont destouppez & ouuerts, alors ils font vn vuyde, & vne place libre, qui n'est autre chose qu'un defect de ce qui leur est propre & selon nature. Car mesme ce que lon trempe premierement en eau sure d'alun les laines & draps que lon veut teindre, c'est pource que telle eau a vertu penetrante, nettooyante & absterfiue, par laquelle tout ce qu'il y a de superflu estant espraint & consumé, les pores alors recoiuent mieux & retiennent plus ferme la teinture que lon leur baille, par ce que celle vuydange leur est comme vn defect.

QUESTION TROISIEME.

*Pourquoy est-ce que ceux qui ont faim, si ils boient,
leur faim se passe: & ceux qui ont soif, si ils
mangent, leur soif s'augmente.*

Ces choses dittes, celuy qui nous festoioit, dir,
Il me semble qu'il y a bien grande apparence
en

A en ceste raison la de la vuidange & repletion des pores, mesinement pour souldre encore vne autre question, Pourquoi c'est que ceux qui ont faim s'ils boient, leur faim cesse incontinent : & ceux qui ont soif, s'ils mangent, leur soif en augmente. Il m'est aduis, dis-ie, que ceux qui supportent ces pores la, rendent fort facilement & fort probablement la cause de cest accident, & en plusieurs poincts plus que probablement : car comme ainsi soit que tous corps ont des pores, & les vns vne mesure & symmetrie, & les autres vne autre, ceux qui sont

B plus larges reçoivent la nourriture solide & liquide tout ensemble, & ceux qui sont plus estroicts admettent le breuvage, & l'euacuation d'iceux cause la soif, & des autres la faim : parquoy si ceux qui ont soif mangent, ils ne sentent point de secours, parce que les pores, à cause de leur capacité estroite, ne peuvent recevoir la nourriture seiche & solide, & demeurent tousiours indigents & destituez de ce qui leur est propre : & ceux qui ont faim s'ils boient, la nourriture liquide entrant dedans les grands pores, & remplissant les concavitez vuydes qui y

C sont, relaschent & diminuent la vehemence de la faim. Quant à moy, l'evenement & effect me semble bien veritable, mais ie ne pouvois pas accorder ny consentir à la supposition de la cause pretendue. Car si l'on perçoit la chair de ces pores, auxquels quelques vns s'attachent si fort, & les aiment tant, on la rendroit fort laxé, tremblante & vermollue : & puis de dire que mesmes parties du corps ne reçoivent pas & le boire & le manger ensemble,

ains qu'ils soient passez & coulees, cōme à trauers d'une couloire ou vn tamis, cela me semble merueilleusement estrange, & comme vn conte fait à plaisir. Car la meslange de l'humidité attendrissant & destrempant les viandes, à l'aide de la chaleur naturelle & des esprits aguise & subtilise la nourriture par toutes sortes de coupeures & d'incisions plus exactement & plus parfaictement que ne sçauroient faire outils ny instrumens du monde, de maniere que toute partie d'icelle nourriture est familiere, conuenable & amie de toute partie du corps, non par s'accommoder à certains vases ou certains pertuis, ains par s'vnir & incorporer à luy. Mais sans cela ce qui est le principal de la question, ne se soult pas par cela: car ceux qui mangēt, fils ne boient non seulement n'appaisent point leur soif, mais au contraire ils l'augmentent: à quoy on n'a point respondu ne satisfait. Or considerons maintenant, dis-ie, si les positions que nous supposons ont de l'apparence, supposans premierement que l'humidité perit estant consumée par la seicheresse, & que le sec destrempé & amolli par l'humide a ses diffusions & ses exhalations. Secondement tenans que ny la faim ne soit pas vn defaut vniuersel & general de nourriture aride, ny la soif de liquide, ains indigence de l'une & l'autre mediocre & suffisante: car ceux à qui l'une & l'autre defaillent de tout poinct, n'ont ny faim ny soif, ains meurent subitement. Cela supposé, il n'est deormais pas malaisé de cognoistre la cause de l'un & de l'autre: car la soif s'augmente à ceux qui

man-

A mangent, d'autant que les viandes par leur seiche-
resse amassent & assemblent l'humidité qui est es-
parse, & qui demeure petite & foible en tout le
corps, & la font encore d'auantage euaporer: ainsi
comme nous voions hors du corps la terre seiche,
& la pouliere raur incontinent, & faire disparoir
l'humeur que lon y mesle. Mais au contraire le
boire relasche necessairement la faim, car l'humidi-
té destrempant & gaschant ce peu de viande
qu'elle trouue dure & seiche, & en faisant du ius
& des vapeurs, les esléue par tout le corps, & les
B applique aux parties qui en ont besoing, tellement
qu'Erasistratus appelloit bien gentilment l'humidi-
té, la voitture de la viande. Car se mestât parmy
la viande qui est oyseuse & immobile pour sa sei-
chereffe, & pour sa pesanteur, elle nourrit & aide
à l'essence: de sorte que plusieurs sans boire, par se
lauer seulement, ont appaisé vne excessiue-
ment vehemente soif qu'ils auoient, par ce que l'humidi-
té penetrant du dehors au dedans, les rendoit
plus succulents & plus aptes à receuoir nourriture,
en laschant & amollissant le dedans, de maniere
C que ce qu'il y a de plus amer & plus violent en la
faim s'en amollit & s'en adoulcit vn peu. Voyla
pourquoy ceux que lon fait mourir de faim viuent
& durent longuement, si seulement ils prennent
de l'eau, iusques à ce que tout ce qui peult nourrir
& estre appliqué au corps soit entierement euapo-
ré & deseiché.

*Pour quelle cause est-ce que l'eau de puy estant tiree, D
& laissée toute la nuit dedans l'air du
puy, en devient plus froide.*

NOus auions vn hôte delicat, qui aimoit à boire froid, noz seruiteurs pour le seruir à son appetit tirerent de l'eau du puy en vn vase, lequel ils suspendirent au dedans du puy, en sorte qu'il ne touchoit point à l'eau, & l'y laisserent toute la nuit, & l'apporta lon au soupper plus froide que n'estoit pas celle qui estoit toute fraîche tiree. Or estoit cest estranger homme docte honnestement, & nous dit qu'il auoit appris cela d'Aristote, fondé en grande raison: & que la raison en estoit telle. Toute eau qui est premierement eschauffée en devient apres plus froide, comme celle que lon appreste pour les Roys, apres que lon l'a eschauffée iusques à bouillir, on amasse force neige alentour du vaisseau, & elle en devient plus froide: ne plus ne moins que noz corps, apres que nous nous sommes estuuez, se refroidissent plus fort, par ce que la relaxation qui s'y fait à cause de la chaleur, rend le corps plus rare, & les pores d'iceluy plus ouuerts, & par consequent reçoit plus de l'air de dehors environnant, & fait la mutation plus violente. Quand doncques l'eau est patouillée par le battement du vase où on la puyse, en estant premierement eschauffée, elle se refroidit plus par l'air qui enuironne le vase tout alentour. Nous louasmes cest hôte, d'auoir si vaillamment retenu Aristote, mais nous doubtions fort de la raison qu'il en alleguoit.

Car

A Car si l'air auquel est suspendu le vase est froid, comment eschauffe il l'eau ? & si est chaud, comment la refroidit il apres ? Car il n'y a point de raison, qu'une mesme chose souffre de mesmes choses passions toutes contraires, n'y estant point entrevenu aucune difference. Luy se taisant vn espace, & y pensant : Il ne faut point, dis-je, doubter de l'air, car l'experience du sentiment nous monstre qu'il est froid, & mesmement au fond des puits, de sorte qu'il est impossible que l'eau soit eschauffee par l'air qui est froid. Mais cest air froid ne peut

B pas changer toute l'eau qui est au fond du puits, pource qu'il y en a trop grande quantité, mais si lon en tire en petite quantité, il en vient mieux à bout, & la refroidit d'auantage.

QUESTION CINQUIEME.

Pourquoy est-ce que les petits cailloux & les plombees que lon iette dedans l'eau, la rendent plus froide.

MAis vous souuenez vous point de ce qu'Aristote dit, que les menus cailloux & les plombees, qui les met dedans l'eau, la rafraichissent & la reserrét ? Il n'a seulement dit que ce qui se fait, respondit-il, mais nous essayons à en trouuer la cause, car il semble qu'elle soit bien malaisée à imaginer. Bien fort, dis-je, & sera bien merueille si nous la pouuons trouuer : mais voiez toutefois, Premièrement ne vous semble il pas que l'eau se rafraichisse deuât par l'air qui viêt du dehors à penetrer

dedans, & qu'il a plus d'efficace quand il vient à s'appuyer & arrester sur les pierres & sur les cueux? Car ils ne le laissent pas passer à trauers, cōme font les vases de cuyure ou de terre, ains par leur solidité le soustenant, ils le rebattent de leur superficie en l'eau, de maniere que le refroidissement en est plus fort, & passe atrauers toute l'eau: c'est pourquoy l'hyuer les riuieres sont plus froides que la mer, parce que l'air froid a plus de puissance en elles, estant rebatu du fond, là où en la mer il se dissout, à cause de la grande profondeur, ne rencontrant rien sur quoy il se puisse appuyer. Mais encore par vn autre moien il est vray-semblable, que les eaux tant plus elles sont deliees & subtiles, plus elles sont aisees à refroidir par le froid, qui en vient plus aisément au dessus, à cause qu'elle est plus debile. Or les cueux & les petits cailloux subtilisent & extenuent l'eau, en amassant & tirant au fond tout ce qu'il y a de brouillé & de substance terrestre meslé parmy, de sorte que l'eau deuenant ainsi plus deliee, & conséquemment moins forte, en est plus tost vaincue & surmontee par la refrigeration. Or le plomb est de sa nature froid, attendu qu'estant trépé dedans du vinaigre, il red & fait le plus froid qui soit entre les poisons mortels, la ceruse. Et les cailloux, à cause de leur solidité conçoüēt le froid iusques au cœur, car toute pierre est vne congelation de terre refroidie & pressée par la vehemence du froid, & plus est pierre celle qui plus est cōstripee: au moien de quoy il ne se faut pas esbahir, si & le plōb & les cailloux rebattans la froideur augmentent celle de l'eau.

QVESTION SIXIEME.

*Pourquoy est ce que la neige se conserue dedans
de la paille & des habillemens.*

CEst hoste aiant icy fait vn peu de pause: Les
Camoureux, dit-il, desirent principalement de-
uiser avec leurs amours, ou pour le moins parler
d'eux, comme ie fais de la neige. Car pour ce qu'il
n'y en a point icy, & que nous n'en auons point, ie
desire sçauoir pour quelle cause c'est qu'elle se cō-
Bserue par choses qui sont fort chaudes: car on l'en-
ueloppe dedās de la paille & dedans des draps non
tondus, & la conserue lon en ceste sorte bien long
temps. Si me semble bien estrange, commēt ce qui
est fort chaud peut conseruer ce qui est tresfroid.
Vrayemēt aussi est il, dis-ie, s'il est vray: mais il n'est
pas ainsi, ains nous abusons nous mesmes estimās
que ce qui eschauffe soit incontinent chaud, atten-
du mesmement que nous disons qu'un mesme ve-
stement en hyuer nous eschauffe, & a. Soleil nous
refraischit, comme la nourrice Tragique qui allai-
Ccte les petits enfans de Niobe,

Les eschauffant & les rafraischissant

Avec petits mantelets de texture,

Bien deliee vsee couuerture.

Les Allemans n'vsent d'habillemens que pour se
defendre du froid, & les Æthiopiens du chaud seu-
lement, & nous de l'un & de l'autre: parquoy il ne
les faut point iuger chauds plus tost pource qu'ils
eschauffent, que froids pource qu'ils rafraischis-

sent. Et s'il en faut tirer coniecture par le sentiment **D** exterieur, on les deura plus tost reputer froids que chauds : car soudain que nous vestons nostre chemise nous la sentons froide, & les draps aussi quād nous nous couchons dedans le liēt, mais puis apres ils nous aident à eschauffer, quand ils sont emplis de la chaleur qui sort de nous mesmes, enueloppans & contenant tout ensemble la chaleur qui est en nous, & empeschans que le froid & l'air de dehors n'atteinne iusques à nostre corps. Voyla pourquoy ceux qui ont la fiebure, & qui bruslent de chaud, changent continuellement de linge & **E** de vestemens, par ce que ce qu'on leur iette sus est tousiours frais : mais aussi tost qu'on l'y a ietté il deuient chaud, à cause de l'ardeur du corps. Tout ainsi doncq comme le vestemēt eschauffé eschauffe, aussi estant rafraischy par la neige, il la rafraischit reciproquement, & est rafraischy par elle, à cause qu'il en sort vn petit vent & esprit delié, lequel demourant dedans, contient la liaison & cōcretion d'icelle. Et au contraire quand il s'en est allé, ce n'est plus qu'eau qui flue, & coulle & se fond, & la fleur de blancheur s'espand & s'esua- **F** nouit, laquelle prouenoit de la cōmixtion de l'esprit avec l'humeur, dont elle estoit deuenue escumeuse. Tout ensemble doncq & le froid est enclos & enueloppé de l'habillement, & l'air de dehors empesche d'étrier, ne coupe & n'incise, ny ne fōnd point la cōgelatiō de la neige: ioinēt que ces draps qui ne sont point encore cardez, ny tōdus, ny presséz, pour la longueur & seicheresse du poil velu, le veste-

A vestement ne charge pas pesamment, ny ne presse ny n'estraint pas la laxité de la neige, comme aussi la legereté de la paille venant à la toucher mollement & doucement, ne rompt & ne presse point la congelation d'icelle: & si est au demourant assez iointe & serree, pour empescher que ny la froideur de la neige de dedans n'en sorte, ny la chaleur de l'air n'y entre de dehors. Or que l'excretiō & yssue de l'esprit soit ce qui fait fondre & deffaire la neige, il est tout apparent au sentiment exterieur, parce que la neige se fondant engendre du vent.

Q V E S T I O N S E P T I E M E .

s'il faut passer & couler le vin.

NIger l'un de noz citoiens retournoit des escholes, aiant esté peu de temps avec vn excellent & renommé philosophe, non tant qu'il eust compris ce qu'il y auoit de bon en son maistre, mais bien tant qu'il s'y estoit remply de ce qu'il y auoit de fascheux & odieux, contrefaisant sa coustume de reprendre & de corriger en toutes choses ceux qui estoient en sa cōpagnie. Parquoy cōme Aristion nous eust conuiez à soupper chez luy, il reprenoit tout le reste de l'appareil, cōme estant trop sumptueux, trop curieux, & trop superflu, & mesmemēt en ce qu'il disoit, qu'il ne faillloit point couler ne passer le vin en le versant, ains le boire, ainsi que dit Hesiode, tel comme il vient du tonneau, aiant sa force & puissance naturelle, ainsi

que nature l'a produit, là où ceste maniere la d'es-
 puration en le coulant, premierement luy coupepe
 les nerfs de la force naturelle, & luy estraint sa cha-
 leur, car il perd sa vigueur & s'esuente quand il est
 ainsi souuent passé à descouuert. Et puis cela, dit
 il, monstre vne curiosité, & vne delicateffe & vo-
 lupté, qui consume & perd ce qui est vtile pour
 iouir de ce qui est plaisant & delectable: car ainsi
 comme chastrer les coqs, & seigner les porceaux,
 pour en rendre la chair, cõtre nature, plus tẽdre &
 plus delicate, ne fut iamais inuention d'hommes
 sains de meurs & de iugement, ains de prauuez &
 corrompus par gourmãdise & friandise: aussi ceux
 qui coulent & qui passent le vin, le chastrẽt & l'es-
 feminent, s'il faut ainsi dire en parlant par meta-
 phore, ne le pouuans ny supporter à cause de leur
 imbecillité, ny le boire par mesure ainsi qu'il le
 faut, par leur intemperance, ains ont songé ceste
 inuention & cest artifice pour s'aider à beaucoup
 boire: car ils ostent ce qu'il y a de graue & de fer-
 me au vin, & y laissent ce qu'il y a de lissé & de
 glissant, ne plus ne moins que ceux qui donnent
 de l'eau boullue aux malades qui ne se peuuent te-
 nir de boire de l'eau froide: car tout ce qu'il y a de
 vertu & de force au vin, ils l'ostent & l'espraingnẽt
 en le passant & coulant. Et qu'il soit vray qu'ils le
 corrompent & le gastẽt en ce faisant, cela en est vn
 grand argument, qu'il ne demeure pas en son na-
 turel, ains se tourne incontĩnẽt & se passe, comme
 aiant esté couppé par la racine de dessus sa mere la
 lie. Et les anciens appelloient manifestemẽt le vin

A Tryga, c'est à dire, lie : comme nous auons accoustumé, par vne maniere de parler, d'appeller l'homme l'ame & la teste, luy donnant la denomination de ces principales parties : encore disons nous Trygân, cueillir le fruiçt de la vigne. Et Homere en quelque passage a appellé la vigne Diatrygion, & a par tout accoustumé d'appeller le vin Æthopa & Erythron, dont l'un signifie bruslât la face, & l'autre rouge, non pas comme fait Aristion, qui à force de le frelater & espurer, le nous rend passe & blesme. Non pas blesme ny decoloré, mon bel amy,

B dit Aristion, mais doux & gracieux à le iuger premierement à la veüe, là où tu veulx nous en faire gorger d'un noir comme la nuict, gros & obscur, cōme vne espesse nuee, & blasmes la clarification, qui est par maniere de dire, luy faire vomir sa cholere, & le descharger de ce qu'il y a de pesant qui enyure l'homme, & qui le dispose à maladies, à fin que plus agile, plus leger & moins cholere il se mesle dedans nous, tel cōme Homere dit que les princes demy-dieux en la guerre de Troye le buuoient, quand il appelle Æthopa, non celuy qui est gros &

C obscur, mais qui est clair, net & transparent & luyfant à la veüe : car aiant au parauant nommé le cuyure Euenor & Norops, comme clair & luyfant, il ne l'eust pas depuis appellé Æthops. Tout ainsi donc comme le sage Anacharsis reprenoit quelques autres choses és façons de faire des Grecs, & louoit l'usage du charbon, pour ce que laissant la fumee dehors ils apportoint le feu à la maison : Aussi vous autres, messieurs les sages, vous nous re-

prẽdrez, si bon vous semble, en autres choses: mais si reietans & dissipans ce qu'il y a de turbulent, de cholerique & de furieux au vin, en l'esguaiant, & non pas le fardant, non comme retrenchans le fil & l'acier du fer, ains plus tost luy ostant ce qu'il y a de rouille & souillure en le defrouillant & fourbissant, nous le baillons ainsi à boire, quelle grande faulte commettons nous? Par ce, me diras tu, qu'il a plus de force quand il n'est point passé: aussi a bien l'homme quand il est en phrenesie, ou qu'il est maniaque, mais apres qu'il a esté purgé par l'hellebore ou par quelque bon regime, & est re-
 uenu en son sens rassis, ceste vehemẽce & violence la se perd & s'en va, mais la vraye force naturelle & temperature luy reuiet au corps: aussi ceste espuration du vin luy ostant ce qu'il a de furieux & de battant, le met en vn estat paisible & sain. Et quant à moy, ie fais grande difference entre curiosité, & netteté & propreté: car les femmes qui se fardent, qui se parfument & oignent d'huiles de senteurs, qui portent des affiquets d'or & des robes de pourpre, sont à bon droit tenues pour curieuses, mondaines & affettees, mais de se baigner, F
 laver, coiffer, & agencer ses tresses, il n'y a personne qui les en reprenne, laquelle differẽce le poëte Homere monstre fort gentilmente & plaisamment en la description de la pareure de Iuno:

En premier lieu de diuine laueur

Elle purgea toute tache & souilleure

De sur son corps immortel, puis l'oignit

De claire & nette huile.

A Jusques là ce n'est que diligence & propreté, mais quand elle prend ses carquans d'or & ses pendans d'oreille si exquisement ouurez & labourez, & à la fin qu'elle met la main aux charmes du tyssu de Venus, cela n'est plus que curiosité & affecterie, qui n'est point bien seante ne conuenable à vne dame d'honneur. Aussi ceux qui avec du bois d'aloës, ou de la cinnamome teignent le vin, ou qui l'addoucissent avec du saffran, ils font comme ceux qui fardét des femmes pour les produire en vn festin: mais ceux qui luy ostent ce qu'il a d'ordure & qui ne sert de rien, ceulx la le purgent & le guarissent. Autrement vous direz que tout ce qu'il y a icy n'est que curiosité superflue, cōmanceant à la maison mesme: car quel besoing estoit il qu'elle fust ainsi crespie & enduite? & pourquoy est elle ouuerte du costé dont elle peult receuoir l'air & le vent le plus pur, & dont elle peut iouir de la lumiere du Soleil baissant vers le couchât? Et pourquoy est-ce que les pots & la vaisselle est nettooyee & frottee, de maniere qu'elle reluit & resplendit de tous costez? Falloit il que le pot fust pur & net de toute ordure & de toute mauuaise senteur, & que le vin que lon boit dedans sentist le moisy, ou eust quelque autre tare? Quel besoing est il que ie discoure par tout le reste? La manufacture du bled mesme dont on fait le pain, qui n'est autre chose qu'une purgatiō, regardez ie vous prie avec cōbien de façons & de labeur elle se fait, car nō seulement il le fault battre, vanner, cribler, mouldre & sasser, ains le faut pestrir & fouler pour ietter hors de la

paste toute durement, & incorporer toute la masse ensemble, tant qu'elle soit propre à manger. Quel inconuenient doncques & mal y a il, si la couleure oste au vin ce qu'il y peult auoir de lie ou de limon, comme si c'estoit la bale ou le son, attendu qu'il n'y a point en cela de despense ny de grande occupatiõ?

QUESTION HVITIEME.

Quelle est la cause de la faim canine.

IL y a vn sacrifice qui se fait en nostre pais, lequel le Preuost de la ville fait sur l'autel commun, mais chascun des citiens le fait à part en sa maison, & appelle lon ce sacrifice, le bannissement de la faim. On prend vn esclau & le fouette lon avec des verges d'osier, & puis le iette lon par les espauls hors de la maison, en luy disant, Dehors la fa-
mine, & dedans l'anté & richesse. L'annee doncques que ie fus Preuost plusieurs furent conuiez au festin du sacrifice, & apres que nous eusmes fait les cerimonies ordinaires, & que nous fusmes à table, on demanda premierement du nom de Bulimos, ce qu'il signifioit, & puis des mots que lon y dit à celuy que lon chasse, & de ce que lon luy fait. Or quāt au mot de Bulimos chascun fut bien d'adu-
uis qu'il signifioit vne grande ou publicque famine, mesmemēt entre nous Grecs Æoliens qui vsons du p. au lieu du b. car nous ne disons pas Boulimon, mais Poulimon, comme si nous voulions dire Polylimon, grande famine: & sembloit neant-

A moins que ce fust autre chose que Bubrostis, dont nous tirions argument des Chroniques d'Ionie de Metrodorus, là où il escrit que ceulx de Smyrne qui d'ancienneté sont *Æoliens*, sacrifient à Bubrostis vn taureau, lequel ils taillent en pieces avec sa peau, & le bruslent entierement. Et pour ce que toute faim ressemble à vne maladie, principalement ceste Canine qui s'appelle Bulimos, il semble que elle prenne à l'homme quand le corps se trouue en quelque disposition contre nature, & pourtant à bonne cause oppose lon l'indigence à la richesse, la maladie à la santé. Et comme *γαστρία*, c'est à dire le mal de cœur, qui est vn relaschement d'estomach, a proprement esté appellé de ceulx qui sont en vne nauire, & qui nauigent sur la mer, mais par accoustumance de parler, il a obtenu qu'il se prent aussi generalmente pour tout mal de cœur de quelque occasion qu'il puisse aduenir: aussi ce mot de Bulimia, aiant commencé de là est venu iusques icy. Nous recueillismes doncques cela cōme vne contribution commune des propos de chascun: mais quand nous vinsmes à toucher la cause de la maladie, en premier lieu on demanda, pourquoy c'est que principalement sont saisis de ceste maladie ceulx qui cheminent parmy de grandes neiges, comme iadis feit Brutus, allant de la ville de Duras à celle d'Apollonie, tant qu'il en fut en danger de sa vie. Il y auoit force neige sur la terre, & nul des somniers & viuandiers qui portoient les viures n'auoit fuiuy: le cœur luy faillit, & estoit pres de tomber tout esuanouy, si que les soudars furent

contraints de recourir aux ennemis, & accourans **D**
aux murailles de la ville, requirét à ceux qui estoiet
à la garde d'icelles de leur donner vn pain: ce qu'ils
feirent, & le porterent à Brutus, dont ils luy feirent
reuenir le cœur: à l'occasion de quoy, depuis quād
il eut la ville en sa puissance il en traitta humaine-
ment & gracieusement tous les habitants, pour la
courtoisie dont auoient vsé les gardes. Ce mesme
accident aduiant aussi aux cheuaux & aux asnes,
mesmement quand ils portent des figues ou des
pommes. Et ce qui fait encore plus à esmerueiller,
c'est qu'il n'y a rien qui face plus tost reuenir non **E**
seulement les hommes, mais aussi les bestes de voi-
ture, que de leur donner à manger du pain, telle-
ment que fils en mangent, pour peu que ce soit, ils
sont aussi tost reuenus, & cheminent. Icy s'estant
fait vn silence, sçachant bien que les arguments &
opinions des anciens sont incontinent cesser, &
contentent ceulx qui sont paresseux & faillis de
cœur, mais à ceulx qui sont studieux, diligents, &
qui aiment à bon escient les lettres, cela au con-
traire leur donne vne entree & vne hardiesse de
rechercher plus auant & enquerir la verité: le me **F**
souuins d'vne doctrine d'Aristote qui dit, que tant
plus il y a de refroidissement par le dehors, tant
plus le dedans s'eschauffe, & consequemment aussi
se fondent plus les humeurs: & si ceste faulte d'hu-
meurs flue sur les cuisses, elle fait des lassitudes &
des pesanteurs: & si c'est sur les principaulx orga-
nes du mouuement & de la respiration, elle pro-
duit des defaillances & foibleses. Je n'en pas plus
tost

A tost dit ce propos, qu'il aduint ce qui est coustumier d'aduenir, c'est que les vns se prirent à oppugner ceste sentence, les autres à la defendre : mais Soclarus dit, que le cōmancemēt du propos estoit tresbien posé, par ce que les corps de ceux qui cheminent par la neige sont voirement bien refroidis par dehors & bien comprimez : mais de dire que ceste chaleur face fondre les humeurs, & que ces humeurs ainsi fondues saisissent les principes de la respiration, il luy sembloit que c'estoit vne feinte controuuee, & que plus tost luy estoit il aduis que

B la chaleur serree ensemble, & se trouuant forte & puissante au dedans, elle consume toute la nourriture, laquelle venant à estre consumee, il est force aussi que la chaleur, ne plus ne moins que le feu qui n'a plus de bois, languisse. Voila pourquoy ils ont vne faim si vehemente, & quād ils ont vn peu mangé ils se reuiennent incontinent, pource que ce peu qu'ils prennent est vn entretenement de la chaleur. Et adonc le medecin Cleomenes dit, que ce mot de Limos, qui est à dire faim, estoit venu sans mander temerairement à la composition de

C ceste dictiō Boulimia, sans qu'il y ait rien de la chose par luy signifiée: ne plus ne moins qu'en ce mot de *κῆτα μινδυ*, qui est à dire aualler ce mot *μινδυ*, qui signifie boire: & en cé mot aussi *ἀνακύνδυ*, qui signifie se dresser, *κύνδυ*, qui est à dire se pancher: par ce que Boulimie n'est pas faim, comme il semble à plusieurs, mais est vne passion en l'estomac qui par concours d'humeur qui coule dedans tout à coup, engédre vne defaillāce de cœur. Tout ainsi doncq

comme les fenteurs remedient aux pasmoisons & de
 defaillances de cœur, aussi le pain fait reuenir ceux
 qui defaillēt par ceste Boulimie, non pour ce qu'ils
 aient besoing de nourriture : car qu'il soit vray,
 pour peu de pain qu'ils prennent, le cœur leur re-
 uient, mais c'est pour ce qu'il fait reuenir les esprits
 & la force de nature qui se laissoit aller : & que ce
 soit vne defaillance & non pas vne faim, l'accident
 des bestes de voitture le monstre: car la fenteur des
 figues & des pōmes ne leur dōne pas vne faulte &
 indigēce de nourriture, mais plus tost vne morsure
 & contorsion de l'estomac. Il me sembloit aussi
 d'autre costé, qu'il y auoit apparēce de dire au cō-
 traire, que ce n'estoit point par vne condensation,
 mais plus tost par vne rarefaction que cela ce fai-
 soit: car l'esprit qui sort & flue de la neige, est com-
 me la pointe & esprainte fort deliée, yssant de la
 cōcretion d'icelle, laquelle a ie ne sçay quoy d'aigu
 & perçant, qui penetre & passe non seulement à
 trauers la chair, mais aussi à trauers les vases de cui-
 ure & d'argent : car nous voions que tels vases ne
 la peuuent pas contenir, ains que se venant à re-
 souldre en esprit elle se consume, & emplit l'exte-
 rieur superficie d'iceulx vases d'une moiteur fort
 subtile & claire cōme glace, que cest esprit y laisse,
 en passant insensiblement à trauers les petits pores
 & pertuis desdicts vases. Cest esprit dōcques ainsi
 aigu comme vn feu delié venant à saisir ceulx qui
 cheminent par la neige semble brusler l'exterieur
 superficie du cuir, en l'incisant, & passāt à trauers la
 chair, comme du feu, dont il se fait vne grande ra-
 refaction

A refaction au dedans du corps, par le moien de laquelle chaleur interieure s'escoule au dehors, & à cause de la froideur de l'esprit qui s'estaint alétour de la superficie, il euapore vne sueur deliée & subtile comme rosée, de sorte que la force naturelle se fond & se consume : & si lon ne bouge d'un lieu, il ne s'en va pas tant de chaleur hors du corps : mais quand le mouuement du cheminer a soudainement transmué la nourriture en chaleur, & que ceste chaleur s'enfuit au dehors à trauers la chair rarefiée, il est force qu'il se face tout à coup vne grande eclipse & defaillance de la force naturelle. Et qu'il soit vray, que le refroidir ne reserre & n'espessisse pas tousiours les corps, ains les fonde & rarefie, il appert par ce que és grâds hyuers les cueux de plomb se fondent quelquefois en les mettant dedans l'eau : & ce que nous voions que tous ceux qui ont faim ne tombent pas en ceste maladie de Boulimie, argue que c'est plus tost vn coulement qu'un espessissement des corps, lesquels se rarefient en hyuer, comme nous auons desia dit, par la subtilité de l'esprit, mesmemét quand le trauail du cheminer & le mouuement aiguise & subtilise la chaleur qui est dedans le corps : car estant ainsi deuenue deliée & lasse, elle flue & se dissipe facilement par le corps. Et est vray semblable, que les figues & les pommes exhalent & euaporent quelque tel esprit, qui subtilise, aiguise & incise la chaleur des animaulx de voitture : car comme il y a certaines choses qui viuifient les esprits aux vns & d'autres aux autres, aussi y en a il qui les dissipent.

LE SIXIEME LIVRE
QUESTION NEUVIEME.

*Pourquoy est-ce que le Poëte aux autres liqueurs
vse d'epithetes propres, & appelle
l'huile seule humide.*

ON demanda quelquefois, pourquoy c'est qu'y
aiaut plusieurs liqueurs, le poëte a accoustu-
mé d'orner & remarquer les autres de propres epi-
thetes & adiectifs, comme d'appeller le lait blanc,
le miel iaune, le vin rouge, mais l'huile seule il l'ap-
pelle ordinairement, d'un accidēt qui est commun
à toutes, humide. A quoy il fut respondu, que cela
est tresdoux qui par tout est doux, & tresblanc
qui par tout est blanc: or est il par tout tel, quand
il n'y a rien meslé parmy qui soit de nature con-
traire. Aussi fault il appeller humide cela où il n'y
a rien qui soit de sec meslé parmy, ce qui conuient
proprement à l'huile: car premierement ce qu'elle
est lissée & polie monstre que ses parties sont tou-
tes vnies, & par tout, aussi s'accorde elle à la veüe,
& se baille fort claire aux yeulx à se mirer dedans,
comme en vne glace de mirouër, par ce qu'il n'y a
rien dedans qui soit rude, ou aspre, en sorte qu'il
dissipe la reflexion de lueur, ains de toute part, à
cause de l'humidité, toute lueur, pour petite qu'elle
soit, se retourne contre la veüe, comme au contrai-
re le lait seul entre les liqueurs ne renuoye point
les images cōme un mirouër, à cause qu'il y a beau-
coup de subsistēce terrestre meslé parmy. D'auan-
tage c'est de toutes les choses liquides, celle qui
moins

A moins fait de bruit quand on la remue, d'autant qu'elle est humide en tout & par tout, là où des autres liquides les parties qui sont dures & terrestres en coulant & se mouuant s'entrechocquent & battent, & par consequent meinent bruit, à cause de leur pesanteur. Qui plus est, elle demeure simple, sans admettre composition ny meslange quelconques, d'autant qu'elle est fort dense & serree, par ce qu'elle n'a point de pertuis vagues & vuydes entre ses parties dures & terrestres, pour pouuoir recevoir aucune substance dedans. Oultre cela pour
B la similitude de ses parties, elles se ioignēt fort bien, & se continuent ensemble, qui est cause que le feu s'en nourrit, lequel ne se nourrit que de l'humidité, & n'y a rien qui soit apte & idoine à brusler que l'humeur, cōme lon voit és bois que lon brusle, que ce qu'il y a d'air s'en va en fumee, ce qu'il y a de terrestre demeure conuertty en cendre, & n'y a rien que ce qui est liquide & humide qui se consume par le feu, par ce qu'il n'y a rien autre, dont il se nourrisse: parquoy l'eau, le vin, & autres liqueurs tiennent fort du trouble & du terrestre: quād on les
C iette dedans le feu & sus de la flāme, elles la disgrement par leur aspreté, la suffoquēt & l'estaignēt par leur pesanteur: mais l'huile d'autant que plus proprement & plus sinceremēt elle est humide, à cause de sa subtilité elle se change & se gaigne facilemēt par le feu qui l'enflamme. Et pour vn manifeste signe & argumēt de son humidité, c'est qu'une bien petite partie se peut espandre & diffondre fort amplemēt: car il n'y a ny miel, ny eau, ny autre liquide

quelconque, qui de si peu de ius se puisse dilater & estendre si amplement comme fait l'huile, ains au contraire perissent tout incontinent, & se perdent & consument à cause de leur siccité, là où l'huile se peult tirer par tout, & estant molle elle se laisse mener & conduire par tout le corps quād on s'oint, & flue & coule bien fort loing, à cause de l'humidité de toutes ses parties qui en sont d'autant plus mobiles, de sorte qu'elle demeure fort long temps, sans qu'on la puisse faire en aller. Car vn vestemēt qui sera tout trépé d'eau se seiche facilement, mais les taches d'huile, il fault vne grande manufacture pour les nettoyer, d'autant qu'elle perce fort, à cause qu'elle est fort deliée, fort subtile & fort humide: car Aristote mesme dit, que depuis que le vin est embeu dedans vn habillemēt, il est mal aisé de l'en retirer & oster, à cause qu'il est plus delié que l'eau, & penetre plus auant dedans les pores.

QUESTION DIXIEME.

Pourquoy est-ce que les chairs des victimes que lon pend & attache à vn figuier, en deviennent plus tendres.

LE cuisinier d'Aristion fut estimé habile homme de son mestier, par ceux qui souppoiet chez son maistre, d'autant qu'il auoit au demourāt fort bien habillé toutes les autres viandes, & mesinemēt parce qu'il nous auoit serui vn coq, qui ne faisoit que de venir d'estre tué & immolé à Hercules, tout

aussi

■ aussi rendre cōme fil eust esté tué vn iour ou deux
 deuant. Aristion respondit que cela estoit facile à
 faire, & qu'il ne le falloir qu'attacher seulement à
 vn figuier, incontinent qu'il auoit la gorge coup-
 pee: nous cherchiōs la cause de cest effect. Or qu'il
 forte du figuier vn vent & esprit fort agu & vehe-
 ment, la veuē mesme en porte tesmoignage: & ce
 que lon recite du taureau, que l'attachant à vn fi-
 guier, quelque farouche & sauage qu'il soit, il s'ap-
 paise & deuiant tout quoy, endurant qu'on le tou-
 che & le manie, & bref il perd toute sa cholere &
 fierté, cōme si elle s'esuanouissoit: mais la plus part
 de la cause s'attribuoit à l'acrimonie du bois, par ce
 que l'arbre est plus succulent que nul autre, telle-
 mēt que la figue mesme, & le bois & la feuille sont
 tous pleins de ius: & quand on le brusle il rend vne
 fumee fort acre, & qui fait fort mal aux yeulx, &
 apres qu'il est bruslé, de la cendre on en fait vne le-
 xiuue qui est forte & detersiue à merueilles, qui sont
 tous signes de chaleur. Et si dit on d'auantage, que
 le ius fait prédre le laict, non que par son inégalité
 de figure il tresse & colle les parties du laict, en
 chassant au dessus à la superficie celles qui sont
 vnies & rôdes, ains par ce que de sa chaleur il fond,
 resoult & consume ce qu'il y a d'humeur eueuse
 diffluēte, & qui ne se peult figer ensemble. Encore
 est-ce vn signe de chaleur ce qu'il est doux, bien
 qu'il soit inutile ce ius la, & le plus mauuais bruuage
 du monde: car ce n'est pas l'inegal & difforme
 qui fait prendre le lissé & vny, mais le chauld qui
 fige & coagule le froid, & le crud. Qu'il soit vray,

le sel y sert à cela, pour ce qu'il est chaud, combien d
toutefois qu'il empesche l'entrelassemēt & liaison
pretendus, & que son naturel est plus tost de dis-
soudre & de deslier. Le figuier doncques rend &
iette dehors vn esprit acré, perceant & incisif, le-
quel attédrit & meurit la chair de l'oiseau : & tout
autant en feroit il qui le mettroit dedans vn tas de
bled, ou qui le couvriroit de sal-nitre, pour la cha-
leur. Et qu'il soit vray, que le bled froment ait de
la chaleur, on le preuue par des cruches pleines de
vin : car qui les mettroit dedans vn monceau de
bled, il trouueroit le vin bien tost consumé. E

LE SEPTIEME LIVRE DES
PROPOS DE TABLE.

LE PROEME.



LES Romains ont communé-
ment en la bouche le propos
de quelque gentil & honne-
ste personnage, Sossius Sene-
cion, quiconque ait esté celuy
la, qui disoit quand il auoit
souppé seul, l'ay aujourd'huy
deuoré, & non pas souppé : monstrât qu'il desiroit
tousiours auoir compagnie à manger, cōme estant
la faulse de la viade. Euenus souloit dire, que le feu
estoit la meilleure faulse du monde : & Homere
appelle le sel diuin, comme les autres le surnom-
ment

A ment la grace, pource qu'estât meslé & ioinct avec les autres viâdes, il les rend fort plaisantes & agreables au goust : mais le plus diuin saupicquet d'une table & d'un soupper, à la verité c'est vn amy, vn familier, vn que lon cognoit, non pource qu'il boit & mange avec nous, mais plus tost pource qu'il participe à noz propos, & nous communique les siens, prouueu qu'il y ait quelque chose de bon, vtile & pertinent en tels deuïs, d'autant que le babil que lon tient en buuant & folastrant, met bien souuent les maladuïsez en des passions & inconuenients, & les desbauche encore plus qu'ils ne l'estoient, de maniere qu'il ne faudroit pas moins examiner & esprouuer les propos, que les amis, que lon voudroit & deuroit receuoir à la table, en pensant & disant tout le contraire de ce que faisoient anciennement les Lacedemoniens, lesquels quand ils receuoient vn estrangier ou vn ieune homme en leurs salles, où ils mangeoient ensemble, leur monstroient la porte, & leur disoient, Il ne sort pas vn propos hors de ceste porte. Mais nous nous pouuons accoustumer nous mesmes à tenir à table des propos qui pourront estre rapportez à tous & par tous, à cause des matieres, esquelles il n'y a rien de lubricité, rien de medisance ny de detraction, rien de malignité, ne qui soit indigne d'un homme de bien, comme lon pourra iuger par les exemples qui sont contenus en la dizaine de ce Septieme Liure.

QUESTION PREMIERE.

*Contre ceulx qui reprennent Platon de ce qu'il
a dit, que le boire passe par les poulmons.*

IL aduint vn iour d'Esté à quelqu'un de la compagnie où i'estois à soupper, de s'escrier tout haut ces vers d'Alcæus,

Trempe de vin tes poulmons, car l'ardente
Caniculaire est au ciel euidente.

Ce n'est pas de merueille, dit adonc Nicias le medecin natif de Nicopolis, si vn poëte a ignoré ce que Platon le grand philosophe n'a pas entendu: combien que encore peut on mieux excuser & secourir Alcæus, par ce que lon peut dire, qu'il entendoit que le poulmon estant prochain voisin de l'estomach, sentoît la fraischeur & moiteur de la liqueur quand on buuoit, & pour cela n'est il pas impertinent de dire, qu'il s'en trempe. Là où ce grand philosophe la, en paroles expressees a laissé par escript, que le boire passe par les poulmons, de sorte qu'il ne laisse moien quelconque vraysemblable de le reuenger & defendre, quelque bonne volonté que lon en eust, tant l'ignorâce & la faulte est lourde & grossiere. Premièrement par ce qu'estant necessaire que la nourriture aride se mesle avec la liquide, il est tout apparent, qu'il falloit vn commun vase, qui est l'estomach, pour les receuoir ensemble, à fin d'enuoyer & trāsmettre au bas ventre la viande molle & destrempee. Et puis, veu que le poulmō est lissé, & tout d'une piece solide, comment est-ce quand on donne vn bruage où il y a de la farine meslee, qu'il passe, & qu'il n'est arresté?

car

A car c'est vne question que luy obiice Erasistratus fort à propos. D'auantage, aiant enquis par raison de plusieurs des parties du corps, pourquoy elles estoient faites, & voulant sçauoir & entendre, cōme il est bien seant à vn philosophe, à quel vsage nature les auoit produictes, il deuoit penser que la lnette, autrement l'epiglottide, n'estoit pas faite en vain, pour ne seruir de rien, estant ordonnee à cest effect, à fin que comme vne soupape elle bouchast & sceellast le conduit du sifflet & artere aspre, de peur qu'en auallant il ne tombast aucune partie du boire ou du manger sur le poulmon, lequel est fort asprement trauaillé & deschiré de la toux, quand il en glisse quelque chose dedans le tuyau, par où l'esprit passe & repasse. Mais la lnette estāt assize droictement au milieu, quand on parle, elle bousche le conduit de l'estomac, & quand on boit & mange elle estouppel l'artere aspre & canal des poulmons, gardans le passage pur & net au vent & à l'haleine pour la respiration. D'auantage nous sçauons par experience, que ceux qui boiuent peu à peu à loisir, ont le ventre plus mol que ceux qui entonnent tout à coup leur boire: car cela chafse & poulse incontinent l'humeur en la vessie, ne faisant que passer, pour l'impetuosité dont on l'y a ietté, là où l'autre demeure plus longuement avec la viande qu'il destrempe, de maniere qu'elle se mesle mieux avec le boire, & y demeure plus longuement. Ce qui n'aduiendroit pas si des le commencement le boire estoit separé & distingué de la viande en auallant, mais nous les lions, & appa-

rions ensemble la viande avec le boire, à fin que la viande se serue de l'humeur, comme d'une voiture pour la porter par tout, ainsi que disoit Erasistratus. Nicias aiant fait ce discours, Protogenes le grammairien y adiousta, que le poëte Homere auoit le premier sçeu & cogneu, que l'estomach estoit le vase & receptacle de la viande, & le sifflet du vent de l'haleine, que les anciens appelloient Aspharagōs. Voyla pourquoy ils souloient appeller les grands criards & qui auoiēt forte voix, *ἰστροφῶνες*, qui signifie grand gousfier: parquoy aiant dit d'Achilles qui auoit abattu Hector,

Il luy donna dedans la gorge nuë,

Là où de l'ame est plus prompte l'issue.

Il dit vn peu apres,

Pas ne couppa sa lance le sifflet.

Il ne dit pas là Leucanien, qui est à dire la gorge, mais Aspharagon, comme le sifflet, qui est le propre canal & cōduict de la voix & de l'esprit. Apres ces paroles dittes, on demoura quelque temps en silence, iusques à ce que Florus se prit à dire: Et comment, laisserons nous dōcques ainsi condamner Platon absent par forclusion, à faute de defense? Non pas, dis-ie, tout seul, car nous ietterons en auant avec Platon Homere, lequel tant s'en fault qu'il exclue & destourne le boire de l'aspre artere, & qu'il iette le boire & le māger ensemble, qu'il dir,

Le vin sortoit hors de sa gorge pleine,

Et les morceaux sanglans de chair humaine.

Si d'aduenture lon ne veut maintenir, que ce Cyclops Polyphemus, cōme il n'auoit qu'un œil, aussi

A n'auoit il qu'un mesme canal & cōduit de la viande & de la voix: ou bien, si lon ne dit qu'en cest endroit la il appelle Pharinx l'estomac, & non pas le sifflet, ainsi qu'il a esté appellé vniuersellement par tous & anciens & modernes: ce que ie n'ay pas allegué pour faute de tesmoins, mais pour la verité. Car il y a assez de bons tesmoins pour Platon: passez, si vous voulez, Eupolis le poëte Comique, lequel dit en sa Comedie de Colax du flatteur,

Protagoras commandoit de bien boire

Auant le temps de la Caniculaire,

B A fin qu'on eust les poulmons bien trempez.

Passez aussi, si vous plaist, le gētil Eratosthenes qui dit, De bon vin pur trempe iusques au fond

Tous les destours de ton poulmon profond.

Mais Euripides, qui dit expressēmēt en vn passage,

Le vin passant les conduits des poulmons,

voyoit à mon aduis vn peu plus clair que ne faisoit Erasistratus: car il sçauoit que le poulmon a des cauernes, & qu'il est percé de trous & conduicts, par lesquels l'humeur passe. Car quant à l'haleine, elle n'auoit point de besoing de ces petits trous la pour

C sortir, ains a esté fait par la nature, ainsi cauerneux & pertuisé cōme vn crible, pour occasion de l'humeur & des autres substances qui tombent dedans quand & l'humeur: & n'y a point plus d'inconuenient, que le poulmon transmette & donne passage à la farine meslee avec l'humeur, & à la boulie, que l'estomach: car nostre estomach n'est point lissé, comme quelques vns nous disent, ne glissant, ains a des asperitez & inegalitez, ausquelles il est

vraysemblable, que les menues parcelles de ce que nous prenons, s'attachans & arrestans, eussent d'estre soudain auallées & enuoyées à bas. Mais il n'est bien de dire ny l'un ny l'autre, car la nature est si ingenieuse & industrieuse en ses operations, qu'il n'y a eloquence qui le sceust assez exprimer, & n'est possible de bien suffisamment expliquer l'exquise perfection des outils principaux dont elle se sert, j'entens de la chaleur & des esprits. Mais j'allegue d'avantage pour tesmoings en faueur de Platon, Philistion le Locrien, personnage fort ancien, & fort renommé pour son excellence en vostre art de medecine, & Hippocrates de Co, lesquels ne donnent point d'autre voye ne conduit au boire, que celuy que luy donne Platon. Quant à l'epiglottis, c'est à dire la luette, tant prisee, Diopxippus ne l'a point ignoree. Car il dit qu'alentour d'icelle, l'humidité, en auallant, se separant se coule dedans l'aspre artere, & que la viande se roule dedans l'estomach, & que dedans l'artere il ne tombe rien qui soit de la viande, mais que l'estomach parmy la viande reçoit aussi quant-&-quant quelque partie du boire meslee parmy. Car il est vraysemblable que ceste luette ait esté posée, comme vn couuercle & vn obstacle au deuant de l'emboucheure de l'artere, à fin que petit à petit tout bellement le boire s'y coulast dedans, non pas à flot tout à coup, de sorte que l'esprit trop humecté en demourast suffoqué ou empesché. Voyla pourquoy les oyseaux n'ont point de luette, & ne leur en a nature point donné, d'autant qu'ils ne boient pas
en

A en attirant l'eau ny en lappant & lechant, ains en baignant leur bec dedans l'eau, & trāsmettant peu à peu le boire, ils arrosent tout doucement leur artere, & la trempent. Mais quant aux tesmoings & astipulateurs, Platon n'en a que trop. Au demourant quant à la raison, l'experience du sentiment luy en fait foy: car depuis, que ceste artere du sifflet est bleçee, le boire ne s'auale plus, ains comme estāt le tuyau couppé, on voit qu'il sort dehors par la playe, combien que l'estomach demeure sain & en son entier. Et puis nous sçauons tous

B qu'à la maladie de Peripneumonie, qui est inflammation des poulmons, il suit vne soif fort ardente, à cause de la seicheresse ou chaleur, ou quelque autre cause, qui avec l'inflammation apporte ceste grande enuie de boire. Et puis vn autre signe & argument fort puissant, c'est, que les animaux qui n'ont point de poulmon, ou qui l'ont fort petit, ceux la n'ont aucun besoing de boire, ny ne l'appetent point aussi, par ce que chacune partie du corps a vn naturel appetit de faire l'œuvre, à laquelle elle est destinee: & ceux qui n'ont point quelques

C parties, aussi n'en ont ils point l'vsage ny la cupidité de l'operation qui se fait par icelles. En somme, il sembleroit que la vessie eust esté pour neant donnée aux animaux qui l'ont: car si l'estomach reçoit le boire avec le manger, & le baille, & l'enuoye au bas ventre, la superfluité de la nourriture humide n'a point de besoing de particulier receptacle & conduit, ains suffiroit qu'il y en eust vn commun pour l'vn & pour l'autre, comme vn esgoust de la

sentine, l'une & l'autre nourriture tendant en vn
mesme receptacle par vn mesme conduit : mais
maintenant au contraire la vessie est à part d'un
costé, & le boyau de l'autre, d'autant que l'un pro-
cede du poulmon, & l'autre de l'estomach, estant
diuisé l'un de l'autre des l'aualler incontinent.
Voila pourquoy en la superfluité humide il n'ap-
paroît rien de la seiche qui luy soit semblable ny
en couleur ny en odeur : & neantmoins la raison
naturelle voudroit, qu'estant meslée & destrempee
auec elle dedans le ventre & les boyaux, elle fust
remplie des qualitez d'icelle, & qu'elle n'en fust
pas coulee dehors ainsi nette & non cõtaminee: au

Cela est faux. contraire, il ne se trouue point qu'il y ait iamais eu
Pierre concreée dedans les boyaux, combien que
la raison voudroit que l'humidité s'y congelast &
concreast aussi bien en pierre, comme elle fait de-
dans la vessie, s'il estoit vray que tout ce qui se boit
descendist au ventre & aux boyaux, en passant à
trauers de l'estomach seulemēt: mais il semble que
l'estomach incontinent au commencement du boi-
re, tire à soy de l'humeur qui passe au long de luy,
ce qui luy en est necessaire & requis pour molli-
fier, destremper, & conuertir en ius nutritif la vian-
de, & que pour ceste cause il ne laisse rien de super-
fluité humide, & que le poulmon, comme celuy
qui depart & l'esprit & l'humidité de luy mesme à
ceux qui en ont besoing, espraint au demourant
ce qui luy reste en la vessie. Il y a bien plus d'appa-
rence de verité en ce propos la qu'es autres, com-
bien que à l'aduenture seroit il bien malaisé de
com-

▲ comprendre la certaine verité en telles choses : & pourtant ne falloit il pas ainsi temerairement prononcer sa sentence alencontre du prince des philosophes, tant à la verité qu'en l'opinion & reputation de tout le monde, mesmement touchant vne chose incertaine, & où il y a tant de moiens & d'argumens pour defendre Platon.

Q V E S T I O N S E C O N D E .

■ *Que c'est que Platon appelle κεράσβολος, & pourquoy les grains qui en les semant tombent sur les cornes des bœufs, en deviennent durs & malaisez à cuire.*

○ N a tousiours demandé de Cerasbolus & de Ateramon, non pas que c'est, car il est certain & manifeste que les semences qui tombent sur les cornes des bœufs, selon la commune opinion produisent vn fruiet qui ne se peut amollir ne cuire. voyla pourquoy par translation on appelle vn homme rebours, dur & farouche, Cerasbolus & c Ateramon. Mais on doutoit & demandoit de la cause, pour laquelle ces grains & semences la qui donnoient contre les cornes des bœufs, en prenoient ceste imperfection la : ce que i'ay par plusieurs fois refusé de chercher à mes amis, mesmement pource que Theophrastus en fait la raison fort obscure, le mettât entre plusieurs exéples qu'il a recueillis & redigez par escript d'effects merueilleux, & dont la cause est bien malaisée à trouuer,

comme est celuy des poules qui amassent à l'en-
 tour d'elles des pailles & festus apres qu'elles ont
 pondu leurs œufs : & le veau marin , qui crache
 sa presure quand on le prend : & les cerfs , qui ca-
 chent en terre leurs cornes : & le chardon à cent
 testes, que si vne chéure le prēd en sa bouche, tout
 le troupeau incontinent s'arreste. Entre ces effects
 la il y met aussi les semences tombees sur les cor-
 nes des bœufs , chose qui est tenue pour bien cer-
 taine qu'elle se fait ainsi, mais dont la cause est im-
 possible ou bien tres-difficile à imaginer: toutefois
 vniour, en la ville de Delphes, quelques vns de
 noz amis nous assaillirent de ceste question , di-
 sans, que non seulement

Le ventre plein on en conseille mieux,
 mais aussi on en est plus dispos à souldre des que-
 stions , parce que le vin rend les personnes plus
 promptes & plus hardies à prononcer , & donner
 resolutions. Si me requirent de vouloir dire quel-
 que chose sur ceste question : ce que ie refusois de
 faire, & auois d'assez bons aduocats, qui me defen-
 doient & prenoient ma cause en main . Euthyde-
 mus mon collegue & compagnon en la dignité de
 prestre, & mon gendre Patroclus, qui alleguoient
 plusieurs choses telles, tant de l'art de l'agriculture
 que de la venerie, cōme est-ce que lon dit, que lon
 destourne & garde lon de tomber la gresse avec le
 sang d'une taulpe, ou des linges souillees des purga-
 tiōs d'une femme. Et que qui prendroit des figues
 d'un figuier sauuage, & les attacherait à un figuier
 franc, il engarderoit que ses figues ne tombassent,
 en

A en les retenant sur l'arbre, & les feroit meurir : & que les cerfs iettent des larmes salées, & les sangliers douces. Car si tu te mets à vouloir rechercher la cause de cela, dit Euthydemus, il faudra incontinent que tu rendes aussi raison & de l'ache & du cumin, dont on foule l'une aux pieds, pource que lon a opinion qu'elle en vient mieux après, & l'autre on le sème en le maudissant & l'iniuriant. Florus respondit, que c'estoit toute mocquerie & chose controuuée à plaisir que cela, mais quant à la cause de l'autre, il n'en voudroit pas reietter l'in-

B ququisition, comme si elle estoit incomprehensible. J'ay trouué, dis-ie, vn remede pour amener cest homme en nostre opinion avec la raison, de maniere que luy mesme souldra quelques vnes des questions proposees. Il me semble doncq que c'est la froideur qui produit ceste dureté reuesche, tant aux bleds, comme aux legumages, en les comprimant & estraignant iusques à les rendre durs, là où la chaleur les amollit & les rend faciles à cuire. Et pourtant ne disent pas bien ceux qui alleguent ce verset contre le dire d'Homere,

C C'est l'an, non pas la terre, qui produit. car les terres qui sont de nature chaudes, prouueu que l'annee soit au demourant de bonne & de gracieuse température, produisent les fruiçts plus tendres. Parquoy les graines & semences qui incontinent au partir de la main du laboureur tombent droict sur la terre, entrans dedans, & y estans couuertes, se sentent par ceste couuerture plus tost de la chaleur & humidité de la terre, pour germer

& leuer, là où celles qui heurtent contre les cornes ^D des bœufs en tombant, n'ont pas ceste droicteure que requiert Hesiode, ains allant chancellant & bronchant, elles semblent plus tost estre iettees que semees: parquoy les froidures qui suruiennent, ou les gastent & perdent du tout, ou bien elles font vn fruit qui deuient dur, & qui ne se peut attendrir sans humeur, sec comme bois, n'estant couuert que de sa cotte: car vous voyez mesmes que des pierres les parties qui sont plus auant dedans la terre, & en lieu plus obscur, en sont plus fresles & plus tendres, conseruees par la chaleur, ^E que celles qui sont à fleur de terre. Voyla pourquoy les ouuriers enfouissent dedans la terre les pierres de taille qu'ils veulent tailler, comme si elles s'y meurissoient par la chaleur, là où celles qui demeurent dehors à l'air toutes nues, à cause de la froideur deuiennent dures & mal aisees à tailler, & à mettre en œuvre: les grains mesmes s'ils demeurent longuement sur l'aire nuds à descouuert, ils en deuiennent plus durs & plus reuesches que ceux qui en sont bien tost enleuez, & quelquefois le vent mesme qui suruiet ce pendant qu'on van- ^F ne le bled, le rend plus rebours & plus dur, à cause de sa froideur, comme lon raconte qu'il s'experimente en la ville de Philippi en la Macedoine, là où quand on le serre avec sa paille, cela luy sert: ce qu'il ne faut pas trouuer estrange, veu ce que lon entend dire aux laboureurs, que de deux sillons & rayons qui sont l'un au long de l'autre, l'un produit le fruit rebelle & dur, & l'autre aisé & rendre.

A dre. Et qui plus est encore, que és febues d'une gouffe les vnes seront d'une sorte, & les autres d'une autre, selon qu'elles auront senty plus ou de vent, ou d'eau froide.

Q V E S T I O N T R O I S I E M E .

*Pourquoy est-ce que le milieu du vin, le
haut de l'huile, & le bas du
miel, est le meilleur.*

MOn gendre Alexion se mocquoit vn iour du poëte Hesiodé, qui conseille de boire à bon escient, quand le tonneau est plein, ou qu'il est au bas, mais de l'espargner quand il est au milieu,
Quand le tonneau est plein, ou qu'il est bas,
Boy hardiment, & ne l'espargne pas,
Mais au milieu fais en espargne chiche.
là où le vin est le meilleur : car qui est celuy, dit-il, qui ne sçait que le milieu du vin deuïét le meilleur & le dessus de l'huile, & le dessous du miel? & luy conseille de laisser là le milieu, & attendre iusques à ce qu'il soit esuenté, aigre ou bas, quand il n'y en a plus gueres au vaisseau. Apres qu'il eut dit ces paroles, nous nous meismes à rechercher les causes de ces differences & diuersitez, sans plus nous ar-
rester à Hesiodé. Or quant à la cause & raison du miel, elle nous donna beaucoup plus d'affaire, par ce qu'il n'y a celuy qui ne sache, que ce qui est ieger, l'est pour autant que sa substance est rare, & que ce qui est solide, espais & continu, pour sa pe-

fanteur s'affaiffe au deffous, de sorte qu'encore que **D**
 vous réuerfiez le vaisseau, de rechef en peu de tēps
 chascune partie retourne en sa place, le pesant de-
 ualle contre bas, & le leger flotte au deffus: & si n'y
 eut pas faute d'arguments pour rendre raison du
 vin. Car premierement sa puissance, qui est la cha-
 leur, à bonne cause s'amasse enuiron le milieu, &
 conserue celle partie la meilleure de toutes: & puis
 le bas à cause du voisinage de la lie est mauuais, &
 ce qui est au hault en la superficie se gaste à cause de
 la proximité de l'air: car nous sçauons tous que
 l'air luy est fort dāgereux, d'autant qu'il le tire hors **N**
 de sa qualité naturelle. C'est pourquoy on en-
 fouit les vaisseaux dedans la terre, & les bousche
 lon diligemmēt, à celle fin que tant moins d'air luy
 touche: & qui plus est, le vin ne se gaste pas tant
 quand les vaisseaux sont du tout pleins, que quād
 il s'en faut quelque chose. Car l'air entrāt en quan-
 tité en l'espace qui est vuide, l'esuente & altere d'a-
 uantage, là où quād les vaisseaux sont tous pleins,
 le vin s'en entretient de luy mesme, ne receuant
 pas de dehors beaucoup de ce qui luy est ennemy,
 & qui le gaste & corrompt. Mais l'huile nous ar- **F**
 resta vn petit plus, & nous donna plus d'affaire: car
 les vns dirent que le bas est le pire, par ce qu'il est
 troublé & brouillé de la grasse & de la vase qui est
 au fond, & que le deffus n'est le meilleur, mais qu'il
 le semble, d'autant qu'il est plus esloigné de ce qui
 le gaste. Et les autres en attribuerēt la cause à la so-
 lidité, pour laquelle elle ne se peut mesler ny in-
 corporer avec pas vne autre liqueur, si ce n'est que
 lon

A lon la fende à force & par violence, tellemēt qu'elle ne donne pas à l'air mesme, moien de se mesler avec elle, ains se tient à part d'avec luy, & s'en retire pour la tenuité deliée, & continuité de ses parties: c'est pourquoy elle n'en est point alteree, d'autant qu'il ne la peult vaincre ne gagner. Toutefois il semble qu'Aristote cōtredit à ceste raison, aiant, ce dit-il, obserué, que l'huile deuieēt meilleure & plus odorante quand elle est gardee en vaisseaux non tout pleins, & puis il attribue la cause de la melioration à l'air: par ce, dit-il, qu'il entre plus

B d'air en vn vaisseau qui est à demy vuide. N'est-ce point doncques, dis-ie, pour vne mesme puissance & faculté, que l'air amède l'huile & empire le vin? par ce que la vieillesse est nuisible à l'huile & profitable au vin, laquelle vieillesse l'air oste à l'huile, d'autant que ce qui est refreschy demeure ieune & frais, & ce qui est estouffé & ne prend point d'air, pour estre tenu reclus s'enuieillit incontinent. Il y a doncques de l'apparence vray-semblable à dire, que l'air approchant & touchant à la superficie, tient frais & ieune ce qu'il touche C'est pourquoy

C le dessus du vin est la pire partie, & de l'huile la meilleure, par ce que l'enuieillissement apporte & engendre en celle cy vne tresbonne disposition, & en celuy la vne tres-mauuaise.

Q V E S T I O N Q V A T R I E M E .

*Pourquoy gardoient anciennement les Romains
ceste coustume, de n'oster point la table
vuide, ny la lampe estainte.*

FLorus amateur de l'antiquité ne vouloit iamais
 souffrir que lon ostant & enleuast la table vui-
 de, ains y falloit laisser tousiours quelque reste de
 viandes dessus: & scay, disoit-il, que mon pere &
 mon grand pere obseruoient non seulement ce-
 la soigneusement, mais aussi ne permettoient pas
 que lon estaingnist la lampe apres soupper, pour
 ne despandre point d'huile inutilement. Et Eu-
 strophus Athenien, qui estoit en la compagnie:
 Hedeà, dit-il, quel auantage auoient ils en cela? si
 d'aduétude ils n'auoient appris la finesse de nostre
 citoien Epicharmus, lequel aiant, comme il disoit, &
 longuement pensé, comment il pourroit engar-
 der ses seruiteurs de luy desrober son huile, à pei-
 ne à la fin en auoit il trouué le moien: car inconti-
 nent que lon auoit estaint les lampes, il les remplis-
 soit toutes pleines d'huile, & puis il reuenoit le
 lendemain matin visiter si elles estoient encores
 pleines. Florus se prenant à rire de ceste habilité:
 Or bien doncq, dit-il, puis que ceste question est
 dissoulte, ie vous prie cherchons la raison pour la-
 quelle les anciens ont esté si religieux quant à la
 table, & quant aux lampes. Lon commença par
 les lampes, & dist Cæsernius son gendre, qu'il esti-
 moit que les anciens eussent en abomination d'e-
 steindre tout feu quel qu'il fust, pour la similitude
 & parenté qu'il auoit avec le sacré feu que lon gar-
 de inextinguible, par ce qu'il y a deux moiens de
 le faire perir, ne plus ne moins qu'un homme, l'un
 violent quand on l'estaint à force, l'autre naturel
 quand il se meurt de luy mesme. Or quant au
 saint

A saint & sacré feu, on remédie à l'un & l'autre moien, en l'entretenant tousiours & le gardât soigneusement, mais quant à l'autre feu commun ils le laissoient assopir de soy mesme, & ne le forçoient point, ny ne le faisoient pas mourir, ains comme fils eussent osté les viures à vne beste, à fin de ne la nourrir pas en vain, ils ne l'entrenoient point. Lucius le fils de Florus dit adoncq, que tout le reste luy sembloit estre bien dit, mais quant au sacré feu, que les anciens ne l'auoient point choisi pour le reuerer & adorer, à cause qu'ils l'estimassent plus

B saint ne meilleur qu'un autre, mais ainsi cōme aucuns entre les Ægyptiens adorent & reuerēt toute l'espece des Chiens, & d'autres celle des Loups, ou des Crocodilles, mais ils n'en nourrissent pourtant qu'un respectiuement, les uns un Chien, les autres un Loup, & les autres un Crocodile, par ce qu'il ne seroit pas possible de les nourrir tous. Aussi en ce cas icy, que le soing, la vigilāce & la deuotion qu'ils employoient à garder le saint feu, estoit signe & marque de l'obseruance & religion qu'ils auoient enuers le total elemēt du feu, par ce qu'il n'y auoit

C rien qui ressembloit mieux à creature animee & viuante, attendu qu'il se meut & se nourrit de luy mesme, & par sa lueur esclaire, & nous met en euidence toutes choses, comme fait l'ame, mais principalement se montre sa puissance n'estre point sans quelque principe de vie, quand on l'estaint ou qu'on le suffoque à force, car il crie & iette quelque son, & se reuāche cōme fait un animal que lon tue & que lon fait mourir à force. Et en

disant cela, & iettant les yeux sur moy: N'as tu rien, dit-il, à dire de meilleur? Je ne sçauois dis-
 ie, rien reprendre en tout ce qui a esté dit, mais i'y
 adiousterois volontiers, que ceste façon de faire
 & coustume la, est comme vn exercice & discipli-
 ne d'humanité: car il ne faut ny perdre & abolir
 la viande & nourriture, apres que lon en a pris à
 suffisance, ny apres que lon s'est bien trempé d'v-
 ne bonne eau, en cacher ny estoupper la source,
 ny gaster les marques & enseignes du chemin &
 de la nauigation apres que lon en a fait, ains en
 laisser les marques & instrumens, qui pourront
 seruir à la posterité de ceux qui viendront apres
 nous. Voila pourquoy il n'est pas honneste d'e-
 staindre la lampe par chicheté, incontinent que
 nous n'en auons plus que faire, ains la fault gar-
 der & laisser, à fin que si quelqu'un auoit affaire
 de feu, il la trouue encore bruslante & ardente: car
 ce seroit sainctement faict, qui pourroit, de prester
 mesme sa propre veuë, son ouye, voire sa prudence
 mesme, & sa force & vaillance, à quelque autre,
 quand on s'en va dormir, ou que lon se veult re-
 poser. Et considerez d'auantage si les anciens ont
 point permis ces excessiues obseruations la, pour
 vne discipline & exercice de gratitude, comme
 en ce qu'ils reueroient les chesnes portans gland,
 & les Atheniens appelloient vn certain figuier
 sainct, & defend on de couper les oliuiers sacrez à
 Minerue. Ces obseruances la ne rendent pas les
 hommes enclins à la superstition, comme aucuns
 estiment, ains nous exercent & accoustument à la
 gratitu-

A gratitude & sociable humanité les vns enuers les autres, par l'estre enuers ces choses la, qui n'ont ny ame ny sentiment. Voila pourquoy Hesiode fait bien, qui ne veult pas que nous tastions de la chair ny de la viande tiree de la marmite, que nous n'en aions premierement offert les primices, & comme le loyer de son seruice, au feu: Et bien aussi faisoient les Romains qui n'ostoiēt pas aux lampes la nourriture qu'ils leur auoient baillee, apres qu'ils en auoient fait, ains les en laissoient iouir viuantes & ardentes. Apres que i'eu dit cela, Eustrophus prenant la parole: cela, dit il, ne dōneroit il point bien vn propre passage pour passer de là à parler de la table, que les anciens vouloient qu'il demourast tousiours quelques reliques du soupper pour les esclaves & pour leurs enfans? car ils sont aises d'auoir non seulement dequoy manger, mais aussi de nostre reste, & du relief mesme de nostre table. C'est pourquoy lon dit, que les Roys des Peres enuoyent la liuraison non seulement à leurs amis, aux Princes & Capitaines, & aux gardes de leurs corps, ains vouloient que le manger mesme des esclaves, voire des chiēs, fust serui sur leur table, voulans que tous ceux dont ils se seruoient fussent, autant qu'il estoit possible, leurs commensaux, & vécussent de leur maison: car les plus sauuages, & plus

c'est vn
 farouches bestes mesmes, s'appriuoient en leur prouerbe
 donnant à manger. Adoncq me prenant à rire: Et Grec qui s'
 pourquoy mon bel amy, dis ie, ne tirons nous en gnise, qu'
 auāt le poisson ferré, * que lon dit en cōmun pro- fault auoi
 uerbe, avec le picotin de Pythagoras, sur lequelil soucy du la
 demain.

defendoit de se seoir ? nous enseignant de laisser ^D
 tousiours quelque reste pour le lendemain, & au-
 iourd'huy nous souuenir du demain. Quāt à nous
 autres Bœotiens, nous auons encore ce commun
 » prouerbe en la bouche, Laisse quelque chose pour
 » les Medois: du temps que les Medois coururent &
 fourragerent toute la prouince de la Phocide, &
 les bords de la Bœoce: mais il fault tousiours auoir
 » en la bouche & à la main ce propos, Laisse quelque
 » chose aussi pour les hostes & suruenās. Car quant
 à moy, ie trouue mauuaise & blasme la table d'A-
 chilles, qui estoit tousiours vuide & affamee, par ce ^E
 qu'estās Ajax & Vlysses allez en ambassade deuers
 luy, ils ne trouuerent rien de prest, ains furent con-
 traints de cuisiner & appareiller le soupper des le
 commencement. Et vne autrefois voulant traiter
 & receuoir Priam, en se leuāt il tue vn blanc mou-
 ton, le taille en pieces, le rostir, consumant la plus
 part de la nuit en cela: là où Eumeus, cōme estant
 la sage nourriture d'vn sage maistre, ne se trouua
 point estōné ny embesongné quand Telemachus
 luy suruint à l'improuueu, ains le festoya inconti-
 nent, le faisant seoir à table, F

Là où en plats il fut soudain seruy

De rost, le iour de deuant desseruy.

Et si cela vous semble chose legere & de peu de
 consideration, pour le moins me confesserez vous
 que ceste occasion n'est pas de petite importance,
 de retenir & refrener son appetit, lors qu'il y a en-
 core dequoy l'assouuir: car ceux qui s'accoustumēt
 à s'abstenir de ce qu'ils ont present, appetent moins
 ce qui

A ce qui leur est absent. Lors Lucius y adiousta, qu'il se souuenoit d'auoir ouy dire à sa grand' mere, que la table estoit chose saincte & sacree. Or fault il qu'il n'y ait rien de sacré qui soit vuide : mais quāt à moy, il m'est aduis, que la table est vne representation & figure de la terre : car oultre ce qu'elle nous nourrit, elle est ferme, ronde & immobile, à l'occasion dequoy elle est pertinemment appelée d'aucuns Estia. Et ainsi que nous voulons que la terre porte & produise tousiours quelque chose à nostre profit, aussi estimons nous qu'il ne fault pas **B** que lon voye la table vuide, & qu'il ne demeure rien dessus.

Q V E S T I O N C I N Q V I E M E.

*Qu'il se fault donner de garde de prendre plaisir
aux mauuaisés musiques, & comment
il sen fault garder.*

EN la solennité des ieux Pythiques, Callistratus aiant la charge & superintendēce de ceulx qui **C** y deuoient iouër à l'enuy, pour gagner le pris, forclut vn musicien iouëur de fleustes, qui estoit de son païs, & son amy, pour autant qu'il n'estoit pas venu en temps & lieu se presenter pour se faire enrooller au nombre des contendans selon que portent les loix & status desdicts ieux, mais vn soir qu'il nous donnoit à soupper, il l'amena au festin, accoustré de belle robbe & de couronnes & festons magnifiquement, comme la coustume est en

tels ieux de pris, avec vne danse de baladins accou-
 stree de mesme: & certainement d'entree ce fut vn
 assez plaisant & gentil passetemps à ouïr pour le
 commencement, mais puis apres quand il eut vn
 peu esbranlé & fondé la compagnie du festin, &
 qu'il sentit que plusieurs estoient enclins à son in-
 tention, & se laissoient mener, pour le plaisir qu'ils
 prenoient à tout ce qu'il vouloit leur sonner, & à
 toute dissolution qu'il vouloit représenter, alors se
 descourant tout à l'ouuert, il nous fait voir claire-
 ment que la musique, à ceux qui en abusent impu-
 demment à toutes heures, enyure plus que ne fait
 toute sorte de vin que lon pourroit boire: car ceux
 qui estoient à la table ne se contenterent plus de
 crier à pleine teste, & de frapper des mains l'une
 contre l'autre, mais à la fin la plus part d'iceux se le-
 uerent de table, & commencerent à se tremousser
 de mouuements deshonestes & indignes de gents
 d'honneur, mais qui conuenoient aux sons & chan-
 sons qu'il leur sonnoit. Puis apres qu'ils se furent
 appeaisez, & que le festin, cōme apres l'acces d'une
 fiebure & fureur, se fut vn peu rassis, Lāprius vou-
 lut parler, & reprendre à bon esciant l'insolence de
 la ieunesse, mais il craignoit de se rendre trop im-
 portun & fascheux, iusques à ce que Callistratus
 luy mesme luy en donna le ton, qui l'incita à ce fai-
 re, par tels propos qu'il dit: Quant à moy, dit il,
 i'absous du vice d'intemperance la cupidité de
 voir & d'ouïr, mais pour cela ie ne suis pas de l'opi-
 nion d'Aristoxenus du tout, quād il dit que ce sont
 les seules voluptez que lon peult nommer belles &
 honne-

A honnestes : car on appelle bien aussi quelquefois les viandes & les parfums honnestes, & dit on que lon a esté traité honnestement, quand on a soupé plaisamment & magnifiquement. Et me semble qu'Aristote mesme n'exempte pas à bonne occasion du vice d'intemperance les voluptez que lon reçoit du voir & de l'ouïr : pour ce, dit il, que ce sont les seules voluptez qui sont propres à l'homme, là où les bestes brutes ont les autres, en vsent & en participent : car ie voy qu'il y a plusieurs animaux qui n'ont point d'usage de raison, qui prennent plaisir à la musique, comme les cerfs aux fleustes : & au temps de la monte, quand on fait saillir les Iuments on leur sonne vn certain chant, qui s'appelle Hippothoron : & Pindare dit, qu'il a esté esmeu à chanter,

Comme le Daulphin s'achemine

Courant la part de la marine,

Dont il oit le son retentir

Des aubois aimable à sentir,

Quand la haulte mer applanie

Sans vagues est calme & vnüe.

c & prent on les ducs & chats-huans par le plaisir qu'ils sentent à voir danser, car ils taschent à contrerfaire les dāsans, & remuent les espaules çà & là. Ie ne voy donques point que ces voluptez la aient rien de propre, pour ce qu'elles sont seules qui appartiennent à l'ame, & les autres au corps, & se terminent dedās le corps, là où le baller, danser, chanter, & sonner des instrumēts, passans oultre le sentiment naturel, appuyent & fondent leur delecta-

tion & leur chattouillement sur la ioye de l'ame. **D**
 C'est pourquoy nulle de ces voluptez la ne se cache, ny n'a besoing de tenebres ny de murailles qui l'environent, comme les femmes disent, là où pour celles cy on bastit des carrieres & des Theatres, & Amphitheatres, & est encore plus agreable & plus venerable, tant plus on les peult voir en grande compagnie, par ce que nous desirons auoir grand nombre de tesmoins, non de nostre intemperance ou volupté villaine, mais d'une honneste exercice & gentille occupation. Apres que Callistratus eut acheué son propos, Lamprias apperceuant que **E**
 ceux qui estoient les principaulx fauteurs & introducteurs de tels passetemps de l'ouye, en deuenoient encore plus hardis & plus audacieux, se prit à dire, Cela n'est pas la cause, ô fils de Lion, mais il m'est aduis que les anciés n'ont pas bien fait de dire, que Bacchus estoit fils d'Oubliace, car ils deuoient plus tost dire qu'il en estoit le pere, attendu que par luy mesme il semble que maintenant tu oublies, que des faultes que lon commet par les voluptez, les vnes procedent d'intemperance, les autres d'ignorance ou de nonchalance : car là où il y a perte & **F**
 dommage tout euidet, c'est là où ils pechent, leur raison estant forcee par intemperance & incontinence : mais là où le salaire de l'intemperance n'est pas tout present & contant, aussi tost que la faulte est commise, ce sont les choses que les homes font, qu'ils commettent, & qu'ils suiuent par faulte de ne cognoistre pas qui leur fait mal & qui les offense. Voyla pourquoy nous appellons dissolus & in-
 tempe-

A temperans ceulx qui se gouernent mal quant à trop boire & trop manger, & trop vser des femmes, lesquels excès sont ordinairement accompagnez de plusieurs maladies, de despenſes, pertes de biens, & de mauuaise renommee, comme ce Theodectes, qui combien qu'il eust vn grand mal aux yeulx, aussi tost qu'il apperceut son amie, Dieu te⁹⁹ gard, dit il, la douce lumiere de mes yeulx: & Anaxarchus Abderitain,

Qui mal-heureux, comme i'oy raconter,
Se confessoit, ſçachant que ſa nature

B A volupté encline oultre meſure,
Dont la plus part de ces ſages a peur,
Le retiroit d'où aſpiroit ſon cœur.

Mais ceulx qui combattēt gaillardemēt, & ſe tiennent ſur leurs gardes de peur d'eſtre pris & vaincus des voluptez du ventre, des parties naturelles, du gouſt & de l'odoremēt, & ce pendant ſe laiſſent enuironner par derriere & ſurprendre par celles qui les eſpient, & qui ſe cachent en embuſche dedans les yeux & dedans les oreilles, ceux la, diſ-ie, encore qu'ils ne ſoient pas moins paſſionnez ne^e moins diſſolus & incontinents que les autres, toutefois nous ne les appellons pas ainſi pourtant, car ils ne ſ'en apperçoient pas, & ſe laiſſent aller par ignorance, & pēſent eſtre ſuperieurs des voluptez, encore qu'ils demeurent tout vn iour ſans boire & ſans māger en vn Theatre à regarder les ieux, comme ſi vn vaſe de terre ſe glorifioit de ce qu'il ne ſe laiſſeroit pas prendre par le ventre ou par le fond, & ce pendant ſe laiſſoit facilement remuer de lieu

à autre par les anses & aureilles. C'est pourquoy D
Arcesilaus souloit dire, que c'estoit tout vn d'abu-
fer du deuant ou du derriere : & fault craindre la
delicatesse & volupté qui nous chatouille & aux
yeulx & aux aureilles, & n'estimer pas la ville im-
prenable qui aura toutes les autres portes bien fer-
mees de gros courreaux, & fortifiees de barrieres
trauersantes, & de harfes coulisses, si les ennemis
sont entrez dedans par vne autre porte, ny aussi ne
cuidier pas que nous soïos inuincibles à la volupté,
si nous ne nous laissons pas prédre dedans le tem-
ple de Venus, mais bien dedans celuy des Muses, E
ou dedans vn Theatre : car autant ceste passion
desbauche nostre ame, & la baille à mener & en-
trainner aux voluptez, qui versent en noz esprits
des poisons plus aigus, plus perçans & plus diuers,
des chansons, danses & accords, que ne sont tous
ceux des cuisiniers & parfumeurs, dont elles nous
mènent où il leur plaist, & nous corrompent par
le propre tesmoignage que nous en portons alen-
contre de nous mesmes : car comme dit Pindare,

Rien ne fault reprendre ou changer

De ce que pour boire ou manger

Nous produit la terre sacree,

Ou la mer des vents deschiree.

Mais il n'y a ny mangeaille, ny viande, ny mesme
ce bon vin que nous buuons, qui pour plaisir qu'il
nous donne, face ietter de tels cris, comme n'ague-
res le son & le ieu de ces fleustes ont rempli, ie ne
diray pas seulement ceste maison, mais toute la vil-
le, ie croy, de bruits, de clameurs, de battements de
mains

A mains & d'alarmes : pourtant fault il bien redouter & craindre telles voluptez, car elles sont tresfortes & tres-puissantes, cōme celles qui ne se terminent pas ainsi que celles du goust, de l'atouchement, & de l'odoremēt, en la partie irraisonnable de l'ame, sans passer plus oultre, ains touchent iusques au iugement & iusques au discours de la raison. Et puis és autres plaisirs & voluptez, encore que la raison defaille & succombe en leur resistāt, il y a bien souuent d'autres passions qui leur resistent & donnent empeschement : car fil est question d'acheter des poissons delicieux, la chicheté retiendra quelquefois les doigts du friand & gourmand, qu'il ne mette la main à la bourse pour en auoir. Et l'auarice destournera bien souuent vn luxurieux, qui aime les femmes, d'vne courtisane trop chere, & qui se mettra à trop hault pris, comme dit le maquereau en vne Comēdie de Menander, qui auoit amené en quelque banquet de ieunes gens vne belle garce, fort bien en point pour les allecher & attirer,

Chascun baissant la teste grignotoit

c Le fruiēt de four qui deuant luy estoit.

Car quand il fault emprunter de l'argent à vsure, c'est vn grand chastie-fol de l'incontinence, & n'est pas chose qu'on face fort volontiers, que de mettre la main à la bourse. Là où les yeulx & les oreilles de ceulx qui aiment les chantres & ioueurs d'instruments, & ces liberalès recreations que lon appelle, assouissent leur furieuse affection enuers la musique, pour néant, & sans qu'il leur couste rien,

par ce qu'ils peuuent puiser & iouir à plein fond
 de telles voluptez de plusieurs endroits, és ieux pu
 bliques & sacrez, és Theatres, és festins, aux despés
 des autres, dont il est aisé de rencontrer matiere de
 se perdre & gaster, à ceux qui n'ont pas la raison
 qui les gouuerne & regisse. Icy s'estant fait vn peu
 de silence : Et que voulez vous, ce dit Callistratus,
 que die ou face ceste raison pour nous secourir? car
 elle ne nous attachera pas alentour des oreilles les
 oreillettes de Xenocrates, ny ne nous fera pas leuer
 de la table incontînét que nous entendrons accor-
 der vn Luth, ou entonner vne fleuste. Non pas, re-
 spondit Lamprias, mais toutes les fois que nous
 tomberons en danger de telles voluptez, il nous
 fault inuoker les Muses à nostre aide, & nous en
 fouir en la montagne de l'Helicon des anciés: car à
 qui est amoureux d'une femme sumptueuse on ne
 luy sçauroit donner vne Penelope, ny le marier à
 vne Panthea. Mais vn qui prendroit plaisir à des
 farces impudiques, à des chansons lasciuës, & dan-
 ses lubricques, on le peult bien diuertir en le met-
 tant à la lecture d'un Euripide; d'un Pindare, d'un
 Menander, en lauuant, comme dit Platon, vne ouyë
 alteree d'un propos bon à boire: car ainsi comme
 les magiciens commandent à ceux qui sont demo-
 niaques & trauaillez des mauuais esprits, de réciter
 à part eulx & prononcer les lettres Ephesiennes:
 aussi quand nous nous trouuerons parmy telles
 menestrieres, faults & gambades de baladins,

En se secouant de furie

Auec forsenec cryerie,

A Le col & la teste croulans,
 nous nous ramenerons en la memoire les escripts
 graues, saincts & venerables de ces sages anciens
 la, & en leur conferant ces belles chansons, poë-
 sies & vains propos, nous ne nous foruoyérons
 pas pour eulx, ny ne leur donnerons pas le flanc
 pour nous laisser emporter à eulx, comme à vne
 riuiera coulante.

Q V E S T I O N S I X I E M E .

B *De ceulx que lon appelle vmbres, & si lon peut
 aller sans estre conuiez chez autruy, estant
 mené par ceulx qui sont conuiez,
 & quand, & chez qui.*

HOMERE fait que Menelaus vient sans man-
 der au festin que son frere Agamemnon don-
 noit aux Princes de l'armee,
 Car il sçauoit qu'en son entendement,
 Son frere estoit trauaillé grandement:
 & ne voulut pas negliger, que l'ignorance ou l'ou-
 bliance fust autrement descouuerte, & moins en-
 core la voulut il luy mesme descouurir, en faillant
 d'y venir, ainsi comme les hommes fascheux &
 hargneux ont accoustumé de s'attacher à telles
 oubliances ou nonchalances de leurs amis, estans
 plus aises d'estre negligez que non pas d'estre ho-
 norez, à fin qu'ils aient dequoy se plaindre. Mais
 ceulx qui ne sont point conuiez, que lon appelle
 maintenant vmbres, qui ne sont point semonds,

ains sont menez par ceulx qui sont conuiez, on de-
 mandoit vn iour dont ceste coustume auoit pris
 son cōmancement : si furent aucuns d'aduis qu'el-
 le auoit commencé à Socrates, lequel persuada
 Aristodemus, qui n'estoit point conuié, de venir
 quand & luy au festin chez Agathon, là où il luy
 entreuint vne chose pour rire : car il ne se prit pas
 garde que Socrates demeura derriere, & luy entra
 le premier, estant à la verité ombre qui precedoit
 le corps, & auoit la clarté derriere. Mais depuis aux
 festoyemēts des hostes passans, mesmemēt quand
 c'estoient princes ou grands seigneurs, par ce que
 lon ne sçauoit pas ceux qui estoient en leur suite,
 & à qui ils faisoient l'honneur de manger à leur ta-
 ble, on auoit accoustumé de les prier eulx mesmes
 d'amener qui bon leur sembleroit, & d'en determi-
 ner le nombre, de peur qu'il ne leur aduint, com-
 me il feit à vn qui donna à soupper sur les champs
 au Roy de Macedoine Philippus. Car il y vint a-
 uec vne grande suite, & il n'y auoit pas à soupper
 appresté pour beaucoup de gens : dequoy s'apper-
 ceuant que son hôte estoit tout troublé, il enuoya,
 sans faire semblant de rien, dire à l'oreille de ceulx
 qu'il auoit amenez, qu'ils gardassent place pour la
 tarte. Parquoy s'attendans qu'on leur deust seruir
 de pastisserie à l'yssue, ils espargnerēt ce qu'on leur
 meit deuant, de maniere qu'il y eut suffisamment
 à manger pour tous. Et cōme ie deduisois ce pro-
 pos deuant l'assistance, Florus fut d'aduis, qu'il fal-
 loit traicter ceste question vn peu serieusement &
 à bon esciant, touchant les ombres, si estoit hon-
 neste

A nestre de suyure, & aller ainsi quand & ceulx qui estoient conuiez : & quant à son gendre Cæsernius il reiettoit entierement toute la chose. Car il fault, dit il, suyuant le conseil du poëte Hesiodé, Sur tous semondre à soupper son amy : sinon, à tout le moins ses familiers, & ceulx de sa cognoissance, pour participer aux libations & actions de graces que lon fait aux Dieux à la table, aux propos que lon y tient, & aux caresses que lon s'y entrefait, en buuant l'un à l'autre : mais maintenant c'est comme ceulx qui louent les nauires aux passagers, qui permettent de ietter dedans toutes les hardes que lon a quand & soy. Aussi nous donnans le festin à quelques vns, nous leur permettons de remplir de ceulx qu'ils veulent, soient personnes honnestes & de qualité, ou non : & m'esmerueillerois grandement si vne personne d'honneur & de qualité y venoit arrieremandé ou plus tost non mandé, tel que bien souuent le festoiant mesme ne cognoit pas, & si le cognoissant & conuersant quelquefois avec luy, il ne l'a point conuié, encore est-ce plus grande honte d'y aller, comme luy reprochant, par maniere de dire, que lon iouyt de ses biens par force & malgré luy : & puis, aller deuant ou demourer derriere, apporte quelque vergongne au conuiant enuers l'autre : & n'est point honneste d'auoir besoing de tesmoings & de garant enuers le festoiant, pour luy insinuer que lon n'est pas venu, comme cōuié au soupper, mais comme l'ombre d'un tel : & puis aller nacquetant apres un autre, & obseruât quand il se fera estuué,

oingt & laué, & l'heure qu'il partira, tost ou tard, D
cela me semble fort fâcheux, & qui sent fort son bouf-
fon Gnathon, si i'amaïs il fut vn Gnaton poursui-
uant de repeües franches aux despens d'autrui, &
fil n'y a ny temps, ny lieu, auquel la langue se puis-
se permettre de dire,

Si tu te veux vn petit brauement

Escarmoucher, parle icy hardiment:

& fil est ainsi qu'il y ait vne grande liberté & fran-
chise en tout ce qui se fait, & qui se dit à la table, en
faisant bonne chere, & que lon y doüue prendre
tout en ieu, comment se pourra & deura gouuer- E
ner en tel lieu, vn qui n'y fera pas naturel & legiti-
me conuié, ains bastard en maniere de dire, venu
sans mander, s'estant ingeré de soy mesme à entrer
au festin d'autrui? Car soit qu'il y parle librement
ou non, l'un & l'autre sera subiect à grande calom-
nie & reprehension: & si n'est pas vn petit incon-
uenient, de ne se fâcher point d'estre but à moc-
querie & à traiçts de risée, & d'endurer facilement,
sans se picquer, d'estre appellé vmbre, & respondre
à ce brocard là. Car le faire peu de compte des pa-
roles mal-honnestes, achemine & accoustume peu F
à peu les personnes aux faictz deshonnestes: &
pourtant en conuiant des autres à venir soupper
chez moy, ie leur ay bien quelque fois donné des
vmbres, & permis d'en amener: car la coustume
d'une cité a grande puissance, & est bien malaisé
de s'en sauuer & exempter: mais estant conuié par
autres, pour aller chez des autres, iusques icy i'y ay
tant résisté, que ie ne l'ay point encore fait. Apres
ces

A ces paroles il y eut vn peu de silence, iusques à ce que Florus dit, Ce second poinct a plus de doubte & de difficulté : mais quant au premier, il est force de conuier ainsi ses hostes, quand on les veult traiter & festoier en passant pais, ainsi qu'il a esté dit au parauant : car il n'est pas raisonnable qu'ils laissent en arriere leurs amis qui leur font compagnie, & n'est pas facile de cognoistre tous ceulx qu'ils amènent. Prends garde doncques, dis-ie alors, que ceux qui permettent aux festoians de conuier en la sorte que tu dis, ne donnent aussi quant & quant

B par mesme moien, permission à ceulx que les conuiez voudrôt amener de leur obeir & y venir. Car il n'est point honneste de donner ce qu'il ne seroit pas bien seant de demãder, ny totalement de conuier à ce que lon ne voudroit pas estre conuié de faire ny de consentir. Or quant aux Seigneurs & aux hostes qui passent, il n'y a point en cela de semôce ny d'election: car il fault receuoir ceulx qu'ils amènent quand & eulx. Mais autremét quand vn amy festoiel'autre, il est plus cordial que luy mesme le festoiât conuie les amis familiers ou parents

C de son amy, comme les cognoissant bien: car ce luy est faire plus d'honneur & plus de plaisir, en luy monstrant que lon sçait bien qu'il honore le plus ces personnes la, aime leur compagnie, & prend plaisir qu'on les honore pour l'amour de luy, & que lon les prie. Si fault il pourtant quelquefois remettre le tout à luy, comme ceulx qui sacrifient à quelque Dieu, sacrifient quant & quant à ceulx qui ont temple & autel commun, encore qu'ils ne

les nomment pas chascun par leurs noms: car il n'y D
a ne vin, ne viande, ny parfum qui tant esiouisse &
donne de plaisir en vn festin, que fait la personne
que lon aime & que lon a agreable, assise à table
aupres de soy. Et puis de demander & interroguer
celuy mesme que lon veut festoier, quelles vian-
des & quelles pastisseries il aime mieulx, & l'en-
querir de la diuersité des vins, & des senteurs &
parfums, cela est merueilleusement inciuil & im-
pertinent. Mais à celuy qui a plusieurs amis, plu-
sieurs parents & familiers, le prier d'amener quand
& luy ceulx dont il aime mieulx la compagnie, & E
auec lesquels il prend plus de plaisir, il n'est ny mal
à propos ny mal plaisant: car ny le nauiguer de-
dans mesme vaisseau, ny habiter en mesme mai-
son, ny plaider en mesme cause auec ceulx que lon
ne voudroit pas, n'est point si fascheux ne si des-
plaisant, comme de soupper & manger auec ceulx
que lon a à contrecœur: ainsi comme aussi le con-
traire est agreable & plaisant, car la table est vne
communication & de ieu & d'affaires, & de faicts
& de paroles. Voyla pourquoy il n'est pas besoing
si lon veut y estre ioyeusement & gayement, que F
toutes personnes indifferemmēt y soient, ains seu-
lemēt ceulx qui ont amitié, priuauté & familiarité
ensemble, les vns auec les autres. Car quant aux
viandes, les cuysiniers les accoustrent de ius diffe-
rents, en meslant ensemble l'aigre auec le doux, &
le gras parmy le salé: mais vn soupper ne sçauroit
estre agreable ny plaisāt, s'il n'est cōposé de gēs qui
soient de mesme humeur & de mesmes affections.

A Et pour ce que, comme les Peripateticiens disent, le premier mouuant meut seulement, & n'est meü de nul autre, & le dernier est meü seulement, & ne meut rien, mais entre les deux est ce qui meut les vns, & qui est meü des autres: aussi, dis-je, y a il icy mesme proportion entre trois sortes d'hommes, l'une de ceux qui conuient, l'autre qui sont cõuiez seulement, & la troisieme de ceux qui conuient & sont conuiez. Or auons nous desia parlé du festoiant qui conuie: il vaut doncq mieux que ie die aussi maintenant ce qu'il me semble des deux autres. Celuy doncques qui est conuié, & a loy d'en conuier d'autres, en premier lieu il est bien raisonnable qu'il se garde d'en semondre beaucoup, & de manger & fourager, comme païs de conquiste, la maison de son amy, en y menant à vn coup tous ceux de sa compagnie, ou de faire comme ceux qui occupent de nouueau vn païs, en menât beaucoup de ses amis, forclorre & mettre hors tous ceux de celuy qui l'a conuié, de maniere qu'il aduienne à celuy qu'il festoie, ce qu'il fait à ceux qui portent à soupper à Proserpine & aux Dieux que lon inuocque pour diuertir les maux: c'est qu'ils n'en mangent point eux, & n'y participent point, ny tous ceux de la maison, sinon en tant qu'ils en sentent la fumee, & en ont le bruit: car autrement ceux qui nous alleguent ce commun dire,

Qui sacrifie en Delphes, qu'il s'attende,

S'il veut manger, d'acheter sa viande.

ils nous disent cela en iouant, mais il aduient à la verité à bon esciant, à ceux qui festoient des hostes

ou des amis mal courtois & inciuils, avec vn nombre grand d'vmbres, comme des harpyes qui dissipent & deuorent tout leur soupper : en apres il ne faut pas qu'ils aillent chez autrui avec toutes sortes de gens, ains qu'ils appellent & mènent principalement ceux qu'ils sçauront estre amis & familiers du festoiant, faisant à l'enuy avec luy, à luy cōuier & appeller les siens mesmes, ou bien fil en veut mener de ceux qu'il a en sa compagnie, qu'il en choisisse ceux que le festoiant luy mesme choisiroit. S'il est modeste, gens modestes: s'il est studieux & docte, gens aussi doctes & studieux: s'il a eu autrefois autorité, hommes qui presentement soient en autorité, & ausquels il entendra qu'il desireroit bien parler, les saluer, & communiquer avec eux. Car c'est vne prudente courtoisie & ciuilité grande, de donner à vn personnage tel, occasion & moien de les saluer & les caresser. Mais celuy qui amène des gens qui n'ont rien de conuenable ny de conforme, comme à vn homme sobre de grands yurongnes: à vn homme retenu & réglé en despense, des hommes dissolus & superflus en toute profusion: ou bien à vn ieune homme qui aime à boire, rire, gaudir, & faire bonne chere, des vieillards seueres, parlans grauement, sages par la barbe, celuy la est importun & impertinent, recompensant vne caresse hospitalière d'une importunité fascheuse: car il faut que le conuié mette aussi grand peine de complaire au conuiant, comme le conuiant, & festoiant au conuié. Or sera il bien venu & agreable, s'il rend non seulement

A ment luy, mais aussi ceux qui viennent avec luy, & pour l'amour de luy, courtois & gracieux. Le troisiéme qui nous reste, est celuy qui est conuié & mené par vn autre chez vn autre, lequel fil se fache & prend à desplaisir, que lon l'appelle vmbre, sans point de doubte il craint son vmbre, mais il a besoing d'y aller bien retenu, & avec grande circonspection. Car il n'est pas honnesté de suiure facilement tous ceux qui conuiéent indifferemment, & si ne faut pas legerement considerer, qui est celuy qui l'appelle & conuie: car fil n'est bien son familier, ains quelqu'vn de ces riches magnifiques & pompeux qui veulent, comme sur vn eschaffault, monstrier grand nombre de suite & de satellites apres eux, ou qui pense faire beaucoup pour luy, & grandement l'honorer en l'y menant, il le faut refuser du tout. Mais encore qu'il soit bien amy & familier, il ne luy fault pas pourtant incontinent obtemperer, mais ouy bien si lon voit qu'il ait besoing necessairement de parler & de communiquer avec le festoiant, & qu'il ne puisse pas recouurer occasion plus opportune pour ce faire: ou qu'il vienne de quelque loingtain voyage, où il ait longuement esté: ou qu'il soit prest de s'en aller, & que pour amitié qu'il porte, il appete & desire d'entretenir celuy qu'il appelle, & qu'il n'y en méne pas plusieurs, ny gens estrangers & incogneus, ains ou luy seul, ou avec peu & d'amis familiers: ou, apres toutes ces considerations la, qu'il pratique de contracter par son entremise quelque commencement de familiarité, de cognoissance

& d'amitié de celuy qu'il veut mener avec celuy **D** qui le festoie, qui soit homme de bien & d'honneur & digne d'estre aimé. Car quant aux meschans, tant plus ils nous retiennent & ambrassent comme des ronces, d'autant plus les faut il arracher, ou bien passer par dessus, encore que ceux qui nous y voudroient mener, fussent hōnestes, mais non pas chez vn honneste homme, il ne faut pas les y accompagner, ny endurer que lon nous face prendre du poison parmy du miel, c'est à dire, l'accointāce d'un meschant par l'entremise d'un bon amy. Aussi n'y a il point d'apparence d'aller chez vn hō-**E** me que lon ne cognoit du tout point, & avec lequel on n'a familiarité quelconque, si d'adventure ce n'estoit quelque personnage d'excellente vertu, comme nous auons desia dit, & que cela puisse seruir à donner commencement à quelque bonne amitié & dilection, d'aller franchement & sans ceremonye deuers luy, sous l'aile & l'ombre d'un autre: & quant à ceux qui nous sont familiers, vers ceux la pouuons nous principalement aller à la sermonce d'un autre, ausquels nous dōnons reciproquement licence de venir chez nous à l'ombre & **F** au conuy d'un autre. Car vn bouffon plaisant nommé Philippus disoit, que ceux qui alloient à vn festin sans mander estoient plus ridicules, & faisoient plus rire, que ceux qui y estoient conuiez. Mais ie dis qu'il est plus honorable & plus agreable aux gens de bien & bons amis, d'aller chez leurs amis, gens de bien & d'honneur aussi, quand ils y viennent opportunément sans estre conuiez ny attendus

A dus avec d'autres amis : car tout ensemble ils resjouissent ceux qui les recueillent, & honorent ceux qui les y mènent. Mais bien se faut il garder d'aller chez les Princes, grands seigneurs & riches hommes, que lon n'y soit appelé par eux mesmes, ains menez par autres, si nous nous voulons garder qu'à bon droit lon ne nous puisse imputer d'estre sans propos effrontez, impertinents & ambitieux importunément.

QUESTION SEPTIEME.

B

*s'il est honneste d'introduire des menestrieres
& baladines en vn festin.*

C EN nostre ville de Cheronee il se tint vn iour propos à table où estoit Diogenianus Pergamenien, touchant les choses que lon doit ouir en banquetant, & eusmes beaucoup d'affaires à nous defendre d'un Sophiste à longue barbe de la Secte Stoïque, qui nous alleguoit Platon blasmant & condamnant ceux qui introduisoient en leurs festins, durant que lon souppoit, des menestrieres, pour les faire ouir, comme s'ils ne pouuoient pas s'entretenir de bons propos les vns les autres : cōbien que toutefois fust aussi là present Philippus le Prusien de la mesme eschole, qui disoit qu'il ne falloit point alleguer, ains laisser là ces personnages qui sont introduits parlans au festin d'Agathon, lesquels sonnoient & parloient plus doucement & plus plaisamment, que toutes les fleustes &

toutes les cithres du monde. Car ce n'eust pas esté d
 grâde merueille si des menestrieres n'eussent point
 eu d'audience en vn tel conuiue, mais si les con-
 uiez n'oubloient pas tous à boire & à manger
 pour le grâd plaisir & contentement qu'ils auoiét
 d'ouir de tels propos: combien que Xenophon
 n'ait point eu de honte d'endurer en la présence
 de Socrates, d'Antisthenes, & autres tels person-
 nages, vn bouffen plaisant: Philippus, non plus
 qu'Homere n'a point eu de honte d'enseigner en
 passant aux hōmes, que l'oignon estoit la faulse du
 vin. Et Platon a ietté comme vn entremets de co-
 mēdie en son Conuiue, le propos d'Aristophanes
 touchant l'amour, & à la fin ouurāt la salle à portes
 arriere-ouuertes, encore y introduit il vne farse la
 plus bisarre de toutes, c'est Alecybiades aiant bien
 beu, & estant couronné de chapeaux & festons
 de fleurs, qui vient en masque faire vne mōmerie.
 Et puis les altercations qu'il a alencontre de So-
 crates touchant Agathon, & la louange de Socra-
 tes: O saintes Graces, ie croy, si est loysible
 d'ainsi dire, que si Apollon luy mesme fust entré,
 aiant sa lyre route preste & accordee pour iouër, les
 assistās l'eussent supplié d'arrester iusques à ce que
 le propos eust esté acheué & cōduit à sa fin: & puis
 ces personnages la qui auoient tant de graces en
 leurs propos, vsoient neārmoins encore de ces en-
 tremises la, & diuersifioient leurs festins de ces ieu
 la, pour faire rire & pour esgayer la compagnie: &
 nous qui sommes mellez de gens manians affaires,
 de marchands, & de plusieurs, telle fois est, igno-
 rans

A rans de toutes lettres, & rustiques, nous chasserons vne telle grace & tels passe-temps hors de noz cōuiues, où nous nous en irons fuyans de telles Sirenes, quand nous les verrons arriuer. On trouuoit estrange de ce que Clitomachus qui faisoit profession de combattre és ieu de pris, incontinent que lon mettoit en auant des propos de l'amour, se leuoit de la compagnie, & s'en alloit. Et vn graue philosophe fuyant d'ouir vn ieu de fleustes s'en yra d'vn festin, & cōme s'il auoit peur d'vne menestriere qui s'apprestast pour sonner ou chanter, il criera incontinēt à son vallet, qu'il allume la torche: ne sera il pas en ce faisant digne d'estre sifflé & mocqué de tout le monde, s'il se scandalise des plaisirs innocens, qui ne portent dommage à personne, comme les escharbors fuient les parfums & douces senteurs? Car s'il y a iamais temps ne lieu où il se faille iouër de tels ieu, c'est principalement ce pendant que lon est à table, & faut donner son esprit à cela ce pendant que lon sacrifie à Bacchus. Car quant à moy, Euripides, encore qu'il me plaise grandement au demourant, ne me satisfait point quand il ordonne de la musique, qu'il la fault transferer des cōuiues aux deuils, aux douleurs & tristesses. Car là il faut donner, comme le medecin, vne bonne, sobre & sage remonstrance, & au demourant mesler ces voluptez icy de la musique parmy les dons de Bacchus, en maniere de ieu: car ie treuve de bonne grace, ce que dit quelquefois vn Lacedemonien estant à Athenes, lors que les ieu des Tragédies & des danſes se fai-

soient, quand il veit le grand & somptueux appareil des danſes, le grand trauail & ſollicitude que prenoient à l'enuy les vns des autres ceux qui faiſoient iouer leurs Tragédies & Comédies, & qui mettoient en ordre leurs danſes, car il dit que la ville eſtoit deuenue folle, de iouer ſi à bon eſciâr, c'eſt à dire de prendre tant de trauail pour vn ieu ſeulement. Car à la verité dire, il faut iouer en iouant, & n'acheter pas ſi cherement avec tant de frais & de deſpenſe, & de temps qui ſeroit mieux employé à autres bons affaires, vn oiſif paſſe-téps: mais à la table, ce pendant que lon a l'eſprit relâché d'affaires, gouſter vn petit en paſſant de tels eſbattemens, & quant-&-quant conſiderer ſi lon en pourroit point tirer quelque profit.

Q V E S T I O N H V I C T I E M E.

Quelles choſes ſont bonnes à ouir durant que lon eſt à table.

Q Vand cela eut eſté dit, le Sophiſte voulut repliquer: mais pour l'entrerompre, ie me pris à dire, Il vaudroit mieux, Diogenian, conſiderer quelle ſorte d'eſbattemēt, entre pluſieurs qu'il y en a, ſeroit plus propre & plus conuenable à ouir, durant que lon eſt à table, & prions ce ſage hōme icy d'en vouloir donner ſon iugement. Car eſtant, comme il eſt, inflexible, & homme qui ne ſe laiſſe point mener aux voluptez & delices, il ne ſ'abuſera iamais à preferer ce qui ſera plus plaiſant à ce
qui

qui sera meilleur. Comme doncq Diogénian l'en priaſt & nous auſſi, luy ne ſ'en faiſant pas beaucoup prier, ſans attendre dit incontinent, qu'il chaffoit & renuoyoit tous autres paſſe-temps de l'ouïe au Theatre, & à l'eſchaffault des baladins, & qu'il introduiſoit vne ſorte de plaſiſr d'ouïe, qui depuis n'agueres eſtoit venu en vſage à Rome. Car vous ſçauiez, dit-il, qu'entre les Dialogues de Platon, il y en a aucuns qui cōtiennent vne narration continuelle de quelque choſe qui a eſté ou faitte ou ditte, les autres ſont à perſonnages qui deuſent enſemble. De ceux là doncques qui ſont à perſonnages, on en fait apprendre à des ieunes enfans les plus legers, qui les recitent par cœur, & y adiouſte lon les geſtes conuenables aux meurs & au naturel des perſonnes introduittes, vne conformation de voix, vne contenance & diſpoſition qui accompagne les paroles: ceſte façon de paſſe-temps a eſté merueilleuſement bien receuë des gens d'honneur & graues, mais ceux qui ont les oreilles eſfeminees & trop delicates, pour eſtre ignorants & ne ſçauoir que c'eſt de bien & d'honneur, qui, comme ſouloit dire Ariſtoxenus, vomiffent la cholere & rendent leur gorge, quand ils oyent quelque bonne armonie, ceux-la la reiettoient & ne la vouloient point ouïr, & ne m'eſbahis point ſils la reiettoient & condamnoient du tout, car ils ſont plus eneruez que femmes. A donc Philippus voiant que quelques vns oyoient cela mal volontiers: Attens mon amy, dit-il, & dilaye de nous dire iniure: car nous meſmes fuſmes les premiers qui

reprouuaſmes ceſte maniere de faire à Rome, & D
 qui reprifmes ceux qui vouloient faire ſeruir Pla-
 ton de farce & d'eſbatement à la table, & preten-
 doient ouir reciter les Dialogues de Platon parmy
 les tartes, les confitures & les parfums, attendu que
 ſi on y admettoit ſeulement les Oeuures de Sapho,
 ou les Odes d'Anacreon, i'en aurois ſi grande hon-
 te, que i'en mettrois à bas la coupe, & laiſſerois à
 en boire. Il y a beaucoup d'autres choſes qui me
 viennent en l'entendement, leſquelles ie crains de
 dire de peur qu'il ne ſemble que ie diſpute à bon
 eſciant alencontre de toy : parquoy ie donne avec E
 la coupe à ce mien amy, comme tu vois, la char-
 ge de lauer vne oreille alteree d'un propos qui
 ſoit bon à boire. Diogenianus adonc receuant la
 coupe : Mais ie voy, dit-il, icy tous bons propos
 & ſobres, tellemēt qu'il ſemble que le vin ne nous
 fait point de tort ny ne nous gaigne point. Mais ie
 crains que ie ne ſois moy-meſme chapitré, toute-
 fois ie ſuis d'aduiſ qu'il faut retrencher pluſieurs
 des matieres que lon oyt par plaifir, & la premiere
 la Tragedie entre autres, comme choſe qui ne ſiet F
 pas gueres bien en un feſtin, par ce qu'elle crie trop
 grauement, & repreſente des ſubiects & argumens
 qui eſmeuuent à pitié & à compaſſion. Ie renuoye
 auſſi & reiette entre les danſes celles de Pylades,
 comme eſtant trop pompeuſe, trop paſſionnee, &
 où il faut trop iouer de perſonnages : mais bien re-
 çois ie ces eſpeces la villageoiſes, que Socrates par-
 lant de la dance raconte, commela Bathylliene,
 tenant du ſon de celle qui ſ'appelle Cordax à la
 ruſtique,

rustique, où il y a parmy les faultz de quelque Pan ou de quelque Satyre faisant de l'amoureux. Quāt à la Comēdie, celle qui s'appelle l'ancienne n'est point bien sortable pour reciter pēdant que lon est à table, à cause de son inegalité, par ce que sa gravité & liberté de parler en ses digressions, que lon appelle *μεγαλόσεις*, est trop franche & trop vehemente; & sa facilité de brocarder, picquer, gaudir & mocquer est trop frequente, trop ouuerte, pleine de paroles deshonestes, lasciuës & dissoluës: & d'avantage ainsi comme és festins des princes & grands seigneurs, il y a tousiours aupres de chascun de ceux qui sont assis à table, vn eschançon pour luy donner à boire, aussi faudroit il qu'il y eust tousiours vn Grammairien qui leur exposast à chascue coup, que veut dire ce mot *Leſmodias*, dont vse Eupolis, & Cinesias és comēdies du poëte Platon, & Lampon en Cratinus, & qui leur donne aussi à cognoistre chascun de ceux qui y sont mocquez, de maniere que nostre festin deuiendra vne eschole de grammaire, ou bien que les brocards & traicts picquans de mocquerie, seront iettez & s'en yront en vain, sourds & muets, sans estre de personne entendus. Mais quant à la nouvelle comēdie, qu'en pourroit on dire sinon, qu'elle est si fort incorporee avec les festins, qu'il seroit plus aisé de dresser vn festin sans vin, par maniere de dire, que sans Menander? Car le langage en est doux & familier, & la matière telle, que ny elle ne peut estre mesprisee des sobres, ny facher les yures: & puis de belles & bōnes sentences en simples ter-

mes, qui coulent parmy si à propos, qu'elles amol-
 lissent & plient les plus dures meurs & natures de-
 dans le vin, comme le fer dedans le feu, & les amen-
 nent à toute humanité. Brief la meslange qu'il y a
 par tout de ieu & de gravité ensemble, est telle,
 qu'elle semble n'auoir esté inuentee pour autre
 chose que pour plaire & proffiter à ceux qui au-
 roient bien beu, & en auroient pris au cœur ioye:
 & puis les amourettes qui y sont demenees, sont
 merueilleusemēt à propos pour gens qui ont beu,
 & qui s'en vont au partir de la trouuer leurs fem-
 mes. Et ne se trouuera point en tant de Comédies
 qu'il a escrites, qu'il y ait amour de garson: encore
 les violemens des filles qui y sont depucellees se
 terminent ordinairement en mariages. Quant aux
 amours des courtisanes, si elles sont fieres & pre-
 sumptueuses, il entrerompnt ceste affection la par
 quelque chastiment ou quelque repentance des
 ieunes hommes qui se reuiennent & se recognois-
 sent: & quant à celles qui sont bien cōditionnees,
 & qui respondent à l'amour qu'on leur porte, ou
 il leur fait retrouver leur pere legitime, ou il leur
 mesure le temps de l'amour qui à la fin se tourne
 en vne honneste honte. Je sçay bien que toutes ces
 obseruations la à ceux qui sont embesongnez &
 occupez en quelques affaires, ne sont d'aucune
 importance: mais à la table en faisant bonne che-
 re, ie m'esbahirois si leur delectation, leur dexte-
 rité & leur bonne grace obliquement n'appor-
 toit aussi quant-&-quant quelque amendement
 & ornement aux meurs de ceux qui y prennent
 garde,

garde, pour leur imprimer enuie de ressembler & se conformer à ceux qui sont gentils & honnestes. Icy se teut vn peu Diogenian, fust ou pour ce qu'il eust acheué son propos, ou qu'il voulust reprendre son haleine. Et comme le Sophiste derechef s'attachast à luy, & luy dist, qu'il y falloit bien reciter quelques endroits & passages d'Aristophanes, Philippus en me nommant : Cestui-cy, dit-il, a son desir satisfait, puis que lon a si bien recommandé son Menander, auquel il prent tant de plaisir, & ne se soucie plus du demourant : mais il reste encore beaucoup d'autres matieres que lon a accoustumé d'ouir, dont on n'a point encore fait d'examen, & toutefois ie serois bien aise d'en ouir parler. Quant à iuger des ouurages des imagers & statuaires, s'il plaist à cest estranger icy & à Diogenian, nous en deciderôs demain la querelle à ieun. Adoncq ie me pris à dire, Il y a d'autres ieux qui s'appellent Mimes, dont les vns se nomment Hypotheses, comme moralitez & representations d'histoires, & les autres Pegmes, follâstreries, comme farces : mais selon mon iugement, ny l'vne ny l'autre sorte n'est bien conuenable à vn conuiue. La premiere pour sa longueur, & la mal-aisance de l'equipage qui y est necessaire, & les farceries par ce qu'elles sont pleines de gaudisseries, & de sales & ordes paroles, qui ne seroient pas bien seantes mesmes en la bouche de laquais portans les mules, prouueu qu'ils fussent à des sages & honnestes maistres. Et neantmoins plusieurs font représenter en leurs conuiues où sont leurs femmes &

leurs enfans n'aïans encore point de barbe, des D
folies & des propos qui troublent plus les esprits
& les embrouillét de passions, que ne feroiét tou-
tes les yurongneries du monde. Mais le ieu de la
Cithre, qui de si grande ancienneté, & iusques au
temps mesme d'Homere, est familiere amie des
conuiues, il ne seroit pas hōneste de dissouldre vne
si longue & si ancienne amitié & familiarité, mais
bien faudra il prier les ioueurs qui en sonnēt, qu'ils
ostent de leurs chants leurs ordinaires complain-
tes & lamentations, & qu'ils ne chantent dessus
que chansons & matieres guayes & conuenables E
à gens qui sont assemblez pour faire bonne chere.
Au demourant quant à la fluste, qui voudroit mes-
me on ne sçauroit la debouter & repoulser arriere
de la table, quand ce ne seroit que pour les liba-
tions, lors que lon espad du vin en l'honneur des
Dieux, & que lon prend les couronnes des chap-
peaux sur les testes, cela necessairement la requiert,
& semble que les Dieux mesmes chantent quant-
&-quant: & puis elle adoucit les esprits, & penetre
dedans les aureilles avec vn si gracieux son, qu'elle
porte vne tranquillité & pacification de tous mou- F
uemens iusques dedans l'ame, tellement que sil
est encore demouré en l'entendement quelque
ennuy, quelque cure & sollicitude que le vin n'ait
peu effacer & dechasser, par la grace amiable &
douceur de son chant, elle l'endort & assopit,
prouueu qu'elle se maintienne aussi en la mediocri-
té, & qu'elle ne meue & ne passionne point l'a-
me de trop de tons & de passages, lors qu'elle est
destrem-

A destrempee & facile à glisser à cause du vin. Car ainsi comme les moutons n'entendent point le langage articulé qui ait quelque substance, mais avec quelques sifflemens, quelques flattemens des léures ou des mains, ou au son d'un flageolet, les bergers les font leuer ou coucher: aussi la partie de l'ame qui est brutale, tenant de la beste paissante, & qui n'entend ny n'est pas capable de la raison, on l'appaise, on la renge, & la dispose lon comme il faut par chants & par sons que lon luy chante & que lon luy sonne. Toutefois à fin que i'en die ce
B qui m'en semble, i'estime que ny le son de la fluste, ny le son de la lyre à part soy, sans parole & voix d'homme chantant dessus, ne sçauroit resiouir vne assemblée de cōiue, comme fera vne parole bien appropriee & accommodee au son: car il faut ainsi s'accoustumer de prendre la volupté principale de la parole, & s'arrester à la parole: & quant au chant & à l'harmonie en faire comme la faulx de la parole, & non pas la manger & aualler toute seule. Car tout ainsi qu'il n'y a personne qui repoulse la volupté qui entre avec le vin & la viande que lon
C prend pour la necessité de la nourriture, mais celle qui entre avec les senteurs & parfums, cōme non necessaire, ains trop delicate & superflue, Socrates en la souffletant la chassoit: aussi ne deuons nous point ouïr le son d'une fluste, ny d'un psalterion qui nous vienne battre les oreilles tout seul, mais bien s'il suit & accompagne vne parole qui festoye & resiouisse la raison qui est en nostre ame, nous le pourrons bien alors introduire: & pense quant à

moy, que ce pourquoy Apollon anciennemēt pu-
 nit le presumptueux Marſyas, fut pour ce qu'auec
 ſa muſeliere & ſa fluſte ſ'eſtāt eſtouppe la bouche,
 il preſuma de contendre & eſtriuier auec le ſeul ſon
 de ſa fluſte tout nud, alencontre du ſon de la cithre
 & du chant de la parole & de la voix enſemble.
 Prenons doncques garde qu'en compagnie de
 gens, qui par la parole & docte deuſ ſe peuuent
 entretenir & donner du plaiſir les vns aux autres,
 nous n'introduiſons ie ne ſçay quoy de tel, qu'il
 ſoit pluſtoſt empeschement de plaiſir que plaiſir
 aucun : car non ſeulement ceux la ſont fols & mal
 conſeillez, comme dit Euripide, qui aians chez eux
 & de leur propre, dequoy ſe ſauuer, en vont cher-
 cher & emprunter d'ailleurs, mais auſſi ceux qui
 aians dedans eux meſmes aſſez dequoy ſe recreer
 & ſe reſiouir, ſ'efforcent de mendier des delecta-
 ctions peregrines au dehors : car la magnificence
 du grand Roy de Perſe, dont il cuida vſer enuers
 Antalcidas le Lacedemonien, fut fort impertinēte,
 lourde & groſſiere, quād il trempa dedans de l'hu-
 ile de parfum vn chapeau de roſes & de fleurs
 odorantes, & le luy enuoya, en corropant & eſtai-
 gnāt la naïfue beauté & naturelle ſuauieté d'odeur
 de ces fleurs la. Ce ſeroit doncques tout vn d'al-
 ler enchanter & enfluſter vn conuiue au dehors,
 qui au dedans auroit & grace & muſique, en luy
 oſtant par l'eſtranger le propre, & par l'acceſſoire
 le principal. Parquoy ie concluds, que le plus op-
 portun temps de tels amuſemens d'oreilles ſeroit,
 quand vn feſtin commenceroit vn petit à ſe trou-
 bler

Abler & se tourmenter de contention opiniaſtre, pour l'eſtindre & aſſopir qu'elle ne ſorriſt hors des gonds, iuſques à iniures, pour reſprimer vne diſpute ſe deſbordant en altercation faſcheuſe & debat ſophiſtique, ou pour arreſter des plaideries d'auocats, & animoſitez de harengueurs plaidants les vns contre les autres en vn conſeil de ville, iuſques à ce que le conuiue retournaſt de rechef en ſon calme & ſa tranquillité premiere.

Q V E S T I O N N E V F I E M E .

Que le tenir conſeil à table eſtoit auſſi bien anciennement couſtume des Grecs, comme des Perſes.

NIcoſtratus nous donnoit vn iour à ſoupper, là où on commença à parler de quelque matiere, dont les Atheniens deuoient le lendemain tenir aſſemblée de peuple & conſeil de ville. Si y eut quelqu'un de la cōpagnie qui dit, Seigneurs, nous faiſons icy vne choſe Perſienne, de tenir conſeil à table. Et pourquoy Perſienne, ce dit Glaucias, plus toſt que Grecque? car ce fut vn Grec qui dit,

Le ventre plein on en conſulte mieulx.

Et les Grecs avec Agamemnon tenoient Troye aſſiegee, auſquels ainſi qu'ils buuoient & māgeoient enſemble, le bon vieillard Neſtor cōmança à donner ce conſeil, mettant en auant au Roy Agamemnon, de les aſſembler en conſeil pour ce meſme effect,

Donne à dîner aux Seigneurs Capitaines,
Quand assemblé plusieurs tu en auras,
L'opinion de celuy tu fuyuras,
Qui conseillé t'aura plus sagement.

Parquoy les nations de la Grece qui ont eu de meilleurs statuts & de meilleures loix, & qui plus constamment ont retenu leurs anciennes façons de faire, tenoient leurs conseils à la table : car ce que lon appelloit en Candie Andria, & en Sparte Phiditia, tenoient lieu de conseils secrets & de séance de Senateurs, comme aussi en ceste ville mesme le Palais & l'hostel de ville : & n'est pas loing de là l'assemblée nocturne des plus gents de bien & des plus entendus au gouvernement de la chose publique que Platon met en ses liures, là où il renuoye les principaulx affaires, & de plus grande importance, & ceulx qui offrent des libations à Mercure dernier, lors qu'ils sont prests de s'en aller au lict, n'assemblent ils pas le vin avec la parole ? Et se retirant doncques ils font prieres & libation de vin au plus aduisé des Dieux, comme estant present & aiant l'œil sur eulx : mais les plus anciens appelloient Bacchus luy mesme Eubulus, c'est à dire, donnant sage conseil, comme n'ayant point besoing en cela de Mercure : & la nuit, à cause de luy, Euphrone, qui est à dire, sage.

QUESTION DIXIEME.

s'ils faisoient bien de consulter à table.

QUAND

QUAND Glaucias eut dit ces paroles, il nous sembla bien que ces propos la turbulents estoient appaisez & assoupis, mais à celle fin qu'ils fussent du tout plus oubliez, Nicostratus meit en auant vne autre question, disant que parauāt il ne luy en challoit pas beaucoup, quand il sembloit que ce fust vne vsance Persienne, mais puis que maintenāt il a esté descouuert qu'elle est aussi bien Grecque, elle a besoing de raison pour la soustenir alencontre de l'absurdité, qui de prime face se presente, par ce que le discours de la raison, aussi bien **■** comme l'œil, est bien mal-aisé à regir & manier en grande quantité d'humeur & encore agitee, là où toutes choses odieuses de tous costez viennent en euidence & sortent au dehors au vin, ne plus ne moins que les serpenteaux, lisards, & reptiles, au Soleil, rendans l'opinion vacillante & mal asseuree. Parquoy ainsi comme le liēt est meilleur que la chaire à ceulx qui boient, d'autant qu'il contient tout le corps & l'exempte de tout trauail de mouuemēt, aussi est il meilleur de tenir l'ame à requoy du tout, ou sinon, cōme lon donne aux petits **■** enfans qui ne peuuent arrester, non vne espee, ny vne iaueline, mais des sonnettes ou des boules, ne plus ne moins que Bacchus a donné en main aux yurongnes la ferule, baston fort leger, & arme fort gracieuse, à fin que pour ce qu'ils frappent volontiers, ils blecent & offensent moins, par ce qu'il conuient que les fautes qui sont commises par yurōgneries passent legeremēt en risee, & ne soient pas atroces ne tragiques, en amenant de grands

incōueniens. Et puis ce qui est le principal, quand on delibere & consulte de bien grands affaires, que celuy qui a faulte de sens ou d'experience suiue en son opinion ceulx qui ont grand entendement, & aille apres ceulx qui sont experimentez: le vin oste le moien de le faire, de sorte que le nom de Oînos, c'est à dire vin, comme Platon escrit, en a pris la denomination, par ce qu'il fait que ceux qui ont bien beu estiment beaucoup de soy, & pensent auoir grand sens: car encore qu'ils s'estiment eloquents, beaux & riches, ils s'estiment encore plus sages & prudents, & pourtant est le vin fort plein de grand langage, & nous emplit de babil importun, & d'opinion grande de nous mesmes en toutes sortes, comme meritans plus tost d'estre ouys que d'ouïr, & de mener plus tost que de suiure. Mais ce dit Glaucias, il est bien aisé de ramasser & alleguer ce qui fait à ce poinct là, par ce que c'est chose assez claire & notoire: mais il faudroit ouïr discourir au contraire, s'il y auoit quelqu'un ou ieune ou vieil qui se voulust opposer à cela, à la defense du vin. Et comment, dit alors mon frere, malicieusement & finement: Et pensez vous qu'il y ait homme qui sceust presentement inuenter & alleguer sur ceste question la tout ce qui s'en pourroit dire? Pourquoy non, dit Nicostratus, ne le penserois-ie, veu qu'il y a icy de gents doctes & qui aiment bien le bon vin? L'autre se soubriant: Et puis, dit il, tu cuides que tu sois assez suffisant pour discourir de cela deuant nous, & neantmoins que tu sois indisposé & inhabile à deuïser d'affaires de gouuernement,

pour

A pour ce que tu as bien beu, n'est-ce pas proprement tout vn, cōme si quelqu'un estimoit, que celuy qui a beu ne voit pas biē de ses yeulx, ny aussi n'oit pas bien de ses oreilles ceulx qui parlent & qui deussent avec luy, mais qu'il entend & oyt parfaitement bien ceulx qui chantent ou qui iouēt des fleustes? Car comme il est vraysemblable, que les choses vtilēs retiennent & affectionnent plus les sens icy, que les belles & gentilles, aussi là rendent elles l'entendement plus attentif: & si pour auoir bien beu il ne peult à l'aduenture pas bien comprendre quelque difficulté & subtilité des plus ardens poincts de la philosophie, ie ne m'en esbahis pas: mais s'il est question de matieres & d'affaires d'estat, il est vraysemblable qu'il se recueille & resserre en vigueur de sens, comme Philippus de Macedoine, apres la bataille qu'il gaigna à Cheronee faisant & disant plusieurs follies dignes de grande mocquerie pour ce qu'il auoit bien beu, incontinent qu'on luy vint parler de paix & d'appointement, il rassit son visage, fronça ses sourcils, & chassant arriere toute vaine resuerie, & toute insolence

c & dissolution, il rendit aux Atheniens vne fort sobre & bien aduisee responce. Mais aussi y a il difference entre bien boire & s'enyurer: car ceulx qui sont yures, de maniere qu'ils ne sçauent ce qu'ils font ne ce qu'ils disent, nous estimons qu'il les faut enuoyer dormir: & ceux qui se sont vn peu donné au cœur ioye en buuāt à bon esciāt, prouueu qu'ils soient au demourant gents de ceruelle, il ne fault pas craindre que pour cela l'entendement leur va-

rie, ne qu'ils perdent ou oublient leur experience, **D** attédu que nous voions les baladins, & les ioueurs de cithres, qui pour auoir bié beu n'en font de rien moins bien en leur mestier, és festins & és theatres: car l'experience leur demourant tousiours presente avec eulx, leur rend le corps adroit, & se mouuant & maniant souplement & seuremēt, comme il fault. Et y en a plusieurs à qui le vin adioust vne assurance & hardiesse guaye & deliberee qui leur aide à bien faire leurs actions, non fascheuse ny insolente, mais gracieuse & plaisante: comme lon dit qu'*Æschylus* escriuoit ses Tragedies en buuant à **E** bon esciāt, de sorte que toutes estoiet de l'influēce du bon Bacchus, non pas comme disoit *Gorgias*, qu'il y en auoit vne de Mars, celle qui est intitulee Les Sept princes de deuāt Thebes: car aiant le vin vertu d'eschauffer non le corps tant seulemēt, mais aussi l'ame, comme dit Platon, il rend le corps penetrable & ouure tous les pores, de sorte que les imaginations le courēt facilement, attirans quand & l'assurance la raison: car il y en a qui ont bien l'inuention bonne, mais quand ils sont sobres ou à ieun, elle est froide, craintiue & figee, & quand ils **F** ont beu, ils euaporent cōme fait l'encēs par la chaleur du feu: & puis le vin chasse la peur qui est autāt contraire à ceux qui consultent, comme chose qui soit, & estaint plusieurs autres passions basses & viles, cōme la malignité. Il desploye les plis de l'ame, & fait vne descouuerture de toutes mœurs & de toute nature par les propos, & si a vertu de donner vne franchise de librement parler, & consequem-
ment

A ment de dire verité, sans laquelle rien ne seruiroit
 ny l'experience, ny la profondeur d'entendement,
 mais plusieurs tenans & suyuant l'aduis de celuy
 qui a beu, rencontrent mieulx que ceulx qui fine-
 ment & cauteleusement cachent leur opinion. Il
 ne fault doncques point craindre que le vin ne re-
 mue les passions, car il n'en remue point des plus
 mauuaises, si ce n'est aux plus meschans hommes,
 desquels le conseil n'est iamais sobre: ains, comme
 Theophrastus souloit appeller les boutiques des
 barbiers, des bāquets sans vin: aussi y a il vne yures-
B se sans vin, triste & malheureuse, qui demeure touf-
 iours dedans les hōmes vicieux & ignorants, touf-
 iours tourmentee de quelque cholere, de quelque
 malignité, opiniastrété, ou auarice, dont le vin es-
 moussant la plus part, & non pas les aiguissant, les
 rend non pas fols ne fots, mais simples, rōds & non
 pas cauts, ny mesprisants ce qui est vtile, ains eli-
 fants ce qui est hōneste. Mais ceux qui estimēt que
 finesse soit bon entendement, & que tacquinerie
 mechanique ou faulse opinion soit sagesse & pru-
 dēce, à bon droit affermēt que ceux qui en buuant
C à la table disent rondement & franchement ce qui
 leur semble, sont fols & eceruelez: mais au cōtraire
 les anciēs appelloient le Dieu Bacchus Eleutherea
 & Lysio, c'est à dire, deliureur & deslieur, & main-
 tenoient qu'il auoit bonne partie de la diuination,
 non pour ce qu'il fust furieux & insensé, cōme dit
 Euripides, mais pour ce que nous ostāt toute crain-
 te seruile, desfiāce & couardise de l'ame, il nous fait
 vser de verité & de liberté les vns avec les autres.

LE HVITIEME LIVRE DES PROPOS DE TABLE.

QUESTION PREMIERE.

Des iours esquels sont nez quelques vns des hommes illustres, & parmy de la generation que lon dit descendant des Dieux.



EVLX qui chassent la philosophie hors des conuiues & banquets, Soslius Senecion, ne font pas comme ceux qui en ostét la lumiere, mais bié pis, par ce que la lâpe ostee, les hommes bien conditionnez & hōnestes n'en deuiendront point plus mauuais pour cela, d'autât qu'ils ont le reuérer. qui est bien plus puissant que le voir l'un l'autre : là où quand l'ignorance & la desbauche se ioignent avec le vin, la lampe mesme doree de Minerue, si elle y estoit, ne pourroit iamais rendre le conuiue modeste, de bonne grace, ne bien ordonné : car de se remplir & saouler les vns avec les autres en siléce sans mot dire, cela sent par trop son pourceau, & à l'aduenture est il du tout impossible, & celuy qui laisse la parole au conuiue, & n'y reçoit pas le sagement & vtilement en vser, est plus digne de mocquer, que celuy qui penseroit estre necessaire que lon boiue & mange tousiours en vn soupper, mais que lon n'y serue que le vin tout pur & sans

A & sans eau, & la viãde sans sel ny faulſe, & ſans eſtre nettement accouſtree, par ce qu'il n'y a bruuage ny viãde qui ſoit ſi faſcheuſe ny ſi pernicieuſe, n'eſtant pas accouſtree ainſi comme il appartient, que la parole errante importunément & indiscrettement parmy vn banquet. C'eſt pourquoy les philoſophes blaſmãs l'yureſſe diſent, que c'eſt vn follaiſtrer en buuant, & ce follaiſtrer la n'eſt autre choſe que l'vſer de parole vaine, folle & indiscrette. Or quand vn caquet deſordonné & vn fol parler entre en vn banquet, il eſt force qu'inſolence & villainie en ſoit la treſſaide & treſdeplaiſante yſſue. Parquoy il y a bien de la raiſon en ce que les femmes obſeruent en noſtre païs, és cerimonies de la feſte que nous appellons Agronia, là où elles font ſemblât de chercher Bacchus, & puis ceſſent, diſans qu'il ſ'en eſt fouy deuers les Muſes, & qu'il eſt caché chez elles. Et peu apres ſur la fin du ſoupper elles ſe propoſent les vnes aux autres des Enigmes & queſtions obſcures à ſouldre, voulant le myſtere de ceſte cerimonie nous donner à entendre, qu'il fault à la table vſer de propos où il y ait quelque bonne doctrine & quelque grace. Et quand tels propos ſont conioints avec le vin, alors ce ſont les Muſes qui cachent ce qu'il y a de farouche & de furieux, eſtant gracieuſement retenu par elles. Ce liure doncques, qui eſt le Huitieme de noz propos de table, contiendra pour la premiere queſtion, ce que nous diſmes & ouyſmes dire n'agueres au iour que nous celebrions la feſte de la natiuité de Platon. Car aiant le ſixieme iour de Feburier ſolen-

nizé la feste de la natiuité de Socrates, le septieme **D**
 nous feismes celle de Platon : & ce fut ce qui nous
 donna argument d'entrer en propos conuenable à
 l'occurrence de ces deux natiuitez, par ce que Dio-
 genian de Pergame dit, que le poëte Ion ne disoit
 pas mal de la Fortune, qu'estant differente de la sa-
 gesse en beaucoup de choses, elle produisoit neant-
 moins beaucoup d'effects semblables à elle : pour
 le moins semble il qu'elle ait fait succeder cela fort
 à propos & dextrement, non seulement que ces
 deux natiuitez se sont rencontrees fort pres l'une
 de l'autre, mais aussi que celle du plus ancien & du **E**
 maistre est arriuee la premiere en ordre : & i'alle-
 guay aussi plusieurs exemples de choses arriuees
 ainsi à mesme temps, comme fut celui de la mort
 & natiuité d'Euripides, qui nasquit le propre iour
 que les Grecs combattoient le Roy de Perse, en
 la bataille de Salamine, & mourut le mesme iour
 que nasquit Dionysius l'aisné, tyran de la Sicile,
 Fortune aiant, ce dit Timeus, tiré hors de ce mon-
 de le poëte representateur des mauix & miseres
 tragiques, au mesme iour qu'elle en faisoit naistre
 l'executeur : aussi mentionna lon que la mort d'A- **F**
 lexandre le grand se rencontra au mesme iour que
 celle de Diogenes le Cynique, & fut on d'accord
 que le Roy Attalus estoit mort le propre iour de
 sa natiuité : & dirent aussi quelques vns que Pom-
 peius le grand estoit mort en Ægypte au mesme
 iour de sa natiuité, toutefois d'autres disoient que
 ç'auoit esté vn iour deuant : aussi vint en auant Pin-
 dare estant né durant la feste des ieux Pithiques
 qui

qui depuis composa maint hymne à l'honneur du Dieu à qui se celebroident lesdits ieux. Florus aussi dit, que Carneades n'estoit point indigne d'estre mentionné au iour de la naissance de Platon, aiant esté l'un des plus illustres supposts de l'Academie, & que l'un & l'autre auoient esté nez en la feste d'Apollon, l'un à Athenes en celle qui se nomme Thargelia, & l'autre le iour que les Cyreniens solennisent celle qu'ils appellent Carnia, qui sont toutes deux le septieme de Feburier, auquel iour vous autres messieurs les presbtres d'Apollon dites qu'il nasquit, & pour ce l'appellez Hebdomagène: c'est pourquoy il m'est aduis, que ceulx qui attribuent à ce Dieu, la generation de ce personnage, ne luy font point de deshonneur, nous aiant engendré vn medecin qui nous a par le moien de la doctrine de Socrates guaray, cōme vn autre Chiron, de tresgriefues passions & maladies de l'ame. Aussi n'oublia lon pas à dire, ce que lon tient pour chose certaine, qu'Apollon s'apparut en vision la nuit à son pere Ariston, qui luy defendit de toucher à sa femme de dix mois: & Tyndares Lacedemonien prenant la parole, adiouta que lon pouoit bien chanter & dire de Platon,

Pas ne sembloit estre d'homme mortel

Fils engendré, mais d'un Dieu immortel.

Mais i'ay peur que l'engēdrer ne contredise à l'immortalité de la diuinité, autant comme l'estre engendré, car cest acte la est vne mutation & passion aussi bien, comme Alexandre mesme donna bien à entendre quelquefois, quād il dit, qu'il se co-

gnoissoit mortel & corruptible, principalement au d
dormir, & au cognoistre la femme : par ce que le
dormir se fait d'une relaxation procedant de foi-
blesse, & que toute generatiō soit vn passer du sien
propre en l'autrui. Mais d'autre costé ie m'assure
de rechef, quād i'entēs que Platon luy mesme ap-
pelle Dieu eternal & non engédre, pere & facteur
du monde & de toutes choses generables, non que
Dieu engendre humainement par semence, mais
par vne autre puissance qui imprime en la matiere
vne vertu generatiue qui l'altere & transmue:

Car le vent mesme en passant de ses ailes

Va remplissant des oyseaux les femelles,

Auant leur temps prefix à engendrer.

Et me semble qu'il n'y a point d'inconuenient, que
Dieu s'approchant des femmes, non pas comme
homme, mais par autre sorte d'atouchement &
d'approche, n'altere & n'emplisse de semence di-
uine vne femme mortelle: & cela, dit il, n'est pas de
mon inuention: car les Ægyptiens tiennent que leur
Apis est ainsi engendré par la lumiere de la Lune
qui engrossa sa mere: & brief ils admettent bien
qu'un Dieu masse puisse habiter avec vne femme
mortelle, mais au reuers ils ne cudent pas qu'un
homme mortel puisse donner à vne Deesse aucun
principe de grossesse & de generation, par ce qu'ils
estiment que la substance des Deesses consiste en
quelque air, quelques esprits, ou en quelques cha-
leurs & humeurs.

Comment est ce que Platon dit, que Dieu exerce tousiours la Geometrie.

A P R E s ces propos s'estant fait vn peu de silence, Diogenian recommançant à parler : Voulez vous, dit il, puis que nous auõs parlé des Dieux au iour de la naissance de Platon, que nous le prenions luy mesme pour argument de noz deuis ? en recherchant à quelle intention, & selon quelle intelligēce, il a dit, que Dieu exerce tousiours la Geometrie, au moins si vous voulez supposer que ceste **B** sentence soit de Platon. Je dis adonc, qu'elle n'estoit escripte en pas vn de ses liures, mais on la tenoit pour certainement sienne, & sentoit bien son stile & sa façon de parler. Tyndares adonc prenant incontinent la parole : Estimez doncq, dit il, Diogenian, que ceste sentence couuertement nous signifie quelque grāde & obscure subtilité, & non pas ce que luy mesme a plusieurs fois dit & escrit en loüant & magnifiant la Geometrie, cōme celle qui arrache ceulx qui s'attachent aux choses sensibles, & les destourne à penser aux intelligibles & **C** éternelles, dont la cōtemplation est la fin & le but dernier de toute la philosophie, comme la veuë des secrets est la fin de la religion mysticque, car le clou de volupté & de douleur qui attache l'ame au corps entre les autres maux qu'il fait à l'homme, le plus grād est, qu'il luy rend les choses sensibles plus euidentes que les intelligibles, & contrainct l'entendement de iuger par passion plus que par raison. Car estant accoustumé par le sentiment du

travail, ou du plaisir d'entendre à la nature vaga-
bonde, incertaine & muable des corps, cōme chose
subsistēte, il est aveuglé, & perd la cognoissance de
ce qui veritablement est & subsiste, la lumiere &
instrumēt de l'ame, qui vault mieulx que dix mille
yeulx corporels, par lequel organe seul se peut voir
la diuinité. Or est il qu'en toutes les autres scien-
ces Mathematicques, comme en mirouers non ra-
boteux, mais égalemēt par tout vnīs, apparoiſſent
les images & vestiges de la verité des choses intel-
ligibles: mais la Geometrie principalement, com-
me la mere & maistresse de toutes les autres, retire
& destourne la pensée purifiée & deliée tout doul-
cement de la cogitation des choses sensuelles. C'est
pourquoy Platon luy mesme reprenoit Eudoxus,
Archytas & Menēchmus, qui taschoient à reduire
la duplication du solide quarré des manufactures
d'instruments, comme s'il n'estoit pas possible par
demonstration de raison, quoy que lon y taschast,
de trouuer deux lignes moyennes proportion-
nelles. Car il leur obiiceoit que cela estoit perdre
& gaster tout ce que la Geometrie auoit de meil-
leur, en la faisant retourner en arriere aux choses
maniabiles & sensibles en la gardant de monter à
mont, & d'embrasser ces eternelles & incorporel-
les images, ausquelles Dieu estant tousiours enten-
tif, en estoit aussi tousiours Dieu. Apres Tyndares,
Florus qui estoit son familier, & faisoit semblant
par maniere de ieu d'en estre amoureux: Tu m'as
fait grand plaisir, dit il, de dire que ce propos n'est
pas tien, ains le commun dire d'vn chascun: car tu
m'as,

A m'as, par ce moien, donné licence de refuter ceste opinion la, en monstrant que la Geometrie n'est point necessaire aux Dieux, mais aux hommes. Car Dieu n'a point besoing d'aucune science mathematique, comme d'un instrument & machine qui le destourne des choses engendrees, & conduise son entendement & sa pensee à la cogitation de celles qui sont tousiours: car elles sont toutes en luy, & avec luy, & autour de luy. Mais prens garde que Platon n'ait couuertement voulu signifier vne chose qui compete & appartient proprement à

B toy, qui mesles Socrates avec Lycurgus, non moins que faisoit Dicæarchus Pythagoras. Car tu sçais bien que Lycurgus chassa hors de Lacedemone, la proportion arithmetique, comme turbulente & populaire, & y introduisit la geometrique, comme plus conuenable à un petit nombre de sages gouverneurs & à vne Royauté legitime: car celle la attribue au nombre l'egalité, & celle cy à la raison selon la dignité, & ne confond pas toutes choses ensemble, ains y a en elle vne apparête & remarquable discretion & distinction entre les bons & les

C meschans qui ne partagēt pas entre eulx, ce qui est propre à chascun à la balance ny aux lots, mais à la difference du vice & de la vertu. Dieu donc, dit il, amy Tyndares, applique ceste proportion la aux choses humaines, & est ce qui s'appelle equité & iustice, nous enseignās qu'il fault faire iustice egale, & non pas egalité, iustice: car ce que le vulgaire recherche d'egalité qui est la plus grāde iniustice qui soit, Dieu l'oste du mode le plus qu'il est possible, &

obserue la dignité & le merite geometriquement, ^D
 le terminant & definissant selon la raison. Nous
 autres loüasmes ceste interpretation, mais Tynda-
 res dit, qu'il luy portoit enuie, & pria Autobulus de
 s'en attacher à luy, & de corriger son plaidoyer, le-
 quel s'en excusa, mais il amena & meit en auât vne
 autre sienne intelligence & propre opinion. C'est
 qu'il dit, que la Geometrie n'estoit point specula-
 tiue des meurs, ny d'autre subiect quelconque, si-
 non des passions & accidents des termes qui ter-
 minēt les corps, & que Dieu n'auoit point par au-
 tre moien fait & fabriqué ce monde, sinon en finis- ^E
 sant & terminant la matiere qui estoit infinie, non
 en quantité ny en grandeur, mais pour son incon-
 stance vague & desordonnee, aians les anciens ac-
 coustmé d'ainsi parler, appellans infiny ce qui n'e-
 stoit point arresté ny déterminé. Car la forme &
 la figure est le terme de chasque chose formee &
 figuree, la priuation dequoy la rend à par elle in-
 forme & defiguree. Mais depuis que les nombres
 & proportiōs y viennent à estre imprimez, la ma-
 tiere alors liee & serree de lignes, & apres les li-
 gnes de superficies & de profondeurs, a produit les ^F
 premieres especes & differences des corps, comme
 le fondement pour la generation de l'air, de la ter-
 re, de l'eau, & du feu. Car il estoit impossible que
 de la matiere vague, errante & desordonnee for-
 tissent les egalitez des costez, & similitudes des an-
 gles, des corps premiers Octaedres, Icosaedres, Py-
 ramides & Cubes, sans vn ouurier qui les ordon-
 nast & disposast geometriquement. Ainsi fin
 estant

A estant donnee à l'infiny, l'vniuers bien composé, ordonné & contemperé, a esté fait & se fait tous les iours: la matiere s'efforçant & taschant de retourner tousiours à son infiny, & refuyant d'estre geometrisée, c'est à dire définie & determinée: & la raison, au contraire, la reserrant & estraignant, & la distribuant en diuerses & differentes especes, dont toutes choses qui naissent & viennent en estre ont leur generation & constitution: apres qu'il eut dit cela, il me pria de contribuer aussi quelque chose du mien à ce propos. Quant à moy, ie louay grandement leurs opinions, comme estans naïfvement propres à eux, & de leur inuention, & où il y auoit bien grande apparence. Mais à fin que vous ne vous mesprisiez vous mesmes, & ne regardiez du tout au dehors, escoutez l'intelligence & interpretation de ceste sentence qui plaisoit le plus à noz precepteurs & maistres. Car il y a entre les propositions, ou plus tost positions & theoriques geometriques, vne la plus notable, plus ingenieuse, & plus geometrique de toutes, Deux especes ou figures donnees en comparer vne troisieme, qui soit
C egale à l'une, & semblable à l'autre: pour l'inuention de laquelle on dit que Pythagoras feit vn sacrifice aux Dieux. Car ceste proposition est bien plus galante, plus gentille, & plus ingenieuse que celle, par laquelle il prouua & demonstra que la soubtendue pouuoit autant que les deux laterales, qui font l'angle droit d'un triangle. Vous dittes bien, respondit Diogenian, mais que sert cela au propos dont il est question? Vous l'entendrez fa-

cilement, dis-ie, prouueu que vous vouliez vous ^D reduire en memoire la diuision de laquelle il a diuisé en trois, en son liure du Timee, les principes par lesquels le monde a eu sa generation, dont il a appellé l'un de tresiuste nom Dieu, l'autre la Matiere, & le troisieme l'Idée. Si est la Matiere des subiects le plus desordonné, l'Idée des moules & patrons le plus beau : & Dieu, des causes la meilleure. Or vouloit il, autant comme il est possible, ne laisser rien finy & infiny, ains orner la nature de proportion, de mesure, & de nombre, composant vn de ces deux ensemble, qui fust semblable à l'Idée, & aussi grand que la matiere. Parquoy se proposant à luy mesme ceste proposition, y aiant desia les deux, il en fait la troisieme, & le fait & conserue egal à la matiere, & semblable à l'Idée : c'est le monde, lequel estant tousiours pour la necessité de la nature corporelle, nec avec luy, en generation, alteration & passions de toutes sortes, est secouru par son pere & son facteur terminant & finissant la substance par raison & proportion à l'image de son patron : voyla pourquoy le pourpris de l'univers ^F est plus beau d'estre ainsi vaste & grand, que s'il estoit moindre.

QUESTION TROISIEME.

*Pourquoy est-ce, que la nuit est plus
resonante que le iour.*

Com-

A Comme nous souppiōs vn soir à Athenes chez Ammonius, nous entendismes vn bruiet, qui fait retentir toute la maison, de gens qui de la rue crioiet Capitaine Capitaine, car Ammonius estoit lors pour la troisieme fois Capitaine. Il enuoya incōtinent de ses gēs veoir que c'estoit, lesquels appaiserent aussi tost le tumulte, & cōuoyerent ceux qui auoient crié. Ce pendant nous nous meismes à enquerir, pourquoy c'est que ceux qui sont dedans la maison entendent bien ceux qui crient dehors, & ceux qui sont dehors n'entendent pas tant ceux de dedans. Ammonius dit incōtinent que ceste question auoit esté souluë par Aristote, par ce que la voix de ceux de dedans, sortant dehors en vn air grand & ouuert s'esuanouissoit & se dissipoit incōtinent; mais celle de dehors entrant dedans, ne faisoit pas le semblable, ains estoit retenue enfermee, & consequemment plus aisee à entendre, mais que cela auoit plus de besoin de trouuer la raison pourquoy de nuit les voix estoient plus sonantes, & qu'avec la grandeur elles auoient purement la clarté articulée & distincte. Quant à moy, dit-il, il m'est aduis, que la prouidence diuine a bien sagement ordonné la clarté viue à louie, lors que la veüe ne pouuoit rien du tout ou bien peu seruir: car l'air de la nuit solitaire, comme dit Empedocles, qui est tenebreux & obscur, autant qu'il oste aux yeux de presentiment, autant en rend il aux oreilles. Mais pour-
C autant que des choses qui se font necessairement par cōtraincte de nature, encore en faut il recher-

cher les causes, & cela est le propre & peculier office du philosophe naturel, de s'empescher apres les principes & causes instrumentales & materielles, lequel sera ce de vous qui premier mettra en auant vne raison où il y ait de l'apparence? Là s'estant fait vn peu de silence, Boëthus dit, Quand i'estois encore ieune estudiant, i'vsois quelquefois des principes que lon appelle Positions en Geometrie, & supposois quelques propositions, sans les demonstrier: mais maintenant i'en vseray de quelques vnes qui par cy deuant ont esté prouuees & demonstrees par Epicurus, Ce qui est se meut en ce qui n'est pas: car il y a beaucoup de vuyde semé & meslé par entre les Atomes & menus corps indiuisibles de l'air. Quand doncques il est bien espandu en laxité spacieuse à discourir çà & là pour la rarité, il y a beaucoup de petits & menus vuydes parmy ces menues parcelles qui occupent toute la place: mais au contraire, quand ils sont reserrez, & qu'il se fait vne compression & estraincte d'iceux en peu de place, ces petits corpuscules s'entassans par force les vns sur les autres laissent vne large place & grande espace à vaguer au dehors: cela se fait la nuit par le moien de la froideur, par ce que la chaleur lasche, disgrege & dissout les espeffimens: c'est pourquoy les corps qui bouillent, qui samollissent, & qui se fondent, occupent plus de lieu, & au contraire ceux qui se prennent, qui se figent & se gelent, se restraingnent & amassent ensemble, & laissent des places vuydes és vaisseaux & lieux où ils sont contenus, & dont ils se sont retirés.

A tirez. Et la voix venant à donner dedans ces plusieurs petits corps la, ainsi semez & drus, ou elle s'assourdit de tout point, ou elle se disgrege, ou trouue de grandes resistences & empeschemens qui l'arrestent. Mais en vne espace vuyde où il n'y a point de corps, aiant vn cours libre, plein, continué & non entre-rompu, elle paruiet tant plus tost à l'ouïe, retenant & gardant encore à la parole la clarté toute expresse, articulée & distincte. Car tu vois mesmement que les vaisseaux vuydes, quand on les frappe, respondent mieux aux coups, & rendent le retentissement iusques bien loing, & bien souuent sortant à l'enuiron, s'estend & se dilate beaucoup, là où vn vaisseau qui sera plein ou d'un corps solide, ou bien de quelque liqueur, est du tout sourd, & ne rend son quelconque, n'ayant pas la voix place ne voye par où passer. Et entre les corps solides l'or & la pierre, pource qu'ils sont fort pleins, ont bien peu de son foible, ne resonnant comme point, & encore ce peu qu'ils en rendent s'estaint incontinent. Au contraire le cuyure est criard & sonnant, d'autant qu'il a beaucoup de vuyde, & sa masse en est legere & deliée, n'estant pas estrainct de plusieurs corps entassez les vns sur les autres, ains aiant foison de celle substance molle qui ne resiste point à l'attouchemēt, meslee parmy laquelle donne aisance à tous autres mouuemens, & recueillant la voix gracieusement, la conuoye iusques à ce que quelque chose la trouuant, & par maniere de dire, la rencontrant par le chemin, bousche le vuyde, & là elle s'arreste & cesse de

penetrer plus oultre, à cause de l'estouppement
qu'elle treuve. C'est cela, dir-il, qui me semble ren-
dre la nuit plus sonante, & le iour moins, d'autant
que la chaleur qui dissout l'air, fait les interualles
des atomes de tant plus petits. Seulement re-
quiers-ie, que personne ne s'oppose & contredise
à mes premises & premieres suppositions. Et me
commandant Ammonius que ie disse quelque
chose alencontre: Quant à tes premieres supposi-
tions, dis-ie, amy Boëthus, qui supposent qu'il y
ait beaucoup de vuyde, qu'elles demeurent, puis
qu'il te plaist ainsi: mais quant au vuyde, il n'est pas
bien supposé pour l'aisance du passage & du mou-
vement de la voix. Car ceste qualité de ne pou-
voir estre touché ny frappé, est plus tost propre
au silence & à la taciturnité quoye: là où la voix
est vn battement & percussion de corps sonant, &
le corps sonant est celuy qui est accordant & cor-
respondant à soy-mesme, mobile, leger, vny, soup-
ple, comme est nostre air. Car l'eau, la terre & le
feu sont muets, & sans voix d'eux mesmes, mais
ils sonnent tous quand il y entre dedans de l'esprit
& de l'air, & rendent du bruit. Et quant au cuy-
ure, il n'y a rien de vuyde dedans, mais d'au-
tant qu'il est mixtionné d'un esprit egal & vny,
pour cela est il respondant aux coups & sonant.
Et si falloit coniecturer par ce qu'il s'en voit à
l'œil, il semble que le fer est plus vermoulu, plus
troué, & plus tenant de la goffre, & toutefois
c'est le metal de tous qui a moins de voix, & qui
est le plus sourd. Parquoy il n'estoit point besoing
de

A de donner tant d'affaire à la nuit, en estraignant son air & le cōprimant, & laissant ailleurs des places & espaces vuydes, comme si l'air empeschoit la voix, & luy gastoit sa substance, luy qui est toute sa substance, sa forme & sa puissance: & oultre cela il faudroit que les nuits inegales, comme celles où il fait grand brouillard, ou qui sont fort froides, fussent plus sonantes que les claires & sereines, parce que icy s'entrepressent les atomes, & là dont ils viennent ils laissent la place vuyde de corps: & ce qui est aisé & prompt à veoir, il faudroit que la nuit froide d'huyet fust plus vocale & resonante que la chaulde de l'esté, dont ny l'un ny l'autre n'est veritable. Parquoy laissant là ceste raison pour telle qu'elle est, ie mets en auant Anaxagoras qui dit, que le Soleil remuë l'air d'un mouuement tremblant & plein de battement, comme il appert par ces petites limeures & petits loppins de poulsiere qui volettent par les trous où passe la lumiere du Soleil, que quelques vns appellent tiles: lesquelles, ce dit-il, sifflans & murmurans le iour, rendent par le bruit qu'elles font les voix plus malaises à ouïr

C le iour, mais que la nuit leur branlement cesse, & par consequent leur son aussi. Apres que i'eus dit cela, Ammonius dit, On nous iugera à l'adventure ridicules de cuider refuter Democritus, ou vouloir corriger Anaxagoras, mais toutefois si faut il oster à ces petits corps d'Anaxagoras le sifflement: car il n'est ny vray semblable, ny necessaire, & suffit d'admettre le branlement, & le mouuement d'iceux dansans en la lumiere du Soleil, qui

disgregent & iettent çà & là la voix . Car l'air, cō-
me il a esté dit, estant le corps & la substance pro-
pre de la voix, fil estrassis, donne voye toute
droicte, vnue & continuee aux petites parcelles
& aux mouuemens de la voix de tout loing. Car
le calme & la bonace tranquille est resonante, &
au contraire la tourmente est sourde, comme dit
Simonides :

Car alors ny vent ny haleine
Feuilles des arbres ne proméne,
Qui la voix doulce disgregeant
La garde de s'aller regeant
De pres aux oreilles des hommes.

Car bien souuent l'agitation de l'air ne permet pas
que la forme de la voix bien expresse & articulée
arriue iusques au sentiment, mais tousiours en oste
& emporte elle quelque chose de la force & de la
grandeur. Or la nuit, quant à elle, n'a rien qui re-
mue & agite l'air, & le iour vne grande cause, à sça-
uoir le Soleil, cōme Anaxagoras luy mesme a dit.
Adonc Thrasyllus fils d'Ammonius prenant la pa-
role : Hé dea, dit-il, pourquoy, ie vous prie au
nom de Iupiter, allons nous attribuans ceste cause
à vn inuisible mouuement de l'air, & laissons là
son agitation & laceration toute euidente & ma-
nifeste à noz yeux ? Car ce grand gouuerneur &
capitaine du ciel, le Soleil, ne remue pas imper-
ceptiblement ny peu à peu, iusques aux moindres
parcelles de l'air, ains tout aussi tost qu'il se mon-
stre excite & remue toutes choses,

Donnant le signe, auquel apparoiſſant

A Le peuple va ses œuvres commenceant,
& tout le monde le suit, comme si au nouueau
iour les hommes estoient ressuscitez à vne autre
vie, ce dit Democritus, & se mettent à besongnes
qui ne se font pas sans bruit & sans crys, à raison
dequoy Ibycus appelloit le matin, non mal à pro-
pos, Clytus, pource que lon y commence à ouir
bruire & crier : là où l'air de la nuit, estant le plus
souuent sans aucune tourmente ne vague quel-
conque, par ce que toutes choses sont en repos, il
est vray-semblable qu'il enuoye la voix toute en-
Btiere, non rompue ny diminuee iusques à nous.
Lors Aristodemus de Cypre estant en la compa-
gnie : Mais prens toy garde, dit-il, Thrasyllus, que
cela que tu dis ne soit conuaincu & refuté par les
combats & le marcher des grands exercites la
nuict, par ce que lors les voix n'en sont pas moins
sonantes, encore quel'air soit bien agité & bien
troublé, & à l'adventure y a il partie de la cau-
se qui procede de nous. Car la plus part de ce que
nous parlons la nuict, ou nous le commandons
à quelques vns en tumulte, & avec passion qui
C nous presse, ou demandans & enquerans quel-
que chose, nous crions tant que nous pouuons,
pour ce que ce qui nous esueille & fait leuer au
temps que nous deussions dormir & reposer, pour
faire ou dire aucune chose, n'est pas petit ny pai-
sible, ains grand, & qui nous haste pour la neces-
sité de quelque affaire d'importance, de maniere
que les voix & paroles en sortent plus vehemen-
tes & plus fortes.

LE HVITIEME LIVRE
 QUESTION QUATRIEME. D

*Pourquoy est-ce que des Ieus sacrez les vns ont
 vne sorte de couronne, les autres vne autre,
 mais tous ont la branche de palmier,
 & pourquoy lon appelle les gran-
 des dattes Nicolas.*

Comme les Ieus Isthmiques se celebrent,
 Sospis en estant iuge & directeur pour la se-
 conde fois, ie m'estois sauué de ses festins là où il
 festoyoit quelquefois plusieurs estrangers ensem-
 ble, & quelquefois qu'il n'y auoit que de ses ci-
 toiens: Mais cōme il eust vne fois cōnuie seulemēt
 ceux qui luy estoient plus grāds amis, & tous gens
 de lettres, i'y fus aussi semōd entre les autres. Com-
 me doncques les premieres tables furent leuees, il
 y vint vn qui apporta à l'orateur Herodes de la
 part d'un sien familier, qui auoit emporté le pris
 de la louange, vn rameau de palme avec vne cou-
 ronne tressée: & luy l'ayant acceptee, la luy ren-
 uoya puis apres & dit, qu'il s'esbahissoit que de
 ces Ieus sacrez les vns auoient pour le pris vne cer-
 taine couronne, & les autres vne autre, mais tous
 en commun auoient le rameau de la palme. Car
 quant à moy, ie ne me sçauois persuader que ce
 soit pour la cause que quelques vns alleguent, di-
 sans que c'est pour l'egalité des feuilles qui four-
 dent & croissent tousiours egaleme vis à vis l'v-
 ne de l'autre, & semble qu'elles cōbattent & estri-
 uent à l'enuy les vnes des autres, & que ce mot
 de

A de *νίκη*, c'est à dire victoire, a esté appelé de ne céder point. Car il y a plusieurs autres plantes qui distribuent également presque au pois & à la mesure, la nourriture aux branches & rameaux opposites, & qui obseruent en cela exactement vn ordre & vne egalité merueilleuse, & m'est aduis qu'il y a plus de vraysemblable apparence en ceux qui soupçonnent que les anciens ont aimé la beauté, haulteur & droicteure de cest arbre, mesmement Homere, qui accompare la beauté de Nausicaa au tronc & tige d'un beau palmier. Car vous sçauiez

B qu'anciennement on iettoit aux victorieux qui auoient gaigné le pris, des roses, de la châdeliere, & quelquefois des pommes & des grenades, cuidans les bien remunerer : mais il n'y a rien qui soit manifestement plus excellent qu'aux autres arbres en la palme, attendu qu'elle ne porte point en la Grece de fruit qui soit bon à manger, car il est imparfait & non assez cuit. Car si elle produisoit les dattes comme elle fait en la Syrie ou en Ægypte, ce seroit bien le plus beau fruit que lon sçauroit veoir, & le plus doux que lon sçauroit sauouer,

C & n'y en auroit point d'autre qui fust digne de luy estre comparé. C'est pourquoy l'Empereur Auguste aimant singulierement Nicolas le philosophe Peripatetique, qui estoit de fort douce nature, long & gresle de stature, & aiant plusieurs rieurs au visage, appella les plus belles & plus grandes dattes Nicolas, & iusques au iourd'huy encore les appelle lon ainsi. Herodes aiant deduit cela, resioit autant l'assistance de ce qu'il auoit dit du

philosophe Nicolas, que de la question proposée. D
 Et pourtant, dit Sospis, il faut que chascun de tant
 plus s'esuertue de conferer sur ceste question pro-
 posée ce qu'il s'en persuade. Quant à moy i'y ap-
 porte, qu'il me semble que c'est pour ce qu'il faut
 que la gloire des vainqueurs dure & demeure sans
 se passer, & sans vieillir, autant comme il est possi-
 ble: car la palme est d'aussi longue duree qu'autre
 plante quelle qu'elle soit, comme mesme tesmoi-
 gnent ces vers icy d'Orpheus,

Viuant autant que la palme sublime,

Laquelle espond ses feuilles à la cyme. E

Et est le seul arbre de tous presque à qui véritable-
 ment aduient & appartient ce qui se dit de plu-
 sieurs: c'est qu'elle a la feuille ferme, & qui dure &
 demeure tousiours, car nous ne voions point que
 ny le laurier, ny l'oliuier, ny le meurthe, ny aucuns
 des autres, dont on dit que les feuilles ne tombent
 point, cōseruent tousiours leurs premieres feuilles,
 ains apres que les vnes sont escoulees ils en reiet-
 tēt d'autres, & par ce moien demeurēt tousiours ainsi
 vifs, & mesmes comme les villes: là où la palme
 ne perdant iamais rien des feuilles qui sont vne F
 fois sorties d'elle, demeure certainement tousiours
 feuillue de mesmes feuilles. Et c'est, comme ie
 croy, ceste vigueur la qu'ils approprient principa-
 lement à la force de la victoire. Apres que Sospis
 eut acheué de parler, Protogenes le grammairien
 appellant par son nom Praxiteles l'historien: Lais-
 sons, dit-il, faire à ces Orateurs & Rhetoriciens icy
 ce qui est de leur mestier, arguants par coniectures

A & par verisimilitudes. Mais nous ne sçauriõs nous apporter de l'histoire rien qui soit bien à propos de ceste matiere? Si est-ce qu'il me semble que i'ay leu n'agueres és Annales de l'Attique, que Theseus le premier faisant vn ieu de pris en l'Isle de Delos, arracha vn rameau de palme sacree, dont il fut appelé Spadix, pour ce qu'il estoit arraché, & non pas couppé. Autant en dit Praxiteles, mais ils demanderent à Theseus mesme qui fut le directeur & gouuerneur de ce ieu la, pourquoy il arracha vn rameau de palme plus tost que d'oliuier ou de laurier. Et pourtant regarde que ce ne soit vn pris Pithique, par ce que les Amphictyons honorerent là en Delphes premierement les vainqueurs de branche de palme & de l'aurier, attendu que lon ne cõsacre pas au Dieu Pithique les lauriers & les oliuiers seulement, mais aussi les palmes, comme feit Nicias quand il defraya en Delos la danse des Atheniens, & les Atheniens mesmes en Delphes, & parauant eux Cypselus Corinthien: car autrement nostre Dieu a aimé tousiours les combats & ieux de pris & la victoire d'iceux, aiant combattu luy
B mesme au ieu de la cithre, à chanter, & lancer la
C placque de cuyure, & comme aucuns disent, iusques au ieu de l'escrime des poings, & pour le moins fauorisant & secourant ceux qui y combattent, ainsi comme Homere mesme le tesmoigne, faisant dire à Achilles:

Deux champions en tout l'ost faut chercher
 Qui sachent mieux des poings escarmoucher,
 Et celuy d'eux à qui Phebus en gloire

De bien frapper donnera la victoire.

Et des archers il fait que celuy qui inuoca l'aide d'Apollo emporta le pris, & l'autre superbe, qui n'auoit point fait de priere, faillit l'oiseau où ils tiroient: & si n'est pas croyable que les Atheniens aient sacré & dédié le parc des exercices du corps à Apollo pour neant & sans occasion, ains ont estimé que le mesme Dieu qui nous donne la santé, nous donne aussi la force & disposition de la personne pour tels ieux & combats: & y aiant aucuns d'iceux combats legers, les autres graues, on treuue par escript, que les Delphiens sacrifient à Apollo surnommé l'escrimeur des poings, ceux de Candie, & les Lacedemoniens aussi, à Apollo coureur. Et ce que nous voyons que lon enuoye iusques à son temple en la ville de Delphes, les primices des despouilles & du butin gaigné en guerre sur les ennemis, & que lon luy dedie les Trophées, n'est-ce point tesmoignage & argument qu'il a grande puissance d'aider à gaigner la victoire & emporter le pris? Ainsi comme il parloit encore, Cephisus le fils de Theon prenant la parole: Voire mais, dit-il, cela ne sent point son histoire, ny les liures de Geographie, ains estant tiré du milieu des lieux des Peripatetiques, dont oultre les argumens ils tendent fort bien à preuues apparentes & non nécessaires, & puis encore dressans vne feinte, comme lon fait és Tragédies, vous voulez intimider ceux qui vous contredisent, en les menassant d'Apollo, combien que le bon Dieu, ainsi qu'il est conuenable à sa bonté, soit à tous egal en

cle-

A clemence & benignité : mais nous fuiuans la trace
& le chemin que Sospis nous a fort bien monstre,
tenons nous à la palme, laquelle nous donne ma-
tiere assez ample de discourir & d'en parler : car les
Babyloniens chantent & magnifient hautement
cest arbre, cōme celuy qui leur apporte trois cents
soixante sortes de diuerses vtilitez. Quant à nous
autres Grecs, il ne nous est point vtile, mais pour
instruire & prescher les champions des ieux sacrez
encore pourroit on tirer quelque profit de ce qu'il
ne porte point de fruit : car estant vn tres-beau
B & tres-grand arbre, il n'engendre point, au moins
en nostre pais, tant il est gaillard & bien disposé,
ains par ceste bonne disposition emploiant &
consument toute sa nourriture à grossir & forti-
fier le corps, comme feroit vn bon champion à se
bien exercer, il luy en demeure bien peu, & qui
ne vaut gueres pour employer en semence. Mais
outre tout cela il a vne propriété qui luy est pecu-
liere à luy seul, & qui n'aduient à nul autre, que ie
vous vais dire: car si vous mettez dessus & le char-
gez de quelque pesant fardeau, il ne plie point
C sous le fais, ains se courbe & se vult alencontre,
comme resistant à ce qui le charge & le presse. Au-
tant en est il des combats des ieux sacrez, car ceux
qui par foiblesse du corps ou lascheté de cœur
leur cedent, ils les plient : mais ceux qui robuste-
ment & magnanimement supportent l'exercice,
non seulement du corps, mais aussi du courage,
ce sont ceux qui en sont eleuez & haulsez en tout
honneur.

LE HVITIEME LIVRE
QUESTION CINQVIEME. D

*Pourquoy est-ce que ceux qui nauignent sur
le Nil, en puisent l'eau pour leur
vsage auant le iour.*

QVelqu'un demanda la cause, pourquoy les
batteliers qui nauignent sur la riuiera du Nil
prennent & puisent l'eau pour leur boire, non de
iour, mais de nuict. Si y en auoit qui disoient, que
c'estoit pour ce qu'ils craignoient le Soleil, qui en
eschauffant l'eau la rend plus aisee à s'empuantir, &
se corrompre: car tout ce qui est attiedi & eschauf-
fé est tousiours plus prompt & plus disposé à mu-
tation, & s'altere facilement par la relaxation de sa
propre qualité, là où la froideur restraingnāt sem-
ble conseruer & cōtenir chasque chose en son na-
turel, mesmement l'eau: & qu'il soit ainsi que la
froideur de l'eau ait vertu de conseruer, la neige le
tesmoigne, qui garde long temps la chair de se cor-
rompre, là où la chaleur fait sortir toute chose hors
de son naturel estre, mesmement le miel, car il se
perd quand il bouilt, & s'il demeure crud, non feu-
lement il se conserue, mais il aide à conseruer, les
autres choses. A quoy font tresgrande foy les
eaux des lacs, lesquelles sont aussi bonnes à boi-
re l'hyuer comme les autres, & l'esté deuiennent
fort mauuaises & maladiues. Parquoy la nuict
respondant à l'hyuer, & le iour à l'esté, ils ont
opinion que l'eau demeure plus longuement sans
se tourner ny gaster quand on la prend la nuict.

A A ce propos, qui de soy-mesme est assez vraysemblable, encline la raison, comme preuue non artificielle confirmant ceste obseruation des batteliers: car ils disent qu'ils puisent l'eau estant encore la riuere quoye & rassise, là où de iour elle deuient bié tost toute trouble & terreuse, par ce que beaucoup d'hommes en prénent, beaucoup de bestes y courent çà & là, & ce qui est tel est aisé à pourrir: car tout ce qui est meslé est plus en danger de se tourner que ce qui est simple, par ce que la mixtiō & meslange fait vn combat, & le combat apporte
B l'alteration. Or la putrefactiō est vne espee d'alteration: c'est pourquoy les peintres appellent les mixtions de couleurs Phthoras, c'est à dire, corruptions: & le teindre, le poëte l'appelle *μῖναι*, infecter: & le commun vsage de parler appelle ce qui est simple & pur *ἀφθαρτον ἢ ἀκρατον*. mais principalement la terre meslee avec l'eau altere & gaste sa qualité & son naturel d'estre bonne à boire. Voila pourquoy les eaux croupies & dormātes sont plus aisees à se corrompre, d'autant qu'elles se remplissent plus de terre, là où celles qui courent, fuyent & eschappent ceste meslange. Et pour ceste cause à
C bonnes enseignes a loué Hesiode,

Viue fontaine à val tousiours coulante,

Que rien ne trouble & ne rend turbulente.

Car ce qui n'est point corrompu est plus salubre, & n'est point corrompu ce qui est tout simple, non meslé & pur, à quoy font grande foy les diuersitez & differences de la terre: car celles qui passent par terre de montagne & pierreuse sont plus fermes &

plus crues que celles des marets & des plaines, d'autant qu'elles ne tirent pas quand & elles beaucoup de terre. Et la riuere du Nil coulât par païs plains, ou pour mieulx dire, estant comme vn sang meslé avec la chair, en est bien douce, & se remplit de ius qui ont vne force pesante & nutritiue, mais elle est ordinairement meslée & trouble, & de tant plus encore si elle est remuée, par ce que le mouuement & agitation mesle la substâce terrestre avec l'humeur, là où quand elle est reposée elle s'en va à bas, à cause de sa pesanteur. Voila pourquoy ils puisent leur eau la nuict, ioinct qu'ils preuiennent le Soleil, lequel enléue ordinairement & corrompt ce qu'il y a de plus léger & de plus delié és eaux.

Q V E S T I O N S I X I E M E .

De ceux qui viennent tard au soupper: & parmy cela, d'où sont appellez ces mots ἀργάπσμα, ἄεισιν & δειπνον.

ME S plus ieunes enfans estoient demourez vn peu plus qu'il ne falloit au Theatre, à voir & ouir les esbattemens que lon y faisoit, & estoient à ceste cause venus tard au soupper, à l'occasion dequoy ceulx de Theon se iouans à eulx les appelloient *κωλυσιδείπνες*, c'est à dire, empeschās le soupper: & *ζοροθρηπίδας*, comme qui diroit, souppans de nuict: & eulx se reuenchans les appelloient reciproquement *τρεχεδείπνες*, c'est à dire, courans au soupper. Et y eut quelqu'un des plus aagez qui dit que c'estoit celuy qui arriuoit tard qui se deuoit appeller

A appeller *πρὸ ἑσπερινός*, car il se haste de venir plus viste que le pas, quād il sent qu'il a demeuré à venir.

A propos dequoy il allegua vne plaisanterie de Battus le bouffon de Cæsar, lequel appelloit Epithymodipnos, c'est à dire, desirans soupper, ceulx qui y venoient tard : car, dit il, combien qu'ils eussent des affaires, ils aiment tant les bons morceaux, qu'ils n'ont pas refusé quād on les a conuiez. Mais i'alleguay que Polycharmus iadis vn des orateurs qui se mesloient du gouuernement à Athenes, en vne sienne harengue, où il rend raison au peuple

B de sa maniere de viure, met entre autres choses,

Voila, Seigneurs Atheniës, cōment i'ay vescu: mais

oultre cela, iamais estant appelé à soupper ie n'y

vins le dernier. car cela semble estre fort populaire, & au contraire lon hait ceux que lon est contraint d'attendre, comme fascheux, & voulans faire des graues & des Seigneurs. Et Soclarus voulant defendre mes ieunes gens: mais Alceus, dit il, n'appelle point Pittacus Zophodorpidas, pour ce qu'il souppoit tard, mais pour ce qu'il n'auoit ordinairement que des petites, basses & viles personnes à

C soupper chez luy : car de soupper plus tost, c'estoit anciennement vn reproche : & dit on que ce mot Acratisma, qui signifie desieuner, vient de Acratia, c'est à dire intemperance. Adonc Theon prenant la parole : Il ne fault pas, dit il, adiouster foy à ceulx qui nous ramenant la façon de viure des anciens en ieu, car ils disent qu'estans hōmes laborieux & moderez en leur viure, ils prenoiēt le matin vn peu de pain trempé dedās du vin des le poinct du iour,

& non autre chose, & qu'ils appelloient cela Acratisma, à cause d'Acratos, qui signifie le vin pur: & *δ'ἄλλω*, la viande que lon appareilloit pour le soupper au soir, ce que signifie ce mot *ὄψις*, par ce qu'ils ne souppoient que le soir, apres qu'ils auoient depeesché tous leurs affaires. De là on vint à demander, d'où estoient deriuez ces mots là, Dipnon & Ariston. Si faisoit on compte qu'Ariston & Acratisma signifioient vne mesme chose. En tesmoignage dequoy ils apportoit Homere qui dit, qu'Eumæus apprestoit Ariston, c'est à dire le disner, à l'aube du iour, E

Au poinct du iour le disner apprestèrent. Et sembloit y auoir apparence qu'Ariston fust deriué comme Aurion, qui signifie demain, de la matinee: & Dipnon, pource qu'il se fault reposer, car on soupe apres que lon a fait quelque besongne, ou bien en la faisant. Ce que lon peult encore monstrier par le tesmoignage d'Homere qui dit,

Quand son soupper le boucheron appreste. Si ce n'est qu'on veuille dire, qu'Ariston soit dit pour ce qu'ils disnoient de ce qu'ils trouuoient le premier, sans peine & sans manufacture de cuisine: F & leur soupper estoit elabouré & appresté, dont ils appellerent l'un *ῥᾶσον*, comme qui diroit, tres-facile: & l'autre *διαπεποιημένον*, c'est à dire elabouré & trauaillé. Mais mon frere Lamprias, qui de son naturel estoit facetieux & aimoit à rire: Puis que, dit il, il est loisible de babiller tout ce que lon veult, ie vous veulx monstrier que les mots & paroles des Romains sont plus propres que celles des Grecs:

car

A car ils appellent le soupper Cœnam, à cause de la compagnie, qu'ils souppoiēt ensemble, par ce qu'ils disnoient ordinairement à par eulx anciennement, & souppoiēt en compagnie de leurs amis : & Prandium, le disner, Ariston, deriué de ὥρα, qui signifie le matin : car ἐνδον, signifie matinal, & ἐνδίζην, reposer apres le disner : ou bien il signifioit vn desieuner & manger du matin, auant qu'ils fussent ἐνδεῖς, c'est à dire aians necessité de manger. Je laisse à vous dire qu'ils appellent στρώματα, strata, les liëts : οἶνος, vinum, le vin : μέλι, mel, le miel : ἔλαιον, oleum, l'huile : γεύσασθαι gustare, goustier : πρῆβιβεν, prebiber, boire l'vn à l'autre, de mesmes termes que les Grecs. Mais qui pourra nier que κομμάζην, comessari, ne soit deriué de κῶμος, qui signifie banqueter : & miscere de κεράζην, c'est à dire, tremper le vin ? comme dit Homere,

Il luy mesla en sa coupe du vin,

Auec de l'eau.

Et Mensa, pour ce que lon la met au milieu : & Panem, le pain, pour ce qu'il fait cesser la faim : & Coronam, vn chapeau de fleurs, de ce mot cranos, c'est à dire, la teste & l'armet, comme Homere l'appelle quelque part στεφανῆ : & cædere, fouetter, de δερεῖν : & dentes, les dents, ὀδόντες : & labra, les léures, λαβεῖν βορὰν, pour ce que lon en prend la viande. Il fault doncq ou que nous oyons ces telles deriuations la sans rire, ou que nous ne donnions pas si facilement entree à ceulx qui rongnent & retrenchent ainsi des parties des noms, ne plus ne moins que si c'estoient des cheueux.

Des Preceptes Pythagoriques, par lesquels ils commandoient de ne recevoir point d'arondelles en sa maison, & de brouiller le liēt incontinent que lon estoit leué.

SYLLA de Carthage, comme ie fusse arriué à Rome, où il y auoit bien long temps que ie n'auois esté, m'enuoya prier qu'il me donnast le banquet de la bien-venue, comme disent les Romains, & y conuia quelques autres amis non en grand nombre, & entre autres vn Lucius de la Thoscane, disciple du philosophe Pythagorique Moderatus. Cestuy apperceuant que nostre Philinus ne mangeoit point de chose qui eust eu vie, cōme il est assez ordinaire, il se mit en propos de Pythagoras, & maintint qu'il estoit de la Toscanne, non ia de par son pere, comme quelques autres ont voulu dire, mais affermant qu'il y auoit esté & né & nourry & enseigné. Ce qu'il prouuoit principalement par ces preceptes allegoriques & symboliques. Comme entre autres qu'il cōmandoit, Que lon brouil-
last les draps incontinent que lon estoit leué du liēt: &, Que lon ne laissast point la forme du cul de pot en la cendre quand on l'en ostoit, ains que lon remuast la cendre: Que lon ne receust point d'arondelles en sa maison; De ne passer point la balance, Ne nourrir point en sa maison bestes qui eussent les ongles crochues: par ce, dit il, que toutes ces choses la que les Pythagoriques disent & escriuent

A uent de paroles, les Toscans seuls l'observent de
 faict, & s'en gardent. Ce que Lucius aiant dit, on
 en trouua estrange celuy des arondelles, de chasser
 de sa maison vn animal innocent & humain, tout
 autant comme ceulx qui ont les ongles crochues,
 qui sont les plus cruels & les plus sanguinaires: car
 Lucius mesme n'approuuoit pas la solution & in-
 terpretation que les anciens luy donnoient, que
 cela couuertement designoit les familiers qui sont
 rapporteurs & detracteurs, qui parlent en l'oreille:
 car l'arondelle n'en tient rien du mōde, bien parle
B elle & crie beaucoup, mais nō pas plus que les pies,
 les perdris & les poules. Ne seroit ce point donc-
 ques, ce dit Sylla, à cause de la fable que Progné tua
 ses enfans, qu'ils abominent ainsi les arondelles, à
 fin de nous faire de loing detester ces cas la, pour
 lesquels & Tereus & les femmes feirent & souffri-
 rent choses illicites & horribles, dont iusques au
 iourd'huy on les appelle les oiseaux Daulides? Et *Daulides,*
 Gorgias le Sophiste, cōme vne arondelle eust ietté *du nom d'un*
 de son esmeut sur luy, regardāt à mont: Cela, dit il, *ne petite*
 n'est pas beau, Philomele, ou bien, cela est cōmun: *ville Dau-*
lus où le cas
C car ils ne chassent pas de la maison le rossignol qui *fut commis.*
 est de la mesme Tragedie, & ne l'en bānissent pas.
 Tout autant, disie, seroit il raisonnable de l'vn que
 de l'autre: mais cōsidere si c'est point pour la mes-
 me raison qu'ils ne reçoient point les animaux
 aux serres crochues, qu'ils reprennent aussi l'aron-
 delle, d'autant qu'elle mange chair, tue & deuore
 principalement les cigales qui sont sacrees, & mu-
 siciennes. Et puis elle vole tout contre terre pour

prendre les petits animaux, comme dit Aristote: & puis elle est seule de tous les animaux qui sont sous nostre toit, qui y loge sans rien payer, & y vit sans rien contribuer & apporter. Car la Cigogne qui n'a ny couverture ny retraite, ny secours aucun de nous, nous baille toutefois tribut de ce qu'elle marche seulement sur la terre, car elle va çà & là tuant les serpents & les crapaux qui sont ennemis mortels de l'homme: Et elle aiant toutes ces choses la de nous, incontinent qu'elle a acheué de nourrir ses petits s'en va que lon ne la voit plus, tant elle est ingrate & desloyale. Et, ce qui est encore plus estrange, seule de tous les animaux domestiques elle ne s'appriuoise iamais, ny iamais ne se laisse toucher & manier à l'homme, ny n'a conuersation ny communication quelconque, ny d'œuvre ny de ieu, avec luy: ce que la mousche fait de peur qu'elle a d'en receuoir mal, par ce qu'on la dechasse si souuent: mais l'arondelle le fait pour ce que de sa nature elle hait l'homme, & qu'elle ne se fie point en luy, elle demeure tousiours sauuage & soupçonneuse. S'il fault donc prédre cela, non pas de droit fil, ce que les paroles disent, mais par reflexion comme des apparitions de choses qui apparoissent en d'autres, Pythagoras nous proposant cela comme le moule & patron d'un ingrat & desloyal, il nous admoneste de ne receuoir point en nostre familiarité & amitié ceux qui pour un tēps s'approchent de nous, & se retirent dessous nostre toit, ny ne leur donner point de communication de nostre maison, de l'autel domestique, & des plus saintes

A saintes obligations. Aiant dit cela, il sembla que
i'eusse donné à la compagnie assurance de parler:
car ils commencerent d'appliquer hardiment aux
autres symboles des interpretations morales. Car
Philinus dit, qu'ils commandoient que lon trou-
blaist la forme de la marmite qui estoit empreinte
dedàs la cédre, nous enseignàts qu'il ne falloit lais-
ser aucune marque ne vestige apparent de cholere,
ains apres qu'elle estoit esboulée & rassise, effacer
toute rancune. Et la confusion des draps au sortir
du lièt, à aucuns sembloit n'auoir rien de caché
B dessous, ains seulement designoioit qu'il n'estoit pas
honneste que lon veist la place & la forme em-
preinte comme le mary auoit couché avec sa fem-
me: Mais Sylla coniecturoit, que c'estoit plus tost
vne dehortation & diuertissement d'y coucher sus
iour, quand on plie des le matin le preparatif qu'il
faut pour dormir, par ce qu'il faut reposer la nuict,
& le iour se leuer pour trauailler, & ne laisser pas
au lièt seulemēt la trace de son corps: car à rien ne
fert vn homme qui dort, non plus que quand il est
mort. A quoy sembloit aussi que se raportoit ce
C que les Pythagoriens cōmandoient, N'aider point
à ses amis à descharger vn fardeau, mais bien à le
charger & le mettre sus leurs espaules: cōme n'ap-
prouuans aucune paresse ny aucune oyssiueté. Et
pour ce que pendāt que ces choses se disoient, Lu-
cius ne les approuuant ny reprouuant, ains se te-
nant tout quoy, escoutoit sans mot dire, & pen-
soit en soy mesme, Empedocles appellant Sylla
par son nom:

*Pourquoy est-ce que les Pythagoriens entre tous
 animaux s'abstenoient le plus de
 manger des poissons.*

SI d'aventure l'amy Lucius s'offense & ne prent
 pas plaisir à ce que nous disons, il seroit temps
 desormais que nous nous deportissions de plus en
 parler. Mais si cela est du precepte de leur silence,
 à tout le moins m'est il aduis que cela se peut
 bien dire & communiquer aux autres, Pourquoy
 c'est qu'ils s'abstenoient principalement de man-
 ger du poisson : car on trouue cela par escript des
 anciens Pythagoriens, & ay parlé à quelques disci-
 ples d'Alexicrates, qui est de nostre temps, lesquels
 mangent bien vn peu quelquefois des autres ani-
 maux, voire & en sacrifient aussi, mais pour rien
 ils ne tasteroient pas seulement du poisson : non
 comme ie croy, pour la cause que disoit Tyndares
 Lacedemonien, qui estimoit que ce fust pour l'hō-
 neur qu'ils portoient au silence, à raison duquel ce-
 luy qui portoit mon nom, Empedocles, qui le pre-
 mier a cessé d'enseigner Pythagoriquement, c'est
 à dire de Regles donner de sagesse cachee,
 appelle les poissons Ellopas, cōme aians la voix at-
 tachee & enfermee au dedans : mais pour ce qu'ils
 estimoient que la taciturnité estoit chose singuliere
 & entierement diuine, attendu mesmement que
 les Dieux monstrent par œuures & par effects, sans
 voix ny parole, aux sages, ce qu'ils veulent : Lucius
 respon-

A respondit doucement & simplement, que quant à la vraye cause, peult estre, demoureroit elle encore cachée & non diuulguee: mais il n'y a rien qui empesche de tascher d'en rendre quelqu'une, où il y ait pour le moins de l'apparence & verisimilitude. Theon le grammairien a esté le premier qui a dit, qu'il seroit bien difficile de pouuoir monstrier & prouuer que Pythagoras ait esté Thoscan, mais que pour certain il auoit long temps conuersé & habité avec les Sages d'Ægypte, là où il auoit approuué, ambrassé & loué grandement plusieurs

B de leurs religieuses ceremonies, mesmement celles des febues, parce que Herodote escrit, qu'ils n'en mangent ny n'en sement point, ny ne peuuent pas seulement les regarder: & quant aux poissons, nous sçauons certainement que iusques icy ils s'en abstiennent, & viuans chastement sans estre mariez, ils refuyent aussi l'usage du sel de la mer, tellement qu'ils n'en magent ny à part ny meslé avec les autres viâdes, dont on amene plusieurs occasions, les vns d'une sorte, les autres d'une autre. Mais il y en a une vraye, c'est l'inimitié qu'ils portent à la mer,

C comme element sauuage, estrâge de nous, ou pour mieulx dire ennemy mortel de la nature humaine. Car les Dieux ne se nourrissent point d'elle, comme les Stoïques estiment que les astres s'en nourrissent, ains au contraire se perd en elle le pere & le sauueur du pais de l'Ægypte, qu'ils appellent le decoulement d'Osiris, & en lamentant celuy qui naist à la main droicte, & perit à la gauche, couuertement ils donnent à entédre la fin & perdition du

Nil, qui se fait en la mer, à l'occasiō dequoy ils esti-
 ment, qu'il ne soit pas loisible de boire de son eau,
 ne qu'il y ait rien de tout ce qu'elle engendre, pro-
 duit, ou nourrit, qui soit mûde ny propre à l'hom-
 me, attendu qu'ils n'ont ny le respirer commun
 avec nous, ny pasture & nourriture approchante
 de la nostre, ains l'air qui nourrit & entretient tous
 autres animaulx, leur est à eulx mortel & perni-
 cieux, cōme s'ils estoient nez & viuans en ce mon-
 de contre la nature & contre toute commodité:&
 ne se fault pas esbahir si pour la haine de la mer, ils
 tiennent les animaulx d'icelle estranges, & non
 idoines ne dignes d'estre meslez avec leur sang &
 leurs esprits., veu qu'ils ne daignent pas seulement
 salüer les pilotes & mariniers, quand ils les ren-
 contrent, pource qu'ils gagnēt leur vie sur la mer.
 Sylla loüant ce discours y adiousta des Pythago-
 riens, que quand on faisoit sacrifice aux Dieux, ils
 ta스토ient bien des primices de ce qui leur estoit im-
 molé, mais qu'il n'y auoit poisson quelconque que
 lon sacrifiaست ny que lon offrist aux Dieux. Apres
 qu'ils eurent acheué, ie me pris à dre: Quant à ces
 Égyptiens la, dis ie, il y aura plusieurs, & doctes
 hōmes & ignorans, qui combattront contre eulx
 pour la defense de la mer, en reputant de combien
 de commoditez elle rend nostre vie plus abondan-
 te, plus heureuse & plus doulce. Mais quant à ces
 trefues & surseance de guerre des Pythagoriens
 avec les poissons, pour autant qu'ils sont estranges
 de nous, elle est merueilleusement impertinente &
 ridicule, ou, pour mieux dire, inhumaine & cruelle,
 attendu

A attendu qu'ils rendent aux autres animaux vn guerdon & recompense de leur cousinage, & de leur parenté, qui sent merueilleusemēt sa barbarie du Cyclops, en les tuant, consumant & mangeant. Et toutefois lon dit, que Pythagoras quelquefois achetta vn traict de filé de pescheurs, & puis qu'il commanda que lon laissast aller en la mer tout ce qui estoit dedans la seinne, qui n'estoit pas vn acte d'homme qui haist ou mesprisast les poissons comme ses ennemis, ou comme des estrangers, puis qu'il paya leur rançon les trouuant prisonniers,

B comme s'ils eussent esté ses parents & bons amis: Et pourtant l'humanité, equité & douceur de ces gens la nous donne à penser & soupçonner tout le contraire, que ce fust plus tost pour vn exercice de la iustice, & vne accoustumance, qu'ils pardonnoient aux animaux de la mer, par ce que tous les autres donnent aucunement cause à l'homme de leur mal faire, là où les poissons ne nous offensent en aucune maniere, & quand bien ils en auroient la nature & la volonté, encore ne la pourroient ils pas executer. Or peult on coniecturer par les me-

C moires & par les sacrifices des anciens, qu'ils estimoient vn cas abominable & detestable, non seulement de manger, mais aussi de tuer vne beste qui ne feist point de dommage & de tort. Mais à la fin se voians reserrez, pour le grand nombre des bestes qui s'estendoient par tout: & d'auantage aians eu vn oracle d'Apollo en Delphes, comme lon dit, qui leur commandoit de secourir les fruiçts de la terre qui perissoient, ils commencerent à les

immoler aux Dieux : tremblans neantmoins encore de peur & redoutants, ils appelloient cela *deu* & *peſſer*, qui ſignifient faire, penſans faire vne grande choſe que de tuer vne creature qui euſt vie: & iuſques au iourd'huy encore gardēt ils ceſte cerimonie fort religieuſement, de iamais ne la maſſacrer qu'elle n'ait fait ſigne de la teſte, apres que lon a fait les libations & effuſions de vin deſſus, comme ſi elle le cōſentoit, tant ils eſtoient retenus & reſeruez à commettre tout acte d'iniuſtice: combien que ſi tout le monde ſ'abſtenoit de tuer & manger des poules & des connins, à fin que ie ne parle point des autres beſtiaux, dedans brief temps on ne pourroit ny habiter dedās les villes, ny iouir d'aucuns fruiſts de la terre. Et pourtant la neceſſité aiant du commencement introduit l'vſage de manger la chair, maintenant il ſeroit bien malaiſé pour la volupté de l'oſter & faire ceſſer: là où le genre des animaux maritimes n'vſants ny de meſme air, ny de meſme eau que nous, ny ſ'approchant de noz fruiſts, ains eſtants, par maniere de dire, compris en vn autre monde, & aiant ſes bornes & limites propres & diſtinctes, leſquelles ils ne ſçauroient paſſer, qu'incontinent il ne leur couſte la vie pour la punition, ne laiſſe à noſtre ventre occaſion quelconque, ne petite ny grande, de leur courir ſus: & eſt toute chaſſe, toute priſe & peſcherie de poiſſon, manifeſtement œuvre de gourmandiſe & de friandiſe, qui ſans aucune occaſion iuſte ne legitime trouble les mers, & deſcend iuſques au fond des abyſmes. Car on ne ſçauroit appeller le

A Rouget barbé, ληιστεῖραν, paiffeur de blé, ny le Scarc τρυγῆφαρον, mangeur de vendange, ny les Mulets ou les lubins, σπερμολόρους, cueillesemences, comme nous surnommons les bestes terrestres, les accusants des maulx qu'elles nous font: & ne sçaurions imputer au plus grand poisson qui soit en toute la mer, la moindre iniure dont nous nous plaignons tacquinement d'un chat, ou d'une souris. Au moien de quoy se retenās, non par la crainte de la loy seule, de faire tort & iniure à l'homme, mais aussi par instinct de nature, à toute chose qui

B ne nous fait ny desplaisir ny dommage, ils vsoient moins de poisson, que de toute autre viande. Car sans iniustice, toute la negotiation & entremise des hommes, en cela estant fort curieuse & superflue, montre vne grande intemperance de gourmandise & de friandise. Parquoy Homere fait que non seulement les Grecs, estans campez sur le destroit de l'Hellespont, s'abstiennent de manger poisson, mais ny les delicats Phœaciēs, ny les ribaux poursuiuans de Penelopé, quoy qu'ils fussent bien dissolus, & tous habitans en des Isles, ne se sont

C iamais seruis en leurs tables de viandes venues de la mer: ny les compagnons d'Ulysses en tout ce grand & long voyage qu'ils feirent par la mer, ne ietterent oncques hameçon ne filé en mer pour pescher, tant qu'ils eurent du pain,

Sinon apres qu'ils se veirent à chef

Entierement des viures de leur nef.

Vn peu au parauant qu'ils meissent les mains sur les vaches du Soleil, lors ils commencerent à pes-

cher des poissons, non pour friandise, mais pour nourriture necessaire,

Avec courbez hameçons ils peschoient,

Tant leurs boyaux de la faim se trenchoient.

De maniere que par mesme necessité ils mangeoient des poissons, & tuoient les bœufs du Soleil : tellement que c'estoit partie de sainteté, non seulement entre les Ægyptiens & les Syriens, mais aussi entre les Grecs, que de s'abstenir de manger des poissons, par ce que oultre l'iniustice encore abominoient ils la curiosité de telle mangeaille. En cest endroit Nestor prenant la parole : Et quoy, dit il, ne fera lon donques point de compte de mes citoiens, non plus que des Megariens ? Si m'avez vous toutefois ouy souuent dire, que les presbtres de Neptune, que nous appellôs Hieramnemones, ne mangent iamais poisson. Car ce Dieu là se surnomme Phytalmios, côme qui diroit nourrissant les plantes. Et les descendans de l'ancien Hellen sacrifient à Neptune Patrogenien, c'est à dire progeniteur, aians opinion que l'homme estoit né d'une substance humide, comme les Syriens. Et c'est pourquoy ils adorent le poisson, côme estant de mesme generation & de mesme nourriture qu'eulx, philosophants en cela avec plus d'apparence & de raison, que ne fait Anaximâder, lequel n'affirme pas que les hommes & les poissons aient esté nez en mesmes lieux, ains dit que les hommes ont premierement esté nez dedans les poissons mesmes, & nourris comme les petits, & puis quand ils furent deuenus suffisans de s'aider, alors ils en

A ils en furent iettez dehors, & se prirent à la terre. Tout ainsi doncq comme le feu mange le bois auquel il est allumé, encore que ce soit son pere & sa mere, ainsi comme dit celuy qui a inseré les nopces de Ceyx entre les œuures d'Hesiodé: aussi Anaximander en prononceant que le poisson soit le pere & la mere des hommes, il en blasme & condamne le manger.

QUESTION NEUVIEME.

B *s'il est possible qu'il s'engendre de nouvelles maladies.*

P Hilon le medecin asseuroit, que la maladie de laderie auoit esté cogneuë de bien peu de téps en ça, par ce qu'il n'y a aucun des anciës medecins qui en face mention, combien qu'ils se trauaillassent à traicter de ie ne sçay quelles autres menuës subtilitez difficiles à comprendre au vulgaire. Mais ie luy alleguay vn tesmoing de la philosophie Athenodorus, lequel en son premier liure des maladies populaires escrit, que non seulement la laderie, mais aussi la rage qui fait craindre l'eau, vindrét premierement en euidence du temps d'Asclepiades. Si s'esmerueillerent tous les assistans, que ces maladies là eussent lors tout nouuellement pris leur naissance & consistance en la nature: & ne trouuoient pas moins estrange d'autre costé, que si grâdes & si griefues maladies eussent esté cachees & incogneues aux hommes par vn si long temps,

mais toutefois la plus part inclinoit plus en ceste
 seconde opinion, par ce qu'ils ne se pouuoient per-
 suader que la nature en telles choses fust dedans le
 corps humain, comme dedans vne ville amatrice
 & inuentrice de nouuelleté. Diogenian mesme
 discourut, que les passions & maladies de l'ame
 alloient leur grand chemin ordinaire & accoustu-
 mé, combien que la meschanceté soit fort copieuse
 en toutes sortes, & fort audacieuse à tout entre-
 prendre, & que l'ame soit en son liberal arbitre &
 maistresse de se pouvoir tourner & changer facile-
 ment si bon luy semble, & a son desordre quelque
 chose d'ordonné, gardant les bornes de ses passiōs,
 comme fait la mer de ses flots & de ses flux & re-
 flux, de maniere qu'elle ne produit aucune espee
 nouvelle de vice, ne qui ait esté incogneuë aux
 anciens, & dont ils n'aient point escrit: & bien qu'il
 y ait plusieurs differēces de cupiditez, infinis mou-
 uemens de peur, & tant d'especes de douleur, &
 de formes de volupté, que lon auroit bien à faire
 à les compter, neantmoins il n'y en a pas vne qui
 soit venue en estre depuis hier & deuant-hier,
 ains y sont de toute ancienneté: & n'y a homme
 qui sçeust dire, depuis quel temps, & d'où est ve-
 nue vne nouvelle maladie au corps, ny vne mo-
 derne passion, mesmement qu'il n'a pas chez soy
 ny en soy le principe de mouuement, comme a l'a-
 me, ains est attaché de communes causes à la na-
 ture vniuerselle, & composé d'une temperature,
 dont l'infinité varieté vague neantmoins dedans
 le pourpris de certaines bornes, comme feroit vn
 vais-

A vaisseau qui flotteroit & branfleroit tousiours dedans vn circuit renfermé. Car l'establissement d'une maladie ne peut estre sans cause, introduisant au monde irregulierement & contre toute loy de nature, vne production & puissance procedant de ce qui n'est point. Or est il impossible de trouver vne nouvelle cause, car il n'y a point de nouvel air, il n'y a point d'eau estrangere, ny de peregrine nourriture, dont noz predecesseurs n'aient iamais gousté, qui de quelque monde nouveau, ou bien d'aucuns entremondes soit en noz iours tout
B freschement icy decoulee. Car nous sommes malades des mesmes choses dont nous viuons : & n'y a point de propres & peculieres semences de maladies, ains les corruptions d'icelles choses dont nous viuons, enuers nous, & les fautes & erreurs que nous commettons enuers elles troublent nostre nature: & ces troubles & tumultes la, ont des differences eternelles, lesquelles prennent souuent de nouveaux noms, mais les noms sont de l'institution & vsage des hommes, & les passions en soy sont de la nature: ainsi celles la qui sont finies,
C estans diuersifiees par ceux cy qui sont infinis, c'est cela qui nous a deceus & abusez. Et comme il est impossible qu'il se commette à l'improuueu soudainement quelque nouveau barbarisme ou incongruité es parties d'oraison à part, ou bien en la liaison d'icelles ensemble: aussi les temperatures des corps humains ont leurs fouruoyemens & leurs transgressions certaines & determinees, estant cōpris en nombre certain tout ce qui est selon &

contre nature. C'est ce qu'ont voulu signifier les D
ingenieux inuenteurs & compositeurs des fables,
qui disent que lors que les Geans feirent la guerre
aux Dieux, il nasquit des animaux fort estranges &
monstrueux, estant la Lune desuoyee, & se leuant
d'autre costé que dont elle auoit accoustumé: &
ceux cy veulent que la nature produise des mala-
dies nouuelles, comme des monstres, sans inuenter
cause quelconque ny vraysemblable ny incroya-
ble d'un tel desbauchement, ains prononçans &
affermans que le plus ou le moins d'aucunes ma-
ladies en soient des nouveautez & diuersitez: en E
quoy ils font mal, mon bon amy Philon. Car la
tension & augmentation adioust bien nombre
& grandeur, mais pour cela elle ne trāsporte point
le subiect hors du premier genre: comme ie pense
que ceste Elephātie, lepre ou ladrerie, n'est qu'une
vehemence de galle, & la rage craignant l'eau, vne
augmentation des passions d'estomach & de me-
lancholie. Et m'esmerueille comment nous auons
oublié que Homere mesme ne l'a point ignoré:
car il est certain qu'il a appellé le chien *λυσιπτεα*,
à cause de cest accident la de la rage, à laquelle il F
est subiect, dont on dit que les hommes qui enra-
gent, ont le mal de Lyssé. Diogenian aiant ainsi
parlé, Philon mesme luy respondit vn peu en re-
futant ses raisons, & me pria de secourir les anciens
medecins que lon-condamnoit ainsi d'ignorance
ou de nonchalance des choses principales, s'il est
vray que ces maladies la ne soient pas plus recen-
tes & plus modernes que leur aage. Premieremēt
donc-

A doncques il semble que Diogenian n'ait pas bien supposé, que les tensions & relaxations, augmentations & diminutions ne fassent point de differences, & ne transportent point les subiects hors de leurs genres. Car par ce moien il faudra doncques dire, que le vin ne soit point different du vinaigre, ny l'amertume de l'asstriction, ny le froment de l'yuraye, ny la mente sauuage de la cultiuee. Et toutefois ce sont toutes sorties & mutations de leurs qualitez, aux vnes relaxations & affoiblissements, quand elles se passent: & aux autres tensions &

Broidissements, quand elles se renforcent, & prennent vigueur. Ou il faudra que nous disions que le vent clair & blanc, ne differe point de la flamme, ny la flamme de la lueur, ny la gelee de la rosee, ny la gresle de la pluye, ains que toutes ces choses ne sont que roidissements & renforcements: & par conséquent faudra aussi dire, que la cecité & aveuglement ne differera en rien de la veüe basse & ternie, ne le baillément de la nausée de la maladie cholere, & qu'elles ne sont distantes que du plus & du moins: & toutefois encore ne feroit cela rien à

C propos contre ce qui est dit: car s'ils confessent que ceste tension & augmentation de vehemence soit venue premierement en ce temps, étant la nouveauté en la quantité, non en la qualité, l'absurdité estrange demourera tousiours. Et puis Sophocles aiant bien dit touchant les choses que l'on mescroit estre de present, parce qu'elles n'ont pas esté par le passé,

Tous cas iadis ensemblément

Aduindrent du commencement:

D

il semble aussi qu'il y ait raison de dire, que n'estât pas le cours ouuert, comme la barriere leuee, les maladies ne coururent pas toutes ensemble pour sortir en estre, mais que l'une venât tousiours apres l'autre, queuë à queuë, chascune a pris sa premiere naissance en quelque temps. Bien pourroit on, dis-ie, par coniecture estimer, que les vnes sont venues de faute & d'indigence, comme celles que nous engendre la chaleur, quand elle nous donne, ou la froidure, & que ce ont esté les premiers: & que les repletions, les delicateſſes & les voluptez sont venues puis apres avec oyſiueté & paresſe, qui pour l'abondance de viure, ont fait beaucoup & de mauuaises superfluitez, dont sont procedees plusieurs diuerſes sortes de maladies, les meſlanges & entrelasſeures desquelles, les vnes avec les autres, aménét tousiours quelque chose de nouveau. Car ce qui est selon nature est ordonné & déterminé, par ce que nature n'est autre chose que l'ordre, ou bien l'effect de l'ordre: mais le desordre, comme le ſable de Pindare, ne se peut comprendre en nombre certain, & ce qui est contre nature est incontinent indeterminé & infiny. Car dire verité ne se peut qu'en vne sorte, & de mentir, les affaires nous en donnent moien en infinies sortes, & les accords, consonances & cōuenances, ont leurs raisons certaines, mais les erreurs que les hommes font en la lyre, au chant, & en la danſe, on ne les ſçauoit comprendre, combien que Phrynichus poëte Tragicque die de ſoy-meſme,

l'ay

A I'ay de baller des sortes differentes,
Autant que fait de vagues violentes,
En la marine agitee, leuer
Toute vne nuit perilleuse d'hyuer.

Et Chrysippus escrit, que les diuerses cōplications
& entrelasseures de dix propositions seulement,
surmontent le nombre d'un million: mais Hippar-
chus l'en reprent, & prouue que l'affirmatiue mōte
cent quarante & neuf mille, & la negatiue des
mesmes propositions, trois cents dix mille, neuf
cents cinquante & deux. Et Xenocrates a asseuré
B que le nōbre des syllabes que font les lettres ioin-
ctes & meslees ensemble, monte à la somme de
cent millions & deux cens mille. Pourquoy donc-
ques trouuera lon estrange que le corps aiant en
soy tant de diuerses facultez, & acquerant encor
tous les iours, par ce qu'il boit & qu'il mange, tant
de differentes qualitez, attendu mesmement qu'il
vse & de mouuemens & de mutations qui n'ont
ny temps ny ordre tousiours vn & certain. Si les
complications & entrelasseures de tant de choses
ensemble apportent de nouuelles, & inusitees for-
C res de maladies, comme Thucydides escrit que fut
la pestilence à Athenes, coniecturant que ce n'e-
stoit pas maladie ordinaire en ces pais, par ce que
les bestes de proye qui mangent chair, ne vouloiēt
pas toucher aux corps qui en estoient morts. Et
ceux qui furent malades alentour de la mer rouge,
ainsi comme Agatharchides escrit, eurent des ac-
cidens estranges, que personne n'auoit iamais ne
leus ne veus: & entre autres, qu'il leur sortoit de

petits serpenteaux, qui leur mangeoient le gras des iambes, & les souris des bras. Et quand on leur cuidoit toucher, ils rentroient au dedans, & s'enue-loppans parmy les muscles engendroient des bosses & apostumes qui faisoient des douleurs intolérables: cest inconuenient n'auoit iamais esté veu deuant, & iamais n'a esté reueu depuis, ny à d'autres qu'à ceux la, comme plusieurs autres accidets: Car il y a eu homme qui aiant esté bien longuement trauaillé d'une retention d'vrine, jetta à la fin par la verge vn festu d'orge avec ses neuds: & nous sçauons que vn nostre amy & hôte, ieune adolescent, rendit avec grande quantité de semence vne petite bestiole veluë, qui avec plusieurs pieds marchoit bien vistemét: Et Aristote escrit que la nourrice d'un Timon en la Cilicie se retiroit à part deux mois durant, tous les ans, sans boire ny manger, ny donner autre apparéce de vie, sinon qu'elle respiroit. Et certes il est escript és liures Meloniens, qu'un certain signe de ceux qui ont le foye gasté est, quand ils espient diligemment par la maison les souris domestiques, & qu'ils courent apres, ce qui ne se voit maintenant nulle part. Et pourtant ne nous esmerueillons point, si nous voions venir en estre quelque chose qui parauant n'ait point esté, ny aussi s'il vient puis apres à defaillir. Car la cause en est la nature des corps, qui prennent tantost vne & tantost vne autre temperature: & si Diogenian nous veut introduire vn air nouveau, vne eau peregrine, laissons les là, cōbien que nous sçauons bien que les sectateurs de Democritus disent

A sent & escriuent, que des môdes qui perissent hors de cestui-cy, & des corps estrâges qui de celle infinité de mondes influent en cestui-cy, bien souuent il naist des principes de pestilences & d'accidents extraordinaires. Laissons aussi les particulieres corruptions qui aduiennent en diuers pais, ou par tremblemens de terre, ou par ardeurs & seichereffes excessiues, ou par pluies extraordinaires, desquelles causes il est force & que les vents, & que les riuieres & ruisseaux se resentent, attendu qu'ils naissent de la terre, qu'ils en deuiennent malades & s'en alterét.

B Mais il ne faut pas omettre les alterations & changemens qui aduiennent en noz corps des choses que nous mâgeons & beuuons, & du reste du traitement de la personne : car plusieurs choses, dont les anciens n'ont iamais tasté ne gousté, sont maintenant en delices, estimees tressauoureuses, cōme le breuage de miel & de vin, & la sommade. Quant à la ceruelle, on dit qu'ils ne la nommoient pas seulement, ains la iettoient, aians en horreur de l'ouir nommer seulement. Et quant au cōcombre, au melon, au citron & au poiure, ie cognois

C encore beaucoup de vieilles gens qui n'en scauroient guster. Parquoy il est croyable que noz corps reçoient vn estrange changement, & alterent leur temperature, acquerans peu à peu vne qualité toute autre, & vne superfluité d'excremens toute differente qu'au parauant. Et si est encore à croire, que la mutation de l'ordre des viandes y fait beaucoup : car les froides tables que lon appelloit au parauant d'huytres, de herissons de mer, d'œufs

durs, de fallades & herbages cruds, estans comme des pietons dispos & legers, que lon a transferez de la queuë à la teste de l'armëe, ont maintenant le premier lieu, là où elles fouloient anciennement auoir le denier. Aussi fait grande diuersité ce que nous appellons Propoma, comme qui diroit, l'auant boire: car les anciens ne beuuoient pas seulement de l'eau deuant que de manger: & maintenant à ieun auant que manger, estans presque yures, apres qu'ils ont bien trempé leurs corps, ils commencent alors à manger, & leur estomach bouillant desia, ils y fourrēt toutes choses incisives & aigües pour irriter & prouocquer l'appetit, & puis s'emplissent encore d'autres viandes. Mais il n'y a rien qui ait eu plus de pouuoir d'apporter mutation, & engendrer des nouvelles maladies, que tant de façons que lon donne à la chair de nostre corps és baings, car on l'amollist premieremēt & la fond on, comme le fer au feu, & puis on luy donne la trempe avec l'eau froide,

Là Phlegeton & Acheron ardents

De rouge feu se coulent au dedans.

Il me semble que si quelqu'un de ceux qui ont vescu vn peu deuant nous, voyoit la porte ouuerte de noz estuues, il pourroit dire cela. Là où les anciens vsoient d'estuues si temperees & si douces, que le Roy Alexandre aiant la fiebure couchoit & dormoit dedans, & les femmes des Gaulois y portans les pleins pots de boulic, là mangeoient avec leurs enfans qui se lauoient quand & elles. Mais maintenant il semble que ceux qui sont dedans les estu-

A ues soient aux gros sanglots , tant ils halettent & palpitent, comme ceux qui estouffent : & l'air que lon y respire estant meſlé de feu & d'humidité , ne laiſſe pas vn endroit du corps à repos, ains croulle, ſecouë, & remuë de ſon lieu iuſques à la moindre parcelle, tant que nous venions à les eſteindre ainſi enflammez & bouillans . Il n'eſt doncques point beſoing, Diogenian, de cauſes peregrines venants de dehors, ny des entremondes: ains, ſans aller plus loing que nous meſmes, le chāgement de la façon de viure eſt ſuffiſante cauſe pour pouuoir & engendrer & faire ceſſer en nous des maladies.

Q V E S T I O N D I X I E M E.

*Pourquoy eſt-ce que lon ne croit point
aux ſonges de l'Automne.*

FLorus ſ'eſtant mis ſur les Problèmes & queſtiōs naturelles d'Ariſtote, que lon auoit portees pour paſſer le temps aux Thermopyles, ſe remplit luy meſmes de pluſieurs doubtes, & en remplit encore les autres, comme font ordinairement les hommes ſtudieux, rendans en cela teſmoignage à Ariſtote qui dit, que le beaucoup ſçauoir apporte beaucoup d'occafions de douter. Si nous donnoiēt les autres queſtions agreable paſſetemps & entretien en nous promenant ſur iour, mais ce que lon dit des ſonges, qu'ils ſont plus mal aſſeurez & incertains principalement és mois que les feuilles rōbent des arbres, Phauorinus aiāt vacqué le reſte

du iour à autres lettres, se remeit sus apres soup-
per : si sembloit à tes familiers, qui sont mes en-
fans, qu'Aristote auoit suffisamment solu la que-
stion, & pensoient qu'il n'en falloit rien enquerir
ne dire d'auantage, sinon en attribuer, comme il
fait, la cause aux fruiçts nouueaux : car estans en-
core frais en leur vigueur ils engendrent en noz
corps beaucoup de vents & de brouillemens: car
il n'est pas vraysemblable que le vin seul bouille &
se courrouce, ny que l'huile estant frais faitte face
du bruit en bruslant dedans les lampes, faisant la
chaleur euaporer ce qu'il y a de vëtosité, ains nous
voions que & les bleds, & les fruiçts des arbres
nouueaux, sont enflez & tenduz, iusques à ce qu'ils
aient exhalé tout ce qu'il y a de crud, & de fla-
tueux en eux. Or qu'il y ait des viandes qui facët
songer, & qui engendrent des visions turbulentes
en dormant, on en allegue le tesmoignage des feb-
ues, & la teste du poulpe, desquelles viandes on cõ-
mande de s'abstenir à ceulx qui veulent deuiner les
choses à aduenir par leurs songes. Or estoit Pha-
uorinus merueilleusement grand amateur d'Ari-
stote, & attribuoit à l'eschole Peripatetique ceste
louange, que leur doctrine estoit plus vraysembla-
ble que de nuls autres philosophes: mais lors il tira
vn anciẽ propos de Democritus hors de la fumee,
dont il estoit tout obscurcy, pour le fourbir & es-
clarcir. Supposant ceste vulgaire opinion que dit
Democritus, que les images se profondent dedans
noz corps à trauers les pores, & que reuenans du
fond elles nous causent les visions que nous auons

A en dormant, & qu'elles viennent de tous costez, fortans des vtenfiles, des habillemens, des plantes, mais principalement des animaux, à cause qu'ils se meuvent beaucoup, & ont de la chaleur, aians non seulement les similitudes & formes empraintes des corps, comme Epicurus pense, qui suit iusques icy l'opinion de Democritus, & puis la laisse là, mais aussi tirans apres soy les apparences des mouuemens de l'ame, & des conseils, des mœurs, & des passions, & que entrans avec cela elles parlent comme si c'estoient choses animees, & distinctement apportent à ceux qui les reçoient, les opinions, les paroles, les discours, & les affections de ceux qui les transmettent, quand en entrant elles retienent encores les figures bien expressees & non confuses, ce qu'elles font quand leur cours & cheminement se fait viste par l'air bien vny, sans trouuer empeschement quelconque. Or l'air de l'Automne, auquel les arbres perdēt leurs feuilles, aiant beaucoup d'inegalitez & aspretez, diuertit & destourne en plusieurs pars les images, & rend leur euidence foible & fuyante, estant obscurcie par la

C tardité & demeure de leur cheminement: comme au contraire quand elles saultent hors des choses qui en sont grosses, & qui brulent d'ardeur de les enfanter, qu'elles sont beaucoup, & passans vistement leur chemin, elles rendent alors les apparences routes fraisches & fort signifiantes. Et puis iettant son regard sur Autobulus, & se prenant à rire: Il me semble, dit-il, que ie vous voy appareiller de combattre les ymbres de ces images

icy, & passans l'attouchement de la main sur vne
 vieille opinion, comme sur vne peinture, vous y
 pensez faire quelque chose. Ne faites point le fin
 avec nous, ce respondit adoncq Autobulus: car
 nous sçauons bien que vous tenez & approuuez
 l'opinion d'Aristote, mais pour luy donner lustre,
 vous luy comparez celle de Democritus, pour luy
 seruir d'vmbre & de feuille. Nous renuerferons
 doncq celle la, & combattrons ceste cy qui accuse
 les nouueaux fruits, & blasme ce que nous aimons
 tât, sans propos: car & l'Esté & l'Automne porte-
 ront tesmoignage, que lors que nous mangeons
 les fruits les plus frais, & aians plus belle cotte,
 comme dit Antimachus, c'est lors que nous auons
 les songes moins trompeurs & moins menteurs.
 Mais ces mois la qui font tomber les feuilles des
 arbres, estans assis & logez aux faux-bours de l'hy-
 uer, ont desia reduits les grains & les fruits des ar-
 bres à leur parfaite concoction, & rendus flestris,
 ridez, gresles, & aians perdu tout ce qu'il y auoit
 de violent & de furieux. Et quant au vin nouueau,
 ceux qui le boient le plus récent, c'est ordinaire-
 ment au mois de feburier apres l'hyuer, & ce iour
 la auquel on commence, nous autres en nostre
 pais l'appellons, le iour de la bonne Fortune: &
 les Atheniens l'appellent Pithœgia, pour ce que
 lon y ouure les tonneaux. Mais quant aux moust
 qui bouilt encore, nous voions que iusques aux
 manœuures mesmes craignent d'en boire. Ces-
 sans doncq' de calomnier les dons des Dieux, pre-
 nons vn autre chemin, auquel nous conduit le
 nom

et autres
 yuās Theo-
 rus Ga-
 a lisēt, au
 is de No-
 mbre, de
 l'hyuer.

A nom mesme de la saison , & des songes venteux & trompeurs : car la saison s'appelle *φυλλοχόος*, à cause que les feuilles des arbres tombét pour la froideur & seicheresse du temps, si ce n'est de quelque arbre qui soit de temperature chaulde & grasse, comme l'oliuier, le laurier , & la palme, ou bien humide, cōme le lierre, & le meurthe : car à ceux la leur température leur sert, & aux autres non , par ce que ceste proprieté collante & retenante ne leur demeure pas estant leur humidité naturelle ou gelee de froid, ou deseichee, pour ce qu'elle est foible, & qu'il y en a peu. Le florir doncques & le croistre & verdoyer aux plantes, & encore plus aux animaux, vient de l'humidité & de la chaleur, & au contraire la froideur & la seicheresse leur sont mortelles. Voyla pourquoy Homere appelle de bonne grace les hommes verds & gaillards *νεῖρες*, c'est à dire humides, & se resiouir *ἰαλνέειν*, comme qui diroit, s'humecter & arroser : & au contraire, ce qui est espouuentable & douloureux, *ῥιγεῖν*, & *χεῖρην*, comme qui diroit, roide & transsi de froid, & vn corps mort & seiché comme vne mommie s'appelle *αλίβας*, sans humeur, & *σκελετὸς* vne anatomie seichee au Soleil ou à la fumee, qui sont tous mots tendans à iniurier & diffamer la seicheresse. D'auantage le sang, qui est la principale force & vertu qui soit en nous, est ensemble & chaud & humide, & la vieillesse est defectueuse de l'vn & de l'autre. Or semble il que l'Automne soit comme la vieillesse de l'annee acheuāt sa reuolution: car l'humidité n'est pas encore venue, & la chaleur s'en

est desia allee, ou n'est plus forte, & qui est vn signe de froideur & de seicheresse, il rend les corps enclins & disposez aux maladies. Or est il necessaire que l'ame compatisse & se sente des indispositions du corps, & que les esprits estans figez & engrossis, la vertu diuinatrice s'offusque & se ternisse, ne plus ne moins qu'un mirouer qui est tout espris de brouillas: voila pourquoy il ne rend & ne reuoye rien qui soit bien exprimé ne bien apparent, d'autant qu'il est mal poly & ridé, non reluyfant & lissé.

LE NEVFIEME LIVRE
DES PROPOS DE
TABLE.

QUESTION PREMIERE.

*Des vers qui ont esté autrefois opportunément
ou importunément escriez.*



LE NEVFIEME liure des propos de table, Sossius Senecion, contient les propos qui furent tenus à Athenes en la feste & solennité des Muses, par ce que le nombre nouenaire conuient & est fort bienseant aux Muses: & si le nombre des questions surmonte la dizaine ordinaire des autres liures, il ne s'en fault point esbahir, par ce qu'il falloit rendre aux Muses tout

A tout ce qui appartient aux Muses sans leur rien
 oster ny retenir, non plus qu'aux choses sacrees, at-
 tendu que nous leur deuons plus de choses & de
 plus belles, que celles-la. Ammonius estant Capi-
 taine de la ville d'Athenes, en faueur de Diogenia-
 nus voulut sçauoir comment profitoient les ieunes
 hommes qui estudioient aux lettres, en la Geome-
 trie, en la Rhetorique, & en la Musique : & pour
 ce faire, il conuia à soupper les plus fameux regents
 & maistres qui fussent en la ville. Il y auoit encore
 plusieurs autres gents doctes & studieux, & pres-
 B que tous ses familiers & amis. Or Achilles és ieux
 des funerailles de Patroclus ne conuia à soupper
 avec luy que seulemēt ceux qui auoient combattu
 teste à teste à oultrance, voulant, ainsi comme lon
 dit, que si les armes d'auenture les auoient allumez
 de cholere, ou d'appetit de vengeance l'un encon-
 tre de l'autre, qu'ils la deposassent & quittassent en
 buuant & mǎgeant à mesme table ensemble. Mais
 il aduint lors tout le contraire à Ammonius, car la
 ialousie, contention & emulation de ces regents
 s'eschauffa d'auantage quand ils eurent bien beu,
 C & desia commāçoient à s'entrearguer & defier les
 vns les autres sans ordre ny iugement : parquoy il
 commanda premierement au musicien Eraton de
 chanter sur la Lyre. Si commança son chant par
 ces vers,

Il n'y a doncq pas vne seule sorte

De quereller.

Et fut loüé d'auoir sceu bien à propos accommo-
 der & appliquer les paroles de son chant à ce qui

se presentoit. Et puis il meit en auant ce subiect & d argument de deuifer des vers opportunémēt proferez, disant que cela non seulement auoit bonne grace, mais aussi quelquefois apportoit grande vtilité. Si fut incontinent en la bouche d'un chascun, le poëte qui aux nopces du Roy Ptolomeus, lequel espousoit sa propre sœur, & estoit estimé faire en cela vn acte estrange & illicite, commança son chant par ces vers,

Lors Iupiter Deité souueraine,

Manda Iuno sa femme & sœur germaine.

Et celuy qui s'appareillât pour chäter apres soupper deuant le Roy Demetrius, comme le Roy luy eust enuoyé son fils Philippus, qui estoit encore vn petit enfant, adiousta sur le champ,

Nourry le moy ce fils en discipline

Qui d'Hercules & de moy soit bien digne.

Et Anaxarchus, comme Alexandre en vn soupper luy iettaست des pommes, en se leuant de table dit ce vers,

Vn Dieu sera par vn homme blecé.

Et vn tres-gentil enfant de Corinthe, estant mené prisonnier entre les autres, quand la ville fut prise, cōme Mummius pour esprouuer ceulx qui estoient de libre cōdition les feist escrire, il escriuit ces vers,

O bien heureux & trois & quatre fois,

Ceulx qui sont morts cy deuant des Grejois.

On dit qu'il feist si grand' pitié à Mummius, qu'il s'en prit à pleurer, & qu'il remeit pour l'amour de luy en liberté tous ceux qui estoient de sa parenté. Aussi feist on mention de la femme d'un Theodorus

A dorus ioïieur de Tragedies, laquelle estant le iour prochain qu'ils deuoient faire à l'enuy à qui gaigneroit le pris, ne le voulut pas receuoir à coucher avec elle : mais comme il fut retourné du Theatre où il auoit gaigné & emporté le pris, elle le baïsa, & luy dit ce vers,

D'Agamemnon le noble fils, il t'est

Ores permis faire ce qu'il te plaist.

Aussi y en eut il qui en alleguerēt plusieurs autres importunémēt proferez, & qu'il estoit bon de sçauoir comment pour s'en garder, comme de Pompee le grand, apres qu'il fut de retour de sa grande expedition, le maistre qui monstroït à sa fille, luy voulant faire voir commēt elle auoit profité, aiant fait apporter vn liure pour la faire lire, luy ouurit en vn tel endroit,

Tu es venu sain & sauf de la guerre,

Que pleust à Dieu qu'on t'y eust mis en terre.

Et cōme vne nouuelle incertaine sans auteur eust esté apportee à Cassius Lōginus, que son fils estoit mort en païs estrange, n'en pouuant sçauoir la verité, ny aussi en oster la suspicion de sa fantasie, il y eut vn Senateur desia homme d'aage, qui le venant visiter, luy dit, Ne mespriseras tu point Longinus ce vain bruit de ville incertain, & ceste nouuelle qui a esté semee par quelque homme malin? comme si tu ne sçauois pas bien, & que tu n'eusses pas leu ceste sentence,

Iamais en vain publique renommee,

Ne se trouua auoir esté semee.

Et celuy qui en l'Isle de Rhodes en plein Theatre

à vn Grammairien qui luy demandoit vn carme, & pour la dessus faire monstre de son sçauoir deuant le peuple, bailla cestuy-cy,

Va t'en dehors ceste Isle vistemment,

Va des viuans le pire garniment.

Et ne sçait on fil le fait de propos deliberé, pour faire iniure à ce pauvre Grammairien, ou si ce fut enuis qu'il rencontra à propos. Tant y a que ce deuis appaisa gentilmét & dextrement le tumulte.

Q V E S T I O N I I . & I I I e .

E

Pour quelle cause a esté A mise la premiere des lettres:

& En quelle proportion a esté composé le nombre des voyelles & demy-voyelles.

ESTANT la coustume à Athenes durant les festes des Muses, que lon portoit par la ville des sorts, & que ceux qui se rencontroient tiroient au sort, à qui demanderoit le premier quelque question de lettres à son cōpagnon. Ammonius craignant que gens de mesme profession se rencontrassent ensemble, ordonna que sans tirer au sort, le Geometrien proposeroit vne question au Grammairien, & le Rhétoricien au Musicien, & reciproquement aussi qu'ils respōdroient. Parquoy Hermias le Geometrien, proposa à Protogenes le Grammairien, Qu'il luy dist la cause pour laquelle A estoit mise la premiere de toutes les lettres. Il luy rendit la cause qui se dit par les escholes, car il est certain qu'à tresiuste tiltre les voyelles precedent toutes

A toutes les muettes & demy-voyelles, & entre icelles y en aiant aucunes longues, les autres breues, les autres ambigues, & de deux tēps que lon appelle, ces dernieres à bon droit doiuent estre iugees de plus grande dignité & puissance, & entre elles doit auoir & tenir le rang de capitaine celle qui va tousiours deuāt, & iamais derriere les deux autres, comme est Alpha, laquelle ne veult iamais seconder Iota, ny aller apres Ypsilon, de maniere que des deux il s'en face vne syllabe, ains comme s'en courrouçant & s'ostant de là, elle veult auoir

B sa propre place, & au contraire mettez la avec laquelle vous voudrez des deux autres, prouueu qu'elle aille deuant, elle s'accordera & fera des syllabes, comme nous voions en ces mots, *ἀνείνω*, & *ἀνελών*, & en ces autres *ἄλῆς* & *ἀλδιδών*, & innumera- bles autres tels, ainsi va elle deuāt toutes les autres, & l'emporte, comme font ceux qui combattent à toutes les cinq sortes de ieux sacrez deuāt les communes, par ce qu'elle est voyelle deuant les autres voyelles, par ce qu'elle est de deux temps, & deuāt celles de deux temps, par ce qu'elle marche tousiours la premiere, & iamais ne va apres ny ne suit les autres. Quand Protogenes eut acheué, Ammonius m'appella & me dit, Ne veulx tu point secourir Cadmus, toy qui es Bœotien? car on dit qu'il meit Alpha la premiere, deuant toutes les autres, par ce que Alpha en langage Phenicien signifie vn bœuf, qu'il reputoit non le secōd, ny le troisieme, comme fait Hesiode, mais le premier entre les meubles necessaires à l'homme. Non pas moy,

dis ie, car ie suis plus tenu de secourir plus tost mon D
 grād pere, si ie puis, que non pas celuy de Bacchus:
 Car Lamprias mon grand pere disoit, que la pre-
 miere voix distincte & articulee que l'hōme pro-
 nonce c'est par la puissance de l'Alpha : car le vent
 & l'esprit qui sort de la bouche se forme principa-
 lement par le mouuement des leures, lesquels estans
 ouuerts, de la simple ouuerture il en sort ce pre-
 mier son la, qui est le plus simple de tous, & qui a
 le moins de besoing de manufacture, n'appellant
 pas mesme la lāgue à son secours, ny ne l'attendant
 pas, ains sort dehors, elle demourant immobile en E
 sa place. Aussi est-ce la premiere voix que les petits
 enfans iettent, & appelle lon *ἀλεν* qui signifie ouir
 quelque voix, pour ce que tousiours s'entend celle
 voix, & plusieurs autres semblables dictions, com-
 me *ἀλεν*, *αυλεν*, *αλαλαζεν*, & croy aussi que *αιρην* &
ανοιγειν non sans cause ont ainsi esté nōmez de l'en-
 trebaillure & ouuerture des leures, par laquelle ce
 son la en sort: & pourtant tous les noms des autres
 lettres muettes se seruent de l'Alpha, comme d'une
 lumiere pour esclairer leur aueuglement, excepté
 vne. Car il n'y a que le Pi où la puissance de ce son F
 la ne soit employee: car quant au Phi & au Chi,
 l'un est le Cappa mué en aspre son, & l'autre le Pi.
 A quoy Hermias respondit qu'il approuuoit l'une
 & l'autre raison. Et que ne nous dis tu doncques,
 fil y a quelque raison & proportion du nombre
 des lettres? comme il me semble qu'il y en a, dont
 ie prens argument, par ce que la multitude des
 muettes & des demy-voyelles n'est point fortuite

A ny des vnes enuers les autres, ny enuers les voyelles aussi, ains se trouue estre selon la premiere proportion & medieté que nous appellōs Arithmetique, par ce que estans les vnes neuf, & les autres huit, le nombre du milieu vient à surmonter egallement, comme il est surmonté, & les deux bouts estans assemblez ensemble, le plus grand au regard du plus petit est en proportion telle que le nombre des Muses à celuy d'Apollo, par ce que le neuf est attribué aux Muses, & le sept à Apollo, lesquels deux conioincts ensemble font le double de celuy du milieu, à bonne raison, par ce que les demy-voyelles qui sont entre les deux extremittez, participent de la puissance & efficace des deux bouts. Mercure, dit il, fut celuy qui premierement trouua les lettres en Ægypte, & pourtant les Ægyptiens pour représenter la premiere lettre peignent Ibis, d'autant qu'elle est dediee à Mercure: & mal, selō mon iugement, donnant la precedence de toutes les lettres à vne beste qui n'a ny voix, ny son quelcōque.

C Et attribue lon à Mercure le quatre principalemēt entre les nombres: & y a plusieurs qui escriuent qu'il nasquit aussi au quatrieme iour du mois: & puis le quatre multiplié par quatre, fait les premieres que lon appelle Pheniciennes, à cause de Cadmus. Et des autres qui ont depuis esté inuentees, Palamedes le premier en inuenta les quatre, & Simonides y en adiousta autres quatre. Or est le premier parfait de tous les nombres le trois, comme aiant commencement, milieu, & fin: & puis le six, cōme estant egal à toutes ses parties ensemble.

De ces deux la le six multiplié par le quatre, & le trois multipliant le premier cube, font le nombre de vingt & quatre. Comme il parloit encore, le Grammairien Zopyrion s'en mocquoit tout apparemment, & parloit entre ses dents: mais si tost qu'il eut acheué, il dit, que tout cela n'estoit qu'un babil friuole, pour autant que ce n'auoit esté par raison quelcōque, ains par aduēture & cas fortuit, que les lettres s'estoient trouuees en tel nombre & en tel ordre. Comme que le premier carme de l'Iliade se soit rencontré d'autant de syllabes, comme le premier de l'Odysee, & derechef que le dernier de l'une ait fuiuy de mesme le dernier de l'autre, tout est aduenü fortuitement & casuellement.

QUESTION QUATRIEME.

Quelle main de Venus bleça Diomedes.

APREs cela Hermias voulut proposer quelque question à ce Zopyrion, mais le Rhetoricien Maximus luy demanda sus Homere, quelle main de Venus Diomedes auoit blecé. Et Zopyrion tout soudain luy contre-demanda, de quelle cuisse Philippus estoit boiteux. Ce n'est pas de mesme, respondit Maximus, car Demosthenes n'a point laissé de moien de pouuoir respōdre de cela: mais si tu confesses ne le sçauoir pas, d'autres te monstrent là où Homere dit à ceulx qui ont entendemēt de le cōgnoistre, quelle main fut blecée. Il sembla que Zopyrion fust un peu estonné de ce
propos

A propos, parquoy luy se taisant, nous priasmes Maximus de nous le monstrier. Premièrement, dit Maximus, les vers estants ainsi,

De Tydeus adonc le fils vaillant
Par grand' ardeur à costé tressaillant,
Du fer trenchant qu'auoit sa iaueline
Perça le hault de sa main feminine.

Il est tout euident que s'il l'eust voulu frapper à la main gauche, il n'eust point eu de besoing de faulter à costé, car il auoit vis à vis de sa droite la gauche d'elle, luy courât sus de front: & si est plus vray-
B semblable qu'il ait voulu bleçer la plus forte main, & celle dont elle emportoit son fils Æneas, & dont elle se sentant blecée lascha prise du corps qu'elle enleuoit. Secondement quand elle s'en fut retournée au ciel, Minerue en se riant, dit ainsi à Iupiter:

Certes Venus subornant quelque Dame
Grecque, de suiure en amoureuse flamme
L'vn des Troyens que son cœur aime tant,
Assise aupres d'icelle en la flattant,
A quelque agraffe ou espingle ensaignee
Elle a vn peu sa main égratignée.

C Or ie croy que toy-mesme tressuffisant regent, quand pour le caresser tu touches quelqu'vn de tes disciples & que tu le flattes, que tu ne le fais pas de la main gauche, ains de la droite, comme il est vraysemblable que Venus, qui estoit la plus gracieuse & adroicte de toutes les Deesses, caressoit ainsi les Princesses Grecques.

Pourquoy est ce que Platon dit, que l'ame d'Aiax D
estoit venue la vingtiesme au sort.

CELA resiouit tous ceux de la compagnie, excepté vn grammairien nommé Hylas, lequel Sospis le Rhetoricien voiant morne, taciturne & tout engrongné, à cause qu'il ne luy estoit pas guerres bien succédé en la preuue qu'il auoit monstree du profit que faisoient à l'estude ses escholiers, il luy cria,

Tout' seule estoit l'ame d'Aiax le fils

De Telamon: E

& puis luy acheua le reste en parole plus haute que quand on deuise familièrement ensemble,

Approche toy ie te prie beau Sire,

A fin que mieulx tu entendes mon dire,

Et domte vn peu la cholere & courroux,

Que ton courage a conçu contre nous.

Et Hylas grommelant encore en cholere, qu'on luy auoit fait tort, respondit sottement & impertinemment, que l'ame d'Aiax estoit venue aux enfers la vingtiesme au sort, selon Platon, & qu'elle s'estoit tournee en nature de lion, mais que plusieurs fois il luy estoit venu en pensee ce que le vieillard de la comedie disoit, qu'il valoit mieulx deuenir asne, que de voir, que ceulx qui valoient moins que soy fussent plus honorez & preferez. Dequoy Sospis se prenât à rire: mais ie te prie deuant que tu entres en ceste peau de baudet, si tu as aucun soing de l'honneur de Platon, enseigne nous pour quelle raison il dit, que l'ame d'Aiax Telamonien

A monien vient la vingtiesme par le sort à faire son option : ce que Hylas refusant de faire, par ce qu'il pensoit qu'on se mocquaist de luy, à cause qu'il luy estoit fort mal succédé en sa dispute, mon frere Lamprias, prenant la parole : N'est-ce point, dit il, pour ce que Ajax emporte tousiours le second lieu de beauté, de grandeur & de vaillance,

Après le fils de Peleus parfait?

& le vingt est la seconde dizaine, & le dix entre les nombres le plus puissant, comme Achilles l'estoit entre tous les princes Grecs : dequoy nous nous B prismes tous à rire. Et Ammonius, C'est assez, dit il, iouié avec Hylas, en disant cela, Lamprias : mais ie te prie de nous discourir à bon esciant & sans rire, puis que tu as volontairement pris la parole, touchant la cause. Lamprias se trouua vn peu estonné de prime face pour ceste demãde : toutefois y aiant pensé vn peu, à la fin il dit, que Platon se ioüe bien souuent avec nous par les noms dont il vse, mais là où il mesle quelque fable en parlant de l'ame, il vse fort de l'entendement. Car il appelle la nature intelligente du ciel, chariot volant, le mouuement ar- C monieux du monde : & au lieu dont il est question, qui est à la fin du dixieme liure De la republique, il fait venir vn messager des enfers, qui vient apporter les nouuelles de ce qu'il y a veu, & l'appelle Er en son nom, Pamphylien de nation, & fils de Harmonius, nous donnant couuertement à entendre par cela, que noz ames s'engendrent par armonie, & sont conioinctes au corps, & que quand elles en sont deioinctes & separees, elles accourent de

tous costez en l'air, & de là de rechef elles retour- D
nent à secondes generations. Qui gardera donc,
que cest *εἰκοστόν*, quasi *εἰκαστόν*, c'est à dire, vingtiesme,
ne soit dit pour môstrer, que ce n'est pas à la verité
qu'il parle, ains plus tost par coniecture & fiction,
ou pour ce que c'est vn mort qui parle, côme cho-
se dictée en l'air à l'aduenture? Car il touche tous-
iours ces trois causes, comme celuy qui premiere-
ment ou principalemēt a cogneu & entendu com-
ment la fatale destinee se ioinct & se mesle avec la
fortune, & avec nostre liberal arbitre, & maintenāt
au lieu preallegué, il monstre singulierement bien, E
quelle puissance és choses humaines a chascune de
ces causes la, attribuāt le choïs & election de la vie
au liberal arbitre: car le vice & la vertu n'ont point
de maistre qui les domine, & attachēt à la necessité
de la fatale destinee, l'estre religieux enuers les
Dieux, à ceux qui ont fait bonne option, ou le con-
traire à ceux qui l'ont fait mauuaise. Et les cheutes
des sorts, qui estants à l'aduenture iettez & semez
çà & là sans ordre, arriuent à chascun de nous, in-
troduisent la fortune, & preuiennent beaucoup de
ce qui est nostre, par les nourritures & gouerne- F
ments de republique où chascū de nous se rencon-
tre. Car il n'est pas raisonnable de rechercher la
cause de ce qui se fait fortuitement & casuellemēt,
par ce que s'il y auoit raison au sort, ce ne seroit
plus fortune ou cas d'aduenture, ains quelque pro-
vidence ou quelque fatale destinee. Côme Lam-
prias parloit encore, on apperceuoit bien que Mar-
cus le grammairien comptoit sur ses doigts à par
foy

A foy quelque chose: puis quād il eut acheué, il nomma tout hault toutes les ames qui sont euoquees en Homere, entre lesquelles celles de Elpenor vauoit encore sur les confins, n'estant pas assemblee avec celles qui estoient aux enfers en l'autre monde, par ce que le corps n'en estoit pas encore inhumé. Quant à celle de Tiresias, il semble n'estre pas raisonnable de la compter au nombre des autres,

Auquel encor qu'il soit mort seulement

Proserpine a donné entendement

& puissance de parler & d'entendre les viuants, encore auant qu'il ait beu du sang des victimes immolees. Si doncques, Lamprias, tu ostes celles la & comptes les autres, il se trouuera que l'ame d'Aiax fut la vingtiesme de celles qui vindrēt deuant Vlyses: & à cela fait allusion Platon en se ioüant, & cōioingnant sa fable avec l'euocation des morts qui est en l'Odysee d'Homere.

Q V E S T I O N S I X I E M E .

Que signifie la fable, en laquelle on feint que Neptune fut vaincu: & pourquoy les Atheniens effacent & ostent le deuxiesme iour du mois d'Aoust.

ICY s'estant esleué vn bruit, Menephyllus philosophe Peripatetique appellant nommeement Hyllas: Tu vois, dit il, que la questiō n'estoit point vne mocquerie ny gaudisserie: mais laisse moy là, mon bel amy, ce mal plaisant Aiax la, & duquel le

nom est de mauuais presage, comme dit Sophocles : & re reuge du costé de Neptune que luy mesme nous raconte auoir esté plusieurs fois vaincu, en ceste ville par Minerue, en Delphes par Apollo, en Argos par Iuno, en Ægine par Iupiter, en Naxe par Bacchus, & neantmoins par tout en ses rebuts & defauteurs, s'est tousiours monstré doulx & gracieux, sans tenir son cœur. Qu'il soit vray, il a en ceste ville temple commun avec Minerue, auquel encore y a il vn autel dedié à l'Oubliance. Et lors Hylas semblant vn peu plus resiouy : Tu oublies, dit il, Menephyllus, à dire, que nous auons osté le deuxiesme iour du mois d'Aoust, non pour cause de la Lune, mais pource que ce fut le iour que ces deux Dieux la plaiderent de la seigneurie de ce pais. Neptune, dit Lamprias, en tout s'est monstré plus ciuil & equitable que Thrasybulus, si non vainqueur, comme l'autre, mais vaincu, il a oublié son mal-talent.

Icy y a vne breche grande de defectuosité en l'original Grec, où defaillent les questions qui ensuiuent.

- 7 Pourquoi est-ce que les accords sont diuisez & distribuez en trois.
- 8 En quoy different les interualles melodieux & accordants.
- 9 Quelle est la cause qui fait l'accord, & pourquoi est-ce que quand on touche ensemble deux cordes accordees, la melodie est au bas.

- A 10 *Pourquoy est-ce que les reuolutions du Soleil & de la Lune estants egales en nombre, neantmoins on voit que la Lune eclipse plus souvent que ne fait le Soleil.*
- 11 *Que nous ne demourös pas tousiours mesmes & vns, d'autät que nostre substāce coule tousiours.*
- 12 *Lequel est plus vraysemblable, que les estoilles soient en nombre pair, ou en nombre non pair.*

Ce qui ensuit est la fin de la douzieme question.

B Lyfander souloit dire, qu'il fault tromper les enfans avec des osselets, & les hommes avec les iurements. I'ay, dit Glaucias, ouy dire ce propos la de Polycrates le tyran, & encore à l'aduenture s'attribue il à d'autres. Mais pourquoy est-ce que tu le me demādes? Pource, dit Sospis, que ie voy que les enfans rauissent les osselets, & les Academicques prennent les paroles. Car il me semble que ces estomachs la ne different rien de ceux qui tendants le poing, demandent s'ils tiennent nombre pair ou non pair en leur main close. Protogenes dōcques

c se leuant m'appelle par mon nom, & me dit : Que voulons nous dire, de laisser ces Rhetoriciens icy ainsi brauer & se mocquer des autres, & qu'on ne leur demande rien ce pendant, & qu'ils ne contribuent point leur cotte partie à ces propos icy? si ce n'est qu'ils veuillent dire qu'ils n'ont part ny communication aucune aux deuils de table en buuant, attendu qu'ils sont admirateurs & sectateurs de Demosthenes qui iamaïs en sa vie ne but vin. Cela

n'en est pas cause, dis ie, ains c'est que nous ne leur
auons rien demandé : mais si vous n'auetz quelque
chose de meilleur, ie leur proposeray vn faict de re-
pugnance de loix contraires tiree d'Homere.

QUESTION TREZIEME.

*Vne question de loix contraires tiree du troi-
sieme de l'Iliade d'Homere.*

QUELLE ? me demanda il. Ie te la diray, dis
ie, & leur proposeray quant & quāt, & pour-
tant qu'ils prestent l'oreille attentiuemēt:
car Alexandre Paris au troisieme de l'Iliade deffie
Menelaus à certaines conditions en ceste maniere,
Assemblez nous au milieu des deux osts,
Menelaus & moy, en vn camp clos,
Pour teste à teste esprouuer sur la plaine
A qui des deux appartiendra Heleine
Auec ses biens : & qui demourera
Victorieux & plus vaillant fera,
Pour son butin que la Dame il emmene,
Et ses ioyaux auec en son domaine.
Et de rechef Hector faisant entendre à tous, & de-
clarant aux vns & aux autres le deffy de son frere,
vse presque des mesmes paroles en disant,
Il veut que tous Troyens & Grecs gendarmes
Posent à terre & surseent les armes,
Pendant que seuls Menelaus & luy
Se combattront teste à teste : & celuy
Qui restera le vainqueur, qu'il emmene

A La Dame avec ses biens en son domaine.

Menelaus aiant accepté les conditions, ils iurent les articles accordez, & dit ainsi Agamemnon,

Si Alexandre est au combat si fort

Que de renger Menelaus à mort,

Qu'il gaigne Heleine avec tout son bagage:

Si au rebours Menelaus saccage

Mort Alexandre, il ait en son pouuoir

Incontinent sa femme & son auoir.

Or pour autant que Menelaus vainquit bien, mais il ne desfit pas Alexandre, chascune des parties sou-

Bstenant sa demande s'oppose à celle des ennemis.

Les Grecs la pretendent, comme aiant Paris esté vaincu: & les Troyens la leur denient, pour ce qu'il

n'estoit pas mort. Comment doncq est-ce qu'il fault sententier & iuger en ce different? C'est affai-

re non aux philosophes, ny aux grammairiens, mais aux Rhetoriciens qui sont sçauāz & en droit

& en philosophie comme vous. Sospis adonc respondit, que la cause du defendant estoit meilleu-

re, comme si c'estoit loy. Car l'assaillant luy a denoncé sous quelles conditions le combat se de-

Cuoit faire, & le defendant les aiant acceptees & receuës, il n'est pas en eulx d'y pouuoir rien adiouter.

Or le cartel du deffy n'a pas porté ces mots, Qui tueroit & massacreroit: mais, Qui vaincroit &

qui gaigneroit: & avec grande raison, car il falloit que la Dame appartint au plus vaillant, & le plus

vaillant est le vainqueur. Car il aduient bien souvent que les plus vaillāts sont tuez des meschants,

comme depuis Achilles d'un coup de fiesche fur

tué par Paris : & ne croy pas que pour auoir esté
ainsi tué, personne voulust dire qu'Achilles en
fust moins vaillant, ny appeller cela victoire, mais
plustost vne malheureuse & iniuste rencontre de
celuy qui tira si droict : mais Hector au contraire
fut vaincu par Achilles premier que tué, ne l'ayant
pas attendu, ains en ayant eu peur, & s'en estant
fuy deuant luy. Car celuy qui refuse la lice & s'en
fuit, il est vaincu tout à plat, sans auoir dequoy
couvrir ou excuser sa desfaitte, & confesse que
son ennemy vault mieux que luy : & pourtant
premierement Iris en venant dire la nouuelle à
Helene, luy dit,

Ils combattront de long bois à outrance,

A qui des deux t'aura en sa puissance,

Et du vainqueur l'espouse tu seras;

Et puis Iupiter mesme adiuge le pris de la victoire
à Menelaus,

Menelaus comme il est tout notoire,

De ce combat gaignera la victoire.

Car ce seroit vne mocquerie de dire qu'il eust
vaincu Achilles, pour luy auoir tiré de loing par
derriere vn coup de fiesche, & donné au talon qu'il
n'y pensoit pas, ny ne s'en donnoit point de garde:
& que luy maintenant s'en estant fuy, comme las-
che & meschant, & s'estant allé cacher entre les
bras de sa femme, ayant esté par maniere de dire,
vis despouillé de ses armes, son compagnon n'eust
pas merité d'emporter contre luy le pris de la vi-
ctoire s'estant à sa defiance monstré plus vaillant
que luy, & estant demouré sur le cháp vainqueur.

Glaucias

A Glaucias adonc prenant la parole dit premiere-
ment, qu'en toutes loix, edicts, transactions &
contraux, les subsequens sont tousiours reputez
plus valides & de plus d'efficace que ne sont les
precedents, & les secondes & dernieres pactions
furent celles qui par Agamemnon furent faittes, là
où pour la fin la mort expressement est prescrite
& non pas l'estre vaincu. Et puis la premiere pa-
ction n'est faitte que de paroles simplement, &
celle cy qui est venue apres a esté faitte avec iure-
ment, en y adioustant maledictions & execrations
B alencontre de ceux qui la transgresseroient, & ne
fut pas approuvee & ratifiee par vn homme seul,
mais par toute l'armee ensemble, de maniere que
cette seconde est celle qui propremēt & veritable-
ment se doit appeller paction & contract, là où la
seconde n'est seulement qu'un cartel & vne de-
fiance. Ce que confirme le roy Priam, qui apres
auoir iuré les articles du combat, se retire en disant

Jupiter sçait, si font les autres Dieux
Qui sont au ciel immortels glorieux,
A qui des deux fatale destinee

C A ce iourd'huy la mort determinee.

Car il sçauoit que le combat estoit accordé à ceste
condition là, & pourtant vn peu apres Hector luy
mesme dit,

Le haut tonnant en son throsne eleué
N'a le serment du combat acheué.

Car le combat demoura imparfait, & n'y eut point
de conclusion certaine, n'y aiant ny l'un ny l'autre
des combattans esté tué, de maniere que

quant à moy il m'est aduis qu'il n'y a aucune contrariété, par ce que la premiere paction est comprise en la seconde, où il est dit, Qui tuera, aura vaincu: non pas, Qui aura vaincu, tuera. Car à la verité dire, Agamemnon ne renuersa pas la proposition du deffy d'Hector, ains seulement la declara: ne n'y mua pas rien, ains y adiousta ce qui estoit le principal, constituant le vaincre au tuer. Car celle la est la totale & complete victoire, les autres ont tousiours des oppositions & des excuses, comme celle cy de Menelaus, qui ne bleça ny ne poursuiuit pas son ennemy. Côme doncques, là où il y a vraye contrariété de loix, les iuges ont accoustumé de prononcer selon celle qui est plus expresse & plus claire, & laisser celle où il y a de la doute & de l'obscurité: aussi en ce faict icy la paction qui a la conclusion la plus euidente, & où il y a moins de tergiuersation, il la faut estimer la plus vallable & la plus certaine. Et qui est le principal, celuy mesme qui sembloit auoir gaigné, il ne se retire pas, & ne cesse pas de courir apres le fuyant, ains va çà & là parmy les troupes cherchant s'il pourroit point apperceuoir le beau Paris: en quoy faisant il portoit luy mesme tesmoignage, que sa victoire estoit imparfainte & de nulle valeur, puis que son ennemy s'estoit sauué: & se deuoit souuenir de ce que luy mesme auoit vn peu au parauant dit,

Celuy de nous dont l'heure de la mort

Arriuera, qu'il y demeure mort

Dessus le champ, & que tout d'une tire

Chas-

A Chascun de vous chez soy puis se retire:
pourtant falloit il necessairement qu'il cherchast
par tout Alexandre, à fin que l'ayant tué il accom-
plist entierement l'execution du combat, mais ne
l'ayant ne pris ne tué, à tort demande il le pris de
la victoire. Car il n'a pas vaincu, s'il le faut conie-
cturer, & prendre droict par ses paroles mesmes se
plaignant de Iupiter, & se lamentant de ce qu'il
auoit failly à son attente,

O Iupiter, autre Dieu plus que toy
Pernicieux n'est ores enuers moy:

B T'auois pensé de punir Alexandre
Du meschant tour qu'il m'a fait & esclandre,
Et mon espee est rompue en main,
Ma iaueline à terre cheute en vain,
Sans l'assener ny aucun mal luy faire.

Il confesse luy mesme que ce n'est rien fait de luy
auoir couppé son escu, ny luy auoir osté l'armet de
la teste, s'il ne blece & ne tue son ennemy. Apres
ces propos nous feismes offrandes & libations aux
Muses & au cōducteur des muses Apollo, en chā-
tant des hymnes à leur louange: & chātasmes aussi
C sur la lyre d'Eraton les vers que Hesiodé escrit sur
la naissance des muses: & apres la chanson Hero-
des se prit à dire, Escoutez vous autres qui voulez
separer & distraire d'avec nous Calliope, escoutez
ces vers qui disent qu'elle conuerse avec les Roys,
non pas avec ceux qui plient & deplient des syllo-
gismes, & qui proposent de grâdes & ardûes que-
stions à ceux qui s'adressent à eux, mais bien à ceux
qui font les œuures, lesquelles sont propres aux

orateurs & aux hommes de gouuernement. Et quant aux autres muses, Clio reçoit & aduouë les oraisons où sont contenues les louâges, par ce que les anciens appelloient Clea, les louanges : Et Polymnia reçoit aussi les histoires, car ce n'est autre chose que la memoire de plusieurs antiquitez : & dit on qu'en quelques lieux, comme en Lion, on appelle toutes les muses memoires : & si m'attribue encore quelque chose d'Euterpe, si il est vray ce que dit Chrysippus, que c'est elle qui donne l'entretien agreable & l'entregêt gracieux. Car l'orateur n'est pas moins affable en familiere conuersation, qu'^Eloquent en iugement à plaider, ou en conseil à deliberer. Car toutes ces parties & facultez la d'orateur contiennent des humanitez, des defenses, des responses & iustificatiōs : & puis nous vsons beaucoup de l'art de louer & de blasmer, & en venons à bout de belles & grandes choses quand nous le scauons bien & ingenieusement faire : comme aussi si nous le faisons lourdement & impertinemment, nous faillons à venir au dessus de ce que nous pretendons, tellement que ce tiltre,

O Dieux combien cest homme est agreable ^F

A tout le monde, & qu'il est venerable!

conuient, à mon iugement, plus aux orateurs qu'à nuls autres, comme à ceux qui ont la grace de bien dire & de persuader, qui est la partie la plus requise, mieux seante, & plus conuenable pour conuerser entre gens. Ammonius adonc, Il ne te fault point, dit-il, porter d'enne Herodes, encore que tu empongnes en ta main toutes les muses ensemble,
par

A par ce que toutes choses sont communes entre amis. Et c'est pourquoy Iupiter a engendré plusieurs Muses, à fin que chascun peust abondamment puiser des choses qui sont bonnes & honnestes. Car nous n'auons pas tous besoing d'entendre la venerie, ny l'art militaire, ny la navigation, ny les mestiers des artisans mechaniques, mais tous auons besoing de lettres & de sçauoir,

Tant qu'il y a d'hommes mangeans le fruit,
Que de son sein large-terre produit.

B Voyla pourquoy lon n'a fait qu'une Minerue, une Diane, & un Vulcain, mais plusieurs Muses.

QUESTION QUATORZIEME.

*Du nombre des Muses, ce qui s'en
dit non vulgairement.*

Mais qu'il y en ait neuf, & non plus ne moins, ie pense que tu le nous monstrerois bien, par ce que i'estime que tu ayes bien estudié cela, estant
c si amy des Muses que tu es, & en aiant tant comme tu en as. Et quelle grande doctrine, respondit Herodes, y auroit il en cela? Car il n'y a celuy qui ne sçache & qui ne châte le nombre de neuf, comme estant le premier quarré procedant du premier non pair, & non-pairement non-pair, comme celuy qui se diuise en trois non-pairs egaux. Et Ammonius s'en prenant à rire: Tu as, dit-il, vaillamment retenu & recité par cœur cela, mais adiousté

y encore ce petit corollaire, que c'est vn nombre **D** composé de deux premiers cubes de l'vnité & du huit, & par vne autre sorte de cōposition de deux triangles, c'est à sçauoir du trois & du six, dont l'vn & l'autre encore est nombre parfait. Mais comment & pourquoy est-ce qu'il cōuient mieux aux Muses qu'il ne fait aux autres Dieux, & que nous auons neuf Muses, & non pas neuf Ceres, ny Minerues, ny Dianes: car ie croy que tu ne te persuades pas que ce soit pour autant que le nom de leur mere *μνημοσύνη*, soit composé d'autant de lettres. Herodes se riant de cela, & s'estant fait vne pause **E** de silence, Ammonius me sollicita de prendre le propos: Et mon frere dit adoncq, que les anciens n'en cognoissoient que trois, mais que de le vouloir prouuer en compagnie, où il y auoit tant de sages hommes & de si sçauans, ce seroit vne lourderie & vne vaine ostentation, & la cause de cela n'est pas, comme quelques vns disent, à raison des trois especes de Musique, la Chromatique, la Diatonique, & l'Armonique, ny à l'occasion des trois bornes qui font l'interualle de l'octaue, c'est à sçauoir la Nete, qui est la haute voix, la Mese la moyē- **F** ne, & l'Hypate la basse: combien que les Delphiés appelloient ainsi les Muses, & mal, à mon aduis, d'autant qu'ils les attachoient toutes à vne sciēce, ou plus tost à vne seule partie d'vne science, qui est l'Armonique en la musique: mais les anciens entendans bien que tous les arts & sciences qui se traittent avec raison se reduisent à trois genres principaux, Philosophie, Rhetorique & Mathe-

matique,

A matique, estimerent que c'estoient dons & benefices de trois Deitez qu'ils appelloient Muses. Depuis & environ le temps d'Hesiode, les facultez d'icelles generalles sciences, venans à se plus reueler & descouurir, ils s'apperceurent que chascune d'icelles auoit trois differences, & les sousdiuiserent en autres trois parties & especes, la Mathematique en l'Arithmetique, la Musique, & la Geometrie: la Philosophie en la Logique, la Morale, & la Physique. La Rhetorique eut du commencement pour sa premiere partie, la demonstratiue qui s'employe aux louanges: la seconde, la deliberatiue aux consultatiōs: la troisieme, la iudicielle qui verse aux iugemens & plaidoiries: de toutes lesquelles facultez ils n'estimoient pas qu'il y en eust pas vne qui eust esté inuentee, ne qui se peust apprendre sans Dieu ny sans les Muses, c'est à dire, sans la conduite & faueur de quelque puissance superieure. A l'occasion dequoy ils ne firent pas autant de Muses, mais ils trouuerent qu'il y en auoit autant. Tout ainsi doncq, comme le neuf se diuise en trois ternaires, desquels chascun se sous-diuiſe en trois vnitez: Aussi la rectitude de la raison en l'entendement est vne seule & commune puissance, mais chascune gente de ces trois se sous-diuiſe en trois especes, chascune desquelles prent à disposer, orner & accoustrer particulièrement vne desdittes facultez: car ie ne pense pas qu'en ceste diuision les Poëtes ny Astrologues se puissent à bon droit plaindre, comme si nous auions laissé en arriere leur science: car ils ſcauent aussi bien comme nous

que l'Astrologie est contribuee à la Geometrie, & D
la poëtique à la Musique. Comme cela eut esté dit,
le medecin Tryphō se prit à dire, He deá, que vous
a fait nostre pauvre faculté de Medecine, que vous
luy fermez le Temple des Muses? Et lors Diony-
sius Melitien respondit, Tu en prouques beau-
coup d'autres à se plaindre semblablement: car nous
autres Iardiniers & laboureurs nous approprions
la Muse Thalia, qui est à dire florissante, pour ce
que nous luy attribuons la cure & sollicitude de fai-
re croistre & de preseruer les semences & les plan-
tes qui florissent, & qui reuerdissent. Mais en cela, E
dis-ie, vous auez tort, car vous auez pour vostre
patrone Ceres, surnommee *ἀνιστήρα*, pour ce
qu'elle nous baille ses dons, qui sont les fruiçts de
la terre: & Bacchus, lequel, comme dit Pindare,

Fait hors de la terre paroistre
Les plantes, reuerdir & croistre,
Et la saincte beauté des fruiçts
En beauté parfaite produits.

Et puis nous sçauons que les medecins ont *Æscu-*
lapius pour leur guide, & Dieu tutelaire, & qu'ils
se seruent d'*Apollo Pëan*, appaisant la douleur en
toutes choses, mais de Musagetes en rien: car, com-
me dit Homere,

Tous les humains ont affaire des Dieux,
mais non pas tous de tous. Et m'esbahis comment
Lamprias a oublié ou ignoré ce que disent les Del-
phiens: car ils disent, que les Muses ne portent
point les noms de sons ou de chordes enuers eux,
ains que le monde vniuers estant diuisé en trois
prin-

A principales parties, la premiere celle des nature^s non errantes, la seconde des errantes, & la tierce celles qui sont sous la sphere de la Lune, & qu'elles sont toutes distantes les vnes des autres par proportions armoniques, de chascune desquelles ils tiennent qu'il y a vne des Muses qui en a la garde: de la premiere celle qu'ils nomment Hypate, de la derniere Nete, & Mese celle du milieu, qui contient & dirige autāt comme il est possible les choses mortelles aux diuines, & terrestres aux celestes, comme Platon mesme nous l'a couuertement donné à entendre par les noms des Fees ou des Parques, aiant appellé l'une Atropos, l'autre Lachesis, & la tierce Clotho: car quant aux mouuemens des huit cieux, ils leur ont attribué autant de Sirenes, non pas de Muses. Menephyllus le Peripateticien adonc prenant la parole, Il y a, dit-il, quelque apparence vraysemblable en ceste sentēce des Delphiens, mais Platon est impertinent, qui à ces eternelles & diuines reuolutions des cieux assigne au lieu de Muses des Sirenes, qui ne sont pas guerres bons ny benins Demons, en delaisant de tout point les Muses, ou bien les appellant des noms des Parques, & disant qu'elles sont filles de la Necessité: car la necessité est chose rude & violente, là où la persuasion est douce & gentile, qui par le moien des Muses domte amiablement ce qu'elle veut, haissant la contrainte de necessité beaucoup plus que ne fait la grace d'Empedocles,

Qui hait de mort la force intolerable.

Il est bien vray, ce dit Ammonius, celle qui en

nous est cause forcee & non volontaire, mais la D
 necessité qui est és Dieux n'est point insupporta-
 ble, ny mal-aísee à obeír, ny violente, sinon aux
 mauuais: ne plus ne moins que la loy en vne cité
 est aux bons la meilleure chose qui y soit, laquelle
 ils ne sçauroient ny tordre, ny transgresser, non
 pour ce qu'il leur soit impossible, mais pour ce
 qu'ils ne veulent pas la changer. Au demourant
 quant aux Sirenes de Platon, la fable nous en es-
 pouuente sans raison: car il nous a bien couuerte-
 ment voulu dóner à entendre la force & puissance
 de leur chât & musique, qui n'est point inhumaine
 ny mortelle, ains imprime és ames, qui partét de ce
 monde & s'en vont là, & errent vagabondes apres
 la mort, vne affection vehemente enuers les choses
 celestes & diuines, & vne oubliance des mortelles
 & terrestres, les arrestant & enchantant du plaisir
 qu'elles leur donnent, de maniere que pour la ioye
 qu'elles en reçoient, elles les suivent, & tournent
 quand & elles: de laquelle armonie vne bien peti-
 te & obscure resonance, arriuât iusques icy à nous
 par les discours que lon nous en fait, appelle no-
 stre ame, & la remet en memoire de ce qu'elle y F
 oit alors, dont la plus part est estouppée, bouchée
 & plastree de farcíssemens de chair & passions non
 sinceres: & neantmoins nostre ame pour la gene-
 rosité dont elle est douée, la sent & s'en ressouuiét,
 & en est esprise de si vehemente affection, que sa
 passion ressemble proprement aux plus furieuses
 amours, tant elle appete & desire, & ne peut neāt-
 moins se deslier d'auec le corps. Toutefois ie n'ac-
 corde

A corde pas du tout à cela, ains me semble que comme Platon en ce lieu a vn peu estrangement appellé les aixieux du monde & des cieux, quenouilles & fuseaux, & tournillons ou pesons les astres: aussi a il vn peu trop extraordinairement appellé les Muses Sirenes, qui exposent & declarent aux enfers les choses diuines & celestes, comme Vlysses en Sophocles dit, que les Sirenes filles de Phorcus sont venues, lesquelles recitent les loix & statuts des enfers, & les Muses sont lès huit Spheres des cieux, & vne qui a pour sa portion les lieux
B prochains de la terre. Celles doncq qui president aux reuolutions des huit Spheres, entretiennent & conseruent l'ahrmonie & consonance des estoiles errantes enuers les estoiles fixes, & aussi entre elles mesmes, & l'vne qui a la surintendance de l'espace qui est entre le ciel de la Lune & la terre, en se promenant parmy les choses temporelles & mortelles, y imprime & introduit la persuation des graces de la conuenance, accord & harmonie par le moien de sa parole & de son chant, autant qu'elles sont capables d'en sentir & d'en receuoir. Ce qui
C sert & aide grandement à maintenir la police ciuile & societé humaine, en adoulcissant & apaisant ce qu'il y a de turbulent & de deuoyé en nous: & le remettant doucement en la bonne voye, mais comme dit Pindare,

Ceux qui ne sont point des esleus
Du haut Iupiter bien voulos,
Fuyent la voix melodieuse
Des Muses, & l'ont odieuse.

A quoy Ammonius aiant acclamé, comme il auoit d
accoustumé, ces vers de Xenophanes,

Cela tenu soit en quelque creance,

De verité il y a apparence.

Et sollicitant encore chascun à en dire son aduis,
apres auoir fait vn peu de silence, ie recommançay
à dire: Que comme Platon mesme par l'etymolo-
gie des noms, ne plus ne moins que par la trace, pé-
se trouuer les proprietéz & facultez des Dieux, auf-
si nous de mesme mettons en vne des Muses au
ciel & parmy les choses celestes, qui semble estre
Vrania, c'est à dire celeste. Car il est vray-semblable **E**
que les choses celestes n'ont pas grand besoing de
beaucoup de diuers gouuernement, n'aians qu'v-
ne simple & seule cause qui est la nature, mais là
où il y a beaucoup d'erreurs, excès & transgressiōs,
c'est là où il faut transferer & loger les huit, l'vne
pour corriger vne sorte de faute & de desordre, &
l'autre pour en rhabiller vne autre. Et pour ce que
de toute nostre vie vne partie est ieu, & vne partie
affaire graue & serieux, & en tout y a besoing d'v-
ne temperature reglee & moderee, ce qu'il y aura
de graue & de serieux en nous, sera réglé, modéré **F**
& conduit par Calliope, Clio, & Thalia, estās noz
guides en la science & speculation des Dieux: Et
les autres Muses auront le soing & l'office de con-
duire ce qui panche & qui est enclin à la volupté
& à iouer, ne souffrant pas que par son imbecillité
il se lasche & se laisse aller trop dissoluëment &
trop bestialement, ains le recueillans & accompa-
gnans honnestement & en bon ordre, avec bal,
chant,

A chant, & danſe, où il y ait bien-ſeance temperee & meſſee de raiſon & d'armonie. Quant eſt de moy, mettant Platon en toutes choſes deux principes de noz actions, l'un la cupidité naturelle & nee avec nous des voluptez, & l'autre l'opinion venue d'ailleurs, appetant ce qui eſt tresbon, & appellant aucuneſois l'un la raiſon, & l'autre la paſſion, l'une & l'autre aiant derechef d'autres diuerſitez & differences, ie voy certainement que toutes deux ont beſoing de grande & veritablement diuine regle, diſcipline & conduite. Premierement quant à la

Raiſon, il y en a vne partie ciuile & royale, c'eſt à dire, qui ſ'entremet du gouuernemēt & des matieres d'eſtat, & ſur cela eſt ordonnee, ce dit Heſiode, Calliope: l'eſtat de Clio puis apres eſt de pouſſer en auant, honorer & eſgayer l'ambition: Polymnia cōſerue & regit la vertu memoratiue & le deſir d'apprendre & de ſçauoir, qui eſt en l'ame: c'eſt pourquoy les Sicyoniēs, des trois muſes qu'ils mettent, ils en appellent l'une Polymathia, qui eſt à dire grand ſçauoir. Euterpe, tout homme de bon iugement, luy attribuera la ſpeculation & contem-

Cplation de la verité de nature, n'eſtimant, point qu'il y ait autres delectations ny recreations plus belles, plus pures, ny plus honneſtes que celles là. Mais quant aux cupiditez, ce qui concerne le boire & le manger, Thalia eſt celle qui le rend ſociable, compagnable, ciuil & honneſte, au lieu qu'il ſeroit autrement inhumain, beſtial & deſordonné. C'eſt pourquoy nous appellons *δαλιάζεν*, ſaſſembler honneſtement & gayement enſemble

pour faire bõne chere, non pas ceux qui conuienēt^D
pour yurongner & faire excès de manger & de
boire. Et quant aux accords de l'amour, c'est Erato
qui y assiste avec grace de persuasion, avec raison
& opportunité, ostant & estraignant la villanie &
ardeur furieuse de la volupté, la faisant terminer
en foy & amitié, non pas en dissolution ny intem-
perance de lubricité. Il reste le plaisir des yeux &
des oreilles, soit qu'il appartienne à la raison, ou
bien à la passion, ou qu'il soit commun à toutes les
deux. Les deux autres Muses, c'est à sçauoir Mel-
pomene & Terpsicore, le regentent & l'ordonnēt^E
en telle sorte, que l'un soit honneste resiouissance,
& non pas chatouillement attraiant, & l'autre re-
creation, & non pas enchantement.

*Tout ce chapitre suiuant est si fort depraué &
defectueux en l'original, que lon ne sçait
quelle coniecture y asseoir.*

QUESTION VINZIEME.

*Qu'il y a trois parties au bal, mouuement, geste, &^F
monstre: & que c'est que chascune d'icelles
parties: & qu'il y a de commun entre
l'art de la poésie & celle
de baller.*

A Pres cela on esleua les tartes & gasteaux, car
c'est le pris de la victoire proposée aux enfans
qui ont le mieux ballé: & auoit on esleu pour
iuges

A iuges Meniscus le maistre d'eschole, & mon frere Lamprias, par ce qu'il auoit autrefois gentilmente dansé la morisque armee, qui se nomme Pyrriche, & estoit tenu aux escholes des exercices pour celuy qui auoit meilleure grace à iouer des mains en ballant que nul autre des ieunes garçons. Et comme plusieurs se meissent à dāser plus affectionnément qu'artificiellement, & avec plus d'ardeur que d'art, il y eut quelques vns de la compagnie qui en aiant choisy deux des plus experts, & qui vouloient obseruer les regles de l'art, les prierent de danser boutée apres boutée, & mouuemēt apres mouuement.

B Si demanda lors Thrasybulus le fils d'Ammonius, que signifioit ce mot de boutée & de mouuement en cela. Cela donna matiere & occasion à Ammonius de discourir vn peu au long des parties du bal. Car il dit, qu'il y auoit trois parties du bal, le mouuement, le geste, & la monstre, par ce, dit il, que le baller est composé de remuement & de contenances, comme le chant est composé de sons & d'interualles, car les pauses & arrests icy sont les fins des mouuements. Ils appellent doncques mouue-

C ment les remuemens & gestes, les dispositions & contenances de la personne, esquelles se terminent les mouuements quād ils s'arrestent, representant à la forme de leur corps ou Apollo, ou Pan, ou vne Bacchante, de maniere qu'on le cognoisse à voir leur port. Quant à la troisieme partie qui est la monstre, laquelle n'est pas vne imitation, mais vne demonstration & indication à la verité du subiect de la danse: car comme les poëtes vsent des noms

propres pour designer quand ils nomment Achil-^D
les, Vlysses, la Terre, le Ciel, ainsi cōme le cōmun
les nomme : mais pour plus grande expression &
representation plus au vif de cē qu'ils veulent don-
ner à entendre, ils vsent aucunesfois de mots qu'ils
inuentent expressément eux mesmes, cōme quand
ils disent, *κλαρύζον* & *κεχλάζον*, pour exprimer le
bruit des eaux courantes, & pour dire que les flet-
ches volent,

De chair & sang desirans se saouler,
Et pour dire vne bataille ambigüe, où lon ne sçait
qui a du meilleur, E

Les fronts egaux la bataille y auoit.
Ils forment aussi en leurs vers plusieurs composi-
tions de noms, pour représenter ce qu'ils veulent
dire, comme Euripides de Perseus:

Le meurtrier tueur de la Gorgonne,
Volant par l'air là où Iupiter tonne.
Et Pindarus parlant du cheual,
Quand, sans picquer, d'ardēt courage
Ton corps couroit sur le riuage
D'Alpheus, par grande roideur.

Et Homere parlant de la course des cheuaux, F
Les chars d'estain & de cuyure parez,
Par les cheuaux aux vistes pieds tirez,
Couroient volans.

Ainsi est il au bal, par ce que le geste represente la
forme & le visage, & le mouuement donne à en-
tendre quelque affection, ou action, ou puissance:
mais par les demonstrations on monstre prompte-
ment les choses, comme la terre, le ciel, les assi-
stants

A stants, ce qu'estant fait par ordre, nombre & mesure, ressemble à ce que les poëtes vsent aucunes fois des propres noms coulans vniement avec quelque ornement, comme sont,

Venus aux yeux noirs, Themis venerable,
Iuno la riche, & Dioné la belle.

& ces autres,

Les Roys des Grecs Xuthus le Dorien,
Hippiocharme aussi Æolien.

autremēt le stile seroit trop bas, & les carmes mauuais, comme seroit qui diroit, de l'vn nasquit Hercules, & de l'autre Iphytus: ou de ceste Dame le pere, le mary, le fils, ses freres & progeniteurs ont esté Roys: la Grece l'appelle Olympiade. Les mesmes fautes se commettent en ballant és monstres, si elles n'ont grace & elegâce avec bien-seance & naïueté. Brief il faudroit transferer le dire de Simonides de la peinture au bal, pour ce que le bal est vne poësie muette, & la poësie vn bal parlant, dont vient que ny la peinture ne depēd de la poësie, ny la poësie de la peinture, ny ne se seruent aucunement l'vne de l'autre. Là où entre le bal & la poësie toutes choses sont communes, & participēt en tout l'vne de l'autre, toutes deux representans vne mesme chose, mesmement és chansons à danser, qui s'appellent Hyporchemes, où la representation se fait plus efficacement de l'vne par les gestes & mines, & de l'autre par les paroles: & ressemblent les poëmes, cōme aux lignes & aux traicts de la peinture, dont se traissent les visages. Si montre bien celuy qui aura heureusēmēt rencontré en ces

chançons à baller, & y aura esté trouué excellent, D
 que l'vne de ces deux arts a necessairement affaire
 de l'autre: car celuy qui entonne ceste chançon, Ie
 iouë le cheual de Theffalie, ou le chien d'Amycle,
 poursuiuant d'un pied imitateur son chant tortu,
 comme par la campagne Dotiene, ou en la plaine
 d'Anthemiunte: Il vole pour haster la mort du
 cerf ramé, prest d'attacher au collet toute autre be-
 ste. & ce qui suit apres. Il semble proprement que
 le poëme prouoque les gestes & les mines de la
 danse, & qu'il tire avec ces vers, comme avec ie ne
 sçay quelles cordes, les pieds & les mains, voire E
 tout le corps, & qu'il le roidisse tellement, que quãd
 cela se prononce & se chante, il n'y a membre qui
 puisse demourer quoy sans se remuer: à l'occasion
 de quoy il n'a point de hôte de se louer soy-mesme,
 nō moins pour sa suffisance en l'art de baller qu'en
 l'art de poësie: Tout vieil que ie suis, encore sçay ie
 de pied leger saulter & baller. Ils appellent celle
 sorte de bal, à la Candiote. Mais il n'y a maintenāt
 chose qui soit si mal entendue, ne si mal pratiquée,
 & corrompue, que celle art du bal: & pourtant luy
 est il aduenue ce que redoubtant Ibycus dit de luy F
 mesme en ces vers,

Aiant peché contre les Dieux, ie crains

Que ie n'en sois puny par les humains.

Car s'estant associee à ie ne sçay quelle poësie tri-
 uiale & vulgaire, & aiant abandonné l'ancienne,
 diuine & celeste, elle retiët les pleins Theatres fols
 & estourdis, aiant asseruy, comme vn Tyran, à elle
 vn peu de musique, mais enuers les sages hommes

& di-

& diuins, elle est à la verité decheute de tout honneur. Voila presque, Sossius Senecion, les derniers propos de lettres qui furent tenus chez le bon Ammonius durant les festes des Muses.

LES OPINIONS DES PHILOSOPHES.

LIVRE PREMIER.



ANT proposé d'escrire de la Philosophie naturelle, il me semble necessaire en premier lieu, & deuant toute autre chose, mettre la diuision & distribution de Philosophie, à fin que nous scachions que c'est que la Naturelle, & quelle part & portion elle est de toute la philosophie. Or doncques les Philosophes Stoïques disent, que Sapiëce est la science de toutes choses tant diuines que humaines, & que Philosophie est profession & exercice de l'art à ce conuenable, qui est vne seule supreme & souveraine vertu, laquelle se diuise en trois generales, la Naturelle, la Morale, & la Verbale: à raison dequoy la philosophie vient à estre aussi diuisee en trois parties, l'une naturelle, l'autre morale, & la tierce verbale. La Naturelle est, quand nous enquerons & disputons du môde, & des choses contenues en iceluy: la Morale, celle qui est occupee à traiter de la bonté ou mauuaistié de la vie humai-

ne: la Verbale, celle qui traite de ce qui appartient à discourir par raison, laquelle se nomme autrement Dialectique, comme qui diroit, disputatrice. Mais Aristote & Theophraste, & presque tous les Peripatetiques entierement, partissent la philosophie en ceste sorte. Il est necessaire que l'homme pour estre parfait soit & contemplateur de ce qui est, & facteur de ce qu'il doit: ce que lon pourra plus clairement entédre par ces exemples: Lon demande si le Soleil est vn animal, c'est à dire creature animee ou non, ainsi qu'on le voit. Celly qui va recherchant la verité de ceste proposition & question, est contemplatif, car il ne quiert & ne cherche que ce qui est. Semblablement, si le monde est infiny, & si y a aucune chose hors le contenu de ce monde: toutes telles questions sont contemplatiues. Mais d'autre costé on peult demander, Comment il faut viure, & cōment il faut gouverner ses enfans, comment il faut exercer vn magistrat, cōment il faut establir des loix: car toutes ces questions la se demandent à intention de faire, & telle vie se demande actiue & pratique.

Qu'est-ce que Nature.

CHAPITRE I.

PUIS que doncques, nous auons proposé d'escire & de traiter de la philosophie naturelle, ie pense qu'il soit necessaire de declarer premiere-ment que c'est que Nature: car il n'y auroit point de propos de vouloir entrer en discours de choses naturelles, & d'ignorer d'entrec ce que signifie nature

Ature. C'est doncques selon l'aduis & opinion d'Aristote, le principe de mouuement & de repos, de ce en quoy elle est premierement & non par accident : car toutes les choses que lon voit qui ne se font ny par fortune, ny par necessité, & ne sont point diuines, ny n'ont aucune de ces causes efficientes, s'appellent naturelles, & ont vne nature propre & peculiere, comme la terre, le feu, l'eau, l'air, les plantes, les animaux. Et d'auantage ces autres choses que nous voions s'engêdrer ordinairement, côme pluies, gresles, foudres, vents, & autres semblables, ont quelque principe & cōmancemēt : car elles n'ont pas leur estre de toute eternité, ains ont quelque cōmancement : & semblablement les animaux & les plantes ont aussi principe de leur mouuemēt, & ce premier principe la, c'est la Nature, & non seulement principe de mouuemēt, mais aussi de repos : car tout ce qui a eu principe de mouuement, aussi peult il auoir fin, & pour ceste raison Nature est le principe de repos & de mouuement.

Quelle difference y a il entre Principe &

Element. CHAP. II.

ARISTOTE donques & Platon estiment qu'il y ait differēce entre Principe & Elemēt, mais Thales Milesien pense que ce soit vne mesme chose Principe & Element : toute fois il y a bien grande difference, pour ce que les Elements sont composez, mais les Principes ne sont point composez, ny aucune substance complete, comme

nous appellons Elements, la terre, l'eau, l'air, & le feu : mais les Principes nous les appellons ainsi, pour autant qu'ils n'ont rien precedant, dont ils soient engendrez : car autrement s'ils n'estoient les premiers, ils ne seroient pas principes, ains ce dont ils seroient engendrez. Or y a il quelques choses precedentes, dont sont composees la terre & l'eau, c'est à sçauoir, la matiere premiere sans forme quelconque ny espeece, & la forme que nous appellons autrement Entelechie, & puis priuation. Thales doncques a failly en disant, que l'eau estoit l'Element & le principe de l'vniuers. I

Des Principes, Que c'est.

CHAP. III.

TH A L E S le Milesien a affermé que l'eau estoit le principe de l'vniuers : il a ce semble esté le premier auteur de la philosophie, & de luy a esté nommee la secte Ionique des philosophes : car il y a eu plusieurs familles & successions de philosophes, & aiant estudié en Ægypte, il s'en retourna tout vieil en la ville de Milet, où il maintient que toutes choses estoient composees d'eau, & qu'elles se resoluoient aussi toutes en eau. Ce qu'il coniecturoit par vne telle raison, c'est que premierement la seméce est le principe de tous animaux, laquelle semence est humide, ainsi est il vray semblable que toutes autres choses aussi ont leur principe d'humidité. Secondement, que routes sortes de plantes sont nourries d'humour, & fructifient par humour, & quand elles en ont faulte, elles se desseichent

Achent. Tiercement, que le feu du Soleil mesme & des astres se nourrit & entretient des vapeurs procedentes des eaux, & par consequent aussi tout le monde. C'est pourquoy Homere, supposant que toutes choses sont engendrees d'eau, dit,

l'Ocean est pere de toutes choses.

Mais Anaximander Milesien aussi tient, que l'infiny est le principe de toutes choses, pource que toutes choses sont procedees de luy, & toutes se resolu-
uent en luy, & pourtant qu'il s'engendre infinis mondes, lesquels puis apres s'esuanouissent en ce
B dont ils sont engendrez : pourquoy doncques, dit il, y a il infiny ? à fin que la generation ne defaille jamais. Mais il fault aussi, ne declarant pas que c'est que l'infiny, si c'est air ou eau, ou terre, ou quelque autre corps : & fault en ce, qu'il met bien vn subiect & vne matiere, mais il ne met pas vne cause efficiente: car cest infiny n'est autre chose que la matiere, mais la matiere ne peult venir en parfait estre, si l'n'y a vne cause mouuante & efficiente. Anaximenes Milesien aussi mainteint, que l'air estoit le principe de l'vniuers, pour ce que toutes choses
C estoient engendrees de luy, & de rechef se resouloient en luy : comme nostre ame, dit il, qui est air, nous tient en vie, aussi l'esprit & l'air contient en estre tout ce mode, car esprit & air sont deux noms qui signifiēt vne mesme chose: mais cestui-cy fault aussi, pensant que les animaux soient composez d'un simple & vniforme esprit & air : car il est impossible qu'il n'y ait que vn seul principe de toutes choses, qui est la matiere, ains fault quant & quant

supposer la cause efficiëte: ne plus ne moins que ce D
n'est pas assez, d'auoir l'argent pour faire vn vase,
fil n'y a ensemble la cause efficiente qui est l'orfé-
ure: autant en fault il dire du cuyure, du bois & de
toute autre matiere. Anaxagoras le Clazomenien
asseura, que les principes de toutes choses estoient
les menues parcelles semblables, qu'il appelloit
Homœomeries: car il luy sembloit totalement im-
possible, que quelque chose se peust faire de ce qui
n'est pas, ou que ce qui est se peust resouldre en ce
qui n'est pas. Or est il que nous prenons nourri-
ture simple & vniforme, cōme nous mangeons du E
pain de fourmêt, & buuons de l'eau, & neâtmoins
de ceste nourriture se nourrissent les cheueux, les
veines, les arteres, les nerfs & les os, & les autres
parties du corps. Puis qu'il est donc ainsi, il fault
aussi cōfesser qu'en ceste nourriture que nous pre-
nōs, sont toutes ces choses qui ont estre, & que tou-
tes choses s'augmentēt de ce qui a estre, & en ceste
nourriture sont des parties qui engendrēt du sang,
des nerfs, des os, & des autres parties de nostre
corps, qui se peuuent comprendre par le discours
de la raison, par ce qu'il ne fault tout reduire aux F
sentiments de la nature pour monstrier que le pain
& l'eau facent cela, ains suffit qu'il y a des parties
lesquelles se peuuēt cognoistre par la raison. Pour
autant donques qu'en la nourriture y a des parties
semblables à ce qu'elles engendrent, à ceste cause
les appelle il Homœomeries, cōme qui diroit par-
celles semblables, & affirma que c'estoiēt les prin-
cipes de toutes choses: ainsi vouloit il que ces par-
celles

A celles semblables fussent la matiere des choses, & que l'entendement fust la cause efficiente qui a ordonné tout: si cōmance son propos en ceste sorte: Toutes choses estoient ensemble pesse mesle, mais l'entendement les separa & meit par ordre. Pour le moins en cela fait il à louër, qu'à la matiere il a adjoinct l'ouurier. Archelaus fils d'Apollodorus Athenien dit, que le principe de l'vniuers estoit l'air infiny, & la rarefaction & condensation d'iceluy, dōt l'un est le feu, & l'autre est l'eau. Ceulx cy dōcques estāts par succession cōtinuelle depuis Thales

B venus les vns apres les autres, ont fait la secte qui s'appelle Ionique. D'autre part Pythagoras fils de Mnesarchus natif de l'Isle de Samos, le premier qui a dōné le nom à la philosophie, a tenu que les principes des choses estoient les nombres, & les Symmetries, c'est à dire, conuenāces & proportiōs qu'ils ont entre eux, lesquelles il appelle autrement Harmonies: & puis les composez de ces deux Elements que lon dit Geometriques. De rechef il met encore entre les principes, l'Vn & le Deux indefiny: & tend l'un de ces principes à la cause efficiente

C & specifique, qui est l'entendement, c'est à sçauoir Dieu: l'autre à la cause passive & materielle, qui est ce mōde visible. D'auantage il estimoit que Dix estoit toute la nature du nombre, pource que & les Grecs & les barbares tous cōptēt iusques à dix, puis quād ils sont arriuez iusques à la dizaine, ils retournent de rechef à l'vnité. Et oultre disoit encore que toute la puisāce de Dix cōsiste en quatre, c'est à dire, au nōbre quaternaire: & la cause pourquoy, c'est

que si lon recōmance à l'vn, & que seló l'ordre des nombres on les adiousté iusques au quatre, on fera le nombre de dix, & si lon surpasse le quaternaire, aussi surpassera lon la dixaine, comme si lon met vn & deux ensemble, ce sont trois, & trois font six, & quatre apres ce sont dix, de sorte que tout le nombre, à le prédre d'un à vn, gist en dix, & sa force & puissance en quatre. Et pourtant les Pythagoriciens souloient iurer, comme par le plus grand ferment qu'ils eussent sçeu faire, par le quaternaire,

Par le saint Quatre,eternelle nature

Donnant à l'ame humaine, ie te iure :

& nostre ame, dit il, est composée de nombre quaternaire, car il y a l'entendement, science, opinion, & sentiment, dont procede toute science & tout art, & dont nous mesmes sommes appelez raisonnables. Car l'entendement est l'vnité, pour ce qu'il ne cognoist & n'entend que par vn, cōme y aiant plusieurs hommes, les particuliers vn à vn sont incomprehensibles par sentimēt, attendu qu'ils sont infinis, mais nous comprenons en pensée, cela seul homme, & en entendons vn seulement, auquel nul n'est semblable, car les particuliers qui les consideroit à part sont infinis, ainsi toutes especes & tous genres sont en vnité : & pourtant quand on demande de chasque particulier que c'est, nous en rendons vne telle definition en general, c'est vn animal raisonnable, apte à discourir par raison: ou bien, animal apte à hennir. Voyla pourquoy l'entendement est vnité, par laquelle nous entendons cela. Mais le deux & nombre binaire indefiny, est
à bon

A à bon droit Science, car toute demonstration & toute probation est vne sorte de sciēce : & d'auantage toute maniere de syllogisme ou ratiocination, collige & infere vne cōclusion qui estoit douteuse de quelques propositions confessees, par où elle demonstre facilēmēt vne autre chose, dont la comprehension est science: par ainsi appert il que science vraysemblablement est le nombre binaire. Mais opinion à bonne raison se peult dire le nombre ternaire de la comprehension, pource que l'opinion est de plusieurs. Or le ternaire est nombre de multitude, comme quand le poëte dit, ô Grecs heureux trois fois. C'est pourquoy Pythagoras ne faisoit point estime du trois, la secte duquel a esté appelée Italique, pourautant que Pythagoras ne pouuant supporter la tyrannique domination de Polycrates se partit de Samos, qui estoit son païs, & s'en alla tenir son eschole en Italie. Heraclitus & Hippasus de la ville de Metaponte ont tenu, que le feu estoit le principe de toutes choses, pource que toutes choses se font de feu, & se terminēt par feu, & quand il s'estaint tout l'vniuers monde en est engendré, car la plus grosse partie d'iceluy se serrant & espessissant en soy mesme se fait terre, laquelle venant à estre laschee par le feu, se conuertit en eau, & elle s'euaporant se tourne en air: & de rechef le monde & tous les corps qui sont compris en iceluy, seront vn iour tous cōsommez par le feu: parquoy il concludoit que le feu estoit le principe de toutes choses, comme celuy dont tout est : & la fin aussi, pource que toutes choses se doiuent resoul-

dre en luy. Epicurus fils de Neocles Athenien sui-
 uant l'opinion de Democritus dit, que les princi-
 pes de toutes choses sont les Atomes, c'est à dire,
 corps indiuisibles, perceptibles par la raison seule-
 ment, solides sans rien de vuide, non engendrez,
 immortels, eternels, incorruptibles, que lon ne
 scauroit rompre ny leur dōner autre forme, ny au-
 trement les alterer, & qu'ils ne sont perceptibles
 ny comprehensibles que par la raison, mais qu'ils
 se meuuent en vn infiny & par vn infiny qui est le
 vuide, & que ces corps sont en nombre infiny, &
 ont ces trois qualitez, figure, grandeur, & pois. De-
 mocritus en mettoit deux, grandeur & figure: mais
 Epicurus y adiousta pour le troisieme le pois, car il
 est, disoit il, force que ces corps là se meuuent par
 la percussion du pois, car autrement ne se mou-
 ueroiēt ils pas, & que les figures de tels corps estoient
 comprehensibles, & non pas infinies, pource qu'ils
 ne sont ny de forme de hameçon, ny de fourche,
 ny de annelets, d'autant que telles figures sont fort
 fragiles: & les atomes sont tels, qu'ils ne peuuent
 estre ny rompus ny alterez, & ont certaines figures
 qui sont perceptibles non autrement que par la rai-
 son, & s'appellent Atomes, c'est à dire indiuisibles,
 non pource qu'ils soiēt les plus petis, mais pour ce
 que lon ne les peult mespartir, d'autant qu'ils sont
 impassibles, & qu'ils n'ont riē qui soit de vuide, tel-
 lemēt que qui dit Atome, il dit infragible, impassi-
 ble, n'aiāt rien de vuide. Et qu'il y ait des Atomes,
 il est tout apparēt, par ce qu'il y a des Elemēts eter-
 nels des corps vuides, & l'vnité. Empedocles fils de

Meton

A Meton natif d'Agrigente dit, qu'il y a quatre Elements, le feu, l'air, l'eau & la terre, & deux principes ou facultez & puissances principales, accord & discord, dont l'une a force & puissance d'assembler & unir, & l'autre de desassembler & desunir, & dit ainsi,
 Premièrement oy les quatre racines,
 Dont ce qui est prend tout ses origines:
 Iupin ardent, & Iuno soupirant,
 Pluto le riche, & Nestis qui plorant
 Avec ses pleurs humecte la fontaine,
 Dont sourd coulant toute semence humaine.

B Iupiter est le feu, Iuno l'air, Pluto la terre, & Nestis l'eau. Socrates fils de Sophroniscus Athenien, & Plato fils d'Ariston Athenien aussi (car les opinions de l'un & de l'autre de quelque chose que ce soit sont toutes vnes) mettent trois principes, Dieu, la Matiere, & l'Idée. Dieu est l'entendement uniuerfel, la Matiere le premier subiet supposé à la generation & corruption, l'Idée une substance incorporelle, estant en la pensee & entendement de Dieu: & Dieu l'entendement du monde. Aristote fils de Nicomachus natif de Stagire, met pour principes, la forme, la matiere & la priuation, pour Elements quatre, & pour le cinquieme le corps celeste estant immuable. Zeno fils de Mna-seas, natif de Citie, pour principes met Dieu & la matiere, dont l'un est cause actiue, & l'autre passive, & quatre Elements.

Comment a esté composé le Monde.

CHAP. II II I.

D iiij

LE Mōde donc est venu à estre composé & for-
mé de figure ronde en ceste maniere, Les Ato-
mes indiuisibles aians vn mouuement fortuit &
non consulté ny proposé, & se mouuans très-le-
gerement & continuellement, plusieurs corps sont
venus à se rencontrer ensemble, differents pour ce-
ste cause & de figures & de grandeurs, & s'assem-
blans en vn: ceulx qui estoient les plus gros & plus
pesants deualoient en bas, & ceulx qui estoient pe-
tits, ronds, polis & labiles, ceulx la à la rencontre
des corps furent en pressant repoulsez & reiettez
contre-mont: mais quand la force poulsant vint à **E**
defaillir, & que l'effort du poulsment cessa de les
enuoyer contremont, ne pouuans retomber cōtre
bas, pour ce qu'ils en estoient empeschez, par ne-
cessité ils estoient cōtraincts de se retirer aux lieux
qui les pouuoient receuoir, c'est à sçauoir, ceulx
qui estoient alentour, aux quels grande multitude
de corps estoient rebattus à l'enuiron, & venās en
ceste repercussion à s'entrelasser les vns dedans les
autres, ils engendrerent le ciel: & puis d'autres
encore de mesme nature, de diuerses formes, com-
me dit est, estants aussi poulsez contre-mont par-
F firent la nature des astres: & la multitude des corps
rendant exhalation & vapeur, fait l'air & l'esprai-
gnit, lequel par le mouuement estant conuertty en
vent, comprenant avec soy les estoiles, les tourna
quand & luy, & a cōtregardé iusques au iourd'huy
la reuolution en rond, qu'ils ont encore au hault
du monde. Ainsi des corps qui deuallerent au
fond, s'engendra la terre, & de ceulx qui mon-
terent

Aterent contre-mont, le ciel, le feu & l'air: mais alen-
 tour de la terre y aiant encore beaucoup de ma-
 tiere comprise & espeffie par les battemens des
 vents, & les halenees des astres, tout ce qui y estoit
 de plus deliee & plus menue figure fut espraint, &
 engendra l'element de l'eau: laquelle estant de na-
 ture fluide, s'en coula aual vers les lieux creux &
 bas qui la pouuoient comprendre & contenir, ou
 bien l'eau d'elle mesme s'arrestant creusa & caua
 les endroicts qui estoient dessoubs elle. Voyla
 comment les principales parties du monde ont
B esté engendrees.

Si tout est vn,

CHAP. V.

LEs philosophes Stoïques ont tenu qu'il n'y
 auoit que vn monde, lequel ils appelloient,
 Tout, & la substance corporelle. Empedocles di-
 soit bien qu'il n'y auoit que vn monde, mais que
 ce n'estoit pas mesme chose que le monde & tout,
 & que le monde n'estoit qu'une petite partie de
 tout, & que le reste estoit vne matiere oyseuse. Pla-
Cron preuue la coniecture de son opinion, qu'il n'y
 ait que vn monde, & que tout soit vn, par trois ar-
 gumens vraysemblables. Premièrement par ce,
 qu'autrement le monde ne seroit pas parfait, s'il
 ne comprenoit tout en soy. Secondement, qu'il
 ne seroit pas semblable à son patron, s'il n'estoit
 vnique. Tiercement, qu'il ne seroit pas incorrupti-
 ble, s'il y auoit quelque chose hors de luy. Mais il
 faut dire alencontre de Platon, que le monde est

parfait, & si ne comprennent pas toutes choses, car **D** l'homme est bien parfait, & si ne comprennent pas toutes choses. Et puis qu'il y a plusieurs exemplaires tirez d'un patron, cōme és statues & maisons & és peintures. Et comme est il parfait si hors de luy quelque chose peut tourner? Incorruptible n'est il pas ny ne peut estre, attendu qu'il a esté né. Metrodorus dit que ce seroit chose bien hors de propos de dire, qu'en un grand champ il ne creust que un espy de bled, & qu'autant estrange seroit il qu'en l'infiny il n'y eust qu'un monde. Or qu'il y en ait en multitude infinis, il appert de ce qu'il y **E** a des causes infinies: car si le monde est finy, & que les causes dont il est composé soient infinies, il est force qu'ils soient aussi infinis, car là où sont toutes les causes, là est il force que soient aussi les effects: Or sont les causes du monde les Atomes, ou bien les Elemens.

*D'où & comment est-ce que les hommes ont
eu imagination de Dieu.*

CHAP. VI.

F

LEs Philosophes Stoïques definissent ainsi l'essence de Dieu, que c'est un Esprit plein d'intelligence, de nature de feu, qui n'a forme aucune de soy, mais se transforme en tout ce qu'il veut, & se fait semblable à tout. Si en ont les hommes eu apprehension & apparceuance: premieremēt, la prenant de la beauté des choses qui apparoissent à noz yeux, car il n'y a rien de beau qui ait esté fait à l'adventure

A uenture ny fortuitement, ains faut qu'il ait esté cōposé par quelque ingenieuse artificielle nature. Or est le ciel beau, comme il apparait à sa forme, à sa couleur & à sa grandeur, & à la varieté des astres & estoilles qui sont disposees en iceluy. Et puis il est rond comme vne boule, qui est la premiere & plus parfaitte de toutes les figures, car elle est seule de toutes qui ressemble à ses parties, & estant rond il a les parties rondes aussi. Voyla pourquoy Platon dit que l'entendement, & la raison, qui est la plus diuine partie de l'homme, a esté logee dedans la teste qui approche de forme ronde: la couleur aussi en est belle, car elle est tainte en bleu, lequel est plus obscur que n'est pas la couleur de pourpre, mais il a vne qualité brillante & resplendissante telle, que par la vehemence de sa lueur il fent vn si grand interualle de l'air, & se fait veoir d'vne si esloignee distance. Aussi est il beau pour sa grandeur, car de toutes choses qui sont d'vn mesme genre, le dehors qui enuironne & contient le demourant, est tousiours le plus beau, comme en l'homme & en l'arbre. Et puis ce qui consomme la beauté du monde sont les images celestes des signes & des estoilles qui nous apparoiſſent, car le cercle oblique du Zodiaque est embelly de diuerses figures:

Le Cancre y est, & le Lion apres,
 La Vierge suit, & les Forces de pres,
 Le Scorpion & l'Archer suyuaus viennent,
 Le Capricorne & le Verseau se tiennent,
 Les deux Poissons, le Mouton, le Taureau,

Les deux lumeaux font le bout du cerceau. D
 & autres innumerables configurations d'estoiles que Dieu a faittes en semblables voulttes & rondité du monde : voyla pourquoy Euripides l'appelle

Splendeur du ciel estellé qui tout cœuure,
 De sage ouurier admirable chef d'œuure.

Nous auons doncques pris de là imagination de Dieu, que le Soleil, la Lune & les autres astres, apres auoir fait le cours de leur reuolution sous la terre, viennent à renaistre tous semblables en couleur, egaux en grandeur, & en mesmes lieux & E en mesmes temps. Et pourtant ceux qui nous ont baillé la maniere de seruir & adorer les Dieux, nous l'ont exposee par trois diuerfes voies, l'vne naturelle, la seconde fabuleuse, & la troisieme ciuile, c'est à dire, tesmoignee par les statuts & ordonnance de chasque cité: & est enseignee la naturelle par les philosophes, la fabuleuse par les poëtes, la ciuile & legitime par les vs & coustumes de chasque cité. Mais toute ceste doctrine & maniere d'enseigner est diuisee en sept especes: la premiere est par les apparences des corps celestes, que F nous apparceuons au ciel : car les hommes ont eu apprehension de Dieu par les astres qui nous apparoissent, voians comme ils sont cause d'un grand accord & grande cōuenance, & qu'il y a tousiours vn certain ordre & cōstance du iour & de la nuit, de l'hyuer & de l'esté, du leuer & du coucher du Soleil, & puis entre les animaux & les fruiçts que la terre produit: pourtant ont ils estimé que le ciel en

A en estoit le pere & la terre la mere, d'autant que le ciel verse les rauages des eaux qui tiennent lieu de semences, & la terre les reçoit & enfante : & considérant que ces astres faisoient tousiours leurs cours, & mesmement qu'ils estoient cause de ce que nous voions, pour cela ont ils appellé le Soleil & la Lune, Theous, c'est à dire, Dieux, de ce mot, Thein qui signifie courir, ou de Theorin qui signifie contempler. Ils ont puis apres diuisé les Dieux, en vn second & vn tiers degré, c'est à sçauoir en ceux qui profitent & en ceux qui nuysent, appellans ceux

B qui profitent Iupiter, Iuno, Mercure, Ceres : & ceux qui nuysent, les malings Esprits, les Furies, Mars, lesquels ils abominent & detestent, comme mauuais & violens. En oultre ils adioustent le quatrième & le cinquième lieu & degré aux affaires, & aux passions & affections, comme Amour, Venus, Desir : & des affaires, comme, Esperance, Iustice, bonne Police. Au sixième lieu sont ceux que les poëtes ont faits, comme Hesiodé voulant donner pere aux Dieux engendrez, a de luy mesme inuenté & introduit de tels progeniteurs, Ceus, Crius,

C Hyperion, Iapetus, & pourtant ce genre la est appellé fabuleux. Le septième lieu est de ceux qui ont esté honorez d'honneurs diuins, pour les grâds biens par eux faits à la commune vie, encore qu'ils aient esté engendrez & nez humainement, comme sont Hercules, Castor & Pollux, Bacchus. Et ont dit que ces Dieux auoient forme d'hommes, d'autant que la plus noble & plus excellente nature de toutes est celle des Dieux, & entre les ani-

maux le plus beau est l'homme, orné de diuerſes D
vertus, & le meilleur quant à la conſtitution & cō-
poſition de l'entendement. Voyla pourquoy lon
a eſtimé qu'il eſtoit raſonnable, que ce qui eſtoit
le plus noble reſſemblaſt à ce qui eſtoit le plus
beau & le meilleur.

Qu'est-ce que Dieu.

CHAP. VII.

AVcuns des philoſophes, cōme Diagoras Me-
Alien, & Theodorus Cyrenien, & Euemerus
natiſ de Tegee, ont tenu reſoluëment, qu'il n'eſtoit E
point de Dieux. Et quant à Euemerus Cyrenien,
Callimachus le donne couuertement à entendre
en ſes carmes Iambiques là où il dit,

Allez vous-en tous en trouppes à l'eglise

Qui hors les murs de la ville eſt aſiſe,

Où le vieillard glorieux long temps a

Le Iupiter de bronze compoſa,

C'eſt où le traître eſcrit ſes meſchans liures.

ces meſchans liures la eſtoient ceux où il diſcou-
roit qu'il n'y auoit point de Dieux. Et Euripides ne
ſ'oz pas deſcouvrir, d'autant qu'il redoutoit le Se- F
nat de l'Areopage : mais neantmoins il monſtra
quelle eſtoit ſon opinion, par telle maniere : Il in-
troduit Sifyſus auteur de ceſte opinion, & puis
il fauoriſe luy meſme à ſa ſentence,

Il fut vn temps que la vie de l'homme

Deſordonnee en ſes faiëts ainſi comme

Des animaux plus farouches eſtoit,

Et qu'en tout lieu le plus fort l'emportoit.

Puis

A. Puis il dit, que ceste dissolution fut ostee par l'introduction des loix, mais pour ce que la loy pouuoit bien reprimer les malefices qui se commettent euidentement, & qu'il y en auoit plusieurs qui pechoient neantmoins encore secrettement, alors il y eut quelque sage homme qui pésa en luy mesme qu'il falloit tousiours voiler la verité de quelque mensonge, & persuader aux hommes

Qu'il est vn Dieu viuant vie immortelle,

Qui voit & oit & ressent chose telle.

Mais oston, dit-il, toute fiction & toute resuerie
B poëtique, avec la raison de Callimachus qui dit,

S'il est vn Dieu, il est donc impossible,

Qu'il ne luy soit de tout faire possible.

Or est il que Dieu ne peut pas tout faire: car s'il est Dieu, qu'il face que la neige soit noire, & le feu froid, & que ce qui est couché soit debout, & au cōtraire: car Platon mesme le magnifique parleur, quand il dit, que Dieu crea le mōde à son moule & patron, sent fort sa rance & moysie simplesse d'antiquité, comme disent les poètes de l'ancienne comedie: car cōment se regardoit il soy-mesme pour
C former ce monde à sa figure? & comment a il fait Dieu rond comme vne boule, & plus bas que l'homme? Anaxagoras dit que les premiers corps du commencement estoient en repos & ne bougeoient, mais que l'entendement de Dieu les ordonna & arrangea, & fait les generations de toutes choses. Platon au contraire dit, que ces premiers corps la n'estoient point en repos, & qu'ils se mouuoient confusément & sans ordre, mais que
Dieu

Dieu entendant bien que l'ordre vaut beaucoup mieux que la confusion, meit toutes choses par ordre. L'un & l'autre doncques en cela ont fait vne mesme faute cōmune, qu'ils ont estimé, que Dieu eust soing des choses humaines, & qu'il eust fabriqué ce monde expressémēt pour en auoir le soing. Car vn animal bien-heureux & immortel, accompli de toutes sortes de biens, sans aucune participation de mal, totalement dedié à retenir & conseruer sa beatitude & son immortalité, ne peut auoir soing des affaires des hommes, autrement il seroit aussi malheureux comme vn maneuure, ou comme vn maçon trauaillāt à porter de gros fardeaux, & ressuant à la fabrique & gouuernement de ce monde. D'auantage ce Dieu dont ils parlent, il est force ou qu'il ne fust point auant la creation du monde, lors que les premiers corps estoient immobiles, ou qu'ils se mouuoient confusément : ou bien sil estoit, ou il dormoit, ou il veilloit, ou il ne faisoit nel'un ne l'autre. Or est il que ny l'un ny l'autre n'est à confesser, car le premier ne faut il pas admettre pour ce que Dieu est eternal: ny le second aussi, pour ce que sil dormoit de toute eternité, il estoit mort, car vn dormir eternal c'est la mort: & qui plus est, Dieu ne peut estre susceptible de sommeil, car l'immortalité de Dieu, & l'estre prochain de la mort, sont bien esloignez l'un de l'autre. Et si Dieu estoit esueillé, ou il defailloit aucune chose à sa beatitude, ou il auoit felicité toute complete, & ny en l'une ny en l'autre sorte il ne se pouuoit dire bien-heureux: car sil luy defailloit

A failloit quelque chose, il ne se pouuoit dire entièrement heureux : & s'il ne luy defailloit rien , pour neant s'entremettoit il de vaine entreprise . Et s'il est vn Dieu, & que par sa prudence les choses humaines soient gouuernées, comment est-ce que les meschans prosperent en ce monde , & que les bós & honnestes souffrent au contraire? car Agamemnon qui estoit, comme dit le poëte,

En armes preux, & prudent en conseil,
fut par l'adultere de sa femme paillarde surpris & tué en trahison, & Hercules qui estoit son parent, qui auoit repurgé la vie humaine de tant de maux qui en troubloient le repos, estant empoisonné par Deianira , fut semblablement occis en trahison. Thales dit que Dieu est l'ame du monde : Anaximander, que les Astres sont les Dieux celestes : Democritus, que Dieu est vn entendement de nature de feu, l'ame du monde: Pythagoras, que des deux principes l'vnité estoit Dieu , & le Bien qui est la nature del'vn & l'entendement , & que le nombre Binaire indefiny estoit le Diable, & le mal à qui appartient toute la multitude materielle & tout ce monde visible. Socrates & Platon , que c'est vn vnique & simple de nature, né de soy-mesme, & seul & veritablement bon, & tous ces noms la tendent à vn entendement : cest entendement doncques est Dieu, forme separee à part, c'est à dire qui n'est mesléé avec matiere quelconque, ny n'est conioint à chose quelcōque passible. Aristote tient que le Dieu supreme est vne forme separee, appuyé sur la rondeur & sphere de l'vniuers, laquelle

est vn corps etheré & celeste, qu'il appelle le cin-^D quieme corps, & que tout ce corps celeste estât di-
uisé en plusieurs sphères de nature coherentes &
separees seullemēt d'intelligence, il estime chascu-
ne de ces sphères la estre vn animal composé de
corps & d'ame, desquelles le corps est etheré, se
mouuant circulairement, & l'ame raison immobile
cause de mouuement selon l'action. Les Stoïques
en general vniuersellement definissent, que Dieu
est vn feu artificiel procedant par ordre à la gene-
ration du monde qui cōprenent en soy toutes les rai-
sons des semences, desquelles toutes choses fatale-^E
ment se produisent & viennent en estre. Et vn es-
prit qui va & penetre par tout le monde changeāt
de nom & d'appellation par toute la matiere, où il
penetre par transiō de l'vn en l'autre, & que le
monde est Dieu, les estoiles la terre, & l'entende-
ment suprême qui est au ciel. Epicurus tient que
tous les Dieux ont forme d'homme, mais qu'ils ne
peuent estre apperceus que de la pensee seule-
mēt, pour la subtilité de la nature de leurs figures,
& luy mesme dit que les autres quatre natures en
general sont incorruptibles, à sçauoir les Atomes, le^F
vuide, l'infiny, & les similitudes lesquelles s'appel-
lent semblables parcelles & elemens.

Des Dæmons & demy-Dieux. CHAP. VIII.

S Viuant le traitté des Dieux il est conuenable de
Straitter de la nature des Dæmons & des De-
my-dieux. Thales, Pythagoras, Platon & les
Stoïques

A Stoïques tiennent, que les Dèmons sont substances spirituelles, & que les Demy-dieux sont ames separees des corps, & qu'il y en a de bons & de mauuais, les bons sont les bonnes ames, & les mauuais les mauuaises. Mais Epicurus ne recoit rien de tout-cela.

De la Matiere.

CHAP. IX.

LA matiere est le premier subiect soubmis à generation & corruption & à autres mutations.

B Les sectateurs de Thales & de Pythagoras, & les Stoïques disent, que ceste matiere est variable, muable, alterable & glissante, tout & par tout l'univers. Les disciples de Democritus tiennent, que les premiers principes sont impassibles, comme les Atomes, le vuide & l'incorporel. Aristote & Platon, que la matiere corporelle n'a forme, espece, ne figure, ne qualité quelconque quant à sa propriété, mais que quand elle a receu ces formes, elle en est comme la nourrice, le moule & la mere. Ceux qui disent que c'est eau ou terre, ou feu, ou air, ne disent plus qu'elle soit sans forme, ains que c'est corps, & ceux qui tiennent que ce sont Atomes indivisibles, la font informe.

De l'Idée.

CHAP. X.

LIdée est la substance du corps, laquelle ne subsiste pas à par elle, mais figure & dōne forme aux matieres informes, & est cause de les faire venir.

en euidence. Socrates & Platon estiment que les *I*dees soient substances separables de la matiere, mais bien subsistées és pensemens & imaginatiōs de Dieu, c'est à dire, de l'entendement. Aristote n'a point osté les *I*dees, autrement dictes especes, mais non pas separees de la matiere, les patrons de tout ce que Dieu a fait. Les Stoïques disciples de Zenon ont dit, que noz pensees estoient les *I*dees.

Des Causes.

CHAP. XI.

LA cause est ce dont depend vn effect, ou ce *P*ourquoy quelque chose aduient. Platon fait trois genres de causes: car il dit que c'est par quoy, de quoy, ou pour quoy, mais il estime que la principale est par quoy, c'est à dire, la cause efficiēte qui est l'entendement. Pythagoras & Aristote tiennēt que les premieres causes sont incorporelles, les autres causes par participation ou par accident sont de subsistence corporelle, tellement que le monde est corps. Les Stoïques tiennent que toutes causes sont corporelles, d'autant que ce sont esprits.

F

Des Corps.

CHAP. XII.

LE corps est ce qui est mesurable & diuisible en trois sens, longueur, largeur, & profondeur: ou, le corps est vne masse qui resiste au toucher tant qu'en soy est, ou ce qui occupe lieu. Platon, ce qui n'est ny pesant, ny léger, estant en son propre lieu naturel, mais en lieu estrange, il a inclination premierement,

A micrement, & puis apres impulsion à pesanteur ou à legereté. Aristote tient que la terre est la plus pesante simplement, & plus leger, le feu, & l'air & l'eau entre-deux aucunesfois ainsi, aucunesfois autrement. Les Stoïques, que des quatre Elemens il y en a deux legers, le feu & l'air : & deux pesans, l'eau & la terre: car leger est ce qui par nature, non par instigation, part & se meut de son propre milieu, & pesant ce qui tend à son milieu, mais le milieu mesme n'est pas pourtāt pesant. Epicurus tiét, que les corps ne sont pas contenables, & que les premiers sont simples, mais que les composez d'iceux ont tous pesanteur: que les Atomes se meuuēt les vns droit à plomb, les autres à costé, & aucuns contremont, par vn poulsement & percussion.

Des moindres Corpuscules.

CHAP. XIII.

EMpedocles est d'opinion, que deuant les quatre Elemens il y a de tres-petits fragments, comme Elemens deuant Elemens, de semblables parcelles tous ronds. Heraclitus introduit ne sçay quelles sieures ou racleures tres-petites, sans aucunes parties indiuisibles.

Des Figures.

CHAP. XIII.

Figure est la superficie, circonscription & finissement du corps. Les disciples de Pythagoras tiennent que les corps des quatre Elemens sont ronds comme boules, & que le plus haut, qui est le feu, est en forme de Pyramide.

Couleur est qualité visible du corps. Les Pythagoriens appelloient couleur la superficie du corps : Empedocles ce qui est cōuenable aux conduits de la veuë. Platon vne flamme sortant des corps, aiant des parcelles proportionnées à la veuë. Zenon le Stoïque, que les couleurs sont les premières figurations de la matiere. Les disciples de Pythagoras tiennent que les genres de couleurs sont le blanc & le noir, le rouge & le iaune: & que la diuersité des couleurs procede de certaine mixtion des Elemens, & és animaux de la difference, de leurs mœurs, & de l'air.

De la coupe des corps.

CHAP. XVI.

Les sectateurs de Thales & de Pythagoras, que les corps sont passibles & diuisibles iusqu'à l'infiny. Democritus & Epicurus tiennent, que la section s'arreste aux Atomes indiuisibles, & aux petits corps qui n'ont point de parties, & que ceste diuision ne passe point oultre à l'infiny. Aristotele dit, que potentiellement ils se diuisent en infiny, mais actuellement, non.

De la mixtion & temperature.

CHAP. XVII.

Les anciens tiennent, que ceste meslange des Elemēs se fait par alteration: mais Anaxagoras & Democritus disent, que c'est par apposition.

Em.

A Empedocles compose les Elemens de plus petites masses, qu'il entéd estre les moindres corpuscules, & comme, par maniere de dire, Elemens des Elemens. Platon est d'opinion que les trois corps (car il ne veut pas que ce soiét propremēt Elemens, ny ne les daigne pas ainsi appeller) soiét cōuertissables les vns és autres, à sçauoir l'eau, l'air, & le feu, mais que la terre ne se peut tourner en pas vn d'eux.

Du Vuide. CHAP. XVIII.

L Es Philosophes naturels de l'eschole de Thales, iusques à Platon, ont tous generalement reprouué le Vuide. Empedocles escrit,

Le monde n'a rien vuide ou superflu.

Lucippus, Democritus, Demetrius, Metrodorus, Epicurus, tiennent que les Atomes sont infinis en multitude, & le Vuide infiny en magnitude. Les Stoïques, que dedans le monde il n'y a rien de vuide, mais dehors infiny: Aristote qu'il y a hors du monde tant de vuide que le ciel puisse respirer, d'autant qu'il est de la nature de feu.

Du Lieu. CHAP. XIX.

Platon dit, que c'est ce qui est susceptible des formes les vnes apres les autres, qui estoit par translation exprimer la matiere premiere, comme vne nourrice qui reçoit tout: Aristote, que c'est l'extreme superficie du contenant, conioint & touchant au contenu.

LEs Stoïques & Epicurus tiennent qu'il y a différence entre vuide, lieu, & place: & que le vuide estoit solitude de corps, le lieu ce qui estoit occupé du corps, & la place ce qui est en partie occupé, comme il se voit en vn tonneau de vin.

Du Temps.

CHAP. XXI.

Pythagoras dit, que le tēps est la sphere du dernier ciel, qui contient tout: Platon l'image mobile de l'éternité, ou l'interualle du mouuement du monde: Eratosthenes, le cours du Soleil.

De l'Essence du Temps. CHAP. XXII.

Platon, que l'essence du temps est le mouuement du ciel: plusieurs des Stoïques, que c'est le mouuement mesme: & la plus part, que le temps n'a point eu commencement de generation: Platon, qu'il a esté engendré selon l'intelligence & apperceuance des hommes.

Du Mouuement.

CHAP. XXIII.

Pythagoras & Platon tiennent, que c'est mouuement & alteration en la matiere: Aristote, que c'est l'actuelle operation de ce qui est mobile. Democritus, qu'il n'y a qu'un genre de mouuement en trauers: Epicurus deux, l'un à plomb, & l'autre

A l'autre à costé. Erophilus, qu'il y a vn mouuement perceptible à l'entendement, vn autre au sens naturel. Heraclitus ostoit toute station & tout repos des choses de ce monde, disant que cela estoit propre aux morts : mais que mouuement eternal estoit affecté aux substances eternelles, & perissable aux substances corrompables.

De la Generation & Corruption. CH. XXIIII.

B **P**Armenides, Melissus & Zenon ostoient toute generation & corruption, d'autant qu'ils estimoient l'vniuers estre immobile : mais Empedocles & Epicurus, & tous ceulx qui tiennent que le monde est composé par vn amas de petis corpuscules, admettent bien des assemblemens & desassemblemens, mais non pas des generations & corruptions à parler proprement, disans que cela ne se fait pas selon qualité par alteration, mais selon quantité par assemblement. Pythagoras & tous ceulx qui supposent la matiere passible, tiennent qu'il se fait generation & corruption proprement, C d'autant qu'ils disent que cela se fait par alteration, mutation & resolution des elements.

De la Necessité. CHAP. XXV.

THales appelle la Necessité tres-forte, comme celle qui tient tout le monde. Pythagoras disoit que necessité embrasse le monde : Parmenides & Democritus, que toutes choses se font par ne-

cessité, & que c'est tout vn que la Destinee, la Iustice, la Prouidence, l'ouuriere du monde.

De l'essence de Neceffité. CHAP. XXVI.

Platon refere aucuns des Euenemens à la Prouidence, autres à la Neceffité. Empedocles, que l'essence de Neceffité est la cause idoine à vser des principes & des Elements : Democritus la resistan-
ce, la corruption & la percussion de la matiere: Platon aucunefois, que c'est la matiere, autrefois l'habitude de l'agent vers la matiere. E

De la Destinee. CHAP. XXVII.

Heraclitus, que toutes choses se font par Destinee, & que c'est la neceffité mesme. Platon reçoit bien la destinee és ames & actions des hommes, mais aussi y introduit il la cause issante de nous. Les Stoïques conformément à Platon tiennent, que neceffité est vne cause inuincible, & qui force tout, & que la Destinee est vn entrelasement de telles causes entrelasées de reng, auquel enchainement est aussi comprise la cause procedente de nous, tellement que quelques vns des Euenemens sont destinez, les autres plus que destinez. F

De la substance de Destinee. CH. XXVIII.

Heraclitus, que la substance de la Destinee est la raison qui penetre par toute la substance de l'vniuers

A l'univers, & que c'est vn corps celeste, la semence de tout l'univers : Platon, que c'est la raison eternelle, & la loy eternelle de la nature de l'univers. Chrysippus, que c'est vne puissance spirituelle, qui par ordre gouerne & administre tout l'univers: & derechef au liure des diffinitions, La destinee est la raison du monde, ou bien la loy de toutes les choses qui sont au monde administrees & gouernees par providence, ou la raison par laquelle les choses passees ont esté, les presentes sont, & les futures seront. Les Stoïques, que c'est vne chaisne de causes, c'est à dire vn ordre & vne connexion qui ne se peult iamais forcer ny transgresser : Posidonius, que c'est la troisieme apres Iupiter, pour ce qu'il y a au premier degré Iupiter, au second Nature, au troisieme la Destinee.

De la Fortune. CHAP. XXIX.

P Laton, que c'est vne cause par accident, & vne consequence és choses procedentes du conseil de l'homme : Aristote, que c'est vne cause fortuite & accidentelle és choses qui se font de propos deliberé à quelque certaine fin, icelle cause non apparente mais cachee. Qu'il y a difference entre Fortune & cas d'aduerture, pour ce que toute Fortune est bien aussi cas d'aduerture és affaires & actions du monde : mais tout ce qui est cas d'aduerture n'est pas quāt & quant Fortune, par ce qu'il cōsiste en choses qui sont hors d'action, & que la Fortune est proprement és actiōs des creatures raisonnables:

& cas d'adventure est tant des animaulx raisonnables que des irraisonnables, & des corps mesmes qui n'ont point de vie ny d'ame. Epicurus, que c'est vne cause qui n'accorde point aux personnes, aux temps, ny aux mœurs. Anaxagoras & les Stoiques, que c'est vne cause incongneüe & cachee à la raison humaine, par ce que aucunes choses aduiennent par necessité, autres par destinee, autres par deliberation propensee, autres par fortune, & autres par cas d'adventure.

De la Nature.

CHAP. XXX.

E

EMpedocles tient que la Nature n'est rien, mais qu'il y a mixtion & separation des Elements: car il escrit ainfi en son premier liure de Physique,
 Je diray plus, Ce n'est rien que Nature
 De tous humains, ny n'est la mort obscure,
 Terme ne fin, mais seule mixtion
 Des Elements & separation,
 C'est cela seul que Nature on appelle.

Anaxagoras semblablement, que Nature est assemblement & desassemblement, c'est à dire generation & corruption.

LES

A LES OPINIONS DES PHILOSOPHES.

LIVRE SECOND.



IANT doncques acheué de
traitter des Elements, princi-
pes, & autres matieres sem-
blables, ie passeray oultre
maintenant à discourir des
effects qui en sont composez.

Du Monde.

CHAPITRE I.

Pythagoras a esté le premier qui a appellé le cō-
tenu de l'vniuers Monde, pour l'ordre qui est
en iceluy. Thales & ses disciples ont tenu, qu'il n'y
a qu'un monde. Democritus, Epicurus, & leur di-
sciple Metrodorus, qu'il y a infinis mondes en un
infiny espace, selon toutes dimensions. Empedo-
cles, que le cours du Soleil est la circōscription des
bornes & termes du monde, & que cela est son
confinement. Seleucus a tenu, que le monde est
infiny. Diogenes, que l'vniuers est bié infiny, mais
que le monde est terminé & finy. Les Stoïques
disent qu'il y a difference entre le tout & l'vniuers,
pource que le tout est l'infiny avec le vuide, & le
tout sans le vuide, le monde, tellement que ce n'est
pas encore tout un, que le tout & le monde.

De la figure.

CHAP. II.

LES Stoïques tiennent, que le Monde est rond: **D** Les autres pointu en Pyramide, les autres en forme d'œuf: Epicurus, qu'il y en peut auoir de ronds, & d'autres d'autre forme.

si le Monde est animé. CHAP. III.

TOUS les autres tienent qu'il est animé, & gouverné par la prouidence: Democritus, Epicurus, & generalement tous ceulx qui ont mis en auant les Atomes, & le vuide, qu'il n'est ny animé ny gouverné par prouidence, ains par quelque nature non capable de raison. Aristote, qu'il n'est ny animé tout, & en toutes ses parties, ny sensible, ny raisonnable, ny intellectuel, spirituel, ou gouverné par prouidence: bien sont tous les corps celestes capables de toutes ces qualitez là, pource que les Sphères des cieulx sont animees & viuantes, mais que les corps terrestres n'ont aucune de toutes ces qualitez là, & que l'ordre qui est entre eulx, y est par accident, non par raison propensee.

si le Monde est incorruptible. CHAP. II II. **F**

PYthagoras & Platon, que le monde a esté engendré de Dieu, & qu'il est corruptible quant à sa nature, d'autât qu'il est sensible, cōme estat corporel, mais toutefois qu'il ne perira ny ne se corrompra point, pour la prouidēce diuine qui le conserue & cōtient. Epicurus, qu'il est perissable, d'autant qu'il est engendré, ne plus ne moins qu'un animal

A animal ou vne plante. Xenophanes, que le monde est eternal & incorruptible, non fait par creatiō: Aristote, que la partie du monde qui est au dessous de la Lune, est toute passible, & que les corps voisins de la terre sont subiects à corruption.

Dont se nourrit le Monde. CHAP. V.

A Ristote, que si le Monde se nourrit, il se corrompra. Or est il, qu'il n'a besoing d'aucune nourriture: par consequent doncques aussi est il eternal. Platon, que le monde se baille à soy mesme nourriture de ce qui se corrompt par mutatiō: Philolaus, qu'il y a double corruption, quelquefois par le feu tombant du ciel, & quelquefois par l'eau de la Lune, qui se respand par subuersion de l'air.

A quel Element commancea Dieu à fabriquer le Monde. CHAP. VI.

LES Naturels tiennent que la creation du monde commancea à la terre, comme estant le centre d'iceluy, d'autant que le commencement d'une sphere, c'est le centre. Pythagoras, au feu, & au cinquieme Element: Empedocles, que le premier qui fut separé fut la quinte essence, le second fut le feu, apres lequel la terre, de laquelle estant vn peu estroictement serree, par l'impetuosité de la reuolutiō, sourdit l'eau, laquelle se euapora en air: & que le ciel fut fait de la quinte essence, le Soleil du feu: & que des autres Elemēts furent cōstipez & cōposez

les corps terrestres, & voisins de la terre. Platon D que ce monde visible a esté formé au moule & patron de l'intellectuel, & que du monde visible, l'ame a esté faite la premiere, & apres elle ce qui est corpulé: ce qui est du feu & de la terre le premier, & ce qui est de l'eau & de l'air, le second. Pythagoras, que des cinq figures des corps solides, lesquelles s'appellent aussi Mathematiques, du Cube, qui est le corps quarré à six faces, auoit esté faite la terre: de la Pyramidele, feu: du corps à huit faces, qui est l'Octaèdre, l'air: de l'Icosaèdre, qui est le corps à vingt faces, l'eau: & du Dodecaèdre, qui est le corps à douze faces, la supreme sphere de l'univers. Platon mesme en ceste opinion suit Pythagoras.

De l'ordre de la fabrique du Monde.

CHAPITRE VII.

PArmenides disoit, que c'estoit comme des couronnes entre-lassees l'une dedans l'autre, l'une de substance rare, l'autre espesse, meslees l'une & l'autre de lumiere & de tenebres entre elles, & que ce qui les contenoit ensemble toutes, estoit ferme comme vn mur. Lucippus & Democritus enueloppent le monde d'une tunique ou membrane. Epicurus tenoit que de quelques modes les extremittez estoient rares, & de quelques autres espesses, & que d'iceulx aucuns estoient mobiles, autres immobiles. Platon met le feu premier, puis le ciel, apres l'air, & puis l'eau, & la derniere la terre, mais aucunesfois il conioint le ciel avec le feu: Aristote en pre-

A en premier lieu le ciel impassible, qui est le cinquieme corps, apres lequel les Elements passibles, le feu, l'air, l'eau, & la terre la derniere, desquels il attribue le mouuement circulaire aux corps celestes, & des autres qui sont au dessous, aux legers le mouuement contre-mont:aux pesants, le mouuement contre bas. Empedocles ne pense pas que les lieux des Elements soient tousiours arrestez & certains, mais qu'ils les changent tous entre eulx.

Pour quelle cause est le Monde penchant.

CHAPITRE VIII.

Diogenes & Anaxagoras apres que le monde fut composé, & les animaux sortis & produits de la terre, que le monde se pancha ne sçay comment de luy mesme, en la partie de deuers le Midy, à l'adventure par la diuine prouidence, à fin qu'il y eust aucunes des parties du monde habitables, autres inhabitables par froid excessif, par embrasement, & par temperature: Empedocles, que l'air cedant à la violēce du Soleil, les poles pancherent, & que celuy du costé de la bise se leua cōtre-mont, celuy deuers le Midy s'abaiissa, & par consequent tout le monde.

A sçauoir si hors du monde il y a du vuide.

CHAPITRE IX.

LES disciples de Pythagoras tiennent qu'il y a du vuide hors le monde, dedans lequel & du-

quel le mode respire. Mais les Stoiques, auquel par d
embrasement se resoult l'infiny. Posidonius ne le
met pas infiny, mais autant comme il fuffit à la dis-
folutiō. Au premier liure du vuide Aristote disoit,
qu'il y auoit du vuide : Platon, qu'il n'y auoit rien
de vuide, ny dedans le monde ny hors du monde.

*Quelle est la partie droicte, & quelle est la gauche
du monde.* CHAP. X.

Pythagoras, Platon, Aristote, que l'Orient est la
droicte partie, & l'Occident la gauche : Empe-
docles, que la partie droicte est vers le Tropique de
l'esté, la gauche deuers le Tropique de l'hyuer.

Du Ciel, quelle est sa substance. CHAP. XI.

ANaximenes tient, que la circonference exte-
rieure du ciel est de terre: Empedocles qu'il est
solide, le ciel estant fait de l'air congelé par le feu,
ne plus ne moins que le crystal, & qu'il contient ce
qu'il y a de feu & d'air en l'un & en l'autre hēmi-
sphere. Aristote, qu'il est composé du cinquieme
corps, ou d'une meslange de chauld & de froid.

*De la diuision du ciel, & en combien de cercles
il se diuise.* CHAP. XII.

THales, Pythagoras & ses sectateurs, que toute
la boule du ciel est departie en cinq cercles
que lon appelle Zones ou ceintures, & d'iceux l'un
s'appelle

A s'appelle Artique, & tousiours apparent, l'autre Tropicque d'esté, l'autre Æquinoctial, l'autre Tropicque d'hyuer, l'autre Antartique, & tousiours caché, & puis vn oblique atrauers les trois du milieu, qui s'appelle Zodiaque, touchant en passant tous les trois, lesquels sont tous entre-taillez à angles droicts par le Meridien qui passe d'un pol à l'autre. Pythagoras, à ce que lon dit, fut le premier qui s'aduisa de l'obliquité du Zodiaque, laquelle inuention neantmoins Oenopides natif de Chio s'attribue, comme s'il en estoit auteur.

B

Quelle est la substance des Estoilles, & comment elles sont composees. CHAP. XIII.

Tales tient qu'elles sont terrestres, mais enflammées neantmoins. Empedocles, qu'elles sont enflammées, & de feu, que le ciel contenoit en soy à la premiere excretion. Anaxagoras, que le ciel qui nous enuironne est bien de nature de feu, quant à son essence, mais que par la vehemence de sa reuolution rauissant des pierres de la terre, & les
C aiant allumées, elles deuindrent astres. Diogenes estime qu'elles soient de nature de pierre ponce, & que ce soient les souspiraux du monde : & de rechef luy mesme, que ce soient pierres non apparentes, lesquelles tombantes bien souuent en terre, s'estaignent, comme il aduint au lieu appelé Les fleuves de la chéure, où il tomba iadis vn astre de pierre en forme de feu. Empedocles que les estoilles fixes sont attachées au crystal du ciel, mais que les

Planettes sont destachees. Platon, que pour la plus part elles sont de feu, mais neantmoins qu'elles participēt encore des autres Elements, cōme de la colle. Xenophanes, que ce sont des nues enflammees, mais qui s'estaignent par chascun iour, & puis la nuit elles se rallumēt comme les charbons, & que leur leuer & leur coucher est vn allumer & estaindre. Heraclides & les Pythagoriens, que chascun des astres est vn monde contenant vne terre & vn air & vn ciel, en vne nature etheree, infinie, & ces opinions la sont es vers Orphiques, où de chascun astre ils font vn mōde. Epicurus ne reprouue rien de tout cela, se tenant à son, Il peult estre.

De la figure des astres.

CHAP. XIII.

LES Stoïques tiennent que les astres sont sphériques, ne plus ne moins que le monde, le Soleil & la Lune: Cleanthes, qu'ils sont de forme de Pyramide. Anaximenes, qu'ils sont fchez, comme testes de clou au crystal du ciel. Autres tiennēt que ce sont cōme lames enflābees, cōme des peintures.

De l'ordre & situation des astres. CHAP. XV.

XENOCRATES estime qu'ils se meuuent sur vne mēme superficie, mais les autres Stoïques qu'il y en a les vns deuāt, les autres en bas & hault. DEMOCRITUS met les estoiles fixes les premieres, & puis apres les planettes & errantes, apres lesquelles il met le Soleil, la Lune, & Lucifer, Venus, Platon, apres

Apres la situation des estoiles fixes, met en premier lieu celle qui s'appelle Phenon, qui est l'estoile de Saturne : la seconde Phaëthon, qui est celle de Jupiter : la tierce Pyroïs, c'est à dire enflambee, qui est celle de Mars : la quatrieme Fosphorus, qui est celle de Venus : la cinquieme Stilbon, celle de Mercure : la sixieme, le Soleil : la septieme, la Lune, & au dessoubs d'icelle les estoiles fixes & les errantes.

Du mouuement des astres. CHAP. XVI.

ANaxagoras, Democritus, Cleanthes, tiennent que tous les astres vont de l'Orient en Occident. Alcmeon & les Mathematiciens disent, que les Planettes se meuvent à l'opposite des estoiles fixes de l'Occident en Orient. Anaximander, qu'ils sont portez par les sphaeres & cercles, sur lesquels ils sont attachez. Anaximenes, qu'elles se meuvent aussi bien vers la terre, comme alentour de la terre. Platon & les Mathematiciens que le cours du Soleil, de Venus, & de Mercure sont egaulx.

D'où sont les estoilles enluminees. CH. XVII.

Metrodorus, que toutes les estoilles fixes sont enluminees du Soleil : Heraclitus & les Stoïques, que les estoilles se nourrissent des exhalatiōs, montans de la terre : Aristote, que les corps celestes n'ont point besoin de nourriture, pource qu'ils ne sont pas corruptibles, mais eternels : Platon & les Stoïques, que tout le monde & les estoilles sem-

LE SECOND LIVRE DES
blablement se nourrissent d'eulx mesmes. D

*Des estoilles que lon appelle Castor & Pollux, &
au iourd'huy le feu saint Herme.*

CHAPITRE XVIII.

XEnophanes, que les estoilles qui apparoiſſent
quelquefois ſur les nauires, ſont de ſubtiles
nuees, qui ſelon vn certain mouuement reluiſent:
Metrodorus, que ce ſont eſtincelles ſortants des
yeulx de ceulx qui les regardent avec crainte &
eſtonnement.

*De la ſigniſſance des eſtoilles, & comment ſe font
l'hyuer & l'eſté.* E

CHAP. XIX.

Platon dit, que les ſigniſſances de l'eſté & de
l'hyuer procedent du leuer & du coucher du
Soleil & de la Lune, & des autres eſtoilles, tant fi-
xes comme errantes: Anaximenes, que cela n'ad-
uiuent point par la Lune, mais par le Soleil ſeul: Eu-
doux & Aratus, que c'eſt communémēt par tou-
tes les eſtoilles, & le dit en ces vers,

Dieu a fiché les aſtres radieux,
Signes certains en la voulte des cieux,
Les departant tout au long de l'annee,
Pour nous mōſtrer comme elle eſt gouuernee. F

De la ſubſtance du Soleil.

CHAP. XX.

ANaximander dit, que c'eſt vn cercle vingt &
huit fois auſſi grand comme la terre, aiant le
tour

A tout semblable à celuy d'une rouë de chariot plein de feu, auquel en certain endroict y a une bouche, par laquelle il monstre son feu, comme par le trou d'une fluste. Xenophanes, que c'est un amas de petits feus, qui s'assemblent des humides exhalations, qui tous ensemble font le corps du Soleil, ou bien que c'est une nuëe enflambee. Les Stoiques, que c'est un corps enflambé, procedant de la mer. Platon, un corps de beaucoup de feu. Anaxagoras, Democritus, Metrodorus, que c'est une masse, ou une pierre enflambee : Aristote, que c'est une boule du cinquieme corps : Philolaus Pythagorien, que c'est une maniere de verre, receuant la reuerberation du feu, qui est en tout le monde, & en transmet la lumiere à nous, comme atravers un tamis, tellement que ce qui est au ciel allumé, ressemble au Soleil, & puis ce qui procede de luy, en forme de mirouër, & tiercement la splendeur qui par reflexion de ce mirouër se respand sur nous, car nous appelons ceste splendeur là, le Soleil estant comme l'image de l'image. Empedocles, qu'il y a deux Soleils, le premier le feu original, qui est en l'autre demie boule du monde, & remplit ceste autre demie boule cy, estant tousiours situee vis à vis de sa resplëndissante lueur par reflexion, & puis sa splendeur qui nous apparait en l'autre demie boule, réplie d'air meslé de chaleur, laquelle splendeur se fait par refraction de la terre ronde dedàs ce Soleil qui est de nature de crystal, & qui est entrainee par le mouvement de celuy de feu. Et pour dire plus

clairement en peu de paroles, c'est à dire, que le Soleil n'est autre chose que la reflexion de la lueur du feu, qui est en la terre. Epicurus, que c'est vne espesseur terrestre, persee à iour, comme vne pierre ponce, & allumee de feu.

De la grandeur du soleil. CHAP. XXI.

ANaximander, que le Soleil est egal à la terre, mais que le cercle sur lequel il a sa respiration, & sur lequel il est porté, est vingt & sept fois aussi grand que toute la terre. Anaxagoras, qu'il est plusieurs fois aussi grand que tout le Peloponese: Heraclitus qu'il est large comme le pied d'un homme. Epicurus de rechef dit, que tout ce qui est dit peut estre, ou qu'il est aussi grand comme il nous apparroit à la veüe, ou peu plus grand ou peu plus petit.

De la forme du soleil. CHAP. XXII.

ANaximenes, qu'il est plat comme vne lame: Heraclitus, qu'il est de la forme d'une nacelle, ainsi bossu par dessous: Les Stoïques, qu'il est rond comme le monde & les estoilles. Epicurus, que tout ce qui en est dit peut estre.

Des solstices. CHAP. XXIII.

ANaximenes, que les astres sont repoussez par l'air espeffy & resistant. Anaxagoras, par repoulsemēt de l'air, qui est alētour des Poles, que le
Soleil

A Soleil mesme poulsant rend plus fort par l'espessissement. Empedocles, que la sphere qui le contient l'empesche de passer oultre, & semblablement aussi les deux cercles Tropiques. Diogenes tient que le froid s'opposant à la chaleur, le Soleil s'estaint: les Stoïques, que le Soleil passe atrauers l'espace de sa pasture, qui est au dessoubs de luy, qui est la mer Oceane, & la terre, des vapeurs & exhalations desquelles il se nourrit. Platon, Pythagoras, Aristote, que c'est à cause de l'obliquité du cercle Zodiaque, par lequel il chemine en biaisant, & pour la circonstance des deux cercles Tropiques, dont il est enuironné, ce que mesme la sphere monstre euidemment.

De l'Eclipse du Soleil.

CHAP. XXIIII.

THales a dit le premier, que le Soleil eclipse & defaut quād la Lune se met au dessoubs droitement à plomb, d'autant qu'elle est de nature terrestre, ce qui se voit clairement, comme en vn miroir, dedans vn bassin. Anaximenes dit, que c'est **C** quand la bouche par ou sort la chaleur du feu est close: Heraclitus, quand le corps du Soleil, qui est en forme de nacelle, se tourne dessus dessoubs, de maniere que la partie courbe soit contre-mont, & la bossue contre-bas deuers nostre veuë. Xenophanes que cela se fait par extinction, & puis qu'il retourne de rechef à sa premiere clarté le lendemain à son leuer: & si escrit d'auantage, qu'il y a telle eclipse de Soleil qui dure tout vn mois, & aussi vne

eclipse toute entiere, de sorte qu'il semble que le jour deuienne nuit. Aucuns tiennent que cela se fait par vn espessissement de nuees, qui suruiennent à l'improuueu au deuant de la placque du Soleil. Aristarchus met le Soleil entre les estoiles fixes, & dit que c'est la terre qui se tourne alentour du cercle du Soleil, & que selon ses inclinations, elle vient à l'obscurcir de son ombre. Xenophanes tient qu'il y a plusieurs Soleils, & plusieurs Lunes selon la diuersité des climats de la terre, & à quelque reuolution de temps le rond du Soleil vient à donner en quelque appartement de la terre qui n'est pas habitee, & que ainsi marchant comme par vn pais vuide, il vient à souffrir eclipse: le mesme dit, que le Soleil va tout droict à l'infiny, mais que par la longueur de la distance il nous semble qu'il tourne.

De la substance de la Lune, & de la grandeur d'icelle.

CHAP. XXV. & XXVI.

ANaximander dit, que c'est vn cercle dixneuf fois aussi grand que toute la terre, tout plein de feu, comme celuy du Soleil, & qu'elle eclipse quād la rouë se tourne, pour ce qu'il dit que ce cercle ressemble à vne rouë de chariot, qui a la curuature de son tour creuse & pleine de feu, mais qu'il y a comme vn souspiral par ou le feu se exhale. Xenophanes dit, que c'est vne nuee espesse & serree: Les Stoïques, qu'elle est meslee de feu & d'air: Platon, qu'elle tiët plus du feu: Anaxagoras, Democritus,

A tus, que c'est vne fermeté allumee, où il y a des cāpagnes, des montagnes & des vallees. Heraclitus, que c'est vne terre enuironnee de brouillas: Pythagoras, que le corps de la Lune tire sur la nature du feu.

De la forme de la Lune.

CHAP. XXVII.

Les Stoïques la prononcent plus grande que toute la terre, & le Soleil de mesme. Parmenides, qu'elle est egale au Soleil, & qu'elle est enluminee par luy. Les Stoïques, qu'elle est ronde
B comme vne boule, ainsi que le Soleil. Empedocles, qu'elle est de la forme d'un bassin: Heraclitus, de la forme d'une nacelle: les autres, de la forme d'une pyramide ronde.

Des illuminations de la Lune.

CHAP. XXVIII.

A Naximander tient, qu'elle a vne lumiere propre, mais vn peu plus rare: Antiphon qu'elle luit de sa propre lumiere, & ce qu'elle se cache quelquefois procede de l'opposition du Soleil,
C quād vn plus grand feu viét à obscurcir vn moindre feu, ce qui mesme aduient aux autres estoiles. Thales & ses sectateurs, que la Lune est illuminee du Soleil. Heraclitus dit, que c'est tout de mesme de la Lune cōme du Soleil, pour ce que tous deux estās de la forme & figure d'une nacelle, & que receuant des humides exhalations, ils sont illuminez à nostre veüe, le Soleil plus clairement, d'autant qu'il chemine par vn air plus pur & plus clair, & la

Lune en vn plus trouble, & pour ceste occasion **D**
elle semble plus obscure.

De l'eclipse de la Lune.

CHAP. XXIX.

ANaximenes dit, que c'est quand la bouche par
ou le feu sort est estoupee. Berosus, que c'est
quand la face qui n'est point allumee se tourne de-
uers nous. Heraclitus, que c'est quand la bosse de
la nacelle nous regarde & se tourne deuers nous.
Aucuns des Pythagoriés, que c'est vne reuerberatiō
ou obstruction de nostre terre, ou bien d'une autre **E**
opposite. Mais les plus modernes tiēent, que c'est
par augmentation de la Lune qui se va allumant
peu à peu regleement iusques à ce qu'elle face la
pleine Lune, & derechef se retourne, diminuant
en mesme proportion, iusques à la conionction, à
laquelle elle s'estaint entierement. Platon, Aristote,
les Stoïques, les Mathematiciens tous d'un accord
disent, que ce que tous les mois elle s'absconse est
par ce qu'elle se vient ioindre au Soleil, de la lumie-
re duquel elle est toute offusquee, mais que les
Eclipses se font quand elle vient à donner dedans **F**
l'ombre de la terre, qui se trouue directemēt entre
ces deux luminaires: ou plus tost, par ce que la
Lune est toute bouchée.

*De l'apparence de la Lune, & pourquoy il
semble qu'elle apparoiſt terreſtre.*

CHAPITRE. XXX.

Les

A Les Pythagoriens tiennent, qu'elle apparoiſt
 terreſtre, pourautant qu'elle eſt tout alentour
 habitee, ne plus ne moins que la terre ou nous
 ſommes, & peuplee de plus grands animaux & de
 plus belles plantes, par ce que les animaux y ſont
 quinze fois plus forts que ceux de ce monde, qui
 ne rendent aucuns excremens, & que la nuit y eſt
 en meſme proportion de longueur. Anaxagoras
 dit, que l'inegalité qui apparoiſt en ſa face procede
 de ce qu'il y a du froid & du terreſtre meſlé par-
 my, pourautant qu'il y a de la tenebroſité meſlee
 ¶ parmy la nature de feu: d'ou vient que lon l'appel-
 le Aſtre de faulſe lumiere. Les Stoiques tiennent,
 que pour la diuerſité de ſa ſubſtance la compoſi-
 tion de ſon corps n'eſt pas incorruptible.

De la diſtance qu'il y a entre le Soleil & la Lune.

CHAPITRE XXXI.

E Mpedocles tient qu'il y a deux fois autant de-
 puis la Lune iuſques au Soleil, comme depuis
 la terre iuſques à la Lune: Les Mathematiciens di-
 ¶ ſent, qu'il y a dixhuit fois autant: Eratoſthenes,
 qu'il y a depuis la terre iuſques au Soleil ſept cens
 quatre vingts milles ſtades.

*Des années, & combien contient la grande année de
 chaſcune des Planetes.*

CHAP. XXXII.

L' An de Saturne eſt de trente ans communs: de
 Jupiter, de douze: de Mars, de deux: du Soleil,

de douze mois : & autant de Mercure & de Venus, car leurs cours est egal : de la Lune, trente iours : car celuy la est le mois parfait, depuis son apparition iusques à sa conionction. Et quant au grand an, les vns le mettent à dixneuf ans, les autres à seize, & les autres à cinquante neuf. Heraclitus le met à dixhuit mille ans solaires : Diogenes, de trois cens soixante & cinq ans, tels comme l'an d'Heraclitus : les autres, de sept mille sept cens soixante & sept ans.

LES DIVERSES OPINIONS DES PHILOSOPHES.

LIVRE TROISIEME.



ANT sommairement traité, és deux liures precedens, des corps celestes, & estant demeuré aux confins d'iceux, qui est la Lune, ie me mettray en ce Troisième à traiter & discourir des Meteores, c'est à dire, de ce qui se fait à mont, depuis le cercle de la Lune iusques à la situation de la terre, laquelle on dit tenir le lieu du centre en la composition du Globe de l'vniuers : & commenceray d'icy.

A C'est vn cercle qui semble nubileux, apparoissant tousiours en l'air, & que lon nomme cercle lactee pour ce qu'il a blanche couleur: Aucuns des Pythagoriens disoient, que c'estoit l'embrasement de quelque astre, estant sorti hors de sa propre place, & aiant brulé & embrazé en rond par tout le chemin où il estoit passé du temps de l'embrasement de Phaeton: les autres disent que ce fut anciennement par là le cours & la voye du Soleil: aucuns tiennent que c'est vne apparence speculaire seulement par reflexion des rayons du Soleil contre la voulte du ciel, ne plus ne moins qu'il se fait en l'arc en ciel & aux nuees. Metrodorus, que c'est pour le passage du Soleil, & que c'est le cours par où passe le Soleil. Parmenides tiët, que la meslange du rare & du pressé engendre ceste couleur la de laiët. Anaxagoras, que l'ombre de la terre s'arreste en cest endroit la du ciel, quand le Soleil estât sous la terre n'enlumine pas tout. Democritus, que c'est la splendeur de plusieurs petites estoiles pres les vnes des autres qui s'entr'enluminent à cause de leur espaisseur. Aristote tient que c'est vne exhalation seiche qui s'allume, laquelle est en grande quantité, & s'entretient, & que ainsi se fait vne cheueleure de feu au dessous du ciel & des planettes: Posidonius, que c'est vne consistance de feu plus claire que vne estoile, & dont la splendeur est plus espesse & plus serree.

Des Cometes, estoiles passantes ou tōbantes, & des cheurons de feu qui apparoissent en l'air. CHA. II.

AVcuns des sectateurs de Pythagoras tiennent, **D** que la Comete est vn astre du nôbre de ceux qui n'apparoissent pas tousiours, mais qui à certaines reuolutions de temps prefix se monstrent : les autres, que c'est vne reflexion de nostre veuë vers le Soleil, laquelle se fait par la mesme raison que les apparences qui se font dedans les miroirs. Anaxagoras, Democritus, disent que c'est vn concours de deux estoiles ou de plusieurs meslans leurs lumieres ensemble. Aristote, que c'est vne consistéce de exhalation seiche enflammee. Straton, que c'est la splendeur d'une estoile enuelopee d'un nuage **E**spes, côme il se fait és lāpes. Heraclides Pontique, que c'est vn nuage haut esleué qui est illuminé & esclairé par vne sublime lumiere aussi, & dit que l'estoile barbuë se forme de mesme les autres, côme tous les Peripateticiens disent, que le cheuron, la coulonne & autres semblables impressions qui apparoissent en l'air, se font par diuerses conformations des nuees qui sont en l'air. Epigenes, que c'est vne eleuation d'esprit & de vêt meilé de terre qui s'enflamme: Boetus, que c'est vne apparition d'air coulé. Diogenes tiët que les Cometes sont estoiles: **F** Anaxagoras que les estoiles passantes sont comme estincelles qui tombent du feu elementaire, & que c'est la cause pour laquelle elles s'estaignët tout incontinët. Metrodorus, que c'est quād le Soleil vient à donner violement dedans vne nuee, que ses rayons en scintillent : Xenophanes dit, que toutes telles apparitions sont constitutions & espessissements ou mouuemens de nuees qui s'enflamment.

A Des Tonnerres, foudres, esclairs, vents bruslans,
 & sions. CHAP. III.

A Naximander tient que tout cela se fait par le vent, pour ce que quand il aduient qu'il est enfermé dedans vne nuce espesse, alors par sa subtilité & legereté la rupture fait le bruit, & la diuulsi-
 sion, à cause de la noirceur de la nuce, cause la lumière: Metrodorus, quād en vne nuce serree pour son espaisseur il vient à s'enfermer du vent, par l'effraction il fait le bruit, & par le coup & dechireure
B il respplendit, & par la soudaineté de son mouuement preuenant la chaleur du Soleil il foudroye, & quand la foudre est imbecille, elle se conuertit en vent bruslant. Anaxagoras dit, que c'est quand le chaud vient à tomber dedans le froid, c'est à dire vne partie etherée, ou du feu celeste, vient à s'enfermer dedans de l'air, par le bruit elle engendre le tonnerre, & par la multitude & magnitude de la clarté, la foudre: & quand le feu a plus de corps, alors il se fait vn tourbillon ou sion: & quand il tient plus de la nuce, alors il s'engendre vn vent
C bruslant. Les Stoïques disent que le tonnerre est vn combat de nubes, l'esclair vn embrasement par la friction, la foudre par vne forte & vehemente lueur, & le vent bruslant par vne plus lasche. Aristoté, que tout cela se fait par vne exhalation seiche, qui se vient à rencontrer enclose dedans vne nuce humide, & qu'elle s'efforce d'en sortir à force de se froisser l'une contre l'autre, & par l'effraction le bruit s'engendre du tonnerre, & par l'inflam-

mation de la seicheresse l'esclair, le vent bruslant **D** & le tourbillon, selon qu'il y a plus ou moins de matiere, que l'un & l'autre tire quand & soy: car si elle est chaude, il se fait vn vent bruslant: si elle est plus espesse, vn tourbillon ou sion.

Des Pluyes, Neiges, & Gresles. CHAP. IIII.

ANaximenes tient, que les nuees se font par ce que l'air vient à s'espessir fort: & quand elles se coagulent encore d'auantage, alors il s'en exprime de la pluye: & la neige, quand l'eau en tombant vient à se prendre & geler: & la gresle, quand elle vient à estre surprise d'un vent froid. Metrodorus, tient que les nuees se composent d'une eleuation eueuse: & Epicurus, des vapeurs: & que les gouttes d'eau de pluye & la gresle s'arrondissent par la longueur de leur descente.

De l'Arc en Ciel. CHAP. V.

ENtre les choses qui se font en l'air, aucunes ont veritable subsistence, comme la pluye, la gresle, les autres n'ont que l'apparence seulement, non point de reale subsistence, comme quand nous sommes dedans vn batteau, il nous semble que la terre ferme se remue: l'Arc en ciel doncques est du nombre de celles qui se font seulement en apparence. Platon dit que les hommes ont feint que c'estoit le fils de Thaumas, comme qui diroit, de merueille, pourautant qu'ils s'emerveilloient

A loient fort de le veoir, comme monstre Homere quand il dit,

Comme s'estend deuant les humains yeux

L'arc teint de pourpre en la voulte des cieux.

C'est pourquoy aucuns ont fabuleusement inuenté & mis en auant, que luy aiant vne teste de Tauréau humoit les fleues. Comment dōcques est-ce que s'engendre cest arc en ciel? Il est certain que nous voions par lignes ou droittes, ou courbes, ou bien rebattues, qui n'apparoissent point, ains se cōprennent par le discours de la raison seulement, **B** d'autant qu'elles n'ont point de corps. Or voyons nous à droittes lignes les choses atrauers l'air, & atrauers les pierres transparêtes, ou les cornes, pour ce que toutes ces matieres la sont de parties fort subtiles. Et voyons aussi par lignes courbes dedans l'eau: car nostre veuë se courbe & se plie par force, à cause que la matiere de l'eau est plus espessë, c'est pourquoy nous voyōs vne rame de loin, qui nous semble courbe. La troisieme maniere de veoir est par refraction, comme ce que lon voit dedans les mirouers: l'arc en ciel est de telle sorte, car il faut **C** entendre que la vapeur humide estant eleuee contremont se tourne en nuee, & puis petit à petit en gouttes humides. Quand doncques le soleil vient à descendre vers l'Occident, il est force que tout arc celeste apparoiſſe vis à vis en la partie cōtraire du monde, quand nostre veuë dōnant dedans ces gouttes la vient à estre rebattue, de maniere qu'il se forme là vn arc celeste: & sont ces gouttes la, non point la forme de la figure d'arc, mais de la couleur.

La premiere est rouge, la seconde iaune, la tierce D
bleuë, la quarte verte: la couleur rouge donc appa-
roist pourautant que la clarté du Soleil donnant
dedans ces gouttes la, & ceste viue splendeur ve-
nant à estre rebattue & renuoyee fait apparoir la
couleur rouge, la seconde partie plus obscure &
venant à dissoudre ceste viue splendeur, fait le iaü-
ne, qui est comme vn relaschement du rouge: &
puis venant à se brouiller & obscurcir encore d'a-
uantage ce qui segrege la veuë, il se forme en
verd. Ce que lon peut esprouuer par experience,
car si lon prend de l'eau à l'opposite du Soleil, & B
qu'on la face distiller, de sorte que les gouttes
d'eau rompent & rebattent les rayons du Soleil,
on trouuera qu'il se fera vne forme d'arc en ciel:
le mesme aduient à ceux qui ont les yeux mala-
des, quand ils iettent leur veuë sur vne lampe.
Anaximenes estime que l'arc en ciel se fait par il-
lumination du Soleil, qui donne dedans vne nuee
espeße, grosse, & noire, de maniere que ces
rayons ne pouuans percer & penetrer atrauers,
s'amassent sur icelle. Anaxagoras tient que c'est
vne refraction de la lumiere ronde du Soleil don- F
nant contre vne nuee espeße, laquelle doibt touf-
iours estre vis à vis de luy, ne plus ne moins que
vn mirouer: par la mesme raison naturelle, com-
me il dit, apparoißent principalement au pais
de Pont, deux ou plusieurs Soleils. Metrodorus
tient, que quand le Soleil reluit atrauers les nues,
la nue apparoißt bleuë, & la lueur se fait de cou-
leur rouge.

A Des Verges.

CHAP. VI.

LEs Verges qui apparoissent quelquefois au Ciel, & les Soleils opposites aduiennent par la temperature de la matiere subiecte, & de l'illumination, quand les nuees nous apparoissent non en leur naturelle propre couleur, ains en autre, causee de la diuerse irradiation : & en toutes ces apparitions la mesmes effects aduiennent, & par raisons naturelles, & par espreuue d'experience.

B Des Vents.

CHAP. VII.

ANaximander tient, que le vent est vne fluxion de l'air, quand les plus subtiles & plus liquides parties de luy sont esmeuës ou fondues par le Soleil. Les Stoïques disent que tout vent est fluxion de l'air, & que selon les mutations des regions ils changent aussi de noms, comme venant de vers la Nuiët, ou le Ponent, il s'appelle Zephyrus : du costé de Leuant, & du Soleil, il se nomme Apeliotes : du costé de Septentrion, Boreas : du costé de Midy, Lybs. Metrodorus, que vne vapeur eueuse estant eschauffee par le Soleil produit l'imperuosité des vents : & que les anniuersaires, qui s'appellent communément Etesies, soufflent quād l'air qui alentour du Septentrion estoit espessi par le froid, flue avec le Soleil, qui s'en retourne apres le solstice de l'esté.

De l'Hyuer & l'Esté. CHAP. VIII.

EMpedocles & les Stoïques tiennent, que l'hy-
uer se fait quand l'espeſſeur de l'air gaigne &
monte contre-mont:& l'eſté quand le feu au con-
traire gaigne & deſcend contre-bas. Au reſte aiant
traitté des impreſſions qui ſ'engendrent en l'air,
nous courrons auſſi par deſſus celles qui ſe font
en terre.

*De la Terre, quelle eſt ſa ſubſtance, & combien elle
eſt grande.*

CHAP. IX.

THales & ſes dependans tiennent, qu'il n'y a
qu'une terre: Oecetes Pythagorien deux, ceſte
cy & l'opposite. Les Stoïques, qu'il y a vne ter-
re, & finie: Xenophanes que du coſté d'à bas elle
eſt fondee en vne profondeur infinie, & qu'elle
eſt concreée de feu & d'air. Metrodorus, que
la terre eſt la vaſe & la lie de l'eau: & le Soleil,
de l'air.

De la forme de la terre.

CHAP. X.

THales, & les Stoïques, & ceux de leur eſchole,
tiennent qu'elle eſt ronde comme vne boule.
Anaximander, qu'elle eſt ſemblable à vne pierre
en forme de coulonne. Anaximenes, qu'elle eſt
platte comme vne table. Lucippus, qu'elle a la for-
me d'un tabourin. Democritus, qu'elle eſt platte
comme vn baſſin, mais creuſe au milieu.

De la ſituation de la terre,

CHAP. XI.

Les

A Les disciples de Thales, qu'elle est au milieu. Xenophanes, qu'elle est la premiere fondee & enracinee en vn fond infini. Philolaus Pythagorien, que le milieu est feu, pour ce que c'est le foyer de l'vniuers, la seconde la contreterre, la tierce celle que nous habitons & qui tourne alentour de la contreterre, qui est la cause pour laquelle ceux qui sont en celle cy ne voyent pas ceux qui sont en celle la. Parmenides est le premier qui a limité les lieux habitez en la terre, à sçauoir ceux qui sont és deux bandes habitables iusques aux cercles des

B Tropiques.

Du panchement de la terre.

CHAP. XII.

L Vcippus, que la terre encline vers le Midi, à cause de la rarité qui est és parties Meridionales, d'autant que les parties Septentrionales sont astringees par les froidures, & les opposites enflammées. Democritus, pourautāt que l'air est plus imbecille vers le Midi, la terre croissant panche de ce costé là, d'autant que le costé du Nord est intemperé, & au contraire celuy du Midi est temperé, & pour ceste raison il pese plus sur ce costé là, là où la terre produit plus de fruiets, & les amène à plus grande augmentation.

Du mouuement de la terre.

CHAP. XIII.

L Es autres tiennent, que la terre ne bouge: mais Philolaus Pythagorien tient, qu'elle se meut

en rond par le cercle oblique, ne plus ne moins ^D que fait le Soleil & la Lune. Heraclides Pontique & Ecphantus Pythagorien remuent bien la terre, mais non pas qu'elle passe d'un lieu en un autre, estant enuelppee comme vne rouë de bandes, depuis l'Orient iusques en Occident, alentour de son propre centre. Democritus dit, que du commencement la terre vagoit çà & là, tant pour sa petitesse comme pour sa legereté, mais que s'estant estrainte & appesantie par le temps, elle s'est arrestee immobile.

E

De la diuision de la Terre, & combien elle a de bandes.

CHAP. XIII.

Pythagoras dit que la terre, ne plus ne moins que la sphere de l'univers, est diuisee en cinq bandes, l'Artique, la Tropicque d'esté, celle de l'hyuer, l'Æquinoctiale & l'Antartique, desquelles la metoyene termine le milieu de la terre, & pour ceste cause se nomme la Zone bruslee, mais à son aduis elle est habitable estât temperee, cōme celle qui est au milieu de celle d'esté & de celle d'hyuer. ^F

Des Tremblemens de terre.

CHAP. XV.

Thales & Democritus en attribuent la cause à l'eau. Les Stoïques disent, Le tremblement de terre est quand l'humidité qui est dedans la terre vient à se subtilier en air, & à sortir par force: Anaximenes, que la rarité & seicheresse de la terre font

A sont les causes du tremblement, l'une estant produite & causée par les excessives chaleurs, & l'autre par les excessives pluyes. Anaxagoras, par ce que l'air estant entré dessous terre, vient à se presenter au cuir pour sortir, mais le trouvant fort & espes d'autant qu'il ne peult trouver par où sortir, il la secouë par tremblement. Aristote, pour la circonstance du froid qui l'environne de tous costez, dessous & dessus, car le chaud tasche à gagner le haut, comme celuy qui est leger de sa nature : & pourrant l'exhalation seiche se trouvant enfermee, en

B s'efforçant de fendre, & tournant & retournant çà & là secouë la terre. Metrodorus, que nul corps estant en son lieu propre & naturel ne se remue, si autre actuellement ne le pousse ou ne le tire, & pourtāt que la terre estāt situee en son lieu naturel ne se remue point, mais biē que aucuns lieux & parries d'icelle vōt aux autres. Parmenides & Democritus, pour ce qu'elle est de tous costez egaleement distante, elle demeure en son contrepoids, ne aiant point de cause pourquoy elle deust pancher plus d'un costé que d'autre, & pourtāt qu'elle se secouë

C seulement, mais qu'elle ne bouge pas pourtant. Anaximenes, pour autant qu'elle est platte, qu'elle est portee dessus l'air. Les autres disent sur l'eau cōme les lames & les aix plats flottent dessus l'eau, & que c'est pourquoy elle se meut: Platon, que de tout mouuement il y a six circonstances, dessus, dessous, à droit, à gauche, deuant, & derriere, & que la terre ne se peult mouuoir par aucune de ces differences, pour autant que de toutes parts elle est au

plus bas du monde, à l'occasion dequoy elle demeure bien immobile, n'ayant rien pourquoy elle doive plus encliner en vne part qu'en vne autre, mais que certains endroits d'icelle, pour estre rares au dedans, se secoient. Epicurus tient, qu'il peut estre qu'elle est agitée & secouée par l'air, qui est au dessous, espes & de nature d'eau : qu'il peut estre aussi, que estant cauerneuse es parties inferieures, elle est agitée & tourmentée par le vent qui s'enferme dedans ses concavitez.

De la Mer, comment elle est concreatee, & comment elle est amere. CHAP. XVI.

ANaximander, que c'est vn reste de la premiere humidité, de laquelle le Soleil a seiché la plus grande partie, & ce qui en est demouré, il le transmue par son inflammation. Anaxagoras, que l'humour primitiue estant respendue come vn estang, a esté brulé par le mouuement que le Soleil fait alentour, & qu'estant exhalée la partie huileuse, le reste s'est affaïssé en saleure & amertume. Empedocles, que c'est la sueur de la terre eschauffée du Soleil, pource qu'elle est baignée par dessus. Ariston, que c'est la sueur du chault, duquel l'humide qui estoit contenu dedans, a esté espraint en bouillant, ce qui aduient en toute sueur. Metrodorus, pource qu'estât coulee atrauers la terre, elle retient quelque chose de sa densité, comme ce que lon passe atrauers la cendre. Les sectateurs de Platon, que de l'eau elementaire, ce qui en est par refrigeration

A ration congelé de l'air, est doux : mais que ce qui en est euaporé par embrasement & inflammation, en est salé.

Comment se font les flux & reflux, le flot & l'hebe en la Mer. CHAP. XVII.

A Ristore & Heraclitus, que c'est le Soleil qui le fait, d'autant que c'est celuy qui excite & mène quād & luy la plus part des vents, lesquels venants à donner dedans la mer Oceane enflent la mer Atlantique, & ainsi font le flux : & puis quād ils viennent à faillir, la mer estât retiree baisse, & ainsi cause le reflux ou l'hebe. Pytheas de Marseille tient que la pleine Lune est celle qui fait le flux, & le decours le reflux : Platon l'attribue à vn sous-leuement des eaux, disant qu'il se fait vn sous-leuement qui atrauers la bouche d'un pertuis porte çà & là le flux & reflux, par le moien duquel les mers sont oppositement tourmentees. Timæus en donne la cause aux riuieres qui entrent dedās la mer Atlantique, tombans des môtagnes des Gaules, qui par leurs irruptions & entrees violètes, en poulsant les eaux de la mer font le flux, & en se retirant par interualles, quand ils cessent ils causent le reflux. Seleucus le Mathematicien, qui fait aussi la terre mobile, dit que le mouuement d'icelle est contraire & opposite à celuy de la Lune, & que le vent estant tiré çà & là, à l'opposite, par ces deux contraires reuolutions, venant à donner dedans l'Ocean Atlantique, broüille aussi la mer à mesure qu'il se remue.

L'Aire se fait ainsi, Entre le corps de la Lune, ou de quelque autre astre, & nostre veuë, se rencontre & s'arreste vn air gros & nebuleux, & puis nostre veuë venant à se rompre en iceluy air & à s'eslargir, & puis à donner iusques au cercle de l'astre en sa circonference exterieure, il nous semble qu'il se fait vn cercle alentour de l'astre, & ce cercle la où couronne est ce qui s'appelle l'Aire, pource qu'il semble que ceste apparente impression se face tout ioignant cela où donne nostre veuë eslargie. E

DES OPINIONS DES
PHILOSOPHES .

LIVRE QUATRIEME.



IANT couru les generales parties du monde, ie passeray maintenāt aux particulieres.

*De la montee & debordemēt
du Nil.* CHAP. I.

Thales estime que les vents anniuersaires, que lon appelle Etesiens, soufflants directement à l'opposite d'Ægypte, font leuer les eaux du Nil, pourautant que la mer poulsee par ces vents, entre dedans la bouche de la riuere, & empesche qu'elle ne s'escoule & dégorge librement, estant repoulsee contre-

A contremont. Euthymenes de Marseille pense que ceste riuiera s'enfle, & se réplit de l'eau de l'Ocean, & de la grande mer, qui est hors les terres, laquelle à son aduis est douce. Anaxagoras, dit que cela vient de la neige de l'Æthiopie qui se fond en esté, & se gele en hyuer. Democritus, que c'est de la neige qui est vers le Septétrion, laquelle se fond & respand enuiron le solstice de l'esté, d'autât que des vapeurs s'engendrent les nuees, lesquelles estant poulsees par les vents en Æthiopie & en Ægypte, vers les parties de Midy, font de grandes & vehementes pluyes, desquelles les lacs & la riuiera du Nil se remplissent. Herodotus l'historien dit, qu'il a autant d'eau en hyuer qu'en esté, partant de ses sources, mais qu'il nous apparoit en auoir moins l'hyuer, d'autant que le Soleil estant plus pres de l'Ægypte en hyuer, fait euaporer toutes les eaux. Ephorus l'historiographe escrit, que toute l'Ægypte se resoult & se fond toute, par maniere de dire, en sueur, à quoy luy contribue encore ses eaux l'Arabie, & la Lybie, d'autant que la terre y est legere & sablonneuse. Eudoxus dit, que c'est à cause de la contrarieté des saisons, & des grandes pluyes, pource que quand il nous est esté, à nous qui sommes habitants dedans la Zone ou bande de l'esté, alors il est hyuer à ceulx qui habitent en la bande opposite sous le tropique hyemal, d'où procede, dit il, ce grand rauage d'eaux.

Thales a esté le premier qui a definy l'ame, vne nature se mouuant tousiours, & soy mesme. Pythagoras, que c'est vn nombre se mouuant soy mesme, & ce nombre la il le prend pour l'entendement. Platon, que c'est vne substance spirituelle se mouuant soy mesme, & par nombre armonique. Aristote, que c'est l'acte premier d'un corps naturel organique, aiant vie en puissance : Dicæarchus que c'est l'armonie & concordance des quatre Elements : Asclepiades le medecin, que c'est vn exercice commun de tous les sentiments ensemble.

Si l'Ame est corps, & quelle est sa substance.

CHAPITRE III.

Tous ces philosophes la, que nous auons mis cy deuant, supposent que l'ame est incorporelle de sa nature, & qu'elle se meut elle mesme, que c'est vne substance spirituelle, & vne action d'un corps naturel, composé de plusieurs organes aiant vie : mais les sectateurs d'Anaxagoras disent, qu'elle est aeree, & qu'elle a corps de nature d'air : les Stoïques, que c'est vn esprit ou vent chauld. Democritus, que c'est vne certaine composition en feu des choses perceptibles par la raison, qui ont leurs formes rondes, & leur puissance de feu, ce qui est corps. Epicurus, que c'est vne meslange & temperature de quatre choses, de ne sçay quoy de feu, ne sçay quoy d'air, ne sçay quoy de vent, & d'un autre quatrieme qui n'a point de nom, qui est à luy la force sensitiue. Heraclitus, que l'ame du monde

A monde est l'euaporation des humeurs, qui sont en luy, & que l'ame des animaux procede tant de l'euaporation des humeurs de dehors, que du dedans & de mesme genre.

Des parties de l'Ame.

CHAP. IIII.

PYthagoras, Platon, à le prendre à la plus generale diuision, tiennent que l'ame a deux parties, c'est à sçauoir la partie raisonnable, & la partie irraisonnable : mais à y regarder de plus pres & plus exactemēt, elle a trois parties, car ils soubdiuisent la partie irraisonnable en la concupiscible, & en l'irascible. Les Stoïques disent qu'elle est composee de huit parties, cinq des sens naturels, la veuë, l'ouye, l'odoremēt, le goust, l'attouchemēt, le sixieme la voix, le septieme la semence, le huitieme l'entendement, par lesquelles toutes les autres sont commandees par ces propres instruments, ne plus ne moins que le poulpe se sert de ses branches. Democritus & Epicurus mettent deux parties en l'ame, la partie raisonnable logee en l'estomac, & l'autre esparse par tout le corps : Democritus met, que toutes choses sont participantes de quelque sorte d'ame, iusques aux corps morts, d'autant que manifestemēt ils sont encore participants de quelque chaleur, & de quelque sentiment la plus part en estant ia esuentee.

Quelle est la maistresse, & principale partie de l'Ame, & où elle est.

CHAP. V.

Platon & Democritus, en toute la teste : Straton, entre les deux sourcils : Erasistratus, en la taye qui enuelope le cerueau, laquelle il appelle Epicranides, Erophilus, dedans le vëtricule du cerueau, qui en est le fondemët . Parmenides, en tout l'estomac. Et Epicurus, les Stoïques tous, en tout le cœur, ou bien en l'esprit qui est alëtour du cœur. Diogenes, en la cavitë de l'artere du cœur, qui est pleine d'esprit. Empedocles, en la consistance du sang: les autres, au col du cœur: les autres, en la taye qui est autour du cœur: autres, dedans le diaphragme. Aucuns des modernes tiennent, qu'elle occupe tout depuis la teste iusques à la trauerse du diaphragme. Pythagoras, que la partie vitale est alentour du cœur, la raison & la partie spirituelle en la teste.

Du mouuement de l'Ame. CHAP. VI.

Platon, que l'Ame est tousiours mouuante, & l'entendement immobile quant à mouuement de lieu à autre : Aristote, que l'ame est immobile, encore que ce soit elle qui regisse & meue tout mouuement, mais bien en est elle participante par accident, selon que les diuers corps se meuuent.

De l'Immortalité de l'Ame. CHAP. VII.

Pythagoras, Platon, que l'Ame est immortelle, car en sortât du corps elle s'en retourne à l'ame del'vniuers qui est de son gëre. Les Stoïques, que l'ame sortant du corps, si elle est debile, cōme celle
des

A des ignorâts, demeure avec la consistéce du corps : & la plus forte, côme est celle des sages & sçauants, dure iusques à l'embrasement. Democritus, Epicurus, qu'elle est corruptible, & qu'elle se corrompt quand & le corps. Pythagoras, Platon, que la partie raisonnable est incorruptible, pource que l'ame n'est pas Dieu, mais bié l'ouurage de Dieu eternal. Et que la partie irraisonnable est corruptible.

Des sentiments & choses sensibles. CH. VIII.

LE S Stoïques définissent aïnsi le sentiment: Sentiment est la compréhension ou apprehension de l'organe sensible: mais sentiment se prend en plusieurs sortes, car où lon entend l'habitude, ou la faculté naturelle, ou l'action de sentir, & l'imagination apprehensiuë, qui se font tous par le moien de l'organe sensitif, & la huitieme partie mesme de l'ame, la principale qui est le discours de la raison, par lequel toutes les autres consistent. De rechef on appelle les instruments sensitifs les esprits intellectuels, qui partants de l'entendement s'estendent iusques à tous les organes. Epicurus: Le sens, dit il, est vne parcelle de l'ame, qui est la puissance de sentir, dont procede l'effect du sentiment: tellemēt qu'il definit le sentiment en deux sortes, la puissance, & l'effect de sentir. Platon definit le sentiment estre vne société du corps & de l'ame, pour les choses exterieures: car la faculté naturelle de sentir est de l'ame, l'organe est du corps, & l'un & l'autre apprehende les choses exterieures, par le moien de

l'imaginatiue, qui est la phantasie. Leucippus, Democritus, tiennent que le sentiment & l'intelligence se font par le moien des images qui nous viennent de dehors, par ce que ny l'un ny l'autre ne se fait sans l'occurrence d'une image.

si les sentiments sont veritables, & les imaginations. CHAP. IX.

LES Stoïques tiennent que les sentiments sont veritables, & que des imaginations aucunes sont faulses, & autres veritables. Epicurus, que tout sentiment & toute imagination est veritable: mais quant aux opinions, que les vnes sont vrayes, les autres faulses: & que le sentiment se deçoit en vne sorte seulement, c'est à sçauoir quant aux choses intelligibles: mais l'imagination en deux manieres, par ce qu'il y a imagination tant des choses sensibles, que des intelligibles. Empedocles, Heraclides, que les particuliers sentiments se font selon la proportion des pores, estant l'obiet de chasque sens bien disposé.

Combien il y a de sentiments. CHAP. X.

LES Stoïques, qu'il y en a cinq proprement, la veüe, l'ouye, l'odoremment, le goust, l'atrouchement. Aristote ne dit pas qu'il y en ait six, mais bien met il vn sens commun qui iuge des especes composees, auquel tous les autres sens particuliers rapportēt leurs propres imaginations, là où le passage

A sage de l'un à l'autre, comme de la figure au mouvement, se montre. Democritus dit, qu'il y a plus de sentiments és bestes brutes; & és Dieux, & és sages.

Comment se fait le sentiment & l'intelligence.

CHAPITRE XI.

LES Stoïques disent, que quand l'homme est engendré, il a la principale partie de l'ame, qui est l'entendement, ne plus ne moins que vn papier prest à escrire, dedans lequel il escrit chacun de ses pësements, & la premiere sorte d'escripture est par les sentimëts, car ceulx qui ont senti quelque chose, côme pour exemple, qui ont veu vne blâcheur, apres qu'elle s'en est allee, ils en retiennent la memoire: & apres qu'ils ont assemblé plusieurs memoires semblables & de mesme espeece, alors ils disent qu'ils ont experience: car experience n'est autre chose, qu'un amas & multitude de plusieurs semblables espees. Mais quant aux pensees, les vnes sont naturelles qui se font en la maniere que nous auons ia dit par auãt, sans artifice: les autres se font par estude & par doctrine, & celles cy proprement sont celles qui s'appellent pensees, les autres se nōment anticipations: & la raison de laquelle, & pour laquelle nous sommes nōmez raisonnables, se parfait par ces anticipations la, en la premiere septaine d'ans, & est l'intelligence de la cōception de l'entendement de l'animal raisonnable: car l'imagination, quand elle vient à dōner en l'ame raisonnable, alors elle s'appelle intelligëce, aiãt pris sa deno-

mination de l'entendement. C'est pourquoy ces^D imaginations ne tōbent point és autres animaux, mais les imaginatiōs qui se presentēt aux Dieux & à nous,celles la seules sont propremēt imaginatiōs, & celles qui se representent à nous, sont imaginations en general,& pensement en especial: comme des testons & des escus à part considerez en soy sont teltons & escus,mais si vous les baillez pour le loüage d'une nauiure, alors oultre ce qu'ils sont deniers,encore sont ils naulage.

Quelle difference il y a entre imagination, imaginable, imaginatif, & imaginé. CH. XII. E

CHrysippus dit, qu'il y a difference entre ces quatre choses. Imagination doncques est vne impressiō qui se fait en nostre ame, qui se mōstre à soy mesme ce qui l'a imprimee: comme quand par la veuë nous contemplons vne blancheur,c'est vne passion ou affection qui s'engēdre par la veuë en nostre ame, & pouuons dire que la blancheur en est le subiect,ou obiect qui nous esmeut: semblablement aussi par l'odorement & par l'attou-^Fchement, & s'appelle ceste imagination phantasie, qui est deriuee de ce mot Phaos, lequel signifie clarté. Car ainsi comme la lumiere se monstre soy mesme,& tout ce qui est compris en icelle: aussi la phantasie ou imagination se monstre soy mesme, & ce qui l'a faite: Imaginable est ce qui fait l'imagination,comme le blanc, le froid, & tout ce qui peult emouuoir l'ame,cela est ce qui s'appelle imaginable

Aginable: Phantastique ou imaginatif est vne attraction en vain, vne passion ou affection en l'ame, qui ne prouient d'aucun obiect imaginable, comme de celuy qui escrime à son ombre, & qui mène les mains en vain, car à la vraye imagination & phantasie, il y a vn subiect qui se nomme imaginable, mais à l'imaginatif ou phantastique il n'y a aucun subiect ny obiect: l'imaginé ou le phantasme est ce à quoy nous sommes attirés d'une attraction vaine, ce qui se fait en ceulx qui sont furieux & malades d'humeur melancholique, comme Orestes en la Tragedie d'Euripide,

Je te supply ne pousse contre moy,
O Mere, hélas, ces femmes que ie voy
Pleines de sang, & de serpents grouillantes;
Les voicy pres, les voicy tressaillantes.
Il dit ces paroles estât furieux, & ne voit rien, mais il pense voir seulement, & pourtant Electra luy respond,

Demeure quoy en ton liect miserable,
Tu penses voir ce qui n'est veritable.
Comme aussi Theoclymenus en Homere.

De la veüe, & cōment nous voyons. CH. XIII.

Democritus, Epicurus, estimoient que la veüe se fait par sortie & emissio des especes & images: les autres par quelque eiection de raions, retournants vers nostre œil apres l'occurrence de l'obiect. Empedocles a meslé les images parmy les raions, appellât cela, les raions de l'image com-

posée. Hipparchus tient, que les rayons lancez de l'un & de l'autre de noz yeux, venants à embrasser de leurs bouts, ne plus ne moins que par attouchement des mains, l'exteriorité des corps obiectez, emportent la comprehension à la puissance visive. Platon, que c'est par conionction de lueur, d'autant que la lueur des yeux se respand iusques à quelque espace emmy l'air de pareille nature, & la lueur yssant des corps aussi vient à fendre l'air, qui est entre deux, estant de soy mesme fort liquide & muable avec le feu de la veüe : c'est ce que lon appelle la conioincte lueur & radiation des Platoniques.

Des apparences des miroirs. CHAP. XIII.

EMpedocles, par les defluxions qui se cōcreent sur la surperfice du miroir, & s'acheuent par le feu qui sort du miroir, & transmue quād & quand l'air qui est au deuant, par lequel se meuuent les fluxions. Democritus, Epicurus, que les apparées des miroirs se font par l'arrest des images, lesquelles partent de nous, & se concreent sur le miroir par reuerfion. Les Pythagoriens, par reflexion de la veüe, par ce que la veüe s'en va estendre iusques cōtre le miroir, & estant arrestee par l'espeſſeur, & rebattue par la poliffure de l'obiet du miroir, elle s'en retourne en soy mesme, ne plus ne moins que quand nous estédons la main, & puis la ramenons vers l'espaule.

Lon peut se seruir & accommoder de toutes ces opinions, quāt à la question, Cōment nous voïōs.
si les

A *Si les tenebres sont visibles.*

CHAP. XV.

LE S Stoïques, que les tenebres sont visibles, parce que de la veüe il sort quelque lueur qui les enuoloppe, & ne ment point la vision, car elle voit certainemēt & à la verité qu'il y a tenebres. Chrysippus dit, que nous voyons par la tension de l'air qui est entre deux, lequel estant poingt par l'esprit visif, qui passe depuis la principale partie de l'ame iusques à la prunelle, & apres qu'il a donné dedans l'air prochain il se téd en forme de Pyramide quād
 B l'air est de mesme nature que luy; car il flue des deux yeulx des rais qui sont cōme feu, nō pas noirs ny nebuleux: & pourtāt les tenebres sont visibles.

De l'Ouye.

CHAP. XVI.

EMpedocles dit, que l'ouye se fait quand l'esprit vient à donner dedans la concauité de l'oreille tournée en forme de vis, laquelle il dit estre suspendue au dedans de l'oreille, ne plus ne moins que vne cloche, & battue. Alcmeon tient, que nous
 C oyons par le vuide qui est au dedans de l'oreille: car il dit, que c'est cela qui resonance quand l'esprit donne dedans, pour ce que toutes choses vuides sonnent. Diogenes, que c'est quand l'air qui est dedans la teste vient à estre touché & remué par la voix. Platon & ses sectateurs disent, que l'air de dedans la teste est frappé, & que le rebriscmēt s'en fait iusques à la partie principale où est la raison, & ainsi se forme le sentiment de l'ouye.

H iiii

ALcmeçon est d'aduis, que la raison, principale partie de l'ame, est dedans le cerueau, & que par icelle nous odorons, en attirant les senteurs par la respiration. Empedocles, que quand & les respirations des poulmons, l'odeur se coule aussi dedans : quand donc la respiration est empeschée à cause de l'asperité, nous ne sentos point les odeurs, comme ceulx qui sont enrumez.

Du Goust. CHAP. XVIII. E

ALcmeçon, que par l'humidité & la tiedeur avec la mollesse de la langue, sont distinguez les saveurs. Diogenes, par la rarité & la mollesse, pour ce que les venes du corps se viennent à aboutir en elle, les saveurs se respandent estant tirées au sentiment & à la principale partie de l'ame, ne plus ne moins que par vne esponge.

De la Voix. CHAP. XIX. F

Platon definit la voix, esprit qui par la bouche est amené de la pensée, & vn frapement de l'air qui passe attravers les oreilles, le cerueau & le sang, iusques à l'ame : & appelle lon aussi abusivement & improprement voix és animaux irraisonnables, & és creatures qui n'ont point d'ame, comme sont les hénissemens des cheualx, & les sons, mais proprement il n'y a voix que celle qui est articulée

A culée, pource qu'elle declare ce qui est en la pēsee.

Epicurus tient que la voix est vn flux, enuoyé par les choses qui parlent, ou qui sonnent, ou qui bruyent, & que ce flux la se rompt en plusieurs fragments de mesme figure que sont les choses dont elles partent, comme ronds des rondes, & triangles des triangles: & que ces fragments la venans à tomber dedans les oreilles, se fait le sentiment de la voix: ce qui se voit manifestement és ombres qui s'ecoulent, & és foulons qui soufflent de l'eau contre les draps & habillemens. Democritus tiēt, que l'air mesme se rompt en petits fragmens de mesme figure, c'est à dire, les ronds avec les ronds, & qu'ils coulent avec les fragmens de la voix: car comme dit le prouerbe,

Aupres du geay tousiours le geay se perche,

Et le pareil tousiours son pareil cherche.

car mesme sur la grēue au riuage de la mer les cailloux de mesme & semblable forme se trouuēt ensemble, en vn endroit ceux qui sont ronds, en l'autre ceux qui sont longuets: pareillement aussi quād lon criblé ou que lon vanne les grains, tousiours se reungent ensemble ceux qui sont de mesme forme: de maniere que les febues se mettent à part, & à part les pois chiches. Mais on pourroit alleguer contre ceux la, Comment est-ce que peu de fragmens d'esprit & de vent, peuuent remplir vn theatre capable de dix mille hommes? Les Stoïques disent que l'air n'est point composé de menus fragmens, mais qu'il est contenu par tout, sans auoir rien de vuide, mais quand il est frappé d'un esprit

c'est à dire, d'un vent, il va vndoyant en cercles droits infiniment, iusques à ce qu'il ait rempli tout ce qu'il y a d'air à l'environ, ne plus ne moins que lon voit en vn estang où lon a ietté vne pierre dedans: car l'eau se meut en cercle plat, & l'air se remue en boule ronde. Anaxagoras, que la voix se fait, le vent venant à frapper contre vn air resistant & ferme, retournant le contrecoup iusques aux oreilles, qui est la maniere par laquelle se forme aussi le retentissement de la voix, qui s'appelle Echo.

Si la voix n'a point de corps, & comme se forme le retentissement de l'Echo.

CHAP. XX.

Pythagoras, Platon, Aristote, tiennent qu'elle n'a point de corps, d'autant que ce n'est pas air, mais vne forme en l'air & sa superficie par certain battement: or est il que toute superficie est sans corps, vray est qu'elle se meut & remue avec les corps, mais quant à elle sans point de doubte elle n'a aucun corps: comme en vne verge que lon plie, la superficie ne souffre aucune alteration quant à elle, ains est la matiere qui plie. Mais les Stoïques tiennent, que la voix est corps, car tout ce qui opere & qui fait est corps: or est il que la voix fait & opere, car nous l'oyons & la sentons quand elle nous donne à l'ouye, & s'imprime ne plus ne moins que vn cachet dedans de la cire. D'auantage, tout ce qui nous emeut, & qui nous fasche, est corps: or l'harmonie de la musique nous emeut, &

le

A le discord nous fasche. Qui plus est, tout ce qui se remue est corps : or la voix se remue, & vient donner dedans des lieux lissez & polis, par lesquels elle est renuoyee & rebattue, ainsi que lon voit d'une balle que lon iette cōtre vne muraille, tellemēt que dedans les Pyramides d'Ægypte, vne voix laschee dedans rend quatre & cinq retentissemens.

D'où est-ce que l'ame sent, & qu'est-ce que sa principale partie. CHAP. XXI.

LES Stoiques disent, que la partie de l'ame la plus haute c'est la principale partie & la guide des autres, celle qui fait les imaginations, les consentemens, les sentimens, les appetitions, & c'est ce que lon appelle le discours de la raison. Or d'icelle principale il y a sept autres parties qui en sortēt, & s'estendent par le reste du corps, ne plus ne moins que les bras d'un poulpe. Desquelles sept parties les sens naturels en font les cinq, comme la veuë, l'odoremēt, l'ouye, le goust, & l'attouchemēt : desquels la veuë est l'esprit, qui tend depuis la raison & principale partie iusques aux yeux : & l'ouye, l'esprit qui tend depuis l'entendement iusques aux oreilles : l'odoremēt, l'esprit qui passe depuis la raison iusques aux nazeaux : le goust, esprit partant de la principale partie, & passant iusques à la langue : l'attouchemēt, esprit prenāt depuis la principale partie iusques à la superficie sensible des choses accommodees à l'attouchemēt : des autres, le sixième s'appelle la semence qui est vn esprit pre-

nant depuis la principale partie iusques aux genitoires: & le septième ce que Zenon appelle vocale, que nous disons voix, qui est vn esprit qui prent depuis la principale partie iusques au gozier, & à la langue, & autres instrumens appropriez à la voix: & au reste, la principale partie est logee, comme au milieu de son monde, dedans la teste ronde en forme de boule.

De la respiration.

CHAP. XXII.

EMpedocles estime que la premiere respiration du premier animal se fait, quād l'humidité qui est aux petits enfans venans de naistre se retire, & que l'air de dehors vient à luy succeder en entrant dedans les vaisseaux entre-ouuerts, mais puis apres la chaleur naturelle poulsant desia au dehors ceste substance aeree pour s'euaporer, la respiration se fait: & aussi quand elle se retire de rechef au dedās, alors se fait l'inspiration, par ce qu'elle donne entree à la substance aeree. Au reste, quant à celle respiration qui se fait maintenant, qu'elle se fait quād le sang se meut vers l'exterieure superficie du corps, & par ceste fluxion espraint & chasse la substance aeree par les narines: & l'inspiration, quand il s'en retourne au dedans, y rentrant l'air quant & quāt par les raritez que le sang a laissees vuides: & pour le donner à entendre amēne l'exemple de la clepsydre ou horloge à eau. Asclepiades compose le poulmon comme vn entonnoir, & suppose que la cause de la respiration soit l'air delié & de subtiles parties

A parties qui est dedans la poitrine, vers lequel flue & se rue celuy de dehors qui est de grosses & espesses parties, mais il en est derechef repoulsé, ne pouuant plus la poitrine ny le receuoir, ny estre sans: & demourant tousiours vn peu de ce gros air dedans la poitrine, par ce que le tout n'en auoit pas esté chassé, celuy de dehors se reiette derechef sur celuy la qui est dedans, pouuant supporter sa pesanteur: & compare cela à des ventoses. Au demourant, quant à la volontaire respiration, il dit qu'elle se fait par ce que les petits trous qui sont

B dedans la substance du poulmon se restraignent, & que le col d'iceluy se resserre, car ces choses la obeissent à nostre volonté. Herophilus laisse les facultez mouuantes des corps aux nerfs, aux arteres & aux muscles: si dit, qu'il n'y a que le poulmon qui naturellement appetite le mouuemēt de dilatation & de contraction, & les autres parties du corps consequemment: & pourtant que c'est action propre au poulmon, que de tirer le vent de dehors, duquel estant rempli, la poitrine, qui est tout ioignant fait vne autre attraction par vne seconde

C appetite, deriuant en soy le vent: puis quand elle en est aussi remplie, n'en pouuant plus attirer, elle refunde derechef dedans le poulmon ce qu'elle en a de trop, par lequel il est reietté au dehors, s'entresecourans ainsi les parties du corps: car quand il se fait dilatation du poulmon, contraction se fait de la poitrine, se faisant ainsi la repletion & l'euacuation par mutuelle participation l'vn de l'autre, tellement qu'il y a quatre mouuemens du poul-

mon. Le premier, par lequel il reçoit l'air de dehors: le second, par lequel il transfunde dedans la poitrine cest air qu'il a attiré & reçu de dehors: le troisiéme, par lequel il reçoit derechef en soy celuy qui est espraint de la poitrine: & le quatriéme, par lequel il reuerse dehors encore celuy la qui estoit retourné dedans luy. Et de ces mouuemens là il y en a deux qui sont dilatations, l'un celuy qui poulse l'air dehors de tout le corps: l'autre, qui le poulse de la poitrine dedans le poulmon: & deux contractions, l'une quand la poitrine attire à soy le vent, & l'autre quand le poulmon attrait l'air en sa concauité: & y en a deux seuls en la poitrine, l'un de dilatation, quand elle l'attire: & l'autre de contraction, quand elle le rend.

*Des passions corporelles, & si l'ame y compatist
en sentant sa douleur. CHAP. XXIII.*


LEs Stoïques disent, que les passions se font és parties dolentes, mais les sentimens en la principale partie. Epicurus, que les passions & les sentimens se font tous deux és parties dolentes, par ce que la raison & principale partie de l'ame, ce dit-il, est impassible. Straton au contraire, que les passions & les sentimens se font en la partie principale, & non pas és parties dolentes, par ce que la patience se meut en elle aussi bien és choses terribles & douloureuses, comme és timides & magnanimes.

A DES OPINIONS DES PHILOSOPHES

LIVRE CINQUIEME.

De la Diuination.

CHAP. I.



D L A T O N & les Stoïques l'introduisent par inspiratiō, suiuant la diuinité de l'ame, quand l'ame est esprise de l'esprit diuin, ou bien par reuelation des songes : ceux la admettent & approuuent plusieurs especes de diuination: Xenophanes & Epicurus au contraire, ostent toute diuination. Pythagoras reprouue seulement celle qui se fait par les sacrifices. Aristote & Dicearchus admettent seulement celle qui se fait par inspiration diuine & par les songes, non qu'ils estiment l'ame estre immortelle, mais qu'elle a quelque participation de la diuinité.

Comment se font les songes.

CHAP. II.

D Emocritus, que les songes se font par representation des images: Straton, par ce que l'entendement est ne sçay comment plus sensible en dormant, & s'emeut lors plus à appeter connoissance. Herophilus que les songes diuinemēt inspirez se font par necessité: les naturels, par ce que l'ame se forme vne image & representation de ce

qui luy est vtile, & de ce qui en doit aduenir. Ceux qui sont meslez & de nature mixte, casuellement & fortuitement, ou par approchement & acces des images, quand ce que nous desirons, nous le voyons, comme ceux qui songent qu'ils iouissent de leurs amours.

Quelle est la substance de la semence. CHAP. III.

ARistote, que la semence est ce qui a pouuoir de mouuoir en soy mesme, à parfaire quelque chose de tel qu'est ce dont il a esté exprimé. Pythagoras, l'escume du plus vtile sang, la superfluité de la nourriture, cōme le sang & la mouelle. Alcmeon, partie du cerueau. Platon, defluxion de la mouelle de l'espine. Epicurus, vne abstraction de l'ame & du corps, Democritus de tous les corps, & des principales parties d'iceux, la geniture des nerfs charnus.

Si la semence est corps.

CHAP. IIII.

LVcippus & Zenon, que c'est corps, pour ce que c'est vne abstraction de l'ame. Pythagoras, Platon, Aristote, que la force de la semence n'a point de corps, comme l'entendement, qui est celuy qui remue le corps, mais bien que la matiere qui est ietee hors & respendue est corporelle. Straton & Democritus, que la puissance mesme est corps, d'autant qu'elle est esprit.

Si les

A *si les femelles aussi bien que les masles rendent
semence.* CHAP. V.

Pythagoras, Epicurus, Democritus, que la femelle aussi iette semence, pour ce qu'elle a des vases seminaires à l'enuers. Voila pourquoy elles appetent encore apres l'acte de la generation. Aristote & Zenon, qu'elle rend vne matiere humide, comme la sueur qui sort des corps qui s'exercent ensemble, non pas que ce soit semence. Hippon, que les femelles iettent de la semence non moins **B** que les masles, mais que cela ne sert point à la generation, d'autant qu'il tombe dehors de la matrice, d'où vient que aucunes femmes, mais peu, en iettent sans compagnie de l'homme, mesmement les vefues, & que les os se concreent de la semence du masle, & la chair de la femelle.

Comment ce font les conceptions. CHAP. VI.

Aristote pense que les conceptions & engrossemens se facent, par ce que la matrice a esté **C** deuant attirée par la purgation naturelle, & par ce que les purgations ont amené quelque partie de sang pur de toute la masse, tellement qu'il en aduient que le masle s'en engendre: & au contraire, que ce qui empesche les conceptions, est quand la matrice est impure, ou qu'elle est pleine de ventositez, ou de peur, ou de tristesse, ou pour la foiblesse & imbecillité des femmes, ou par l'impuissance des hommes.

LE CINQUIEME LIVRE DES
Comme s'engendrent les masles & les femelles. D
CHAPITRE VII.

EMpedocles tient, que les masles & les femelles s'engendrent par le moien de la chaleur & de la froideur, d'où vient que lon raconte que les premiers masles nasquirent au monde deuers le Soleil leuant & deuers le Midy, & les femelles vers le Septentrion. Parmenides au contraire dit, que les masles nasquirent deuers le Septentrion, pour ce que l'air y est plus gros & plus espes: & au contraire, les femelles vers le Midy, à cause de la rarité & subtilité de l'air. Hipponax, à cause de la semence qui est plus forte & plus espesse, ou bien plus foible & plus liquide. Anaxagoras, Parmenides, que la semence qui vient du costé droit de l'homme se iette dedans le costé droit de la matrice, & du gauche en la partie gauche: mais si l'eiection se fait autrement, que lors il s'engendre des femelles. Leophanes dit, que Aristote tient, que les masles s'engendrent du genitoire droit, & les femelles du gauche. Lucippus, à cause de la permutation des parties naturelles, par ce que l'un a la verge d'une sorte, & l'autre la matrice d'une autre, & n'en dit autre chose. Democritus, que les parties communes s'engendrent aussi tost de l'un que de l'autre, selon qu'il se rencontre, mais les particulieres de celuy qui est le plus puissant. Hipponax dit, que si la semence est la plus forte, il se fait un masle: si la nourriture, une femelle.

A Comment se font les monstres. CHAP. VIII.

EMpedocles, que les monstres s'engendrent pour l'abondance de la semence, ou bien par faute, ou par la turbulence & perturbation du mouvement, ou pour ce qu'il est diuisé en plusieurs parts: ainsi semble il qu'il ait preoccupé toutes responses. Straton, par addition ou subtraction, ou transposition, ou inflation de vents: aucuns des medecins, par ce que quelque fois la matrice deuient torse par force des ventositez.

B

Pourquoy est-ce que la femme qui a souuent compagnie de l'homme ne conçoit point. CHAP. IX.

DIocles le medecin, par ce que les vnes ne rendent du tout point de semence, ou bien moins qu'il n'en faut, ou bien telle, qu'elle n'a point de vigueur viuifiante, ou par faute de chaleur, ou de froid, ou d'humidité, ou de seicheresse, ou par relaxation des parties. Les Stoïques, à cause de l'obliquité de la verge de l'homme qui est tortue, à raison de quoy il ne peut pas ietter la semence droit, ou pour ce que les parties sont disproportionnees pour la distance de la matrice. Erasistratus, à cause de la matrice, quand elle a des callositez & duretez, ou qu'elle est trop charnue, ou qu'elle est plus rare, ou plus petite qu'il ne faut selon nature.

Comment naissent les Iumeaux ou Triiumeaux.

CHAPITRE X.

I ij

EMpedocles dit, que c'est pour la multitude ou **D** la diuulsion de la semence : Asclepiades, à raison del'excellence des semences, ne plus ne moins que les chalumeaux d'orge, où il y a deux ou trois espics, quand les semences sont fort generatiues: Erasistratus, à cause des purgations, comme és bestes brutes: car quand la matrice est repurgee, alors elle vient à la conception. Les Stoïques, des lieux qui sont dedans la matrice, quand la semence vient à tomber dedans le premier & dedans le second, alors se font les superfetations, & alors s'engendrent les Triumeaux. **E**

D'où se font les similitudes des pere & mere & des ancestres.

CHAP. XI.

EMpedocles, que les similitudes se font par la force plus grande de la semence genitale, & les dissimilitudes par ce que la chaleur qui est en la semence est euaporee. Parmenides, quand la semence descend en la droite partie de la matrice, ils ressemblent aux peres: quand à la senestre, aux meres. Les Stoïques, de tout le **F** corps & de toute l'ame issent les semences, & si forment les similitudes de mesmes semences les formes & les figures, comme vn peintre qui de mesmes couleurs paindroit l'image qu'il verroit deuant soy: que la femme mesme rend de la semence, & si elle est plus forte, alors l'enfant est semblable à la mere: & si c'est celle de l'homme, semblable au pere.

A Comment les enfans se font semblables aux autres, & non pas aux pere & mere. CHAP. XII.

LA plus part des medecins, que c'est fortuitemēt & par cas d'adventure: quand la semence du pere & de la mere est refroidie, les enfans ne leur ressemblent point. Empedocles, que par l'imagination de la femme en la conception se forment les enfans: car souuent des femmes ont esté amoureuses d'images & de statues, & ont enfanté des enfans semblables à icelles. Les Stoïques, par compassion & conuenance des pensemens, par euulsion de fluxions & de rayons, & non pas d'images, se font les ressemblances.

Comment se font les femmes steriles, & les hommes impuissans d'engendrer. CHAP. XIII.

LEs medécins tiennent qu'elles sont steriles, à cause de la matrice qui est ou trop serree, ou trop rare, ou trop dure, ou pour quelques callositez, ou quelques carnositez, ou par ce que les femmes sont trop pusillanimes, ou par ce qu'elles ne sont pas biē nourries, ou de mauuaise habitude de corps, ou par ce qu'elles sont contrefaittes, ou par conuulsion. Diocles tient, que les hommes sont infconds ou par ce que les vns ne rendent du tout point de semence, ou moins qu'il n'en faut, ou non aiant force d'engendrer: ou par ce qu'ils ont les parties naturelles lasches, ou par ce qu'ils ont la verge tortue qui ne peut ietter la semence droit,

ou pource qu'il n'est pas de longueur competente, veu la distance de la matrice. Les Stoïques en accusent certaines qualitez & facultez discordantes & incompatibles des parties, lesquelles separees l'une d'auec l'autre, & conioinctes auec d'autres accordantes à leur complexion, alors se tempere la nature, & se parfait l'enfant.

Pourquoy sont les Mulets & les Mules steriles.

CHAPITRE XIII.

ALcmeon tient que les mulets sont infeconds, E pource que leur semence est de trop deliée substance, qui vient de la froideur d'icelle: & les femelles, par ce que leurs matrices ne s'ouurent pas assez, car ainsi le dit il. Empedocles, à cause que leur matrice est trop petite, trop basse, & trop estroicte, estant attachee & tournée vers le ventre, de sorte que ny la semence ne peut droict estre iettée dedans, ny quand bien elle y seroit iettée, elle ne la receuroit pas: à quoy Diocles luy porte tesmoignage disant, Plusieurs fois aux anatomies ay-ie veu la matrice telle, & qu'il aduient aussi pour les mesmes causes que quelques vnes des femmes sont steriles.

Si l'enfant estant encore au ventre de sa mere est animal, ou non.

CHAP. XV.

PLaton tient qu'il est animal, d'autant qu'il a mouuement, & qu'il prend nourriture dedans le ventre

A ventre. Les Stoïques, que c'est partie du vêtre, non pas animal séparé : cōme les fruiçts des arbres qui viennent à tōber quād ils sont acheuez de meurir, aussi fait l'enfant. Empedocles, qu'il n'est point animal, & neantmoins qu'il a vie, & que sa premiere respiration est à l'enfentemēt, lors que la superflue humidité se retire, & que l'air de dehors entre dedans le vuide des vaisseaux ouuerts. Diogenes, que les fruiçts s'engendrēt dedans la matrice sans ame, mais bien avec chaleur, d'où vient que la chaleur naturelle, incontinent qu'il est sorty hors du vêtre

B de la mere, est attirée dedans les poulmons. Herophilus laisse aux fruiçts estans dedans le ventre, le mouuement naturel, non pas la respiration : & de ce mouuement la les nerfs sont la cause instrumentale, puis ils deuiennent animaux parfaits, quand estans sortis du ventre ils prennent vn peu d'haleine & d'air.

Comment se nourrissent les fruiçts dedans le ventre.

CHAPITRE XVI.

DEmocritus & Epicurus tiēent, que le fruiçt estant encore dedans le ventre prent nourriture par la bouche, d'où vient que soudain qu'il est né il cherche de la bouche le bout de la mamelle, par ce qu'il y a ainsi dedans la matrice des bouts de tetins, & des bouches par lesquelles ils se nourrissent. Les Stoïques, par le liçt & par le nombril : d'où vient que les sages femmes incontinent le lient, & luy ouurent la bouche, à fin qu'il s'accoustume à vne autre sorte de nourriture.

Alcmeon, qu'il se nourrit par tout le corps, par ce qu'il attire, comme vne esponge, de toute la nourriture ce qui est propre pour le nourrir.

Que c'est qui se parfait le premier dedans le ventre. CHAP. XVII.

LEs Stoïques, qu'en la plus part l'espine du dos se forme la premiere, comme la quille de la navire. Alcmeon, la teste, comme celle qui est le siege de la raison. Les medecins, le cœur, auquel sont les venes & les arteres. Les autres, le gros artreuil du pied : les autres, le nombril.

Pourquoy est-ce que les enfans sont viables à sept mois. CHAP. XVIII.

EMpedocles dit, que lors que l'homme fut engédre de la terre, le iour estoit aussi long, pour le tardif mouuement du Soleil, comme sont au iourd'huy dix mois, & que par succession de temps il deuint aussi long cōme sont au iourd'huy sept mois, & pour ceste raison que les enfans de dix mois & de sept sont viables; f'estant la nature du monde ainsi accoustumee à amener en vn iour le fruct à maturité, depuis la nuit qu'il a esté mis en son ventre. Timeus dit, qu'il n'y a pas dix mois, mais neuf, pourautant que les purgations menstruales sont arrestees mesmes des le iour de la premiere conception : aussi pense lon que les enfans soient de sept mois qui ne le sont pas, pource qu'il

A y a des femmes qui ne laissent pas d'auoir leurs purgations encore apres qu'elles ont conçu. Polybus, Diocles, les Empiriques, sçauent que le huitieme mois mesme est vital, mais vn peu plus debilement, d'autant que bien souuent par imbecillité plusieurs perissent. Le plus ordinaire est, que lon ne veult pas esleuer les enfans qui viennent à huit mois, mais que toutefois plusieurs y naissent. Aristote & Hippocrates disent, que si dedās sept mois la matrice se remplit, alors l'enfant demande à sortir, & lors ils sont viables, mais que s'il se poulse en
 B auant, & qu'il ne se nourrisse point pour l'imbecillité du nombril, alors pour le grand trauail & la mere est en danger, & son fruit ne s'en nourrit point: mais s'il demeure tous les neuf mois dedans la matrice, sortant alors il est tout accomply. Polybus dit, qu'il faut que les enfans pour estre viables aient cent quatre vingts deux iours & demy, pour ce que c'est l'espace de six mois, dedans lequel espace, le Soleil vient d'un solstice à l'autre: mais on dit qu'ils sont de sept mois quand il aduient que les iours qui defaillent au premier mois se repren-
 C nent sur le septieme, & que les enfans de huit mois ne viuent point, quand ils panchent hors de la matrice, & que le nombril est trop tendu, car il ne se nourrit point, comme celuy qui est cause de l'aliment. Les Mathematiciēs tiennent qu'il y a huit mois qui sont infociables de toute generation, & sept qui sont fociables. Or les signes infociables sont, s'ils ont les astres dont ils sont les domiciles: car si en aucuns d'iceulx eschet le sort de la vie de

l'homme, cela signifie qu'il sera malheureux & de courte vie: & les animaux aux signes infociables sont qui se comptent les huitiemes, cōme le Mouton au Scorpion est infociable, le Taureau avec l'Archer, les Jumeaux avec le Capricorne, le Cancer avec le Verseau, le Lion avec les Poissons, la Vierge avec le Mouton: & pour ceste raison que les enfans à sept moys & à dix moys sont viables, & que à huit moys, à raison de la dissociation incompatible du monde, ils perissent.

De la generation des animaux, comment ils ont esté engendrez, & siils sont corruptibles.

CHAPITRE XIX.

Ceulx qui tiennent que le mōde est créé, tiennent aussi que les animaux ont esté creéz, & qu'ils sont perissables. Les Epicuriens, selon lesquels les animaux n'ont point esté creéz, tiennent que de la mutation des vns aux autres ont esté engendrez les animaux, car ce sont parties de ce mōde, comme Anaxagoras & Euripides disent, Rien ne meurt, mais changeans d'un en autre, ils monstrent tantost vne forme, & tantost vne autre. Anaximander tient, que les premiers animaux furent engendrez en humeur environnez d'escorces espineuses, mais que avec l'aage ils deuindrent plus secs, & finalement l'escorce estant rompue tout alentour, ils survescurent peu de temps apres. Empedocles, que les premieres generatiōs des animaux & des plantes ne furēt point toutes entieres & parfaittes, ains disoi-

A disioinctes, par ce que les parties ne s'entretenoiēt point: que les secōdes generations, les parties com-
 manceans à se ioindre, furēt semblables à des ima-
 ges: les tierces, qui naïssoient les vns des autres: les
 quartes, non plus de semblables, cōme de terre &
 d'eau, mais biē d'entre eulx mesmes, aux vns estāts
 leur nourriture espeffie, aux autres la beauté des
 femmes les excitant à vn mouuemēt spermatique:
 au demourant, que les genres de tous animaux ont
 esté diuisez par certaines temperatures. Les vns
 eurent leur inclination plus à l'eau, les autres respi-
 rerent en l'air, selō qu'ils teindrēt plus de la nature
 du feu: les autres de tēperature plus graue se pose-
 rent en terre: les autres de tēperature egale de tous
 les elements, ietterēt voix de toutes leurs poitrines.

*Combien il y a de genres d'animaux, & s'ils sont
 tous sensibles, & aians vsage de raison.*

CHAPITRE XX.

IL y a vn traitté d'Aristote où il dit, qu'il y a qua-
 tre genres d'animaux, terrestres, aquatiques, vo-
 latiles, & celestes: car il appelle les cieulx les astres,
 & le monde animaux, & Dieu animal raisonna-
 ble immortel. Anaxagoras, que tous les animaux
 ont raison actiue. Democritus, Epicurus, que les
 celestes sont immortels, mais qu'ils n'ont point
 l'entendement passif, que lon appelle le truche-
 ment de la pensée. Pythagoras, Platon, que les
 ames des animaux mesmes que lon appelle irrai-
 sonnables, sont bien raisonnables, mais toute-
 fois qu'elles ne peuuent operer raisonnablement,

à cause de l'intemperee compositiō de leurs corps, & d'autant qu'ils n'ont point la parole pour s'expliquer comme lon voit és singes & és chiens, lesquels ont bien quelque voix, mais ils n'ont point de langage & de parole distincte. Diogenes qu'ils ont bien quelque entendement, mais que pour la grosseffe & espaisseur de leur temperamēt, & pour l'abondance de leur humidité, ils n'ont ny discours de raison ny sentiment, ne plus ne moins que ceulx qui sont furieux, par ce qu'ils ont le cerueau blecé, & l'vsage de la raison empesché.

E

En combien de temps se forment les animaux dedans le ventre de la mere. CH. XXI.

EMpedocles, que les hommes commencent à se former depuis le trentesixieme iour, & qu'ils se paracheuent de toutes leurs parties dedans le cinquantieme il ne s'en fault qu'un. Asclepiades, que és masles, d'autant qu'ils sont plus chaulds, la formation des membres se fait des le vingt & sixieme iour, & que plusieurs se paracheuēt de toutes leurs parties dedans le cinquantieme iour, mais aux femelles elles se forment en deux moys, & se paracheuent en quatre, d'autant qu'elles ont faulte de chaleur naturelle, mais que les parties des animaux irraisonnables se paracheuent entierement selon les temperatures des elements.

De cōbien d'elements se compose chascune des parties generales qui sont en nous. CH. XXII.

Empe-

A Empedocles estime que la chair s'engendre de la mixture & temperature du dedans des quatre Elements : les nerfs du feu & de la terre meslez en double proportion : & que les ongles s'engendrent es animaulx par les nerfs refroidis alédroit où l'air les touche : les os, de l'eau & du dedans de la terre : & de ces quatre meslez & contemperez ensemble la sueur & les larmes se font.

Comment se fait le sommeil, & la mort: si c'est de l'ame, ou du corps. CHAP. XXIII.

B Lcmeçon dit, que le sommeil se fait par le sang qui se retire au dedans des venes confluentes, & que le resueil est la diffusion du sang : que la retraicte entiere est la mort. Empedocles, que le sommeil se fait par le refroidissemēt mediocre de la chaleur naturelle qui est en nous, & que le refroidissement entier est la mort. Diogenes, si le sang se respand par tout, & qu'emplissant les venes il repoulse l'air qui est en nous en l'estomac & au ventre inferieur, il s'engendre le sommeil, & alors c l'estomac en est plus chaud : mais si tout ce qui est de substance aeree vient à defaillir dedās les venes, alors c'est la mort. Platon & les Stoïques, que le sommeil se fait par remissiō de l'esprit sensitif, non point par abaissement, & descente comme vers la terre, ains par eleuation contre-mont vers l'endroit où est le siege de la raison : mais quand il se fait entierement resolution de l'esprit sensitif, alors de tout poinct s'en ensuit la mort.

Quand & comment est ce que l'homme commence à atteindre sa perfection. CH. XXI III.

Heraclitus & les Stoïques, que les hōmes commencent à entrer en leur perfection enuiron la seconde septaine de leurs ans, auquel temps la semence commence à couler : car les arbres mesmes commencent lors à entrer en leur perfection, quand ils commencent à engendrer leurs semences, & au contraire ils sont imparfaicts tant qu'ils sont non meurs & sans fruiet : parquoy l'homme aussi alors est parfait, là où enuiron la seconde septaine il commence à comprēdre que c'est de bien & de mal, & de la doctrine d'iceulx.

Lequel des deux est-ce qui dort, ou qui meurt, l'ame ou le corps. CHAP. XXV.

ARistote tient que le dormir est cōmun à l'ame & au corps : & est le sommeil certaine humidité qui euapore de l'estomac & de la viande à la teste, & à la chaleur naturelle qui est au cœur refreschie, & que la mort est vn entier & total refroidissement, & que la mort n'est que du corps tant seulemēt, nō pas de l'ame, car d'elle elle est immortelle. Anaxagoras, que le sommeil est de l'action corporelle, car c'est affection du corps, non pas de l'ame : & qu'il y a aussi bien mort de l'ame, à scauoir la separation d'elle & du corps. Lucippus, que le sommeil appartient au corps seul par concretion de ce qui est subtil & delié, mais que l'excretion

A cretiõ excessiue de la chaleur naturelle est la mort, qui sont passions du corps, & non pas de l'ame. Empedocles, que la mort est vne separation des elements dont le corps de l'homme est composé, tellement que selon cela la mort est commune autant au corps, comme à l'ame, & que le sommeil est vne separation de ce qui est de nature de feu.

*Comment sont venus à croissãce les plantes, &c
les animaux.* CHAP. XXVI.

P Laton, Empedocles, tiennent que les plantes mesmes sont animaux, ce qu'ils disent estre manifeste, par ce qu'ils se croullent, & qu'ils ont les brâches estendues, & quand on les plie ils cedent, puis quand on les lasche ils s'en retournēt. Aristote tient bien qu'ils sont animez, mais non pas pourtant animaux, à cause que les animaux ont mouuement, & aucuns sentiment & discours de la raison. Les Stoïques & les Epicuriens, qu'ils n'ont point d'ame, car ceulx qui ont ames ou elle est appetitiue & concupiscible, où elle est raisonnable, mais que les plantes sont creuës casuellement & fortuitemēt, non point par le moien de l'ame. Empedocles dit, que les arbres premiers que les animaux saillirent de la terre deuât que le Soleil fust desployé, & deuât que le iour & la nuict fussēt separez: & que par la proportiõ de la téperature l'un a eu le nom de masle, & l'autre de femelle, & qu'ils croissent par la force de la chaleur qui est dedans la terre, de maniere que ce sont parties de la terre,

ne plus ne moins que les fruiçts du ventre des meres sont parties de la matrice, & que les fruiçts sont les superfluitez de l'eau & du feu qui est dedans les arbres : & que ceulx qui en ont faulte, quand il est desseiché par la chaleur de l'esté, perdēt leurs feuilles, mais qu'en la plus part elles demeurerēt, comme celles du laurier, celles de l'oliuier, celles du palmier : & que les differences des ius & saueurs procedent de la diuersité de ce qui les nourrit, comme és vignes, car la difference d'icelles ne fait pas le vin bon à vser, mais du terroüier qui les nourrit.

De la nourriture & accroissement.

CHAPITRE XXVII.

EMpedocles, que les animaulx se nourrissent par la substance de l'aliment qui leur est propre, & qu'ils croissent par la presence de la chaleur : qu'ils diminuent, & se corrompent par faulte de l'un & de l'autre, & que les hommes de maintenant, comparez aux anciens, sont comme enfans venans de naistre.

D'où viennent les appetits aux animaulx, & les voluptez.

CHAP. XXVIII.

EMpedocles, que les appetits & cupiditez viennent aux animaulx par default des Elements qui les composent, & les voluptez de l'humidité, & les mouuements de perils & autres choses semblables, les empeschemens, & *.

Comment

A Comment se fait la fiebure, & si c'est vn accessoire
d'autre mal. CHAP. XXIX.

E Rasistratus definit la fiebure ainsi : La fiebure est vn mouuement du sang qui vient à tomber dedans les vaisseaux des esprits, qui sont les arteres, contre la volonté du patient. Car tout ainsi comme la mer quand les vents ne la meuent point ne bouge, mais quand vn vent impetueux la vient à remuer, alors contre sa nature elle se remue & renuerse iusques au fond ; aussi au corps de l'homme, pendant que le sang est emeu, il tombe dedans les vaisseaux des esprits, & s'enflammant il eschauffe tout le demourant du corps : & luy plaist que la fiebure soit vn sur-accessoire. Mais Diocles dit : Ce qui apparoit au dehors est indice de ce qui est caché au dedans. Or voit on que la fiebure suruient aux accidents qui aduiennent dehors, comme aux bleceures, aux apostumes, & aux bosses.

De la santé, maladie, & vieillesse.

CHAP. XXX.

C Alcmaeon tient, que l'egalité des facultez du corps humain, cōme de l'humide, du chauld, du sec, du froid, de l'amer, du doux, & des autres, conseruent & contiennent la santé : & que au contraire, la monarchie, c'est à dire, predominacion d'aucun d'iceulx, fait la maladie : car celle domination & principaulté apporte corruption des autres, & est cause des maladies, comme quād la cha-

leur ou la froideur y est excessiue pour la quantité trop grãde, ou le default, comme en aucuns le sang default ou le cerueau : & que la santé est, vne proportionnee temperature de toutes les qualitez. Diocles dit que la plus part des maladies au corps humain procede de l'inegalité des elements, & de la temperature. Erasistratus, pour la quantité trop grande de la nourriture, & de l'indigestion & corruption, mais que le bon ordre & la suffisance est la santé. Les Stoïques conformement tiennent, que la vieillesse aduient à cause de la faulte de chaleur, car ceulx qui en ont plus, sont ceulx qui vieillissent plus longuement. Asclepiades dit, que les *Æthiopiens* vieillissent bien tost, à l'aage de trente ans, pource que leurs corps sont trop bruslez de la chaleur du Soleil : & que en l'Angleterre les hommes y vieillissent iusques à six vingts ans, d'autant que les lieux y sont froids, au moien dequoy ils contiennent au dedans la chaleur naturelle: car les corps des *Æthiopiens* sont plus rares, d'autāt qu'ils sont lasches par la chaleur du Soleil : & au contraire, les corps des hōmes qui sont vers le septentrion sont plus ferrez, & pour ceste cause ils viuent plus long temps.

LES

A LES DEMANDES DES
CHOSSES ROMAINES, C'EST
à dire, recherches des causes de plusieurs
façons & coustumes de Rome.



DOVROUY est ce que lon
commande aux nouuelles
mariees de toucher au feu
& à l'eau ? Est-ce pour ce
qu'entre les eleméts & prin-
cipes dont sont composez
les corps naturels, l'un de
ces deux, à sçauoir le feu, est
le masle, & l'eau, la femelle : & l'un leur donne le
principe de mouuemét, l'autre la propriété de sub-
iect & de matiere : ou bien pource que le feu pur-
ge, & l'eau laue, & fault que la femme demeure
pure & nette toute sa vie ? Ou pource que ne plus
ne moins que le feu sans humeur n'a point de
nourriture, & est sec, & aussi l'humeur sans chaleur
demeure oyssifue, sans rien engédrrer ne produire :
aussi le masle est sans effect & la femelle aussi quād
ils sont separez l'un de l'autre, mais la cōionctiō des
deux mariez ensemble est la perfectiō de leur vie &
cohabitation : ou pour ce qu'ils ne se doiuent iamais
abādōner l'un l'autre, ains participer à toute fortu-
ne l'un de l'autre, quand ils ne deuroiēt auoir autre
bien cōmun entre eux que le feu & l'eau seulemēt ?

2 Pourquoi est-ce que lon allume aux nopces,
cinq flambeaux, qu'ils appellent cierges, & iamais
plus ny iamais moins ? Est-ce pource que, comme

dit Varro, les Preteurs en vsent de trois, & les *Ædi-*^D
 les de deux, & ne seroit pas raisonnable qu'ils en
 eussent plus que les Preteurs & les *Ædiles* ensem-
 ble, mesmement qu'il fault que lon aille allumer
 les flambeaux des nouueaux mariez chez les *Ædi-*
 les? Ou pource qu'en aiant à vser de plusieurs, le
 nōbre non-pair leur sembloit en toute autre cho-
 se meilleur, & plus parfait que le pair, & mesme-
 ment plus propre & mieulx conuenable aux nop-
 ces, d'autant que le nombre pair reçoit diuision, &
 l'egalité des parts qui sont en luy a ie ne sçay quoy
 du querelleux & du combattant, là où le non-pair^E
 ne se peult iamais bien diuiser egaleement qu'il n'y
 demeure tousiours quelque chose de commun à
 departir: & entre tous les nō-pairs il semble que le
 cinq est le plus nuptial & le mieulx seant au maria-
 ge, pour ce que trois est le premier nō-pair, & deux
 le premier pair, & le cinq est composé de ces deux,
 cōme du masse & de la femelle: ou plus tost pour
 ce que la lumiere est le signe de l'estre & de la vie,
 & la femme peult porter iusques à cinq enfans à
 vn coup pour le plus: à ceste cause ils accoustumēt
 de porter cinq cierges: ou pour ce qu'ils estiment^F
 que ceux qui se mariēt aient affaire de cinq Dieux,
 de Iupiter parfait, de Iuno parfaite, de Venus, de
 Persuasion, & de Diane, que les femmes reclamēt
 aux douleurs & trauaulx de leurs enfantelements.

3 Pourquoi est ce que y aiant plusieurs tēples
 de Diane à Rome, il n'y en a qu'un, celuy qui est
 en la rue que lon appelle Patriciene, où les hom-
 mes n'entrent point? Est-ce point pour vn conte
 que

A que lon en fait , que ancienement quelque femme estât là venue pour adorer la Deesse, elle y fut violee, & celuy qui la forcea y fut deschiré par les chiens : depuis lequel inconuenient vne superstieuse crainte s'en estant mise és entendements des hommes, ils n'y entrent plus.

4 Pourquoy est-ce qu'ordinairement és autres temples de Diane on fiche des cornes de cerf, & en celuy qui est au mont Auentin il y a des cornes de bœuf? Est-ce pour la memoire d'un ancien accident : car on dit, que iadis au pais des Sabins il nasquit à Antron Coratius vne vache qui deuint belle & grâde à merueille par dessus toutes les autres, & qu'un certain deuin luy dit, qu'il estoit predestiné que la ville qui immoleroit ceste vache à Diane au mont Auentin, seroit vne fois tres-puissante, & dominerait toute l'Italie. Cest homme s'en vint à Rome en deliberation d'y sacrifier sa vache, mais un sien vallet vint secrettement faire entendre au Roy Seruius Tullius ceste prediction du deuin : & Seruius la communiqua au presbtre de Diane, Cornelius : parquoy quand Antron se vint c presenter pour faire son sacrifice, Cornelius luy dit, qu'il fallast premieremēt lauer en la riuere du Tybre, pour ce qu'ainsi le portoit la coustume des sacrifiants. Antron sy en alla pour se lauer, mais ce pendant Seruius le preuint, qui immola la vache à la Deesse, & en ficha les cornes dedans son temple. Iuba recite ainsi ceste histoire, & Varro aussi, excepté que Varro n'escriit pas le nom d'Antron, & ne dit point que ce fust le presbtre Cornelius, mais

seulement le secretain du tēple, qui abusā le Sabin. D

5 Pourquoi est-ce que ceulx que lon a fait morts faulſement en païs estranger, encore qu'ils retournent on ne les reçoit point à entrer par les portes des maisons, ains les fait on monter sur les tuiles, & les descend on au dedans par la couuerture? Varro en rend vne raison que i'estime du tout fabuleuse: car il dit, que durant la guerre de Sicile, il y eut vne grosse bataille donnee par mer, & courut incontinent vn bruit de plusieurs, comme s'ils y fussent morts, lesquels estans retournez moururent tous en peu de temps apres: mais que l'vn, ainsi qu'il vouloit entrer chez luy, trouua que la porte se ferma d'elle mesme au deuant de luy, & quelque effort que lon feist pour l'ouurir, iamais elle ne se laissa aller, au moien dequoy cest homme s'estant endormy deuant sa porte, la nuit eut en dormant vne vision qui luy enseignoit, comment il se deuoit de dessus la couuerture deualer avec vne corde au dedans de sa maison, & que l'ayant ainsi fait il fut heureux le reste de sa vie, & vescu iusques à grande vieillesse: de là vint la coustume, qui depuis a tousiours esté obseruee. Mais à l'ad- F uenture que ceste façon est aucunement deriuee des Grecs, lesquels n'estimoient point nets ceulx que lon auoit portez en terre comme morts, ou à qui on auoit fait la sepulture, & ne les receuoient point à hanter & frequenter parmy eulx, ny ne les laissoient point approcher des sacrifices: & dit on que l'vn de ceulx qui furent tenus & subiets à ceste superstition nommé Aristinus, enuoya en Delphes à l'ora-

A à l'oracle d'Apollo, le supplier de le deliurer des peines & difficultez où il se trouuoit à cause de ceſte couſtume, & que la prophetiſſe luy reſpondit,
Fais de rechef ce que les femmes font
A leurs enfans dont en couche elles ſont,
Et puis apres fais aux Dieux ſacrifice,
En leur rendant graces du benefice.

ce que Ariſtinus aiāt bien cōpris & entēdu, ſe bail-
la aux femmes, cōme ſil euſt eſté de nouueau en-
fanté, à lauer, à emmaillotter, & à faire tetter: & que
B c'eſt à dire, à qui lon fait la ſoſſe, cōme ſils fuſſent
morts, ont rouſiours fait de meſme: les autres di-
ſent, que deuant que Ariſtinus fuſt iamais né, on
 faiſoit cela à ceux qui auoient eu pareils accidents,
& que c'eſt vne couſtume de route ancieneté ob-
ſeruee en tel cas: pourtant n'eſt il pas de merueille
ſi les Romains auſſi n'eſtimoient pas, que celui
duquel ils penſoient auoir faiēt les funerailles, &
eſtre deſia en l'autre monde, au nombre des tref-
passez, deuſt entrer en la court par où eulx ſortent,
quand ils veulent aller ſacrifier aux Dieux, & par
C où ils rentrēt quand ils ont ſacrifié, ains vouloient
que de deſſus les tuiles, il deſcendiſt dedans la clo-
ſture: car ils font ordinairement routes leurs ceri-
monies de purifications au deſcouuert.

6 Pourquoy eſt-ce que les femmes baiſent
leurs parēts en la bouche? Eſt-ce cōme la plus part
le penſe, pour ce qu'eſtant defendu aux femmes de
boire du vin, la couſtume fut introduite, que quād
elles rencōtreroient leurs parēts, elles les baiſaſſent

en la bouche, pour conuaincre celles qui en au-
 roient beu? ou bien pour la raison qu'allegue le
 Philosophe Aristote? Car ceste autre occasion qui
 est en la bouche de tout le monde, & que lon dit
 estre aduenue en plusieurs lieux, fut hardimēt exe-
 cutee par les Dames Troienes, en la coste de l'Ita-
 lie: car comme leurs hommes fussent descendus en
 terre, elles meirent le feu dedans leurs vaisseaux,
 pour l'enuie qu'elles auoient de mettre fin, com-
 ment que ce fust, à leur longue peregrination, &
 de se deliurer des trauaulx & dangers de la mer,
 mais craignans la fureur de leurs hommes à leur
 retour, elles allerent au deuant de leurs parents &
 amis, qu'elles s'alüerēt en les ambrassant, & les bai-
 sant en la bouche, & aians appaisé leurs courroux
 par ce moien, & recouré leurs bōnes graces, elles
 continuerent depuis tousiours à vser enuers eux de
 ceste careffe, ou plus tost ce priuilege la fut donné
 aux Dames, comme chose qui leur apportoit hon-
 neur & credit, si lon voyoit qu'elles eussent beau-
 coup & de gens de bien qui fussent de leur race &
 parenté: ou pour ce qu'il estoit defendu d'espouser
 ses parentes, elles les pouuoient caresser iusques à
 les baiser: & leur est demouré ceste seule marque
 & communication de parenté: car par cy deuāt ils
 n'espousoient point les femmes de leur sang, cōme
 encore ne font ils pas au iourd'huy leurs tantes ny
 leurs sœurs, & a esté bien tard qu'ils ont permis de
 cōtracter mariage avec les cousines, pour vne telle
 occasion. Il y eut vn personnage qui auoit faute de
 biens, mais au demourāt fort hōme de bien, & plus
 agrea-

A agreable que nul des autres qui s'entremisissent du gouvernement de la chose publique: il espousa vne siene cousine heritiere, de laquelle il eut beaucoup de biens, & deuint riche, il en fut accusé deuant le peuple, mais en faueur de luy le peuple n'en voulut point enquerir plus auant: & non seulement l'absolut de crime, ains des lors feit vn statut, par lequel il fut dit, que de là en auant il seroit loisible d'espouser iusques aux cousines germaines & au dessous, mais au dessus non.

B 7 Pourquoi est-ce qu'il est defendu au mary de receuoir don de sa femme, & à la femme de son mary? Est-ce point pour ce, que comme Solon ordonna que les donations faites par les mourans teinssent, sinon qu'elles eussent esté faites par force ou par induction de femme: exceptant la force, comme contraignant la volonté: & la volupté, comme deceuant le iugement: aussi ont ils estimé, que les donations mutuelles entre le mary & la femme estoient telles. Ou bien pour ce qu'ils estimoient le donner, vn mauuais signe d'amitié, d'autant que & les estrangers donnent bien, & **C** ceux qui n'aiment point, pour ceste cause ils ont voulu oster ceste flatteuse caresse du mariage, à fin que l'amour mutuel y fust entre les parties, sans salaire ny loyer mercenaire quelconque, gratuitement, & pour le regard d'eux mesmes, & non point d'autres. Et pour ce que les femmes le plus communément se laissent aller aux estrangers, en prenant & receuant d'eux des presens, il leur a semblé que cela auoit plus de dignité que les honnestes

femmes aimassent leurs propres marits sans qu'ils leur donnassent: ou plus tost pour ce qu'il faut, que tous les biens du mary soient communs à la femme, & de la femme au mary: car celuy qui reçoit apprend à reputer que ce qui luy est donné n'estoit pas sien auparauant, tellement qu'en donnant pour peu que ce soit, ils ostent tout le demourant.

8 Pourquoi est-ce qu'il leur est defendu de receuoir don quelconque de leur gendre, ou de leur beau pere? Est-ce point du gendre, de peur que par le moien du pere le don ne retournast à la femme? & du beau pere, pour ce qu'il sembloit iuste, que celuy qui ne pouuoit donner, ne peust aussi receuoir en don?

9 Pourquoi est-ce, que quand ils retournent d'un voyage loingtain au pais, ou seulement des champs à la ville, s'ils ont leurs femmes à la maison ils enuoient deuant, pour leur faire sçauoir leur arriuee? Est-ce point pour leur donner assurance qu'ils ne veulent rien faire finement ny malicieusement enuers elles? car arriuer soudainement à l'improuueu, est vne maniere d'aguet & de surprise: ou bien pour ce, qu'ils se hastent de leur enuoyer donner vne bõne nouuelle de leur venue, comme se tenans pour asseurez qu'elles les attendent & les desirent: ou plus tost pour ce que eux mesmes desirent sçauoir de leurs nouuelles, si ils les trouueront saines, & attendans à grande deuotion leur retour: ou pour ce que les femmes ont plusieurs petits negoces & besongnes à la maison, pendant que leurs marits n'y sont pas, & bien souuent de
petites

A petites hargnes & querelles alencôtre de leurs domestiques, seruans ou seruantes : à fin doncques qu'ostant toutes ces petites fascheries la, elles facēt vn recueil gracieux & paisible à leurs marits, ils leur enuoyent deuant faire tels aduertissemens.

10 Pourquoy est-ce, que quand ils adorent & prient les Dieux ils couurent leurs testes, & au cōtraire quād ils rencōtrent des personnages qui meritēt qu'on leur face hōneur, si d'adventure ils ont la teste couuerte de leurs robes, ils se descouurent? car il semble que cela rende la premiere doubte plus malaisée à soudre: car si ce que lon recite d'*Æneas* est veritable, que passant *Diomedes* au long de luy, ainsi qu'il sacrifioit, il se couurit la teste, & acheua son sacrifice: il y a raison & consequence, si lon se couure deuant ses ennemis, de se descouuir quand on rencontre des gens d'honneur ou de ses amis: car la façon de se couuir deuant les Dieux n'est pas proprement venuë pour eux, mais par accident, & en est tousiours demouree la coustume, depuis ce qu'*Æneas* le fait ainsi pour l'occasion sus ditte. Mais s'il faut dire quelque chose d'auantage, il n'est ia besoing que d'enquerir seulement, pourquoy c'est qu'ils couurent leurs testes quand ils prient les Dieux, pour ce que l'autre en depend & s'en ensuit: car ils se descouurent deuant les hōmes de dignité & d'autorité, non pour leur faire plus d'honneur, mais au contraire pour leur oster & diminuer l'enuie, de peur qu'ils ne semblent requerrir qu'on leur face autant d'honneur qu'aux Dieux, ny souffrir ou prendre plaisir que lon les

reuer de mesme les Dieux:& quant aux Dieux,ils D
 les prient & adorent ainsi,ou par humilité,s'humili-
 lians deuant eux, en affublant leurs testes: ou plus
 tost pource, qu'ils craignēt qu'en faisant leur prie-
 re il ne vienne de dehors quelque voix de mau-
 uais & sinistre presage qui leur donne à l'ouye: à
 l'occasion de quoy ils tirent leur robe iusques sur
 leurs oreilles: car qu'il soit vray qu'ils aient soi-
 gneusement l'œil à prouoir que telle chose n'ad-
 uienne,il appert par ce que quand ils vont à l'ora-
 cle, pour auoir responce de quelque demande, ils
 font faire grand bruit à l'enuiron, en frappant & E
 faisant sonner alentour des vases de cuiure: ou
 pour ce que, comme dit Castor, en accordant les
 façons Romaines avec celles des philosophes Py-
 thagoriens, le Démon ou bon Ange qui est de-
 dans nous, prie & supplie les Dieux de dehors,
 donnant couuertement à entendre par cest affu-
 blement de teste, que l'ame est ainsi affublée,cou-
 uerte & cachée par le corps.

II Pourquoi est-ce qu'ils sacrifient à Saturne
 la teste descouuerte? Est-ce pour ce qu'Æneas fut
 celuy qui introduisit la coustume de se couvrir la F
 teste en sacrifiant, là où le sacrifice de Saturne est
 beaucoup plus ancien? ou pour ce qu'ils se cou-
 urent deuant les deitez celestes? mais quant à Sa-
 turne ils le reputent Dieu d'icy bas & terrestre:
 ou pour ce qu'il n'y a rien de caché ny de couuert
 en la verité? or les Romains estiment Saturne
 pere de la verité.

12 Pourquoi est-ce qu'ils estiment Saturne
 pere

A pere de la verité? Est-ce point pour ce que, comme aucuns des philosophes, ils ont opinion que Saturne soit le temps? or le temps est celuy qui descouure la verité: ou pour ce que les fables des poëtes racontent, que sous Saturne regnoit l'aage doré, & la vie des hommes estoit tresiuste? il falloit doncques aussi consequemment qu'il y eust beaucoup de verité.

13 Pourquoy est-ce qu'ils sacrifient aussi au Dieu qu'ils appellent Honor, c'est à dire, gloire ou honneur, la teste descouuerte? Est-ce point pour-
B autant que l'honneur & la gloire est chose evidente, notoire & descouuerte à tous? & pour la raison qu'ils se descouurent deuant les gens de bien & d'honneur, pour la mesme adorent ils aussi la deité d'Honneur à teste descouuerte.

14 Pourquoy est-ce que les fils portent & couvoient leurs peres en terre les testes couuertes, & les filles descouuertes, & les cheueux destressez & pendants? Est-ce pour-autant qu'il faut que les masles honorent leurs peres comme Dieux, & que les femelles les lamentent comme hommes
C trespassez? ainsi la Loy attribuant à chasque sexe ce qui luy est propre, a fait ce qui estoit bien seant & conuenable à chascun. Ou pour ce que cela est propre au deuil qui est hors de la coustume ordinaire? Or est-il plus ordinaire aux femmes de sortir en public les testes voilees & couuertes, & aux hommes les testes nues & descouuertes: car mesme entre les Grecs quand il arriue quelque calamité publique, la coustume est, que les femmes

tondent leurs cheueux, & les hommes les portent d
longs, pour ce que l'ordinaire est que les hommes
aillent tondus, & les femmes portent les cheueux
longs: & qu'il soit ainsi, que les fils couurent leurs
testes pour la cause que nous auons ditte, il se peut
inferer par ce que Varron escrit: qu'es funerailles
& alentour des tombeaux de leurs peres ils se por-
tent avec telle reuerence, comme és temples des
Dieux, tellement que quand ils en ont bruslé les
corps, le premier os qu'ils en rencontrent ils disent
que celuy qui est mort est deuenu Dieu. Au con-
traire, il n'estoit aucunement permis aux femmes E
de voiler ny couvrir leurs testes: & trouue lon par
escript que le premier qui repudia sa femme fut
Spurius Caruilius, à cause qu'elle ne portoit point
d'enfans: le second Sulpicius Gallus, pour ce qu'il
auoit veu qu'elle auoit tiré son vestement sur sa
teste: & le troisiéme Publius Sempronius, pour ce
qu'elle auoit assisté à veoir des ieux funebres.

15 Pourquoi est-ce que, veu qu'ils estiment
Terminus, qui signifie Borne, estre vn Dieu, du-
quel ils celebrent la feste, qu'ils appellent Termi-
nalia, neātmoins ils ne luy sacrifient iamais aucune F
beste? Est-ce pour ce que Romulus ne meit point
de bornes à son pais, à fin qu'il luy fust loisible de
s'eslargir & en prendre là où il voudroit, & repu-
ter toute terre sienne, iusques où, comme disoit le
Laconien, la picque pouuoit ataindre. Mais Nu-
ma Pompilius, estant homme iuste & droitturier,
sachant comme il faut conseruer les droits de la
societé humaine, & se rendre subiect à la raison,
fait

A fait borner sa terre, ses voisins appelez, & nomma les bornes & limites Terminus, comme conseruateur & garde de paix & d'amitié entre les voisins, lequel il estima deuoir estre conserué pur & net de sang, & impollu de meurtre.

16 Pourquoi est-ce qu'il n'est pas loisible aux seruantes entrer dedans le temple de la Deesse Leucothea? & que les Dames y en meinent vne toute seule, laquelle elles frappent en la iouë, & la soufflettent? Quant à celle qui est ainsi soufflettée, cela tesmoigne qu'il ne leur est point permis d'y
B entrer: & quant aux autres, c'est pour vne fable poëtique qui dit, que Ino iadis estant ialouse d'une siene seruante & de son mary, en deuint furieuse alencôtre de son propre fils. Les Grecs tiennent que ceste seruante estoit de nation *Ætoliene*, & qu'elle s'appelloit *Antiphère*. Et pourtant en nostre país en la ville de *Chéronée*, deuant le temple de *Leucothee*, le secretain prenant vn fouët crie, qu'il n'y ait seruant ny seruante qui s'ingere d'y entrer, ny *Ætolien*, ny *Ætoliene*.

17 Pourquoi est-ce qu'au temple de ceste
C Deesse on ne prie iamais pour ses propres enfans, mais bien pour ses nepueux? Est-ce pource que Ino aima iadis fort sa sœur, iusques à donner la mammelle à son fils, & fut mal fortunée en ses propres enfans? ou bien pour ce qu'autrement ceste coustume est fort cordiale & honneste, & qui induit les cœurs des hommes à porter amour & affection à ses alliez?

18 Pourquoi est-ce que plusieurs riches hōmes

confacroient & donnoient la dixme de tous leurs biens à Hercules? Est ce pour ce que luy mesme estant à Rome sacrifia la dixme des bœufs qu'il auoit ostez à Geryon, ou pour ce qu'il deliura les Romains du tribut de la dixme de leurs biës qu'ils fouloient payer à ceux de la Thoscane? Ce qui toutefois ne se treuve point escript en histoire authentique & digne de foy, mais comme à vn Dieu grand mangeur, & qui aimoit à bien repaistre, ils offroient & sacrifioient ainsi abondamment & plantureusement: ou plus tost pour ce qu'ils vouloient par ce moien diminuer vn peu leur excessive richesse, qui ordinairement est odieuse aux estats populaires, ne plus ne moins que s'ils eussent, par maniere de dire, retrenché vn peu de leur en-bon-point, qui seroit venu à vne extremité de graisse & de corpulence, estimans par ce racourcissement faire honneur & seruice agreable à Hercules, comme à celuy qui prenoit plaisir à veoir ainsi consumer & resserrer toute superfluité, pour ce qu'en son viuant il auroit esté content de peu, sans delices ne superfluité quelconque.

19 Pourquoi est-ce qu'ils commencent leur année au mois de Ianuier? car ancienement le mois de Mars alloit deuant, comme lon peut iuger par plusieurs autres coniectures, & mesmement par ce que le cinquieme mois apres Mars s'appelle encore Quintilis, & le sixième Sextilis, & tous les autres consequemment par l'ordre des nombres, iusques au dernier qu'ils appellent Decembre, ce qui fait penser & dire à quelques vns, que par cy deuant

A deuant les Romains accomplissoient leur année en dix mois, adioustant aux dix mois quelque nombre de iours par dessus les trente. Les autres escriuent que Decembre estoit le dixième apres Mars, & Ianuier l'vnzième, & Feburier le douzième, auquel ils vsent de quelques sacrifices d'expiation & purgation, & si sacrifient & font offrandes aux trespassez, comme à la fin de l'année: mais que depuis ils ont esté transposéz, & a lon mis Ianuier le premier, pour ce qu'au premier iour d'iceluy que lon appelle les Calendes de Ianuier, les premiers Consuls furent instalez lors que lon chassa les Roys hors de Rome. Mais il y a plus d'apparence en ceux qui disent que Romulus estant homme Martial, qui n'aimoit que la guerre & les armes, cōme celuy qui pensoit estre fils de Mars, preposa à tous les autres mois celuy qui portoit le nom de son pere. Mais Numa puis apres qui estoit homme paisible, & qui taschoit à diuertir les cœurs de ses citoiens de la guerre à l'agriculture, donna le premier lieu à Ianuier, & feit de grands honneurs à Ianus, cōme à celuy qui auoit esté hōme plus addonné au labeur de la terre, & au gouuernement politique, que non pas à l'exercice des armes. Ou bien aduisez si Numa auroit point plus tost choisi ce commencement la de l'année, comme le plus conuenable à la nature au regard de nous: car en general il n'y a rien de ce qui tourne en vn cercle qui soit selon nature ne premier ne dernier, mais par ordōnance & institution des hommes, les vns commencent leur temps à vn point, les autres à vn

autre:& ceux qui le commencent au Solstice d'hiver, le font avec meilleure raison, lors que le Soleil cessant de passer oultre,commance à retourner & reprendre son chemin deuers nous: car il semble que ce soit, & selon nature & au regard de nous, le plus raisonnable commencement, d'autant qu'il nous augmente le temps de la lumiere, & diminue celuy des tenebres,& nous approche l'astre qui est le dominateur, gouuerneur & conducteur de toute substance transitoire.

20 Pourquoi est-ce que les femmes parans la chappelle de la Deesse feminine,qu'elles appellent la bonne Deesse, n'apportent iamais à la maison des branches de meurte, combien qu'elles y employent toutes autres sortes de fleurs & de feuillages? Est-ce pour ce que quelques vns racontent fabuleusement,que c'estoit la femme d'un Flavius deuin, laquelle beuuoit du vin à cachettes, & y aiant esté surprise par son mary,elle en fut fouetee de verges de meurte, & pour ceste cause n'y porte lon point de ramee de meurte, mais on luy fait offre de vin, que lon surnomme du lait? Ou bien pour ce qu'il faut que celles qui font & qui assistent à ceste cerimonie là, soient nettes de toutes autres pollutions,mais specialement de celle de Venus? car non seulement elles mettent hors de la maison où ce seruice se fait à la Deesse, les hommes, mais aussi tout ce qui autrement est de sexe masculin:c'est pourquoy elles detestent le meurte, comme estant consacré à Venus, tellement qu'il semble qu'ils appelloient anciennement Venus Myrtea,

A. Myrtea, qu'ils appellent maintenant Murcia.

21 Pourquoy est-ce que les Latins reuerent le Piuert, & se gardent bien de luy mal-faire? Est-ce pour ce que lon dit que Picus iadis par les enchantemens & forcelleries de sa femme changea de nature, & fut transformé en vn Piuert, sous laquelle forme il donna des oracles, & rendit responses à ceux qui luy propoisoient quelques demandes: ou bien pour ce, que cela est de tout point incroyable & estrangemēt fabuleux? L'autre fable que lon en racôte sēble auoir plus de verisimilitude, que quād

B Remus & Romulus furent exposez, non seulement vne Louue leur bailla son pis à tetter, mais aussi vn Piuert y suruint qui leur apporta la becquee: auquel propos encore voit on ordinaiemēt, cōme recite Nigidius, que là où hante le Piuert en quelque fonceau couuert de bois & de ramee, là repaire aussi coustumierement le Loup. Ou plus tost pour ce, que consacrans à chasque Dieu chasque sorte d'oiseau, ils reputēt celuy la sacré à Mars, pour ce qu'il est courageux & hardy, & a le bec si fort qu'il ruine vn chesne, le perçant à force de becquetter iusques à la mouëlle.

22 Pourquoy est-ce qu'ils estiment que Ianus ait eu deux visages, & de faict le peignēt & le moulent ainsi? Est-ce pour ce que de nation il estoit Grec, venu de la Perroëbie, ainsi cōme lon trouue par escript és histoires, & passant en Italie il s'habituau au païs parmy les Barbares qui y estoient, desquels il changea le langage, & les façons de viure? ou plus tost pource qu'il leur enseigna &

persuada de viure ensemble ciuilement & honnestemēt en labourant la terre, là où au parauant ils auoient des meurs & façons de faire sauuages, sans loy ny iustice quelconque?

23 Pourquoi est-ce qu'ils vendent les choses necessaires aux funerailles, dedans le temple de la Deesse Libitine, estimans que ce soit Venus? Est-ce point vne des sages inuentions du Roy Numa, à celle fin de leur apprendre à n'auoir point cela en horreur ny ne le fuir point, comme chose qui rendist l'homme pollué ou bien pour ce que cela est vn record qui leur reduit en memoire, que tout ce qui a eu commencement de naissance, aura aussi fin de mort, comme estat le naistre & le mourir sous le gouuernement & puissance d'une mesme Deité? car mesme en la ville de Delphes il y a vne petite image de Venus, que lon surnomme sepulchrale, deuant laquelle on euoque les ames des trespassez, pour receuoir les offrandes des liqueurs que lon leur respand.

24 Pourquoi est-ce qu'ils ont en chasque mois trois commencemens & prefixions, ne gardans pas mesmes interualles de iours entredeux? Est-ce pource que, cōme Iuba eserit, les magistrats au premier iour qu'ils nommoient les Calendes, auoient accoustumé d'appeller le peuple, & luy denoncer que les Nonnes, c'est à dire, la foire ou le marché, feroiēt le cinquième iour d'apres: & quāt aux Ides, ils le reputoient vn iour saint & sacré? Ou pource que mesurans & terminans le temps aux differences de la Lune, ils voyoient qu'elle auoit

A auoit trois principales diuersitez par chascun
 moys, la premiere quand elle est toute cachee en
 sa conionction avec le Soleil: la seconde, quand
 elle s'esloigne des raions du Soleil, & commence à
 apparoir en croissant sur le soir du costé de Soleil
 couchant: la troisieme, quand elle est toute pleine:
 ils nomment son absconsion & cachement les Ca-
 lendes, pource que ce qui se fait occultement & à
 cachettes, ils le disent clam, & celare cacher. Et le
 premier iour de son illumination, que nous appel-
 lons Neomenie, c'est à dire, nouuelle Lune, ils l'a p-
B pellent à bonne occasion Nonnes, pource que ils
 nomment ce qui est nouveau, ieune, comme nous
 faisons: & les Ides sont nommees de ce mot *Idos*,
 qui signifie beauté, pource que la Lune estant lors
 toute pleine, est en sa perfection de beauté: ou bien
 ils tirent ceste denomination de ce mot Dios, qui
 est à dire Iupiter. Et ne faut pas en cela rechercher
 exactemēt le nombre des iours, ny calomnier cest
 vsage la, pour peu de faute qui s'y treuve, veu que
 maintenant mesme que la science des astres, que
 lon nomme Astrologie, a pris si grand accroisse-
C ment, l'inegalité du cours de la Lune surpasse en-
 core l'experiēce des Mathematiciens, & ne la peu-
 uent regler à certaine raison.

25 Pourquoi est-ce qu'ils reputent les lende-
 mains de Calendes, des Nonnes, & des Ides, mal-
 encontreux, de sorte qu'ils n'entreprennent iamais
 voyage, ny ne se mettent iamais aux champs, à ces
 iours là? Est-ce pourautant que, comme plusieurs
 estiment, & cōme Titus Liuius l'escriit, les Tribuns

militaires, du temps qu'ils auoient l'autorité sou-^D
 ueraine, meirent aux champs l'armee Romaine le
 lendemain des Ides du mois que lon appelloit
 pour lors Quintile, & maintenant Iuillet, ils fu-
 rent desconfits en bataille par les Gaulois, le long
 de la riuere d'Allia, & consequemment perdirent
 la ville mesme de Rome, & pour ceste occasion
 ce lendemain des Ides estant tenu & reputé pour
 sinistre, la superstition venant à poulsier plus ou-
 tre, la coustume, comme il se fait ordinairement,
 a rendu le lendemain des Nonnes, & le lende-
 main des Calendes, à l'opinion des hommes, en ^E
 pareille crainte & semblable religion. Mais à cela
 il y a plusieurs oppositions & obiections: car pre-
 mierement ils perdirent la bataille à autre iour
 qu'à celuy duquel il est question, & appellent en-
 core le iour de la bataille d'Allia du nom de la ri-
 uiere, l'aians en abomination, comme malheu-
 reux, pour ceste raison la. Et puis ils ont plusieurs
 autres iours qu'ils estiment sinistres & malheu-
 reux, mais pour cela ils ne redoubtent pas les
 autres iours qui sont de semblable denomination
 en chascun mois, ains chascun iour à part seule-^P
 ment au mois que le desastre leur est arriué. Et
 que le malheur d'un iour ait attaché ceste supersti-
 tieuse crainte à tous les lendemains des Calendes,
 des Nonnes & des Ides, il y a bien fort peu d'ap-
 arence. Prenez doncques garde, que comme lon
 a consacré le premier mois aux Dieux celestes, &
 le second aux terrestres, auquel on fait quelques
 cerimonies & sacrifices d'expiation & de purifica-
 tion,

A tion , & presente lon des offrandes & seruices aux trespassez : aussi entre les iours des moys les trois qui sont cōme les chefs & les principaux , ils ont voulu qu'ils fussent festez & sanctifiez : mais ceux d'apres , les aiant dediez aux demy-Dieux & aux trespassez , ils les ont aussi consequēment estimez malencontreux & mal propres à faire ou entreprendre aucune chose: car les Grecs adorans & seruans les Dieux aux premiers iours des moys, ont attribué les deuxièmes aux demy-Dieux & aux Demons, cōme aussi és festins ils boient la seconde

B coupe aux demy-Dieux & demy-Deesses . En somme, le temps est vne espee de nombre , & le commencement du nōbre est ne sçay quoy de diuin, car c'est l'vnité: & celuy qui viēt apres le deux est contraire au cōmancement, & est le premier des pairs. Or le nombre pair est defectueux, imparfait, & indefiny: comme à l'opposite le non-pair termine, & est terminé & parfait : voila pourquoy les Nonnes succedent aux Calendes cinq iours apres, & les Ides aux Nōnes neuf iours apres, car les non-pairs terminent les commācemens , mais ceux qui

C viennent apres les commācemens , estans pairs, ils n'ont point de reng ny de puissance : c'est pourquoy ils ne cōmencent aucune entreprise de grād œuure, ny aucun voyage à ces iours la. A quoy se peut rapporter le propos que dit anciennement Themistocles, que le Lédemain prit vne fois querelle alencontre de la Feste, disant qu'il auoit beaucoup d'affaire & beaucoup de peine , & qu'il pre paroît & acqueroit , avec beaucoup de trauail,

les biens dont la feste iouïssoit à son aise en tout ^D repos & loisir: à quoy la feste luy respondit, tu dis la verité, mais si ie n'eusse esté, tu ne fusses pas aussi. Themistocles teint ce propos la aux capitaines Atheniens, qui vindrent apres luy, leur donnant à entendre qu'ils n'eussent eux & leurs faiçts nulle part comparu, si luy premier n'eust sauué la cité d'Athenes. Pourautant donc que toute entreprise, & tout voyage d'importance, a besoing de quelque prouision & de quelques preparatifs, & que les Romains anciennement aux iours de festes ne faisoient aucune besongne, ny aucune proui- ^E sion: ains estoient du tout adonnez & occupez au seruice de Dieu, & faisoient cela, comme encores aujour d'huy, quand les presbtres commandent vn sacrifice ils cryent deuant à haute voix aux assistans, Hoc age, c'est à dire, fay cecy: il est vraysemblable qu'ils ne se mettoient pas en chemin d'vn long voyage, ny a l'entreprise d'vn grand affaire, incontinent apres la feste, pource qu'ils n'auoient pas fait leurs apprests, ains se tenoient en la maison tout le lendemain à penser à leurs affaires, & à se prouueoir des choses qui leur estoient ^F necessaires. Ou comme encores iusques au iour d'huy, apres qu'ils ont adoré & fait leur priere aux Dieux dedans les temples, ils ont accoustumé d'y faire vn peu de sejour, & de s'y asseoir: aussi n'estimoient ils pas qu'il fust raisonnable de ietter immediatemēt apres les iours de festes, les ouurables, ains y mettoient quelque espace & quelque interualle entred eux, sachans bien que les affaires ap-
portent

A portent tousiours plusieurs fascheries oultre l'opinion & la volonté de ceulx qui les ont en main.

26 Pourquoy est-ce que les femmes en deuil portent des robbes blanches & la coiffure blanche aussi? Est-ce point pour s'opposer à l'enfer & aux tenebres, qu'ils se conformēt ainsi à la couleur, claire & reluisante? ou bien pource que cōme ils reuestent & ensepuelissent le corps du mort de draps blācs, ils estiment que ses proches parents doiuent aussi porter sa liuree, & parent le corps ainsi, pour ce qu'ils ne peuuent accoustre l'ame, laquelle ils **B** veulent accompagner luyfante & nette, cōme celle qui desormais est à deliure, & qui a paracheué vn grand & diuers combat? Ou bien pource qu'en telles choses, ce qui est le plus simple & de moindre coust, est le mieulx seant, là où les draps d'autre teinture monstrent ordinairement ou vne superfluité, ou vne curiosité, car lon peult aussi bien dire du noir, cōme de la couleur de pourpre, Les robbes & les couleurs sont tromperesses. Et quant à ce qui est de soy mesme noir, il est tainct par nature, & non par artifice meslé & composé **C** d'obscurité: parquoy il n'y a que le blanc qui soit tout pur, non mixtionné, ny souillé d'aucune teinture, sans qu'on le puisse imiter, & pourtant plus propre & conuenable à ceulx que lon enterre, attendu que le mort est deuenu simple, pur, exempt de toute mixtion, & deliure du corps, qui n'est autre chose qu'une tache & souillure que lon ne peult effacer. En la ville d'Argos semblablement, quād ils portent le deuil ils vestēt robbes

blanches, comme dit Socrates, lauees en eau claire. D

27 Pourquoi est-ce qu'ils estiment toute la muraille de la ville sacree & inuiolable, & les portes non? Est-ce, comme dit Varron, pourautant qu'il fault estimer les murs saincts, à fin que lon combatte & que lon meure genereusement pour la defense d'iceulx? car il semble que ce soit la cause pour laquelle Romulus tua son frere Remus, pour ce qu'il entreprit de saulter par dessus vn lieu sainct & inuiolable, & le rendre prophane & violable: là où au contraire, il n'estoit pas possible de cōsacrer & sanctifier les portes, par lesquelles il est force de transporter plusieurs choses necessaires, & mesmement les corps des trespassez. Et pourtant ceulx qui commençoient à fonder & bastir vne ville, enuironnoient premierement avec vne charrue tout le pourpris & l'enceinte qu'ils vouloient bastir, y attellans vn bœuf & vne vache: puis quand ils auoient ainsi trassé toute l'enceinte, ils ostoient le soc, & portoient la charrue par autāt d'espace qu'il en falloit pour bastir les portes: comme voulans dire, que tout le sillon qu'ils labouroient seroit sacré & inuiolable. F

28 Pourquoi est-ce que quand les enfans iurent par Hercules, ils les font sortir hors de la maison, & aller dehors à descouuert? Est-ce, comme aucuns veulent dire, pource que garder les cendres & la maison ne plaist point à Hercules, ains viure à la campagne, & coucher dehors? Ou plus tost, pource qu'entre les Dieux il n'est pas proprement naturel, ains comme estranger venu de dehors? car
aussi

A aussi ne iurent ils point par Bacchus sous le toict de la maison, ains sortét dehors, pourautāt qu'aussi luy entre les Dieux est comme estranger. Ou bien cela est vn propos qui se dit voirement par ieu aux enfans, mais à la verité c'est vn moien de les retenir, & engarder de iurer facilement & soudainement, ainsi que disoit Phauorinus, car il a esté expressement introduit pour les retenir vn petit, & leur donner, ce temps pendant qu'il leur fault sortir de la maison, loisir & espace d'y penser: & pourroit on avec Phauorinus coniecturer que ceste façon de faire ne soit pas cōmune aux autres Dieux, mais propre à Hercules, pource que lon trouue escrit qu'il estoit si religieux & si retenu à iurer, que iamais en sa vie il ne iura que vne seule fois, à Phyleus fils de Augias. Et pourtant la prophetisse de Delphes, qui se nomme Pythia, respondit vn iour aux Lacedemoniens,

Tous iurements quand vous interdirez,
De bien en mieulx amendans vous irez.

29 Pourquoi est-ce qu'ils ne permettent pas que la nouuelle marice passe d'elle mesme par dessus le seuil de l'huys, quand on la mène chez son mary, ains ceulx qui l'accompagnent l'enleuent & l'emportent au dedans? Est-ce pour souuenance qu'ils emporterēt ainsi les premieres femmes qu'ils raurirēt par force, & qu'elles n'y entrerēt pas d'elles mesmes de leur bon gré? ou si c'est pource qu'elles veulēt que lon pèse qu'elles entrēt maugré elles, & non pas de leur bōne volonté, au lieu où elles doiuent perdre leur pucelage? ou c'est vn signe qu'elle

n'en doit plus sortir ny abandonner la maison, si-
 non par force, tout ainsi comme elle y est entrée
 aussi par force: car en nostre pais de la Bœoce on
 brusle deuât la porte de la nouuelle mariee l'aixieu
 de la charrette, sur laquelle elle a esté amenee en la
 maison de son mary: voulans par là luy donner à
 entendre, qu'il fault qu'elle y demeure veuille ou
 non, pource que la voyture qui la pourroit emme-
 ner est consommee.

30 Pourquoy est-ce que quand ils introdui-
 sent la nouuelle espousee en la maison de son ma-
 ry, ils luy font dire, Là où tu és Caius, là ie seray
 Caia? Est-ce pour tesmoigner par ces paroles, qu'elle
 entre pour estre incontinent commune en tous
 biens avec luy, & pour commander en la maison
 comme luy? car c'est autant à dire comme, là où tu
 seras maistre & seigneur, là ie seray dame & mai-
 stresse: & ont pris ces noms là, qui sont communs,
 les premiers venus sans autre raison, cōme les Iu-
 risconsultes vsent de Caius Seius, Lucius Titius: &
 les Philosophes en leurs escholes vsent de Dion &
 de Theon. Ou bien c'est à cause de Caia Cecilia,
 belle & honeste dame, qui iadis eut espousé l'un
 des enfans de Tarquin, de laquelle on voit encore
 vne image de bronze dedans le tēple du dieu San-
 ctus, & y auoit encore anciennement ses patins &
 ses quenoilles, les vns pour signifiante qu'elle ne
 bougeoit de la maison, les autres pour monstrier la
 besongne qu'elle y faisoit.

31 Pourquoy est-ce que lon chante és nopces
 ceste parole si commune, Talassius? Est il point tiré
 de ce

A de ce mot Grec, Talasia, qui signifie filure de laine: car ils appellent le panier où les femmes mettent leurs laines, Calathus, & ceulx qui conduisent l'espousee la font seoir dessus vne toison de laine, & elle porte la quenaille & le fuseau, & environne toute la porte de la maison de son mary de laine. Ou fil est vray ce que disent les historiens, qu'il y auoit vn ieune homme vaillant & adroict aux armes, & au demourant fort bien conditionné, qui se nommoit Talassius: & comme les Romains rauirent les filles des Sabins, qui estoient venues à Rome pour voir les ieux, quelques vns de basse condition aians dependance de ce Talassius, en choisirent vne fille fort belle de visage, & en l'emportant alloient criât pour leur seureté parmy les rues, A Talassius, à Talassius, à fin que personne ne s'approchast d'eulx, ny n'attentast de la leur enleuer, faisans entendre qu'ils la menoient pour femme à Talassius: les autres qui les rencontrerēt par le chemin, les accōpagnerent pour l'hōneur de Talassius, & les suyurent, en loüant la belle election qu'ils auoient faitte, & priants aux Dieux qu'ils leur en donnassent contentement: & pourautant que le mariage en fut heureux, ils accoustumerent depuis à chanter en toutes autres nopces ce nom la de Talassius, tout ainsi comme les Grecs ont coustume de chanter Hymeneus.

32 Pourquoi est-ce qu'au moys de May ils iettent du pōt de bois en la riuiera des images d'hommes qu'ils appellent Argeos? Est-ce pour memoire que les Barbares qui anciennement habitoient

en ce pais la, feirent ainsi mourir les Grecs qu'ils pouuoient prendre? mais Hercules qui fut grandement estimé d'eulx pour sa vertu, leur osta ceste cruelle façon de tuer les estrangers, & leur enseigna ceste coustume de contre-faire leurs anciennes superstitions de ietter ces images. Or les anciens appelloient tous Grecs de quelque contree qu'ils fussent, Argeos: si ce n'est qu'on veuille dire que les Argiens, estants ennemis des Arcadiens, à cause du voysinage, ceulx qui s'enfuirent d'Arcadie avec Euander, & se vindrent habituer en ce quartier la, reteindrent tousiours la haine & rancune qu'ils auoient de tout temps enracinee en leurs cœurs contre les Argiens.

33 Pourquoi est-ce qu'anciennement ils n'alloient iamais soupper hors de leurs maisons qu'ils ne menassent quand & eulx leurs petits enfans quand ils estoient encore és premiers ans de leur enfance? Est-ce pour la mesme raison que Lycurgus voulut que les enfans entraissent & hantassent és salles où les hommes mangeoient, à fin qu'ils s'accoustumassent de bonne heure à n'vser point des voluptez de boire & de manger immoderement, comme bestes brutes & rauissantes, aians les plus aagez qui les regardoient & les controlloient: & à celle fin aussi que les peres mesmes en fussent plus retenus & plus honestes pour la presence de leurs enfans, Car là où les vieillards sont dehoitez, ce dit Platon, là est il force que les enfans le soient encore bien d'auantage.

34 Pourquoi est-ce que les autres Romains, faisans

A faisans leurs offrâdes, cerimonies & sacrifices pour les trespassez au moys de Feburier, Decimus Brutus, ainsi que dit Ciceron, les souloit faire au moys de Decembre? ce Brutus la estoit celuy qui le premier envahit le pais de la Lusitanie, & passa avec armee la riuere d'Obluion. Est-ce pource que cōme la plus part ont accoustumé de ne faire tels seruices pour les morts, que ce ne soit à la fin du moys, & sur la fin du iour, aussi sembloit il y auoir raison d'honorer les morts à la fin de l'annee? or est le moys de Decēbre le dernier de toute l'annee. Ou bien pource que c'est vn honneur que lon fait aux Deitez terrestres? or semble il, qu'il est lors la vraye saison de reuerer ces Dieux la terrestres, quād tous les fruiçts de la terre sont entierement recueillis & ferrez. Ou pource que lors qu'ils cōmancent à remuer la terre, pour faire leurs semailles, il est bien raisonnable de auoir souuenance de ceulx qui sont sous la terre: ou pource que ce moys la est dedié & consacré par les Romains à Saturne: car ils estiment Saturne, l'vn des Dieux de ça-bas, & non pas de la-sus: ioinct que sa plus solēnelle feste, qu'ils appellent les Saturnalles, se celebre en ce moys la, où ils font plus d'assemblees & de grandes cheres ensemble, il pensa qu'il estoit raisonnable que les trespassez en sentissent aussi quelque petite partie: ou bien il fault dire que cela est vniuersellemēt faulx, de dire, qu'il n'y eust que Decimus Brutus seul qui sacrifiait pour les morts en ce moys: car on fait le seruice de Acca Larentia, & porte lon les effusions solennelles de vin & de laiçt dessus la sepulture en

ce mois la de Decembre.

D

35 Pourquoy est-ce qu'ils honorent si fort ceste Acca Larentia, veu qu'elle a esté courtisane? car il y a bien eu vne autre Acca Larentia nourrice de Romulus, surnommee Fabulla, à laquelle ils font honneur au mois d'Auril: mais ceste courtisane cy est venue à estre renommée par vn tel moien: Vn secretain du temple de Hercules, estant de grand loisir, comme ils sont ordinairement, ne faisoit le plus souuent que iouer tout le iour aux dez & aux osselets: & vn iour aduint par fortune, que personne ne s'y trouua de ceulx qui auoient accoustumé de iouer & passer le temps en cest exercice avec luy: parquoy ne sçachant que faire ny à quoy passer son téps, il s'aduifa de conuier son Dieu à iouer aux osselets avec luy, à telles cōditions, que s'il gaignoit Hercules luy deust enuoyer quelque bonne aduenture, & s'il perdoit qu'il luy deust apprestier bié à soupper, & vne belle garce pour coucher avec luy. Ces conditions ainsi spécifiées, il ietta les dez, & aduint qu'il perdit: parquoy voulant accomplir ce qu'il auoit promis, il feit apprestier vn soupper plantureux à son Dieu, & enuoyant querir ceste Acca Larentia, qui publiquement exerçoit le mestier de courtisane, il la festoya, & apres le festin la coucha dedans le temple mesme, puis ferma les portes sur elle: & dit on que la nuit Hercules la vint voir, non qu'il en vfast comme homme, mais qu'il luy dit, que le lendemain matin elle s'en allast sur la place, & que le premier hōme qu'elle y rencontreroit, elle le carestast, & en feist son amy. Larentia

A rentia se leuant le matin sy en alla, & rencontra vn homme riche, qui n'estoit point marié, & auoit ia passé la fleur de son aage, appellé Tarrutius, & s'estant accointee de luy, tant qu'il vescu elle com-manda tousiours en sa maison, & à sa mort par son testament il l'institua heritiere de tous ses biens. Depuis elle mesme venant à mourir, laissa toutes ses richesses à la ville, à l'occasion dequoy on luy fait encore ces honneurs.

36 Pourquoi est-ce qu'ils appellent l'vne des portes de la ville Fenestre, aupres de laquelle est la chambre de Fortune? Est-ce pourautant que le Roy Seruius qui fut tres-heureux auoit bruit de coucher avec la Fortune, & qu'elle le venoit voir par la fenestre de sa chambre? cela est vn conte fait à plaisir: mais apres que le roy Tarquinius Priscus fut decedé, sa femme Tanaquil, estant femme sage & qui vouloit regner, mettant la teste à la fenestre de la chambre, parla au peuple, & leur persuada d'elire Seruius Roy: c'est pourquoy le lieu a depuis retenu ce nom.

37 Pourquoi est-ce que des choses qui sont dediees & consacrees aux Dieux, la coustume porte que les despoüilles seules conquises en guerre sur les ennemis soient mises à nonchaloir, & que lon les laisse deperir avec le temps, sans qu'on les ait en reuerence, ny qu'on les entretiene & reface quãd elles vieillissent? Est-ce point à fin que croyãs que leur gloire defaillant & se passant avec ces pre-mieres despoüilles, ils cherchent tousiours nou-ueaux moiens de rapporter quelque recente mar-

que de leur vertu? Ou plus tost, pource que le temps allant tousiours consumât les signes & marques de l'inimitié, qu'ils ont encontre leurs ennemis, il seroit odieux que eulx les allassent renouuellans: car mesme ceulx qui entre les Grecs ont les premiers fait des trophees de brôze ou de pierre, n'en sont pas bien estimez.

38 Pourquoy est-ce que Quintus Metellus, souuerain Pontife, & au demourant réputé hôme sage & bien entendu en matiere de gouuernemēt, defendoit que lon ne prist point les presages des oyseaux apres le moys d'Aoust? Est-ce pour autant que nous n'auons accoustumé de vaquer à telles obseruations, sinon au commencement ou pour le moins au hault du iour, & à l'entree & au milieu du moys, & nous gardons de les faire és iours du decours, comme estants inutiles à cest effect: aussi reputoit il que le temps d'apres huiët moys estoit comme les vespres, & le soir de l'annee declinante & tendante à sa fin? Ou bien pource qu'il se fault seruir des oyseaux, & obseruer leur vol, alors qu'ils sont entiers & que rien ne leur default, comme ils sont auât l'esté: mais en automne, les vns sont maladifs & denuez de leurs pénages & forces, les autres sont encore trop ieunes & trop petits, les autres ne comparoissent du tout point, pource qu'ils sont passagers & s'en vont en icelle saison.

39 Pourquoy est-ce qu'il n'estoit pas loisible à ceulx qui n'auoient pas presté le serment d'homme de guerre, encore qu'ils fussent pour autre occasion dedans le camp, de tuer ny de frapper l'ennemy

A nemy? Ce que Caton mesme l'ancien donne à con-
 gnoistre en vne missiue qu'il escrit à son fils, par la-
 quelle il luy mande , que fil auoit accomply son
 temps, & que son Capitaine luy eust dōné congé,
 qu'il s'en retournaist : ou bien fil aimoit mieulx de-
 mourer là , qu'il demandaist à son Capitaine per-
 mission & licence de pouuoir combattre & tuer
 l'ennemy. Est-ce pourautant qu'il faut qu'il n'y ait
 que la necessité seule qui permette de tuer vn hō-
 me, & celuy qui le fait sans que la loy & le cōman-
 dement de son superieur l'y cōtraigne , il est homi-
 cide? & pourtāt Cyrus loüa Chryfantas de ce qu'e-
 stant sur le poinct de tuer son ennemy , & aiant
 desia haulsé le cymeterre pour luy en donner, sou-
 dain qu'il ouit le son de la trompette qui sonnoit la
 retraitte, il le laissa aller & ne le frappa point, com-
 me luy estant defendu : ou pour ce qu'il fault que
 celuy qui se presente à combattre l'ennemy, fil re-
 cule ou qu'il fuye, en rende compte, & qu'il en soit
 puny : car il n'eust pas tant fait de seruice à battre
 ny à tuer l'ennemy, comme il fait de dommage en
 restiuant ou fuyant. Or celuy qui a congé de son
 Capitaine n'est plus tenu ny obligé aux loix mili-
 taires, mais celuy qui a demandé permission de fai-
 re ce que font les souldards qui sont enrollez & qui
 ont presté le sermēt, il se remet derechef en la sub-
 iection de la loy & de son Capitaine.

40 Pourquoy est-ce qu'il n'est pas permis au
 presbtre de Iupiter de s'huiler hors du couuert à
 l'air? Est-ce pourautāt que lon n'estimoit pas hōne-
 ste ne licite, que les enfans se despoüillassent deuāt

leurs peres, ny le gendre deuant son beau pere, & ne se lauoient & estuuoient iamais ensemble anciennement? Or Iupiter est reputé son pere, & ce qui se fait à descouuert principalement semble se faire deuant les yeux mesme de Iupiter: ou bien, ne plus ne moins que lon trouueroit estre peché & irreuerence trop grande de se despoüiller à nud dedans vn tēple & lieu sainct & sacré, aussi portoient ils respect à l'air & au ciel ouuert, comme estant plein de Dieux & de demy-Dieux. C'est pourquoy nous faisons beaucoup de choses necessaires sous le couuert, nous cachans & couvrans du toit des maisons deuant les yeulx de la Diuinité. Et puis il y a des choses qui sont commandees par la loy au presbtre seul, & des autres à tous par le presbtre: comme, pour exemple, en nostre pais de la Bœoce porter chapeaux de fleurs sur la teste, laisser croistre ses cheueux, & porter espee, & ne iamais mettre le pied dedās les limites de la Phocide, sont tous deuoirs & offices de celuy qui est Capitaine general. Mais ne taster point de nouueaux fruiçts que l'equinoxe Automnal ne soit passé, ny ne tailler la vigne sinon apres l'equinoxe du printemps, cela est intimé & déclaré à tous par le Capitaine general, car c'est la vraye saison qu'il fault faire l'un & l'autre. Au cas pareil aussi semble il, que parmy les Romains le propre deuoir du presbtre soit, ne monter point à cheual, n'estre iamais plus de trois nuicts hors la ville, n'oster iamais son chapeau ou habillement de teste, à raison duquel il est appellé en langage Romain Flamen. Mais il y a beaucoup d'autres

A d'autres offices qui sont notifiez & declarez à tous par le presbtre, entre lesquels l'vn est, ne s'huiler & oindre iamais à l'air au descouuert car les Romains auoient ceste façon de faire pour fort suspecte, & ont encore opinion, qu'il n'y a rien eu qui tant ait esté cause de reduire les Grecs sous le ioug de seruitude, & de les rendre lasches, que les parcs où les ieunes gens s'exercent à nud, & les ieux de la luitte, pour ce que tels exercices ont engendré par les villes beaucoup de perte de temps, d'oisiueté, de paresse lâguissante, & de vicieuses occupations,

B comme de faire l'amour aux ieunes garçons, & corrompre les corps des ieunes gens par les faire dormir & promener à certaine mesure, se mouvoir de mouuements compassez par art, garder vne reigle de viure exquise : par lesquelles façons de faire ils ne se sont donnez de garde qu'ils ont oublié tout exercice des armes, & ont mieulx aimé estre tenus & estimez bons luitteurs, bons baladins, & beaux ieunes hommes bien mignons, que non pas bons pietons ne bons gendarmes. Or est il mal-aisé de fuir ces inconueniens la, quand on s'accoustume

C à se despoüiller nud à descouuert deuant tout le monde : mais ceulx qui s'huilent à couuert en la maison, & y traittent leurs corps, ne font point de faulte.

41 Pourquoi est-ce que l'ancienne monnoye auoit d'un costé la teste de Ianus à deux visages, & de l'autre costé la prouë ou la poupe d'un bateau engrauee? Est-ce, comme plusieurs disent, pour honorer la memoire de Saturne, lequel passa en Italie

par eau, dedans quelque vaisseau, mais cela se peult d
aussi bien dire de plusieurs autres : car & Ianus &
Euander & Æneas y vindrent semblablement par
la mer, au moien dequoy lon pourroit à l'aduen-
ture coniecturer avec meilleure raison, qu'il y a au-
cunes choses qui sont bōnes & honnestes aux vil-
les, & d'autres qui leur sont necessaires : & entre
celles qui sont honnestes, la principale, le bon gou-
uernement : & entre les necessaires, l'aisance de
viures. Or pour ce que Ianus leur institua le bon
gouuernement, en leur establisant de bōnes loix,
& ciuilisant leur maniere de viure, qui parauant E
estoit brutale, & que la riuiera estāt nauigable leur
fournit abondāce de toutes choses necessaires, au-
cunes en remontant de la mer, & autres en auallāt
du costé de la terre : la monnoye porte la marque
du legistateur, la teste à deux faces, comme nous
auons dit, à cause de la mutation de façon de viure
qu'il introduisit, & de la riuiera par le batteau : en-
core vserent ils d'une autre sorte de monnoye, où
il y auoit la figure d'un bœuf & d'un mouton &
d'un porc engrauee, d'autant que leurs richesses
procedoient principalement des nourritures, & F
leurs biens consistoient en bestail : d'où vient que
la plus part de leurs noms anciens estoient Ouiliij,
Suillij, Bubulci, Porcij, c'est à dire, Bergers, Bou-
uiers, Porchers, ainsi comme le dit Fenestella.

42 Pourquoy est-ce qu'ils font leur tresor où
ils retirent l'or & l'argent public du temple de Sa-
turne, & aussi leurs archiues où ils mettent tous
leurs contraux, tiltres, & enseignements ? Est-ce

pour

A pour l'opinion commune que lon a, & la voix qui en est en la bouche de tout le mōde, que du regne de Saturne il n'y auoit point d'auarice n'y d'iniustice parmy le monde, ains regnoient loyauté, fidelité & iustice parmy les humains? ou pour ce que c'est luy qui a inuenté les fruiçts, & introduit l'agriculture & le labourage de la terre: car *sa faulx* signifie cela, non pas ce que dit Antimachus, croyant au poëte Hesiodé,

Saturne aiant la peau toute veluë

Couppoit auec sa grande faulx tortuë,

B Au ciel ce dont engendré il estoit,

Et de son pere au lieu il se mettoit.

Or l'abondance des fruiçts de la terre, & la vente d'iceulx, est ce qui amēne quātité de deniers. Voila pourquoy ils font ce mesme Dieu autheur & conseruateur de leur felicité, dequoy porte tesmoignage ce que les assemblees qui se font de neuf en neuf iours sur la place qu'ils appellent *Nundinas*, c'est à dire, foires ou marchez, ils les estiment sacrees à Saturne: car la foison des fruiçts est ce qui a donné commencement à l'emption & vëdition. Ou bien

C pour ce que ces raisons la sont fort antiques, & que le premier qui feist du temple de Saturne à Rome le tresor de l'espargne publique fut *Valerius Publicola*, depuis que les Roys furent chassés: il est plus vraysemblable de dire, qu'il choisit ce lieu la pour ce qu'il l'estima fort & seur en veuë de tout le monde, & par consequent malaisé à surprendre ne forcer.

43 Pourquoi est-ce que ceulx qui viennent

comme ambassadeurs à Rome, de quelque part ^D qu'ils viennent, s'en vont premierement au temple de Saturne deuant les questeurs qui ont la charge du tresor public, faire escrire leurs noms? Est-ce pourautant que Saturne luy mesme estoit estrangier en Italie, & pourtant fait il bonne chere aux estrangers? ou bien ceste question encore se resout par la lecture de l'histoire: car anciennement les questeurs ou tresoriers enuoyoiēt des presens aux ambassadeurs, & appelloit on ces presens qu'on leur enuoyoit, *Lautia*: & si aduenoit qu'ils deuinssent malades, ils les faisoient penser, & si ils trespas- ^E soient ils les faisoient inhumer aux despens de la chose publique: mais maintenant pour le grand nombre d'Ambassadeurs qui y viennent de tous costez, ils ont bien retrenché ceste despenſe, mais la coustume ancienne est encore demouree, qu'ils se vont representer aux superintendans du tresor, & font escrire leurs noms en leurs registres.

44 Pourquoi est-ce qu'il n'est pas permis au presbtre de Iupiter de iurer? Est-ce pourautant que le iurement est comme vne gehēne & vne torture que lon donne aux personnes libres? Or fault il ^F que l'ame aussi bien que le corps du presbtre demeure franche d'estre forcee ny gehennée aucunement, ou pour ce qu'il n'est pas raisonnable de decroire en petites choses celuy auquel on se fie des plus grandes & diuines, ou bien pour ce que tout iuremēt se termine à la fin en malediction de par-iurement: or toute malediction est odieuse & abominable, & pourtant n'ont pas accoustumé les au-

A tres presbtres mesmes , de iamais maudire : Au moien dequoy fut louee la presbtresse de Pallas à Athenes, de ce qu'elle ne voulut iamais maudire Alcibiades , combien que le peuple luy commandast: car i'ay, respôdit elle , l'estat de presbtrise pour prier pour les hommes, non pas pour les maudire. Ou pour ce que le peril du pariurement seroit cōmun à toute la chose publique, si vn homme meschant & pariure auoit la charge & superintendence des prieres & des sacrifices de toute la ville.

45 Pourquoi est-ce qu'au iour de la feste de **V**enus, qu'ils appellent Veneralia , ils respandent grande quantité de vin deuant le temple de Venus? Est-ce pour l'occasion que lon dit, que Mezentius capitaine general des Thoscans enuoya deuers Æneas, luy offrir appointement, prouueu qu'il s'obligeast de luy payer par chascun an certaine quantité de vins? Ce qu'Æneas luy aiant refusé, il promet à ses gens pour les animer à bien combattre, de leur donner du vin, quand ils auroiēt gaigné la bataille. Mais Æneas aiant entendu la promesse qu'il auoit faite à ses gens, consacra & dedia tout le vin aux Dieux: puis, apres auoir gaigné la bataille, il assembla tout ce qui s'en estoit cueilly , & le respandit deuant le temple de Venus. Ou si cela est vn signe qu'il faut que les hommes soient sobres és iours de feste, & non pas yures, comme si les Dieux prenoient plus de plaisir à leur en veoir respandre, qu'à leur en veoir boire beaucoup?

46 Pourquoi est-ce que les anciens tenoiēt

toufiours le temple de la Deeffe Horta arriere ou-
 uert en tout temps? Est-ce pour ce que comme dit
 Antiftius Labeo, Hortari en Latin fignifie enhor-
 ter & inciter, & qu'ils eftimoient qu'il falloit que
 la Deeffe qui enhorte & incite les hommes à en-
 treprendre & à faire de belles chofes, qu'ils appel-
 lent Horta, fust toufiours en action, & qu'elle ne
 chommaft iamais, que fa maifon ne fust iamais
 fermee, & que iamais elle ne ceffaft de befongner?
 ou plus toft, cōme ils la nomment maintenant Ho-
 ra, la premiere fyllabe longue, qui eft vne Deeffe
 vigilante & foigneufe, comme celle qui a la garde
 & le foing des chofes humaines: & pourtant efti-
 moient ils qu'elle ne deuoit iamais eftre oifeufe ny
 pareffeufe. Ou bien ce nom la, comme plufieurs
 autres, eft Grec, & fignifie vne Deité, qui a l'œil par
 tout & qui contrerolle tout, & pourautant fa mai-
 fon eft toufiours ouuerte, comme de celle qui ne
 dort ny ne repofe iamais. Mais ſil eft vray, cōme
 dit Labeo, que ce mot de Hora foit tiré du Grec
 ὀρῶν & παρρηῶν, qui fignifie inciter, confiderez ſi
 ce mot auffi d'Orator, qui eft vn cōfeiller de peu-
 ple, incitant & emouuant, en feroit point bien de-
 riué, non pas d'oraiſon, qui eft à dire priere & ſup-
 plication, comme quelques vns veulent dire.

47 Pourquoi eft-ce que Romulus fonda le
 temple de Vulcan hors de la ville de Rome? Est-ce
 point pour la ialouſie que lon conte que Vulcan
 eut contre Mars à cauſe de ſa femme Venus, & luy
 eſtant tenu pour fils de Mars ne voulut pas le lo-
 ger en meſme maifon ny en meſme ville que luy?

Ou

A Ou bien ceste consideration seroit elle point trop folle? Mais il edifia des le commencement ce Temple, des lors qu'il regnoit avec son compagnon Tatiüs, pour vn conclaue & vn conseil secret, à fin que tenans là leurs assemblees de conseil avec les Senateurs, en lieu où on ne les interromproit, ny ne les troubleroit on point, ils peussent delibérer & consulter de leurs affaires à leur aise & à requoy: eu bien, pour ce que Rome de sa premiere fondation a tousiours esté fort subiette au feu, il fut bien d'aduis d'honorer le Dieu de feu, mais
B que ce fust dehors la ville.

48 Pourquoi est-ce que le iour de la feste des Consales ils couronnent de fleurs & de festons les cheuaux & les asnes, & les laissent chommer? Est-ce pourautant que la solennité se fait en l'honneur de Neptune, qu'ils surnomment le cheualier, & l'asne se sent & participe de la feste pour l'amour du cheual? ou pour ce que le nauigage aiant esté trouué, & la façon de voitture par la mer, les bestes de charge & de voitture en eurent de tant meilleur temps, & quelque repos?

C 49 Pourquoi est-ce que ceux qui poursuoyent quelque office & magistrat, se deuoient par la coustume, comme dit Caton, presenter au peuple pour faire leur brigue en robe simple, sans saye par dessoubs? Estoit-ce de peur qu'ils ne portassent sous leurs robes de l'argent, pour en corrompre & achepter les voix & suffrages du peuple? ou plus tost pource qu'ils iugeoient dignes d'auoir charge publique & magistrat, non ceux qui estoient

les plus riches ou les plus nobles, mais ceux qui auoient les corps plus cicatricez de coups receus en la guerre pour le seruice de la chose publique: & pour ce à fin que telles cicatrices fussent plus aisees à veoir à ceux à qui ils parloient, ils descendoient ainsi sans sayes, en robbes simples, à la poursuite de leurs brigues, ou bien pour ce qu'ils s'humilioient par ceste nudité, pour gagner la bonne grace de la commune, aussi bien que par toucher en la main, supplier & embrasser les genoulx des elifans.

50 Pourquoi est-ce que le presbtre de Iupiter quand sa femme vient à mourir se depose de sa presbtrise, ainsi comme Teius a laissé par escript? Est-ce pourautant que celuy qui a eu femme & puis l'a perdue, est plus malheureux que celuy qui n'en a du tout point eüe? car la maison de celuy qui a femme espousee est entiere & parfaite, mais celle de celuy qui l'a eüe & puis l'a perdue, non seulement est imparfaite, mais aussi mutilée. Ou bien c'est pour ce que la femme du presbtre s'employe quand & son mary au seruice des Dieux, car il y a plusieurs cerimonies qu'il ne peut faire seul que sa femme ne soit presente: or d'en espouser vne autre soudain que la premiere est trespassee, il n'est à l'aduenture pas possible ny autrement honneste: c'est pourquoy par cy deuant il ne luy estoit pas mesme permis de repudier sa femme, ny encore maintenant ce semble, sinon que Domitian en estant requis l'a permis de nostre temps: les autres presbtres assisterent à ceste dissolution de mariage, là où

A là où ils feirent plusieurs cerimonies estranges, hydeuses & terribles. Mais quant à cela on le trouuera moins estrange qui aura premierement sçeu & entendu, que quand l'vn des Censeurs venoit à mourir, il falloit que l'autre se deposast & quittast aussi son office: toutefois quand Liuius Drusus fut decedé, son cōpagnon Æmylius Scaurus ne voulut pas quitter ny renoncer son office, iusques à ce qu'il y eut quelques vns des Tribuns du peuple qui commanderent qu'on le menast en prison.

51 Pourquoi est-ce qu'aupres des Lares, que
B proprement ils appellent Prestites, ils mettent vn chien, & eux sont reuestus de peaux de chien? Est-ce pourautant que ce mot Prestites signifie autant comme estans deuant? Or faut il que ceux qui sont deuant gardent, & qu'ils soient terribles aux estrangers, comme l'est vn chien de garde, & doux à ceux de la maison. Ou plus tost ce que disent aucuns des Romains est veritable, comme aussi l'estime Chrysippus le philosophe, qu'il y a de mauuais esprits qui vont çà & là se promenant par le monde, & sont les bourreaux des Dieux, par lesquels
C quels ils tourmentent & punissent les iniustes & meschans hommes: aussi tiennent ils que ces Lares sont esprits malings & diables, qui vont espiant & guettant la vie des hommes: c'est pourquoy ils les vestent de peaux de chiens, & leur mettent vn chien aupres d'eux, comme voulans donner à entendre qu'ils sont aspres à rechercher & à punir les meschans.

52 Pourquoi est-ce qu'à la Deesse appellee

Genita Mana on sacrifie vn chien, & luy fait on **D**
 priere, que de ceux qui naissent en la maison il n'y
 en ait pas vn qui deuiene bon? Est-ce pourautant
 que ceste Genita est vne Deesse, qui a la superintē-
 dence sur les enfantemens, & la naissance des cho-
 ses corruptibles? car ce mot signifie quelque coule-
 ment, ou bien generation coulante: & comme les
 Grecs sacrifient à Proserpine vn chien, aussi font
 les Romains à Genita, pour ce qu'il naist à la mai-
 son. Socrates dit aussi que les Argiens sacrifient vn
 chien à la Deesse Ilithya, pour auoir facile deliurā-
 ce en leurs enfantemens. Au demourant quant à **E**
 la priere, qu'il ne naisse en la maison rien qui de-
 uiene bon, elle ne s'entend pas à l'aduenture des
 personnes, mais des chiens qui naissent en la mai-
 son, lesquels doiuent estre non doulx, mais aspres
 & terribles: ou biē c'est pour ce que les morts s'ap-
 pellent bons, ou de bōne memoire & gentils, ainsi
 en paroles couuertes ils prient que nul de leurs do-
 mestiques ne meure: ce qu'il ne faut pas trouuer
 estrāge, par ce que Aristote escrit, qu'en vn certain
 traitté de paix entre les Arcadiens & les Lacedē-
 moniens il fut mis, Que lon ne feroit bon person- **F**
 ne des Tegeates, pour secours qu'il auroit porté,
 ou faueur qu'il eust presté à ceux de Lacedēmone:
 & dit que ce mot, faire bon, signifie tuer.

53 Pourquoy est-ce que quand ils conduysent
 vne procession de sacrifice au Capitole, iusques
 au iourd'huy ils font crier par vn heraut, A vendre
 les Sardiens: & mēe lon deuant route la pom-
 pe vn vieillard, par moquerie, qui a vn ioyau pen-
 du

A du au col, tel comme les enfans de bonne maison ont accoustumé de porter, qui s'appelle Bulla? Est-ce pourautant que les Veiens, qui anciennement estoient vne puissante ville de la Thoscane, feirent longuement la guerre à Romulus, & fut la derniere ville qu'il y prit, & en vendit beaucoup de prisonniers avec leur Roy mesme, se mocquant de sa lourderie & bestise: & pource que les Thoscans anciennement, sont venus de la Lydie, & que la capitale ville de la Lydie est Sardis, ils cryoient ainsi les prisonniers Veiens à vendre, sous le
B nom de Sardonians, & iusques au iourd'huy par ieu & mocquerie ils retiennent encore ceste coutume.

54 D'où vient qu'ils appellent la boucherie où lon vend la chair, Macellum? Est-ce point pource que ce mot par corruption de langage est deriué de *μάγειος*, qui signifie cysinier en la lāgue Grecque, comme plusieurs autres mots par vsage ont esté receus tous corrompus: car le C. a grande affinité avec le G. en leur langue, & ont bien tard commancé à vsfer du G. de l'inuention d'un nom-
C mé Caruilius Spurius, & puis ceux qui ont la langue grasse prononcent ordinairement L. au lieu de R. ou bien ceste question se peut mieux souldre par la cognoissance de l'histoire: car on lit que iadis fut vn homme violent & voleur, nommé Macellus, qui apres auoir fait plusieurs voleries, à peine fut pris à la fin & puny: & que de ses biens fut bastie vne boucherie publique à vendre la chair, qui fut appelée Macellum, de son nom.

55 Pourquoy est-ce qu'au iour des Ides de Ianuier il est permis aux menestriers ioueurs de flustes, d'aller par la ville desguisez avec robes de femme? Est-ce pour la cause que lon allegue que le Roy Numa leur auoit donné de grands & honorables priuileges de son temps, pour la deuotion grande qu'il auoit au seruice des Dieux, & depuis pour ce que les dix Tribuns militaires qui succederent au lieu des Consuls, les leur osterent, ils sortirent & s'en allerent hors de la ville de Rome: si furent bien tost apres regrettez du peuple, ioint qu'ils en faisoient conscience, pour ce que és sacrifices que lon faisoit par la ville lon ne sonnoit point de la fluste: & pour ce qu'ils ne voulurent pas reuenir quand on les enuoya querir, ains se teindrent à Tyuoli, il y eut vn serfaffranchy, qui secrettemēt promeit aux magistrats qu'il trouueroit moien de les ramener: & aiant fait apprester vn magnifique festin, comme s'il eust faict quelque grand sacrifice, il y appella ces ioueurs de flustes & aubois: il y auoit des femmes à ce festin, & ne fait on toute la nuit que danser, iouer, & baller: mais soudain ce festoiant fait semer vn bruit que son maistre venoit, & faisant semblant d'en estre tout troublé, il persuada à ses menestriers de monter vistement dedans des chariots couuerts tout alentour de peaux, & s'en aller à Tyuoli: or estoit ce vne tromperie, car tournant les chariots sans qu'ils s'en dōnassent garde, tant pour les tenebres de la nuit que pour ce qu'ils auoient bien beu: il les rendit tous au poinct du iour dedans Rome, ainsi comme ils

A ils s'estoient desguisez la plus part de robbes bigarees, à vsage de femmes : ainsi estant gaignez par les magistrats avec bonnes paroles & reconciliez à la ville, ils reteindrent tousiours depuis ceste coutume d'aller tous les ans à tel iour follastrans, ainsi desguisez par la ville.

56 Pourquoi est-ce que lon tient qu'anciennemēt les Meres fonderent & bastirent le temple de Carmenta, & le reuerēt encore iusques au iourd'huy grandement ? Car on dit que le Senat, vn temps fut, defendit aux Dames d'aller en coches **B** par la ville, dequoy elles furēt si despites, que pour se venger de leurs marits elles conspirerent entre elles de n'engrosser point, & de ne faire point d'enfans, iusques à ce que les hommes se r'aduiserēt, & leur permeirent d'aller en coches comme deuant, ainsi recōmancerent à naistre des enfans : & celles qui en portoient & en faisoient beaucoup, fonderent alors le temple de Carmenta . Et dit on que ceste Carmenta fut la mere d'Euander, qui vint quand & luy en Italie, & s'appelloit en son droit nom Themis, ou cōme les autres disent, Nicostrata : & pour ce qu'elle rendoit des respōses prophetiques, & oracles en vers, les Latins la surnommerent Carmenta, pour ce qu'ils appellent les vers Carmes. Les autres estiment que Carmēta soit vne des Parques, & que c'est la cause pourquoy les Meres luy sacrifient. Or la deriuation de ce mot Carmenta, est, carens mente, c'est à dire, hors du sens, à cause de ses transportemens d'esprit : tellement que les Carmes ne luy ont pas donné le sur-

nom de Carmenta, mais au contraire les Carmes ont esté ainsi appelez d'elle, pource que quand elle estoit rauie & transportee hors de son sens, elle chantoit des oracles & propheties en carmes.

57 Pourquoi est-ce que les femmes qui sacrifient à la Deesse Rumina, respandent du lait sur leur sacrifice, & n'y apportent & n'y boient point de vin? Est-ce pourautant que les Latins appellent la mamelle Ruma, & dit on que le figuier sauvage, aupres duquel la Louue donna son pis à tetter à Romulus, en fut appelé pour cela Ficus Ruminalis? Ne plus ne moins doncques que nous appellons en nostre langage Grec Thelone, les nourrices qui nourrissent les enfans de lait, estant le mot tiré de Thelé, qui signifie la mamelle: aussi ceste Deesse Rumina qui est comme nourrice, & aiant soing du nourrissement des enfans, ne reçoit point en les sacrifices du vin, comme estant nuisible à la nourriture des petits enfans.

58 Pourquoi est-ce que des Senateurs ils en appelloient les vns Patres simplement, & les autres Patres conscripti? Est-ce pourautant que les premiers ordonnez par Romulus furent appelez Patres & Patriciens, c'est à dire gentils-hommes, que nous appellons Eupatrides: ou bien pource qu'ils pouuoient monstrier leurs peres? & ceux qui y furent depuis adioustez des maisons populaires, furent nommez Patres conscripti.

59 Pourquoi est-ce qu'il y auoit vn autel commun à Hercules & aux Muses? Est-ce pour ce que Hercules enseigna les lettres à Euander, ainsi comme

A me escrit Iuba? Et estoit lors trouué office honorable d'enseigner les lettres à ses parens & amis : car bien tard a lon commencé à les enseigner pour faire d'argent:& le premier qui en teint publiquement eschole fut vn nommé Spurius Caruilius, serf affranchi de ce Caruilius qui le premier repudia sa femme.

60 Pourquoi est-ce que y aiant deux autels dediez à Hercules, les femmes ne participēt point, ny ne tastent point de ce qui est offert & sacrifié dessus le grand? Est-ce pource que lon dit, que Carmenta n'arriua pas à temps pour assister au sacrifice, aussi ne fait pas la famille des Pinariens, dont ils ont eu le nom: car pour ce qu'ils estoient venus trop tard ils ne furent pas admis au festin avec les autres qui faisoient bonne chere, & pour ceste cause furent nommez Pinariens, comme qui diroit affamez : ou bien, seroit-ce point pour la fable que lon raconte de la chemise empoisonnee du sang de Nessus, que Deianira donna à Hercules?

61 Pourquoi est-ce qu'il est deffendu de nōmer ny de demander le Dieu tutelaire, qui a particulièrement en recōmation le salut & la cōseruatiō de la ville de Rome, ny d'équerir s'il est male ou femelle? & ceste defense procede d'une superstieuse crainte qu'ils ont, d'autāt qu'ils disent, que Valerius Soranus en mourut de male mort, pour auoir ozé le proferer. Est-ce pour vne raison que quelques historiens Latins en alleguent, qu'il y a certaines cerimonies & certains charmes, dont on euoque les Dieux, par lesquels ils ont opinion,

de pouuoir euocquer & attirer les Dieux tutelaires D de leurs ennemis, & les faire venir habiter chez eux, & pourtant ont ils peur que lon ne leur en face autant à eux mesmes? A ceste cause, comme iadis les Tyriens, ainsi que lon trouue par escript, estant leur ville assiegee, enchainèrent les images de leurs Dieux, de peur qu'ils ne s'en allassent & ne les abandonnassent : & d'autres demandent des pleges & respondents, quand ils les enuoyent ou lauer ou nettoyer: aussi estiment les Romains, que l'estre incognu, & non iamais nommé, soit la meilleure, & la plus seure garde de leur Dieu tutelaire: ou bien E comme Homere a bien dit,

La terre à tous les humains est commune, à fin que les hommes adorent tous les Dieux, & qu'ils honorent la terre, puis qu'elle leur est commune: aussi les anciens Romains ont ainsi caché & celé le Dieu ou l'ange qui a leur cité particulièrement en garde, à fin que leurs citoiens n'adorassent pas celuy la seul, mais aussi tous les autres.

62 Pourquoi est-ce qu'entre les prestres qui se nomment Feciales, qui sont ceux qui ont la superintendance des cerimonies que lon observe à rompre la guerre, ou à traiter de paix, celuy qui est nommé Pater Patratus est estimé le plus grand, & c'est celuy de qui le pere vit encore, & qui a des enfans? Iceluy a encores au iourd'huy de grandes prerogatiues, & a lon grande fiance en luy: car les Empereurs mesmes fils ont des personnes, qui pour leur ieunesse & pour leur beauté aient besoing de soigneuse, fidelle & diligente garde, ils les mettent ordi-

A ordinairement entre leurs mains. Est-ce pourau-
 tant qu'ils sont plus contraincts d'estre sages, pour
 la crainte de leurs peres d'un costé, & pour la hon-
 te de scâdaliser leurs enfans de l'autre; ou bien est-
 ce pour la cause que le nom mesmes declare? car ce
 mot *Patratus* veut dire autant, comme parfait &
 accomply, comme estât celuy la plus entier & plus
 acheué que les autres qui a eu ce bon-heur du vi-
 uant de son pere, d'auoir des enfans. Ou bien est-ce
 pource qu'il faut que celuy qui a la cure & super-
 intendence des traictez de paix, & des iuremens,
B regarde, cômé dit Homere deuant & derriere luy,
 & vouldroit la raison que celuy la eust fils pour le-
 quel, & pere avec lequel il peust consulter?

63 Pourquoy est-ce qu'il est interdit à celuy
 qui s'appelle *Rex sacrorum*, c'est à dire Roy des sa-
 crifices, de tenir & d'exercer aucun magistrat pu-
 blique, & de harenguer deuant le peuple? Est-ce
 point pource qu'anciennement les Roys faisoient
 eux mesmes la plus part des principaux sacrifices
 avec les prestres, mais pourautant qu'ils deuin-
 drent insolens, superbes & arrogans, tant qu'ils s'en
C rendirent insupportables, la plus part des peuples
 de la Grece retrencherent la licence des leurs, &
 leur laisserent seulemēt la preeminence de faire les
 sacrifices publiques aux Dieux: mais les Romains
 aiant de tout point chassé les leurs, establirent vn
 autre officier qu'ils appellerent Roy, à qui ils don-
 nerent la superintendance des sacrifices, & ne luy
 permirent pas d'exercer autre office quelconque,
 ny s'empescher des affaires publiques, à fin que lon

cogneust qu'ils ne souffroient personne regner à Rome, sinon és cerimonies des sacrifices, & qu'ils n'enduroient ce nom de royauté, sinon pour le respect des Dieux. A ce propos, il se fait sur la place au lieu qui se nomme Comitium, vn certain sacrifice, pour la chose publique, que ce Roy fait: mais incontinent qu'il l'a paracheué, il s'en fuit tant qu'il peut hors de la place.

63 Pourquoi est-ce qu'ils ne permettent pas, que lon oste la table vuide du tout, ains veulent qu'il y ait tousiours quelque chose dessus quand on l'oste? Est-ce pource qu'ils dōnent par cela couuertement à entendre, qu'il faut tousiours garder quelque chose de ce que nous auons present pour l'aduenir, & se souuenir au iourd'huy de demain? Ou pource qu'ils estimoient estre honeste, retenir & reprimer son appetit quād il y a encore dequoy le contenter & l'assouuir, car ils appetent moins ce qu'ils n'ont pas quand ils s'abstiennent de ce qu'ils ont. Ou bien est-ce par vne accoustumance d'humanité enuers leurs seruiteurs domestiques, lesquels ne sont pas tant aises d'auoir dequoy māger, que de ce que c'est du relief de leurs maistres, cuydans, en maniere de dire, estre par cela compagnōs de tables avec leurs maistres? Ou bien pource qu'il ne faut pas souffrir qu'une chose sacree demeure iamais vuide, & la table est chose sacree.

65 Pourquoi est-ce que le mary n'approche pas de sa nouuelle espousee, qu'il y ait de la lumiere, pour la premiere fois, ains en tenebres? Est-ce pour autant qu'il la reuere encore, comme si elle
ne

A ne luy estoit rien auant qu'il ait eu sa compagnie? Ou bien, comme Solon en ses ordonnances commanda que la nouuelle mariee n'entraist point en sa chambre nuptiale, que premierement elle n'eust mangé de la chair de coing, à fin que ceste premiere rencontre ne fust point mal plaisante ny facheuse au mary: aussi le legistateur Romain a voulu cacher en l'obscurité des tenebres, les deformitez & imperfections du corps de la nouuelle mariee, si aucune y en auoit. Ou bien cela est institué pour monstrier combien on doit estimer damnable toute assemblee d'homme & de femme qui n'est pas legitime, veu qu'en celle qui est licite & legitime, encore l'ordonnance y a adiousté quelque honte.

66 Pourquoi est-ce que l'une des carrieres où se font les courses des cheuaux s'appelle Circus Flaminius? Est-ce point pource que l'un des anciens nommé Flaminius aiant donné le champ où est le parc & carriere, ils employerent le reuenu d'iceluy champ à faire des courses de cheuaux & de charriots, & pource qu'il y auoit encore de l'argent de reste, ils l'employerent à faire accoustre le grand chemin qu'ils appellent Via Flaminia?

67 Pourquoi est-ce que les huyssiers qui portent les faisceaux de baguettes deuant les Magistrats, s'appellent Lictores? Est-ce pour autant que c'estoient ceulx qui lioient les malfaitteurs, & qui suyuoient Romulus, aiant des cordes & courroies alentour d'eulx? & la commune du peuple Romain appelle lier & garrotter, alligare, mais ceulx

qui parlent plus proprement, disent, ligare? Ou bien pour ce que maintenant on a entreietté en ce mot la vn C. & parauant ils s'appelloient Litores, estās officiers qui auoient charge & administration publique: car il est notoire à tout le monde presque, qu'en plusieurs villes de la Grece le public s'appelle iusques au iourd'huy, Liton.

68 Pourquoi est-ce que les Luperques sacrifient vn chien? Ces Luperques sont personnes qui courent par la ville à vn certain iour de feste appelée Lupercales, tous nuds avec des brayers seulement deuant leur nature, & ont des courroyes de cuir en leurs mains, dont ils frappent tous ceux qu'ils rencontrent en leur chemin. Est-ce pourau tant que ce qui se fait en toute ceste cerimonie la est vne purification de la ville: d'où vient qu'ils appellent le moys auquel elle se fait, Februarius, & le iour Februata, de ce mot Februare, qui signifie purger & purifier: & les Grecs presque tous vniuersellement immolent vn chien pour victime en tous leurs sacrifices de purification, encore iusques au iourd'huy, & portent à Proserpine entre les autres offrandes de purification des petits chiens, & essuyent tout alentour avec des petits chiens ceux qui ont besoing d'estre purifiez, appellans ceste maniere de purification Periscylacisme: ou bien pour ce que Lupus signifie vn Loup, & Lupercalia la feste aux Loups: or est-ce l'ennemy du Loup que le chien, & pourtant le sacrifie lon és festes des loups. Ou pourau tant que les chiens abbayēt aux Luperques, & les importunēt & faschèt, quand

A quand ils courent par la ville. Ou bien c'est pource que ceste feste & sacrifice se fait en l'honneur du Dieu Pan, à qui les chiens sont agreables pour la garde des troupeaux.

69 Pourquoy est-ce qu'anciennement au iour de la solennité, qu'ils appellent Septimontium, ils n'vsoient point de coches attellez, comme iusques au iourd'huy ceulx qui ne mesprisent pas les anciennes institutions l'observent encore? Ce iour de Septimontium est vne feste qu'ils celebrent en memoire de ce que la septieme montaigne fut adioustee & enfermee dedans le pourpris de la ville de Rome, qui par ce moien vint à auoir sept montaignes encloses au dedans de son enceinte. Est-ce pour la raison que quelques vns des Romains imaginent, que la ville n'estoit pas encore du tout conioincte ne composee de toutes ses parties? ou bien si cela n'est point autrement à propos, seroit ce point pource qu'ils estimerent auoir acheué vn grand ouurage, quand ils eurent fait & parfait l'enceinte de leur ville, & penserent qu'elle ne procederoit iamais plus oultre en grandeur, à l'occasion dequoy ils se reposerent eulx, & feirent semblablement reposer les bestes de voyture qui leur auoient aidé à faire leur closture, & voulurent qu'ils iouissent du repos de la feste & solennité commune? ou bien c'est qu'ils voulurent que leurs citoiens solennifassent & honorassent de leur presence, toutes autres festes de la ville: mais specialement celle qui estoit ordonnee & instituee pour le peuplement & agrandissement d'icelle, & à ceste cause n'estoit

pas permis que au iour de la dedicasse & feste d'i-
celle on attellast aucune voitture, pour en sortir &
l'abandonner.

70 Pourquoy est-ce qu'ils appellent Furcife-
ros, comme qui diroit Porte-fourches, les esclau-
es notez ou de larcins ou d'autres tels crimes & for-
faitures seruiles? Est-ce point vn certain signe de
la diligence & soigneuse preudhómie des anciens?
car le pere de Famille qui auoit surpris vn sien serf
en quelque meschanceté luy faisoit porter sur son
col vn bois fourché, que lon met sous le timon
d'vn chariot, par toute la contree de la ville, & tout
le voisinage où il habitoit en la veuë de tout le
monde, à fin que lon se deffiait de luy & que lon
s'en gardast de là en auant. Or ce bois la s'appelle
en langage Grec Sterinx, & en Latin Furca: & c'est
pourquoy celuy qui estoit ainsi contrainct de por-
ter ça & là ce bois fourché, s'appelloit par repro-
che Furcifer.

71 Pourquoy est-ce qu'ils attachent vn peu de
foin aux cornes des bœufs qui sont dangereux de
la corne, à fin que ceulx qui les rencontrét en leur
chemin s'en donnent de garde? Est-ce point pour-
autant que les bœufs, les cheuaulx, les asnes, & les
hommes mesmes deuiennent fiers & insolents,
pour estre trop nourris & pour manger à cœur
saoul: ainsi que le poëte Sophocles le tesmoigne en
quelque lieu disant,

Comme vn cheual regibbe de fierté,
Quand il est trop nourry & bien traité,
Si fais tu toy : pour auoir grasse panse,

Et bou-

A Et bouche pleine, entres en arrogance.

& pourtant disoient les Romains, que Marcus Crassus auoit du foin à la corne : car ceulx qui harassoient & trauailloïent les entremetteurs du gouuernement des affaires de la chose publique, se donnoient bien garde de s'attacher à luy, comme à celuy qui estoit vindicatif & dangereux à assaillir : mais toutefois aussi dit on depuis, que Cæsar auoit osté le foin de la corne à Crassus, pource que ce fut celuy qui le premier luy fit teste au maniement des affaires, & ne se soucia point de luy.

B 72 Pourquoi est-ce qu'ils estiment que les presbtres qui predisent les choses à aduenir par le vol des oyseaux, lesquels on appelloit anciennement Auspices, & maintenant Augures, doiuent tousiours auoir leurs lanternes ouuertes, & point de couuercle dessus? Est-ce point pource que comme les anciens philosophes Pythagoriens par petites choses en signifioient & donnoient à entendre de bien grandes, comme quād ils defendoient de se seoir sur le boisseau, & de attiser le feu avec l'espee : aussi les anciens Romains vsoient de plusieurs ænigmes, c'est à dire, de signes exterieurs, qui figuroient quelque secrette & cachee intelligence, mesmement és choses sainctes & sacrees, cōme est cestui-cy de la lāterne, laquelle ressemble au corps qui contient nostre ame, car l'ame qui est dedans se rapporte à la lumiere, & fault que la raison qui est en elle soit tousiours ouuerte & tousiours voiant, sans iamais estre réfermee, ny des vents agitee? Or quād il fait vent, les oyseaux en leur vol ne sont pas

bien fermes, & ne peuuent donner de presages certains à cause de leur variation & instabilité, pour-
tant enseignent ils par ceste coustume à ceulx qui
deuinét par le vol des oyseaux, de ne les aller point
considerer & obseruer quand il fait vent, mais
quand l'air est tout serain, & si calme que lon y
peult porter la lanterne toute descouuerte.

73 Pourquoy est-ce qu'il estoit defendu à ces
presbtres la, d'aller obseruer le vol des oyseaux s'ils
auoient quelque vlcere sur leurs corps? Cela n'e-
stoit il point ordonné pour signifier aussi quelque
chose, c'est à sçauoir, qu'il ne se fault point entre-
mettre du seruice des Dieux, ny de traiter les cho-
ses sainctes & diuines, quand on a quelque ennuy
secreet qui ronge le cœur, ny aucun vlcere ou pas-
sion imprimee en son ame, ains fault que lon soit
sans tristesse, l'esprit clair & net, sans estre diuert
ny distraict d'aucune fâcherie ne douleur? ou bien
pource qu'il est conforme à la raison, s'il n'est pas
loysible ne legitime d'offrir aux Dieux pour ostie
aucune beste qui soit vlceree, ny aussi prendre pre-
sage du vol d'oyseaux tarez & maleficiez, que plus
estroittement ils gardassent ceste obseruation en
leurs propres personnes mesmes, & qu'ils n'allas-
sent point obseruer & contempler les significances
des prognostiques celestes, qu'ils ne fussent eulx
mesmes bien saincts & nets, sans qu'il y eust en
leurs personnes rien de defectueux, car l'vlcere
semble estre vne maniere de mutilation & pollu-
tion du corps.

74 Pourquoy est-ce que le Roy Seruius Tul-
lius

Alius fonda & bastit vn temple, que les Latins appellent Breuis Fortunæ, c'est à dire, de Fortune la petite ou la courte? Est-ce en memoire de ce qu'estant petit au commencement & de fort basse condition, comme celuy qui estoit né d'une mere captiue, il deuint neantmoins à la fin, par le benefice & la faueur de Fortune, Roy de la ville de Rome? ou bien pource que ceste mutation monstre plus tost vne grandeur qu'une petitesse de la Fortune, il fault dire que ce Roy Seruius a deslé & attribué diuinité à la Fortune plus que nul autre, aiant imposé son nom à toutes sortes presque d'actions: car non seulement il edifia des temples à Fortune la puissante, & destournant malencontre, Douce, Aisnee & Masle, mais aussi y a il vn temple de Fortune propre, vn autre de Fortune retournée, vn autre de bonne esperance, vn autre de vierge: & quel besoing est il d'aller ainsi denombant tous les surnoms qu'ils baillent à la Fortune, veu qu'il y en a vn mesme de Fortune l'engluée, qu'ils appellent en Latin Viscata, comme voulans donner à entendre que de loing nous sommes pris par elle, & attachez aux affaires? Mais considerons si ce feroit point qu'ayant cogneu par experience, combien a de pouuoir és choses humaines, le à peu pres de la Fortune, & comme souuent bien peu de chose, adueni ou non adueni, a esté cause à quelques vns de decheoir ou de paruenir à de tres grandes entreprises, pour ceste occasion il a edifié vn temple de Fortune la petite, enseignant par cela aux hommes à estre tousiours soigneux & diligents, & de ne mes-

priser pas les euenemens pour petits qu'ils soient. **D**

75 Pourquoi est-ce qu'ils n'estaignoient point la lampe, ains la laissoient defaillir d'elle mesme? Estoit-ce par vne maniere de deuotion qu'ils reue-roient ce feu la, comme estant parent & frere ger-main du feu **inextinguible** & immortel? Ou bien, estoit-ce vn autre **secret** aduertissement qui nous enseigne de ne tuer ny ne violer chose aucune qui ait vie, si elle premiere ne nous porte quelque nuy-sance, comme si le feu estoit vn animal viuant, car il a besoing de nourriture & se meut de soy mes-me, & quand on l'estainct, il iette ne sçay quoy de **u**voix comme si on le tuoit? Ou bien ceste façon de faire receüe par vsage commun, nous monstre elle point que nous ne deuons gaster ny le feu, ny l'eau, ny autre chose necessaire, apres que nous en auons fait, ains en laisser vser & s'en seruir aux au-tres qui en ont besoing, apres que nous n'en auons plus que faire?

76 Pourquoi est-ce que ceux qui sont des plus nobles & des plus ancienes maisons portent de petites lunes en leurs souliers? Est-ce, comme dit Castor, vn signe de l'habitation que lon dit estre au corps de la Lune, ou bien que apres nostre mort noz esprits auront la Lune au dessoubs d'eulx? Ou bien pource que cela estoit la marque propre de ceulx que lon reputoit les plus anciens, comme estoient les Arcadiens descendus d'Euander, qui pour ceste occasion furēt appelez Profeleni, comme qui diroit, nez deuant la Lune? Ou bien est-ce que ceste coustume, comme plusieurs autres, admo-

A admoneſte ceulx qui ſont par trop eleuez, & qui ſe plaiſent trop à eulx meſmes de l'incertitude & inſtabilité des choſes humaines, par l'exemple de la Lune? laquelle

Premierement ſe monſtre en ſon croiſſant
Qui parauant point n'eſtoit paroiſſant,
Et peu à peu de lumiere ſeconde
Elle remplit ſa belle face ronde,
Puis quand elle eſt apparüe en ſon plein,
Elle ſe coule arriere à ſon declin
En décroiſſant, & iamais ne ſeiourne,

B Qu'au premier rien elle ne ſ'en retourne.

Ou bien c'eſt vne inſtruction qui leur enſeigne d'obeir aux plus grands, & ne le faire point à regret, ains eſtre touſiours prompts à obeir à ceulx qui ont autorité par deſſus eulx, & dependre d'eulx, comme fait la Lune, qui touſiours iette ſon regard, ainſi que dit Parmenides, vers la lumiere du Soleil, en ſe contentant d'aller apres, & ſoubs la conduite d'un autre tenãt le premier lieu, qui leur fait part de ſon honneur & de ſon autorité.

72 **C** Pourquoi eſt-ce qu'ils eſtiment que les ans ſoient dediez à Iupiter, & les moys à Iuno? Eſt-ce point pource qu'entre les Dieux inuiſibles & qui ne ſe voient que des yeulx de l'entendement, les princes ſont Iupiter & Iuno, & entre les viſibles le Soleil & la Lune? Or eſt-ce le Soleil qui fait l'annee, & la Lune les moys, & ne faut pas eſtimer que ceulx cy ſoient ſeulement figures & images de ceulx la, ains fault croire que ce Soleil meſme materiel que nous voions, eſt Iupiter, & ceſte Lune

matérielle est Iuno : c'est pourquoy ils l'appellent Iuno, qui vault autāt à dire que, ieune & nouvelle, à cause du cours de la Lune : & la surnommēt aussi quelquefois, Iuno Lucina, comme qui diroit, lui-fante ou esclairāte, aians opinion qu'elle aide aux femmes grosses aux trauaux de leurs enfentemēts.

Par le champ bleu des astres, & la Lune

A faire tost enfanter opportune:

car il semble qu'aux pleines Lunes les femmes enfantent bien plus facilement.

78 Pourquoy est-ce qu'entre les signes du vol des oyseaux, celuy qui se presente à costé gauche est reputé heureux & de bonne encontre ? ou bien cela est il point faulx, & sont plusieurs en erreur d'opinion par ignorance de l'equiuocation de ce mot, Sinistrum ? car ce que nous disons gauche, les Latins l'appellent Sinistrum, & aussi appellent ils, Sinere, ce que nous disons laisser : de sorte que quand ils veulent dire, laissez cela, ils disent, Sine. Le presage doncques qui nous permet de faire ce que nous demandons, qui est par maniere de dire sinistere, c'est à dire laissant faire, ils le cuydent & le nomment à tort sinistre, c'est à dire gauche ? Ou bien c'est, comme dit Dionysius, pour ce que quād Ascanius le fils d'Æneas gagna la bataille contre Mezentius, ainsi comme ils estoient rengez en bataille l'un deuāt l'autre, il luy donna à la main gauche, & pource qu'il en demoura victorieux, ils iugerent alors que ce tonnerre luy auoit esté vn heureux presage, & à ceste cause l'ont tousiours ainsi obserué depuis. Les autres tiennent que ce fut à

Æneas

A Æneas que ce presage aduint, ne plus ne moins que pourautant qu'en la bataille de Leuctres les Thebains cōmancerent à entamer & rompre leurs ennemis du costé gauche, dont ils eurent finalement l'entiere victoire, tousiours depuis en toutes leurs batailles ils ont dōné la preference & l'honneur au costé gauche: ou plus tost, comme escrit Iuba, pource que quand on regarde deuers le Soleil leuāt, le costé de Septentrion est à la main gauche, & veulent dire aucuns, que c'est le costé droict du monde, & le dessus. Mais prenons garde que B naturellemēt la partie gauche estant la plus debile, les presages qui viennent de ce costé la ne la fortifient, & supportēt le default qu'il y a de puissance, pour l'egaler par maniere de dire à l'autre ou bien c'est pource que pensans que les choses terrienes & mortelles soient contraires aux diuines & celestes, ils estiment aussi consequemment, que ce qui est gauche au regard de nous, soit enuoyé de la partie droite des Dieux.

79 Pourquoi est-ce qu'il estoit loysible d'apporter dedans la ville, & y mettre en depost les offemens d'un personnage qui y auroit fait entree triumphale, puis seroit venu à mourir, & son corps ars & brulé, ainsi que l'escrit Pyrrho Lipareien? Estoit-ce point pour honorer la memoire du defunct: car pareil priuilege d'honneur ont ils autrefois concedé à d'autres vaillans hommes & Capitaines, que non seulement eulx, mais aussi leurs descendans, peussent estre inhumez sur la place, comme à Valerius & à Fabricius: pour la conseruation

de laquelle prerogatiue on dit, que quād leurs descendants viennent à mourir, on porte leurs corps sur la place, & met on deffoubs vne torche ardente sans plus, & incontînēt les emporte lon hors de là, pour iouir de cest hōneur sans enuie, & confirmer seulement, qu'il leur est loysible.

80 Pourquoi est-ce que quād ils festoyoient aux despens du public vn Capitaine qui auoit fait entree triumphale, ils n'y admettoient point les Consuls, ains qui plus est les enuoyoient prier de ne se point trouuer au soupper? Est-ce point pource qu'il falloit bailler au triumphateur & le lieu & la couppe à boire la plus honorable qui y fust, & le reconuoyer en sa maison apres le soupper, mais rien de tout cela ne se deuoit ny pouuoit faire à autres qu'aux Consuls seulement quand ils estoient presents?

81 Pourquoi est-ce que le Tribun du peuple seul ne porte point de robbe de pourpre, veu que tous autres Magistrats la portent? Est ce point pource qu'ils ne sont pas proprement Magistrats? car ny ils n'ont point d'huissiers, qui portēt les faisceaux de verges deuant eulx, ny ils ne seient en chaire iudicielle, pour faire iustice & donner audience, ny ne entrent en exercice de leur estat au commencement de l'annee, comme font tous les autres Magistrats, ny ne sont point supprimez, quand il y a vn Dictateur eleu, ains là où il transfere toute la puissance & l'autorité de tous autres officiers & Magistrats de la chose publique en soy, les Tribuns du peuple seuls demeurent, comme n'estants

A n'estants pas Magistrats, mais aians quelque autre
reng & degré en la chose publique : & tout ainsi
comme quelques orateurs tiennēt, que exception
n'est pas action, attendu qu'elle fait tout le con-
traire d'action, d'autant que l'action commence &
intente le proces, & exception le dissout & l'abol-
lit, au cas pareil aussi estiment ils que le Tribunat
soit plus tost vn empeschement & vn contrecarre
de magistrat, que non pas vn magistrat : car toute
son autorité & sa puissance gist à s'opposer à l'au-
thorité des autres Magistrats, & à leur diminuer &
B reprimer leur trop excessiue licence & pouuoir.
Ou bien toutes ces raisons la & autres semblables
ne sont que langage & discours imaginez : mais, à
la verité, le Tribunat aiant pris son origine & sa
naissance du peuple, il est grād & puissant par estre
populaire, en ne s'enorgueillissant point plus que
les autres, ains s'egalant en apparence en son veste-
ment & en son viure au premier des citoiens : car la
dignité de pompe & d'apparence appartient à vn
Consul ou à vn Preteur, mais quant à vn Tribun
de peuple il faut, par maniere de dire, qu'il soit fou-
C lé aux pieds, cōme disoit Caius Curion, non point
de graue & magnifique apparence, ny de difficile
acces, ou mal-aisé à abborder au commun popu-
laire : ouy bien aux autres, mais non pas à la simple
cōmune, à qui il se doit tousiours monstrier affable
& traictable : aussi est-ce la coustume que la porte
de sa maison ne soit iamais fermee, ains arriere
ouuerte & de iour & de nuict, cōme vn port & vn
seur refuge pour tous ceulx qui en ont besoing : &

d'autant que plus il s'humilie en exterieure apparence, d'autant augmente & croist il plus en puissance: car ils le reputent cōme vn commun recours & retraite, & à qui se peuuent seurement retirer tous ceulx qui en ont affaire, ne plus ne moins que à vn autel de franchise: & au demourant quant à l'honneur, ils le font saint, inuiolable & sacré, at-tēdu que si seulemēt il sort de sa maison en public, la coustume porte que tous se purifient & sanctifient le corps, ne plus ne moins que s'il estoit pollué.

82 Pourquoy est-ce que deuant les Prêteurs on porte des faisceaux de verges, ou de baguettes liees ensemble, avec des haches qui y sont attachees? Est-ce point pour donner à entendre que l'ire du magistrat ne doit point estre prompte ne desliee: ou bien pour ce que le deslier ainsi à loisir ces baguettes, apportāt quelque longueur & quelque espace à la cholere de se moderer & refroidir, est causē bien souuent de faire changer de volonté de punir? Et pourautant qu'entre les vices & fautes des hommes, il y en a aucunes guerissables & remediabiles, & d'autres incurables & irremediabiles, les verges sont pour corriger ceulx qui se peuuent amender, & les haches pour retrencher ceulx qui ne se peuuent corriger.

83 Pourquoy est-ce que les Romains aians entendu que les Bletonesiēs, qui sont peuples Barbares, auoient immolé vn homme aux Dieux, enuoyerent querir leurs magistrats, comme pour les en punir, mais depuis quand ils eurent entendu qu'ils l'auoient fait suivant vne anciēne loy de leur
païs

A païs, ils les laisserent aller sans leur mal faire, mais ils leur defendirent de n'obeir plus de là en auant à telle loy : & neantmoins eulx mesmes non gueres d'annees au parauant, auoient enfouy & enterré tous vifs deux hommes & deux femmes, les deux Grecs, & les autres deux Gaulois, en la place qui vulgairement s'appelle le marché aux Bœufs : car il semble que cela soit repugnant, qu'eulx mesmes feissent les choses qu'ils reprochoient és autres comme dānables. Est-ce point pour ce qu'ils iugeoient estre superstition damnable de sacrifier vn homme

E aux Dieux, mais bien aux diables qu'il fust necessaire? Ou bien pour ce qu'ils estimoient que ceux qui le faisoient par vne loy, ou par vne coustume, failloient, mais eulx par ordonnance des liures de la Sibylle le feirent: car on dit, que l'vne des vierges Vestales, nōmee Helbia, allant à cheual, fut attainte d'vn coup de foudre, & que le cheual fut trouué nud tout estendu, & le corps d'elle pareillement, ses vestemens reboursez par deuant les parties naturelles, comme qui l'eust fait tout expressement, ses souliers, ses anneaux & sa coëffe iettez l'vn de

C ça, l'autre de là, & la langue tiree hors de bouche: ce que les deuins interpreterent signifier, que c'estoit vne grāde vergongne qui deuoit aduenir aux vierges Vestales, & seroit fort diuulguee & diffamée, & que partie de la honte en appartiendroit aussi aucunement à l'ordre des Cheualiers. Sur ces entrefaittes il y eut le seruiteur d'vn certain cheualier barbare & estrāger, qui vient descouurir comme trois de ces vierges sacrees, en vn mesme temps

auoient forfait à leur honneur, Æmylia, Licinia, & Martia, & qu'il y auoit ia long temps qu'elles auoient compagnies d'hōmes, desquels l'vn estoit vn cheualier estrangier nommé Butetius, maistre dudit seruiteur : si furent lesdittes Vestales punies selon les loix, apres que leur proces leur eut esté faict : mais pour ce que la chose sembla terrible & espouuentable, il fut ordonné par le Senat, que les presbtres reuísiteroient les liures Sibyllins, esquels on trouua des oracles qui denonçoient cest inconuenient à aduenir, au grand malheur & dommage du public, pour lequel euter & diuertir ils commandoient de abandonner à ie ne sçay quels malings esprits estranges deux hommes de nation Grecque, & deux autres de nation Gauloise, & les enterrer tous vifs sur le lieu.

84 Pourquoy est-ce qu'ils commencent leur iour à la minuiet? Est-ce point pourautant que toute leur police du commencement n'estoit qu'une discipline militaire? or à la guerre la plus part des entreprises qui reüssissent, se font ordinairement de nuit auant le iour : ou bien c'est pour ce que l'exécution se commace bien au leuer du Soleil, mais les preparatifs se font auant iour: car il fault auoir fait ses preparatifs auant que mettre la main à l'œuure, & non pas se preparer alors qu'il fault executer, comme lon dit que Myson respondit anciennement à Chilon l'vn des sept sages, ainsi qu'il tissoit vn van en hyuer : ou bien comme lon voit que plusieurs à midy cessent & mettent fin aux affaires d'importance & de la chose publique, aussi estime-

A estimerent ils qu'il falloit mettre le commencement à la minuit : pour la preuue dequoy lon peult tirer vn grand argument , de ce que iamais le magistrat Romain ne fait appointemēt ny accord apres le midy. Ou bien c'est pour ce qu'il n'est pas possible de ficher le commencement & l'acheuement du iour au leuer & au coucher du Soleil : car si nous faisons comme le vulgaire , qui distingue le iour & la nuit par le sentiment de la veuë & des yeulx , prenans pour le commencement du iour, quand le Soleil commence à se leuer , & pour le commencement de la nuit , quand il est de tout poinct absconsé , nous n'aurons iamais equinoxe, c'est à dire egalité du iour & de la nuit, car la nuit que nous estimerons estre plus egale au iour , sera plus courte que le iour d'autant d'espace que le corps du Soleil en contiendra : & si d'autre part nous faisons comme les Mathematiciens, qui pour remedier à cest inconuenient , mettent les confins & bornes du iour & de la nuit au poinct que le Soleil vient à toucher le cercle de l'orizon avec son centre , cela seroit oster toute claire euidence : car

Cil aduiendra qu'estant ia grande lumiere esbandue sur la terre, & le Soleil nous esclairāt par tout, que nous ne confesserōs pas qu'il soit encore iour , ains dirons qu'il sera encore nuit. Puis que donc il est malaisé de prendre le commencement du iour & de la nuit au leuer & au coucher du Soleil , pour les inconueniens & absurditez que nous auons dites, il reste qu'il faille necessairemēt arrester ce commencement quand le Soleil est au milieu du ciel

dessus nous ou dessous nous : or est il meilleur de D
le cōmancer lors qu'il est au milieu dessous nous,
qui est à la minuict, pourautant que lors il retour-
ne deuers nous en Orient, & au contraire apres le
Midy il s'eslongne de nous vers l'Occident.

85 Pourquoy est-ce qu'ancienement ils ne
permettoient point que les femmes moulussent,
ny meissent la main à la cuisine? Estoit-ce pour sou-
uenance de l'accord qu'ils auoient fait avec les Sa-
bins? car apres qu'ils eurent rauy les filles des Sa-
bins, il s'en eueut vne grosse guerre entre eulx, &
depuis appointment ensuiuit en la capitulation E
duquel cest article entre autres expres fut mis, que
le mary Romain ne pourroit cōtraindre sa femme
ny à tourner la meule pour mouldre le bled, ny à
faire la cuisine.

86 Pourquoy est-ce qu'ils ne se marient point
au moys de May? Est-ce point pourautāt qu'il est
au milieu des moys d'April & de Iuin, desquels
l'un est consacré à Venus, & l'autre à Iuno Deesse,
qui ont toutes deux la cure & superintēdence des
nopces & mariages, au moien dequoy ils auan-
cent ou retardent vn peu? ou si c'est pourautant F
qu'en ce moys la ils font la cerimonie de la plus
grande purgation qu'ils facent point en toute l'an-
nee? car maintenant ils iettent de dessus le pont
en la riuiere des images & effigies d'hommes,
mais anciennement ils y iettoient des hommes
mesmes vifs. Voila pourquoy la coustume est en
ce tēps, que la Flaminica, c'est à dire, la presbtesse
de Iuno, soit tousiours triste, comme en deuil, sans
iamais

A iamais se lauer ny parer : ou bien c'est pour ce que plusieurs des peuples Latins font oblations aux trespassez en ce mois la : & c'est pourquoy à l'adventure ils adorent Mercure en ce mesme mois, ioint qu'il porte le nom de Maia mere de Mercure: ou bien c'est pourautant que, comme aucuns veulent dire, le mois prent son nom de Maiores, qui veut dire les anciens, comme celuy de Iuin le prent de ce terme Iuniores, qui veut dire, les ieunes. Or est il que la ieunesse est beaucoup plus apte à faire nopces que n'est pas le grand aage, comme dit Euripides,

Ou vieillesse est de Venus peu amie,

Ou Venus est de vieillesse ennemie.

Voila pourquoy ils ne se marient point au mois de May, ains attendent iusques au mois de Iuin, qui suit incontinent apres.

87 Pourquoy est-ce qu'ils mespartent les cheueux de nouuelle mariee avec le fer d'un iauelot? Est-ce point pour vn signe & marque que les premieres femmes qu'espouserent les Romains, furēt ainsi rauies par force, & conquises avec guerre & armes? ou bien si c'est pour leur donner à entendre qu'elles espousent des marits soudards & guerriers, & pour ce qu'il faut qu'elles s'accoustument à vn embellissement & parement simple, sans aucune delicatesse feminine: comme pour ceste mesme raison Lycurgus voulut que les huisseries, couuertes, & planchers des maisons, se feissent avec la sie & la congee seulement, sans y employer aucun autre outil ny instrument, pour reietter &

chasser de la republique toute curiosité & toute D
superfluité: ou bien ce mespartement de cheueux
donne couuertement à entendre diuision, signi-
fiant que le mariage ne sera iamais departi que par
force d'armes: ou c'est pour ce qu'ils referent à Iu-
no la plus part des cerimonies qui appartiennent
aux nopces & au mariage. Or est la iaueline con-
sacree à Iuno, tellemēt que la plus part de ses ima-
ges & statues est appuyee sur vne lance ou iaueli-
ne, & pour ceste cause la Deesse en est surnommee
Quiritis, pour ce que les anciens appelloient vne
iaueline Quiris, & pour ceste mesme occasion ap- E
pelloit on aussi Mars Quiris.

88 Pourquoy est-ce que lon appelle Lucar
l'argent que lon paye pour les ieux? Est-ce pour ce
qu'il y a autour des villes plusieurs lieux consacrez
aux Dieux que lon nomme Lucos, desquels on
employoit le reuenu à faire des ieux?

89 Pourquoy est-ce qu'ils appellent Quirina-
lia la feste aux fous? Est-ce point pour ce qu'ils at-
tribuent ce iour la à ceux qui ne sçauent de quelle
lignee ils sont, ainsi que dit Iuba, ou à ceux qui
n'ont pas sacrifié comme les autres aux lieux desti- F
nez à leurs lignees, quand on celebre la feste qui se
nomme Fornicalia, soit ou pour ce qu'ils estoient
empeschez à d'autres affaires, ou qu'ils estoient hors
de la ville, ou qu'ils ne le sçauoient pas: à ceste cau-
se on leur a assigné ce iour la pour recouurer la
faute qu'ils auroient faite.

90 Pourquoy est-ce que quand on fait sacrifice
à Hercules, on ne nomme nul autre des Dieux, ny
ne

A ne feuffre lon que chien aucun comparoisse dedàs le pourpris où se fait le sacrifice, ainsi comme Varro a laissé par escript: Est-ce point quant à ce qu'ils ne nomment aucun Dieu en son sacrifice, pour ce qu'ils ne l'estiment que demy-Dieu? Et y en a qui tiennent que luy estant encore viuant entre les hommes, Euander luy edifia vn autel, & luy offrit sacrifice dessus: & au reste il feit la guerre au chien, plus qu'à nulle autre sorte d'animal, car aussi fut-ce celuy qui luy donna plus d'affaires en toute sa vie que nul autre, tesmoing le chien à trois testes Cerberus: & apres tous les autres le fils de Licymnius son nepueu, aiant esté tué par les Hippocoontides pour vn chien, il fut contraint de leur donner la bataille, en laquelle il perdit plusieurs de ses amis, & entre autres son frere Iphicles.

91 **P**ourquoy est-ce qu'il n'estoit pas loisible aux Patriciens d'habiter au mont du Capitole? Est-ce pourautant que Marcus Manlius y habitant attempta de se faire seigneur de Rome, & y vsurper tyrannie: en haine duquel on dit qu'il a depuis esté defendu à ceulx de la famille des Manliens, de iamais prendre le auant-nom de Marcus: ou bien c'est vne ancienne crainte que les Romains ont eüe de tout temps, car combien que Valerius Publicola fust personnage fort populaire & bien affectiõné à la part du peuple, iamais toutefois les grands ne cesserent de le calumnier, ny les petits & la cõmune de le redouter, iusques à ce que luy mesme feit demolir sa maison, pourautant qu'elle battoit sur la place.

92 Pourquoi est-ce qu'à celuy qui a sauué vn D
citoyen à la guerre on donne vne couronne de
branches de chesne? Est-ce pourautāt que par tout
& en tout lieu on recouure facilement du chesne à
la guerre, ou bien pour ce que ceste couronne est
dediee & sacree à Iupiter & à Iuno, que lon reput
protecteurs des villes? ou bien c'est vne ancienne
coustume procedee des Arcadiens qui ont quel-
que consanguinité avec les chesnes, pour ce qu'ils
se disent estre les premiers des hommes issus de la
terre, comme le chesne entre tous les arbres.

93 Pourquoi est-ce que pour prédre presage E
ils vsent de Vautours plus que de nuls autres oi-
seaux? Est-ce pourautant que à la fondation de Ro-
me il en apparut douze à Romulus? ou pour ce que
ce n'est pas oiseau qui soit ordinaire ny familier,
car il n'est pas facile de récontrer vne aire de Vau-
tours, ains faut que soudain ils viennent de quel-
que estrange país: voila pourquoy la veuë en est
pleine de pronostique & de presage: ou bien ils
ont encore appris cela de Hercules, fil est veritable
ce qu'escriit Herodorus, que Hercules estoit fort
aise, quand sur le commancemēt de quelque sien- F
ne entreprise il luy apparoissoit des Vantours,
pour ce qu'il auoit opinion que le Vantour estoit
le plus iuste de tous les oiseaux de proye: car pre-
mierement il ne touche iamais à chose quelcōque
viue, ny ne tue iamais rien qui ait vie, comme font
les Aigles, les Faucons, & les Ducs, ains se paist des
charongnes des bestes mortes, & si y a plus, qu'il
ne touche pas encore à celles qui sont de son genre
ny de

A ny de son espece : car iamais homme ne veit Vautour qui mangeast de la chair d'oiseau, cōme font les Aigles & autres oiseaux de proye, qui chassent & mettent en pieces, principalement les oiseaux qui sont de mesme genre qu'eulx : & toutefois ainsi que dit Æschylus,

Comment pourroit estre l'oiseau goulu,

En deuorant son semblable impollu?

Au reste quant aux hommes, c'est le plus innocent, en maniere de dire, & qui leur fait moins de dommage que nul autre, car il ne guaste fruiet ny plante quelconque, ny ne fait mal à beste aucune priuee : & s'il est vray ce que comptent les Ægyptiens, qu'en ce genre la d'oiseaux ils soient tous femelles, & qu'elles deuiennent grosses en receuant par le bec le vent de Leuant, ne plus ne moins que les plantes s'empreignent du vent de Ponant, il est vray-semblable que les signes & pronostiques tirez d'eux, soient plus asseurez & plus certains que ceux des autres, pour ce que de tous les autres leurs violences quand ils sont en amour, leurs impetueux vols quand ils poursuiuent leur proye, leurs c fuittes & leurs chasses, doiuent auoir beaucoup de trouble & d'incertitude en leurs pronostications.

94 Pourquoi est ce que le temple d'Æsculapius est hors de la ville ? Est-ce pourautant qu'ils estimoient que la demourāce hors de la ville estoit plus salubre que celle de la ville ? car à ce propos les Grecs ordinairement edifient les temples d'Æsculapius en lieux hauts où l'air est pur & serein. Ou si c'est pource que ce Dieu Æsculapius fut

enuoyé querir de la ville d'Epidaure en la Moree: **D**
 & est vray que les Epidauriens ont basti son temple non dedans l'enceinte de leur ville, ains assez loing d'icelle: ou pourautant que le serpent estant descendu de la galere en l'Isle, & là s'estant disparu, il sembla qu'il leur eust enseigné par ce signe la où il vouloit qu'on luy bastist sa demeure.

95 Pourquoi est-ce que la Loy defend à ceulx qui doiuent viure chastemēt de māger des legumages? Est-ce quant aux febues, pour les mesmes raisons qu'on dit que les Pythagoriens les auoient en abomination? & quāt aux poix-chiches particulie- **E**
 remēt, qui s'appellent en Grec *λάδνεις* & *ἐρέβινθος*, lesquels mots semblent estre deriuez de Erebus, qui signifie les tenebres d'enfer, & de Lēthe, qui est oubliance, l'vn des fleuves infernaux: ou pour ce que es souppers & banquets des funerailles, on a accoustumé de seruir ordinairement des legumages: ou plus tost, pour ce qu'il fault que ceulx qui veulent estre chastes & viure sainctement, aient les corps nets & gresles: or est il que les legumages sont venteux & engendrent vne superfluité es corps qui a besoing de grande purgation: ou pour **F**
 ce qu'ils incitent & prouoquent à la luxure, d'autant qu'ils sont flatueux & venteux.

96 Pourquoi est-ce qu'ils ne punissent point autrement les sacrees vierges Vestales, qui se sont laissées violer & corrompre, que de les enfouir dedans la terre toutes viues? Est-ce point pour ce qu'ils bruissent les corps des trespassez? or de inhumer avec le feu les corps de celles qui n'ont pas as-
 sez

A fez religieusement & sainctement gardé le feu diuin, il ne sembloit pas iuste ny raisonnable: aussi n'estimoient ils pas qu'il fust loisible de tuer vne personne qui auroit esté consacree avec les plus sainctes & plus religieuses cerimonies du monde, ny mettre les mains violentes dessus vne femme sacree: parquoy ils imaginerent ceste inuention de la faire mourir d'elle mesme, c'est qu'ils la deualloient en vne petite chambre dedans terre, là où ils laissoient vne lampe ardente, & du pain avec vn peu d'eau & de laiçt, & puis ils la combloient **B** de terre par dessus: mais ny pour cela encore ne se peuuent ils du tout exēpter de superstitieuse crainte, car iusques au iourd'huy les presbtres allans dessus le lieu, leur font ie ne sçay quels seruices anniuersaires pour les appaiser.

97 Pourquoy est-ce que le trezième iour de Decembre qui s'appelle en Latin Idus Decembres, on fait vn ieu de pris de la course des chariots, & le cheual attellé du costé droit, qui est demouré victorieux, est immolé à Mars, là où il vient quelqu'un par derriere qui luy coupe la queuë, laquelle il porte au temple qui s'appelle Regia, & en ensanglante l'autel: & pour en auoir la teste, il y a vne troupe de gens venant de la rue sacree, & vne autre de celle qui se nōme Saburra, qui combattent les vns contre les autres à qui l'aura? Est-ce pour la raison que quelques vns alleguent, qu'ils ont opinion que la ville de Troye fut iadis prise par vn cheual de bois, & pour ce, qu'ils en punissent le cheual en memoire de cela?

Si comme estans des Troiens descendus,
Et des Latins ensemble confondus.

B

Ou pource que le cheual est vn animal courageux, martial, & belliqueux, & lon sacrifie ordinairement aux Dieux les victimes qui leur sont plus agreables & mieux sortables: & luy sacrifie lon celuy qui a gaigné le pris, pour ce que la victoire & la force luy sont propres, ou plus tost pour ce que l'œuvre de ce Dieu est ferme & stable, & sont victorieux ceulx qui demeurent en leurs rengs contre ceulx qui n'y demeurent pas, ains s'enfuyent: c'est pourquoy lon y punist l'animal qui court viste, comme la voitture de lascheté, pour couuertement leur donner à entendre, qu'il n'y a point d'esperance de salut à ceulx qui fuyent.

98 Pourquoi est-ce que la premiere œuvre que font les Censeurs, quant ils sont instalez en possession de leur magistrat, c'est de bailler à ferme la nourriture des oyes sacrees, & de faire repaindre les statues des Dieux? Est-ce pour commencer au plus legeres choses & qui sont de moindre despense & de moindre difficulté? ou si c'est pour commemoration d'un ancien benefice iadis reçu de ces animaux, du temps de la guerre des Gaulois, pour ce que les oyes furent celles qui sentirent la nuict les Barbares montans sur la muraille qui environnoit le fort du Capitole, là où les chiens dormoient, & de leur cry esueillèrent les gardes? Ou pour ce que les Censeurs estans gardiens des plus grandes choses, & aians la charge & le deuoir qui leur commande de veiller & enquerir soigneusement

ment

A ment pour conseruer la religion , les temples , les edifices publics , les mœurs & les deportemens des hommes en leur maniere de viure , ils mettent en premier lieu de consideration , le plus vigilant animal qui soit , & en montrant auoir ainsi soing de ces oyés , ils enhortent en ce faisant leurs citoiés de n'estre point paresseux , & de ne mettre point en nonchaloir les choses saintes. Et au reste quāt au refreschissement de couleur des images & statues , c'est chose necessaire , car la viuacité de la couleur rouge de vermillon se passe incontinent , **B** de laquelle ils souloient anciennement colorer les images.

99 Pourquoi est-ce que des autres presbtres , quand il y en a vn condamné & banny , ils le deposent de sa presbtrise , & en elisent vn autre en son lieu , excepté les Augures , qui sont les presbtres qui ont charge d'observer & contempler le vol des oyseaux ? car ceux la , encore qu'ils soient conuaincus & condamnez des plus grands crimes du monde , ils ne leur ostent point leur presbtrise . Est-ce , cōme aucuns disent , qu'ils ne veulent point qu'un **C** qui ne soit point presbtre cognoisse ny sçache les secrets des sacrifices ? ou pource que le presbtre Augure estant lié & obligé de tresgrāds sermens , qu'il ne reuellera iamais les secrets des sacrifices , ils ne le veulent pas absoudre & dispenser de ces sermens la , en le degradant de presbtrise & le rendant homme priué ? Ou bien c'est pourautant que ce mot d'Augure n'est pas tant nom d'honneur & de magistrat , comme de science & d'art : & cela seroit

comme vouloir degrader vn musicien qu'il ne fust plus musicien, ou deposer vn medecin qu'il ne fust plus medecin, vouloir defendre qu'un deuin ne soit plus deuin, ainsi ne pouuans luy oster sa suffisance ny son sçauoir, encore qu'ils luy en ostent le nom, ils n'en establisent point d'autre en son lieu, à bon droict, pource qu'ils veulent garder le nombre qui en a d'ancienneté esté institué.

100 Pourquoi est-ce que le trezième iour du moys d'Aoust, que lon nomme maintenant Idus Augusti, & parauant Idus Sextiles, les serfs & les serues font feste tous & toutes, & les maistresses affectét de lauer & nettoyer leurs testes? Est-ce pour autant que le roy Seruius à tel iour nasquit d'une serue captiue, & pour ceste cause les esclaués à tel iour ont vacation de besongne? Et quant à lauer les testes, le commencement en estant venu des serues, qui le font à cause de la feste, la coustume en est passée iusques aux maistresses.

101 Pourquoi est-ce qu'ils ornent leurs enfans de bagues pendues au col, qu'ils appellent Bullas? Est-ce pour honorer les premieres femmes qu'ils rauirent, en faueur desquelles ils ordonnerét plusieurs autres prerogatiues aux enfans qui nasquirét d'elles, & mesmemét celle là? ou si c'est pour honorer la prouesse de Tarquin? car on dit qu'estât encore enfant, en la grosse bataille qui fut donnée contre les Latins ensemble & cōtre les Thoscans, il se ietta dedans les ennemis, là où estant abbatu de dessus son cheual, il sousteint ceux qui se rueurent sur luy, si vertueusemēt qu'il encouragea tous les

A les autres Romains, tellement que les ennemis estants par eulx tournez en fuitte, avec meurtre de dixhuit mille de leurs gents, qui demourerēt morts sur la place, il en receut, pour loyer de sa vertu, vne telle sorte de bague à pendre au col, qui luy fut donnee par le Roy son pere. Ou si c'est pource qu'anciennement ce n'estoit pas chose qui fust reputee honteuse ne villaine, que d'aimer les garçons esclaves, quand ils estoient en aage d'aimer, ainsi que nous tesmoignent encore les comedies escriptes de ce temps la: mais des enfants de libre condition & de noble maison, ils se gardoiēt fort bien d'y toucher: & à fin que lon ne pretendist ignorance de n'auoir sçeu de quelle condition ils estoient, fils les rencontroient nuds, à ceste cause on leur faisoit porter ceste marque & enseigne autour du col. Ou bien si cela est point vn preseruatif d'honneur, de continence, & d'honesteté, & par maniere de dire, vne bride pour refrener l'incontinence, d'autant qu'ils auoient honte de faire des hommes, auant qu'auoir quitté les marques & signes d'enfance: car il n'y a point d'apparence à ce qu'en allegue Varro, disant que pource que les Æoliens appellent conseil, Bollas, les enfants pour vn signe & presage de prudence & de bon conseil portent ceste bague la, qu'ils appellent Bulla. Voiez doncques que ce ne soit à cause de la Lune, qu'ils les portent: car la figure de la Lune, quand elle est au plein, n'est pas forme de boule ronde, ains plus tost de plat ou d'escuelle: & non seulement quant au costé qui nous en apparoit,

mais aussi, comme Empedocles pense, quant à celui qui en est dessous.

102 Pourquoi est-ce qu'aux petits enfans ils imposent le nom, aux masles au neuvième iour, & aux femelles au huitième? Est-ce point pour cause naturelle qu'ils imposent plustost les noms aux filles qu'aux fils, d'autant que les femelles croissent plus tost, & sont plus tost meures, & arriuent plus tost à leur perfection que ne font les masles? mais quant aux iours, ils prennent ceux qui suivent sans moien apres le septieme, pource que le septieme est fort perilleux aux petits enfans, tant pour autres occasiōs que pour leur nombril, d'autant que à plusieurs il se denouë au septieme iour, & deuant qu'il soit ouuert, l'enfant ressemble plus tost à vne plante, qu'il ne fait à vn animal: ou tout ainsi comme les Pythagoriens estimoient que le nombre pair estoit femelle, & le non-pair masle, d'autant qu'il engendre, & est plus fort que le nombre pair, estant composé, & si on les diuise l'un & l'autre en vnitez, le pair monstrera vn lieu vuide au milieu, là où le non-pair a tousiours le milieu remply d'une de ses parties, & pour ceste cause ils ont opinion que le pair ressemble plus à la femelle, & le non-pair au masle. Ou bien c'est pourautant que de tous les nombres, le neuf est le premier quarré, venant du trois qui est non-pair & parfait, & le huit est le premier cubique, c'est à dire quarré en tout sens, comme vn dé procedant du deux, nombre qui est non-pair: or faut-il que l'homme soit quarré, singulier & parfait, & que la femme,
ne plus

A ne plus ne moins qu'un dé, soit ferme, gardant la maison & difficile à remuer. Encore y faut il adiouster ce propos, que le huit est nombre cubique, procedant du deux pour son pied, & le neuf est nombre quadrangulaire, quarré en tous sens, procedant du trois pour son pied, & pour ceste cause les femmes semblent auoir deux noms, & les masculins trois.

103 Pourquoi est-ce qu'ils appellent les enfans qui n'ont point de pere certain, Spurios? car il ne faut pas estimer, comme le tiennent les Grecs, & comme le disent les orateurs en leurs plaidoiers, que ce soit de ce mot Spora, pource qu'ils sont engendrez de la semence de plusieurs hommes meslee & confondue ensemble, ains est-ce mot Spurius, l'un des premiers noms que prennent les Romains, comme Sextus, Decimus, & Caius: or n'escriuent ils iamais ces premiers noms la entierement de toutes leurs lettres, ains les marquent aucunes fois d'une seule lettre, cōme Titus, Lucius, & Marcus, par T. L. M. ou avec deux, comme Spurius, & Cneus, ou avec trois, comme Sextus & Seruius.

© Spurius doncques est l'un de leurs noms qui se marque avec deux lettres S P. qui signifient Sine patre, c'est à dire, sans pere: car S. signifie sans, & le P. pere. Voila d'où est venu l'erreur de la variation, pourautant que, sine patre & Spurius s'escriuent par mesmes lettres: mais encore en faut il alleguer vne autre raison, qui est plus estrange, & où il y a moins d'apparence, c'est qu'ils disent que les Sabins anciennement appelloient la nature d'une

femme Spurius, & que pour ceste occasion, par vne maniere d'iniure & de reproche, ils appelloiēt de ce nom la ceux qui estoient nez de femme non espousee, & hors legitime mariage.

104 Pourquoy est-ce qu'ils appellēt Bacchus, Liberum Patrem? Est-ce point pource qu'il est pere & autheur de toute liberté à ceux qui ont beu? car la plus part des hommes deuiennent audacieux & se remplissent de hardiesse de parler quand ils sont yures? ou pource que c'est luy qui a trouué la libation, c'est à dire, l'offrande de vin, que lon fait aux Dieux: ou, comme dit Alexandre, pource que les Grecs l'appellent Dionysius Eleuthereus, c'est à dire, Bacchus deliurant, & le nomment ainsi à cause d'une ville de la Bœoce nommee Eleutheres, où il auoit vn temple.

105 Pourquoy est-ce que la coustume ne porte point, que les filles se mariēt aux iours des festes publiques, mais bien que les veufues s'y remarient? Est-ce pourautant, comme dit Varro, que les filles sentent mal quand on les marie, & les veufues plaisir quand on les remarie, & qu'à vn iour de feste il ne faut rien faire où lon sente douleur, ny par contraincte? ou plus tost pource que aux pucelles ce leur est hōneur d'estre mariees à la veuē de beaucoup de monde, mais aux femmes veufues ce leur est deshonneur d'estre remariees en grande compagnie: pource que les premieres nopces sont desirables, mais les secondes abominables, car elles ont honte si elles prennent d'autres marits leurs premiers estans encore viuans, & fils sont morts
elles

A elles en font en deuil de viduité: c'est pourquoy elles aimēt mieux que ce soit à requoy en petite maignie, non pas en tumulte & conuoy de grande compagnie. Or les iours de festes & de ieux publics diuertissent les hommes, les vns ça, les autres là: de maniere qu'ils n'ont pas loysir de vaquer à aller veoir des nopces. Ou c'est pource que ce fut à vn iour de feste publique qu'ils rauirent les filles des Sabins, ce qui leur apporta la guerre, & à ceste cause ils ont eu à mauuais presage d'espouser des filles à vn iour de feste.

B 106 Pourquoy est-ce que les Romains adorent fortune, qu'ils appellent *Primogenita*, comme qui diroit l'aînée, ou premier née? Est-ce, comme dit Varro, pourautant que *Seruius*, qui estoit né d'une serue captiue, regna fort noblement & glorieusement à Rome, car ainsi le tiennent les Romains pour la plus part: ou plus tost pource que la Fortune a donné le commencement & la premiere origine à la ville de Rome & à son Empire? ou bien la cause en est plus profonde, & qu'il faut rechercher és plus cachez secrets de la nature & de la philosophie, pour ce que la Fortune est le principe de toutes choses, tellement que la nature mesme consiste & procede de la fortune, quant à certaines choses casuellement & fortuitement concurrentes, ordre & disposition est adioustee.

107 Pourquoy est-ce que les Romains appellent ceux qui iouēt des comedies & autres ieux és theatres, *Histrions*? Est-ce pour la raison que escrit *Claudius Rufus*, que fort ancienemēt & des

Pan que furent Consuls Caius Sulpitius, & Lici-
 nius Stolo, il y eust vne maladie pestilentielle à Ro-
 me, laquelle emporta entierement & indifferem-
 ment tous ceux qui faisoient profession de monter
 sur les eschaffaux des theatres pour iouer: au moien
 dequoy il en yint depuis à leur priere & requeste
 de la Thoscane plusieurs & excellens ouuriers en
 cest artifice: entre lesquels celuy qui estoit de plus
 grande reputation, & qui plus longuement auoit
 eu la vogue par les theatres, estoit appellé Hister,
 du nom duquel tous les autres furent depuis ap-
 pellez Histrions.

108 Pourquoi est-ce qu'ils n'espousent point
 leurs proches parentes? Est-ce pour-autant qu'ils
 veulent par mariages amplifier leurs alliances, &
 acquerir plusieurs affins & alliez, en prenant &
 baillant femmes à d'autres qu'à ceux qui sont des-
 ia leurs parents: ou pour ce qu'ils craignent que
 telles nopces n'engendrent noises & querelles en-
 tre les parents, lesquelles estaignent & abolissent
 les droits de la nature? ou pource qu'ils voyent
 que les femmes à cause de leur imbecillité & infir-
 mité ont besoing de beaucoup d'aide, ils ne les
 veulent pas marier à ceux de leur parenté, à fin
 que si d'aduenture il se treuve que les marits les
 traittent mal & leur facent tort, leurs parens les
 secourent & leur soient en aide.

109 Pourquoi est-ce qu'au presbtre de Iupiter,
 qu'ils appellent Flamen Dialis, il n'est pas loisible de
 toucher de la farine ny du leuain? Est-ce pourautāt
 que la farine est nourriture crue & imparfaite?

A car ny elle ne demeure ce qu'elle estoit, c'est à sçauoir bled, ny elle n'est ce qu'elle doit estre, c'est à sçauoir pain, ains a perdu la nature qu'elle auoit parauant, & n'a pas acquis l'vsage de viande & de nourrissement: c'est pourquoy le poëte l'appelle Mylephaton, par translation, comme qui diroit, tué & guasté par la meule en la moudure. Et quāt au leuain, il s'engēdre de corruption de farine, & si fait leuer & aigrir toute la masse de la paste, quand il est meslé parmy: car elle en deuient moins forte & moins tenante, & brief le leuement de la paste, B c'est à dire l'operation qu'y faiēt le leuain, est cōme vne sorte de pourrissement: car quand on y en met plus que de raison, il la rend du tout si aigre que lon n'en peult manger, & guaste la farine.

IIo Pourquoy est-ce qu'il luy est aussi defendu de toucher chair crue? Est-ce point pour destourner de bien loing, par ceste accoustumāce, de manger chair crue? ou s'il luy est enioint de l'abominer pour la mesme raison que la farine: car ny ce n'est plus animal, ny ce n'est encore viande, car le bouillir & rostir est vne alteration & transmutation qui c luy fait changer de forme: là où la chair crue & freschemēt tuee n'est pas pure ny impollue à voir, ains est hideuse, & a ne sçay quoy approchant de l'vlcere & de la playe saignāte quād on la regarde.

III Pourquoy est-ce que lon luy commande aussi de s'abstenir du chiē & de la chēure, non seulement de les toucher, mais aussi de les nōmer? Est-ce point, quant à la chēure, pour son excessiue luxure, & pour sa mauuaise odeur, ou pour ce

qu'elle est maladiſue ? car c'eſt la beſte du monde D
la plus ſubiecte au hault mal, & qui plus attache ce
mal à ceulx qui en mangent ou qui la manient : la
cauſe dequoy ils diſent eſtre l'eſtroiffiſſure des cõ-
duits par où paſſent les eſprits qui viennent à faci-
lement ſ'eſtoupper : ce qu'ils coniecturent, par ce
qu'elle a la voix ainſi greſle & delice : ſuyuant le-
quel propos on voit que les hommes meſmes qui
ſont ſubiects à ceſte maladie, la voix à la fin leur
deuient ſemblable au beſlement des chœurs. Et
quant au chien, il eſt vray qu'il n'a pas à l'aduen-
ture tant de la luxure, & n'eſt pas ſi getif ne ſi puât E
que la chœur, combien que touteſois aucuns tien-
nent que lon ne ſouffre pas ſeulement qu'un chien
mette le pied dedans le chaſteau d'Athenes, pour
ce que le temple de Diane y eſt, ny dedans l'iſle de
Delos non plus, pour ce qu'elle luy eſt conſacree, à
cauſe que publiquement à la veüe de tout le mon-
de, il ſe meſſe avec ſa femelle: cõme ſi les taureaux,
les pourceaux, ou les cheuaux auoient des cham-
bres à ſaillir leurs femelles, & qu'ils ne le feiſſent
pas ouuertement & manifeftement en public: mais
ils n'en ſçauent pas la cauſe veritable, qui eſt, pour F
ce que le chien eſt vn animal de ſa nature aſpre &
querelleux, & le bānit on pour ceſte cauſe des lieux
ſaincts, & où il y a franchise, à celle fin que les pau-
ures affligez ſuppliants ſ'y puiſſent librement re-
traire. Ainſi eſt il vrayſemblable qu'ils ont voulu
que le preſbtre de Iupiter, comme vne ſaincte &
ſacree viue ſtatue de refuge, fuſt librement accéſſi-
ble & ouuerte à tout le mōde, ſans qu'il y euſt rien
qui

A qui empeschast, ne qui feist peur d'en approcher: c'est pourquoy il falloit que son liēt mesme fust tout à l'entree de sa porte, & le serf qui pouuoit se venir ietter à ses pieds, & ambrasser ses genoux, pour ce iour la estoit franc & hors de dāger d'estre fouetté ou plus grievedement puny:& si c'estoit vn prisonnier qui se peult approcher de luy aiant les fers aux pieds, il estoit delié, & iettoit on ses fers & ses liens hors de la maison, non par la porte, mais par dessus le toict de la couuerture: or n'eust il de rien seruy qu'il eust ainsi esté gracieux, accointable
B & humain, s'il eust eu aupres de luy vn chien qui eust effroyé & chassé ceulx qui eussent voulu recourir en frāchise à luy: mais toutefois si est-ce que les anciens mesmes ne l'ont point estimé ne reputé du tout animal net & munde: car il n'est premierement dedié ne consacré à aucun des Dieux celestes, ains estant enuoyé pour soupper à Proserpine terrestre és quarrefours, il semble que ce soit plus tost vne hostie expiatoire pour diuertir quelque malencontre, ou pour nettoyer quelque ordure, qu'autrement: ioint qu'en Lacedemone ils fendent
C par le milieu des chiēs pour sacrifice à Mars le plus sanglant de tous les Dieux:& les Romains mesmes au iour de la feste des Lupercals, qui se celebre au mois de purification, qui est Feburier, font sacrifice d'un chien. Et pourtant n'est-il pas hors de propos de penser, que à ceulx qui ont pris à seruir particulièrement le plus souuerain & le plus net de tous les Dieux, il soit defendu d'auoir ny en leur maison ny autour d'eulx yn chien.

112 Pour quelle cause n'est il pas permis à ce D
 mesme prestre de Iupiter de toucher au lierre, ny
 de passer par vn chemin couuert de branches de
 vigne attachee à vn arbre? Est-ce point vn precepte
 semblable à ceux cy des Pythagoriens, Ne mange
 point de dessus vne chaire, Ne te sied point sur vn
 boisseau, Ne passe point par dessus le ballet? car ces
 philosophes la ne craingnoient, ny ne refuyoient
 point les choses que les paroles de prime face signi
 fioient, mais par celles la ils en defendoient d'au
 tres: car ce precepte, de ne passer point soubs la vi
 gne, se referoit au vin: voulant donner à entendre E
 qu'il n'estoit pas loisible au prestre de s'enyurer,
 d'autant que le vin est dessus la teste de ceulx qui
 s'enyurent, & sont par luy rabaissez & rauallez: là
 où il fault que les prestres soient superieurs, &
 qu'ils commandent à ceste volupté là, non pas
 qu'ils soient subiects à elle. voila quant à la vigne.
 Mais quant au lierre, est-ce point pour ce que c'est
 vne plante qui ne porte aucun fruiet, ny aucune
 vtilité aux hommes, ains est si imbecille, que d'elle
 mesme elle ne s'escauroit soustenir, & a besoing
 d'autres qui la portét, & ce pendât par le moien de F
 la froideur de son vmbre, & la verdeur de ses feuil
 les, abuse ceulx qui la regardent? pour ceste cause
 n'estiment ils pas que lon le doie nourrir ny en
 tretenir pour neant en vne maison, d'autant qu'il
 n'y apporte nul profit, ny l'embrasser, d'autât qu'il
 est dōmageable aux plantes qui le reçoient quād
 il a le pied dedans terre. Et pourtant ne voit on
 iamais és sacrifices & cerimonies de Iuno à Athe
 nes

A nes, ny de Venus à Thebes, du lierre sauuage, mais bien en voit on és sacrifices qui se font de nuict en tenebres, comme sont la plus part de ceulx de Bacchus. Est-ce doncques point cela vne couuerte defense de se trouuer en ces dâses & follastreries nocturnes de Bacchus? car les femmes qui sont subiectes à ces fureurs la Bacchiques se ruent incontinent sur le lierre, & le deschirent, le prenant à belles mains, ou le maschant à belles dents: tellement que ceulx la ne sont pas du tout à reietter, qui disent que ce lierre aiant des esprits qui tournent les entendements des hommes à fureur, les transporte hors d'eulx & les tourmente, & brief les rend yures sans boire vin, quand ils se treuuent disposez à tels transports & rauissements de leurs entendements.

113 Pourquoy est-ce qu'à ces presbtres la il n'est pas permis de receuoir ny de demâder aucun Magistrat, & neantmoins ils ont vn massier portant la verge deuât eulx, & vn chariot à chaire prëtoriale dessus, pour les honorer & recompëser, de ce qu'il ne leur est pas loisible de tenir autre office ny magistrat publique? est-ce point pour la mesme raison qu'en la plus part des villes de la Grece la dignité de presbtrise estoit equiuallente à celle de la royauté, ils n'elisoient pas des petites personnes les premieres venues pour presbtres? ou plustost pour ce que les presbtres aians leurs actiôs determinees & certaines, & les Roys indeterminees & incertaines, il n'estoit pas possible quâd les deux quelquefois se rencontroient en vn mesme temps tout ensemble, que vn seul peust satisfaire à toutes les

deux,ains estoit force que les deux estants souuent d'pressees, il en omeist l'vne à faire : & que par ce moien tantost il mesprist enuers les Dieux, & tantost qu'il portast dommage à ses citoiens. Ou bien voyans que és Magistrats des hommes il y a bien souuent autant de necessité comme d'autorité, & qu'il fault que celuy qui a le gouuernement d'un peuple, cōme dit Hippocrates d'un medecin, voye plusieurs mauuaises choses, & en touche plusieurs aussi, & que des maulx d'autrui il sente & reçoie propre fascherie & douleur, ils n'ont pas trouué bon qu'un sacriast aux Dieux, ny eust la superintendēce des choses sainctes & sacrees, qui auroit assisté ou presidé aux iugemēts & condamnations à mort de ses citoiens, voire bien souuent de ses parents & aliez, ainsi cōme il aduint à l'anciē Brutus.

LES DEMANDES DES CHOSSES GRECQUES.



VI sont ceulx que lon appelle en la ville d'Epidaure Conipodes & Artyni? Il y auoit cēt quatre vingts hommes entre les mains desquels estoit tout le gouuernement de la chose publique : de ceulx la on elisoit

des Senateurs qui s'appelloient Artyni, & la plus part du peuple se tenoit aux chāps, & les appelloit on Conipodes, qui vault autant à dire cōme, pieds poudreux

A poudreux, pour ce que quand ils venoient à la ville, on les cognoissoit à cela.

2 Qui estoit celle que lon appelloit Onobatis en la ville de Cumes? Quand il y auoit vne femme surprise en adultere on la menoit en la place publique, là où on la mettoit dessus vne pierre eminente, à fin qu'elle fust veüe de tous: puis quand elle y auoit esté vne espace de temps, on la montoit dessus vn asne & la menoit on par toute la ville, puis on la ramenoit en la place, & la remettoit on dessus la pierre, & de là en auāt elle demouroit infame pour toute sa vie, & l'appelloit on Onobatis, c'est à dire, celle qui a cheuauché l'asne: cela fait ils estimoient que la pierre en fust pollue, & l'abominoient comme chose interdite. Il y auoit aussi en la mesme ville vn office qui s'appelloit Phylactus, & celuy qui le tenoit auoit charge tout le reste du temps de garder la prison, excepté qu'en vne certaine assemblée de conseil qui se tenoit de nuit, il entroit au Senat, & alloit prendre les Roys par la main, & les menoit hors du Senat: là où il les tenoit iusques à ce que le Senat eust arresté s'ils auoient forfait, ou non, donnant ainsi occultement ses suffrages en tenebres.

3 Qui est celle que lon nomme en la ville de Soli Hypeccaustria? Ils appellēt ainsi la presbtesse de Minerue, à raison de quelques sacrifices & quelques ceremonies à diuertir les malheurs qu'elle fait: le mot signifie comme qui diroit, la chauffeure.

4 Qui sont en la ville de Gnidos, ceulx qu'ils appellēt Amnemones, & qui est celuy qu'ils disent

Aphester? Il y a soixante qu'on eleit des plus gens de bien de la ville, lesquels ont la superintendence des affaires, & sont ceulx qui consultent premiere-ment les matieres de plus grande importance, & les appelloient ainsi, pource qu'ils ne sont point syndiquez ne subiects à rendre compte de leur administration, si d'adventure lon ne veult dire que le mot signifie plustost, de grande memoire: & ce-
 luy qui leur demande leurs aduis & suffrages, s'appelle Aphester.

5 Qui sont ceux que les Arcadiens & les Lacedemoniens appellent Chrestos? Les Lacedemoniens aians fait appointment avec les Tegeates en meirent les articles par escript, qu'ils feirent engraver sur vne coulomme quarree, commune, laquelle fut plantee sur le bord de la riuiera d'Alpheus: & y a entre autres articles, Qu'ils chasseroient les Messeniés hors de leurs terres, mais qu'il ne leur seroit pas loisible de les faire Chrestos: ce que declarant Aristote, l'expose, qu'ils ne les pourroient faire mourir pour secourir ceulx des Tegeates qui durant la guerre auoient fauorisé au party des Lacedemoniens.

6 Qui est celuy que les Opuntiens appellent Crithologos? La plus part des Grecs en leurs plus anciens sacrifices vsoient d'orge, que cōtribuoient les citoiens: celuy doncques qui auoit la superintendence des sacrifices, & la charge de recueillir les primices d'orge que les citoiens contribuoient, se nommoit Crithologos, qui vault autāt à dire que, recueilleur d'orge: & auoient deux prestres, l'un
 qui

A qui auoit la superintendence des sacrifices qui se faisoient aux Dieux, & l'autre de ceulx qui se faisoient aux Diables.

7 Quelles sont les nuees que lon appelle Ploiades? Ce sont celles qui sont les plus pleines d'eau, & qui sont agitees çà & là, ainsi cōme Theophrastus le met de mot à mot au quatriéme liure des impressions qui se font en la region de l'air: attendu que ces nuees Ploiades, & celles qui sont espesses, mais immobiles, & de couleur fort blanches, monstrent vne diuersité de matiere qui n'est ny conuertie en eau ny en vent.

8 Qu'est-ce que les Bœotiens appellent Platyctetas? Ils appellent ainsi ceulx qui sont voisins de nostre maison, ou qui ont des terres ioignantes aux nostres en langage Æolique, comme qui diroit, estants voisins: dequoy i'en allegueray vn exemple tiré de l'archiue de nos loix, combien qu'il y en ait plusieurs. *

Cest exemple default en l'original Grec.

9 Qui est celuy que les Delphiens appellent Hosioter: & pourquoy est-ce qu'ils appellent l'vn des moys Bysius? Ils appellent Hosioter, celuy qui immole l'hostie apres qu'il a esté eleu & declaré saint: or y en a il cinq qui le sont toute leur vie, & sont concurrens avec les grands presbtres qu'ils nomment prophetes en plusieurs cerimonies du seruice des Dieux, comme ceulx qui se disent estre descendus de la race de Deucalion. Et quant au moys qu'ils appellent Bysius, ce n'est pas, comme plusieurs estiment, autant comme Physios, c'est à

dire naturel, encore que ce soit le commencement de la primevere, & que plusieurs plâtes alors naissent & germent de la terre : mais ce n'est pas la verité, car les Delphiens n'vſent pas d'un Bau lieu d'un Phi, ainſi que font les Macedoniens qui diſent Bilippus & Balacros & Berenice, au lieu de Philippus, de Phalacros & de Pherenice : mais ils en vſent au lieu du Pi, car ils diſent ordinairement Batein au lieu de Patein, & Bicron au lieu de Picron : ainſi Byſius eſt dit au lieu de Pyſius, c'eſt à dire interrogatoire, en entendant de leur Dieu Apollo: car c'eſt la couſtume du païs, pour ce qu'en ce mois là ils propoſent leurs demandes à l'oracle de Apollo, & eſtiment que le ſeptieſme d'iceluy ſoit le iour de ſa naiſſance, lequel ils ſurnomment Polyphthous, non pas, comme pluſieurs cuidoient, pour ce que lon y paiſtrit pluſieurs gaſteaux qui ſ'appellēt Phthois, mais pour ce que lon y demande & y enquier on de beaucoup de choſes : car il n'y a pas long temps que lon a permis de venir à l'oracle quand on voudroit en chaſque mois, mais au parauant la religieuſe d'Apollo ne rendoit les reſponſes, & n'ouuroit l'oracle qu'une ſeule fois en toute l'annee, ainſi comme Calliſthenes & Anaxandrides ont laiſſé par eſcript.

10 Qu'eſt-ce que ſignifie Phyximelon? Les petites plantes baſſes quâd elles viennent à germer & bourgeonner, les beſtes en aiment fort le premier bouton qu'elles iettent, mais en le mangeant elles font grand tort à la plante, & empeschent fort ſon accroiſſement : quand doncques elles viennent à croiſtre

A croistre iusques à telle hauteur que les bestes pais-
santes alentour n'y peuuent plus faire de mal, elles
s'appellent Phyximela, qui est à dire, eschappees du
danger des moutons, tesmoing *Æschylus*.

II Qui sont ceulx que lon nomme *Aposphendoneti*? Les *Eretriens* habiterēt iadis l'Isle de *Cor-
fou*, iusques à ce que *Charicrates* y vint de *Corin-
the* avec vne armee, & estant demouré victorieux,
les *Eretriens* remontans sur mer s'en retournerent
en leur país: dequoy estants deuant aduertis leurs
citoyens qui n'auoient bougé, les repoulserēt & les
B garderent de descendre en leurs terres à coups de
fonde: & ne les aians peu ny gagner par belles
paroles, ny les forcer par armes, à cause qu'ils
estoient en beaucoup plus grād nombre & inexo-
rables, ils s'en allerent en la coste de *Thrace*, là où
ils occuperent vn lieu, auquel on dit que *Methon*
l'un des predecesseurs d'*Orpheus* auoit ancienne-
ment habité: si nommerent la ville qu'ils y fonde-
rent *Methone*, & eulx furent surnommez par leurs
voisins *Aposphendoneti*, qui vault autant à dire
comme, les repoussez à coups de fonde.

C 12 Qu'est-ce que les *Delphiens* appellent *Cha-
rila*? Ceulx de la ville de *Delphes* celebrent trois
noueines d'ans continuellemēt l'une apres l'autre:
desquelles trois noueines ils appellent l'une *Septe-
rion*, l'autre *Heroïde*, & la tierce *Charila*. Quant à
la premiere, il semble que ce n'est qu'une represen-
tation de la bataille que *Phœbus* eut contre *Py-
thon*, & de la fuite & poursuite apres la bataille,
en la vallee de *Tempe*. Ceste fuite, cōme aucuns

disent, fut à cause de quelque homicide, duquel il **D** cherchoit à estre purgé: les autres tiennent que Python estant blessé, & s'enfuyant par le chemin que nous appellons sacré, Phébus le poursuiuit, & qu'il s'en fallut peu qu'il ne se trouuast à sa mort: car il trouua à son arriuee qu'il estoit nagueres mort des blesseures qu'il auoit receuës en la bataille, & auoit esté inhumé par son fils, lequel s'appelloit Aix, comme lon dit. Ceste noueine donques qui s'appelle Septerion, est vne representation de ceste histoire, ou bien de quelque autre semblable. Quāt à la seconde, Heroïde, elle contient ie ne sçay quel- **E** les cerimonies secrettes, que les Bacchâtes sçauent bien: mais quant à ce qui s'y fait manifestement à l'ouuert, on pourroit coniecturer que c'est la subleuation au ciel de Semelé. Au reste quant à celle de Charila, voicy ce que lon en conte: Il aduint apres vne grande seicheresse vne grāde famine en la ville de Delphes, tellement que les habitants de la ville venoient à la porte de leur Roy, avec leurs femmes & leurs enfans crier à la faim. Ce Roy feit distribuer aux principaulx d'entre eulx de la farine & des legumages, pour ce qu'il n'y en auoit pas assez **F** pour en donner à tous: & comme il y fust venu vne fille encore petite, orpheline de pere & de mere, le supplier de luy en donner aussi: le Roy la souffletta avec son soulier, & encore apres luy ietta il son soulier au visage: la fille estant pauurette & destituee de tout le monde, mais au demourant de gentil cœur se retira de là, & desliant sa ceinture s'en pendit & estrangla. La famine alloit tousiours croissant

A croissant de plus en plus, & les maladies y suruenoient encore : à l'occasion dequoy le Roy estant allé à l'oracle pour y cuider trouuer remede, la Prophetisse Pythie luy respondit, qu'il appaisast l'ame de Charila, qui estoit morte volontairement : ainsi apres auoir longuement recherché, & trouué à la fin que ceste fille soufflettee auoit nom Charila, ils luy feirent vn sacrifice meslé de cerimonies de purification, lequel ils obseruent encore de neuf en neuf ans : car il y a le Roy assis en sa chaire qui distribue de la farine & des legumages à tous venās, **B** tant estrangers que citoiens, & apporte lon l'image de Charila petite fille, & apres que tous ont pris de ces legumages, le Roy soufflette ceste image avec son soulier : & lors la principale des deuotes de Bacchus, qui sont les Bacchantes, emportant ceste image en vne profonde baricaue luy attache vne corde au col, & puis toutes ensemble l'enterrent au mesme lieu où iadis ils inhumerēt le corps de Charila apres qu'elle se fut estranglee.

13 Qu'est-ce que les Ænianiens appellent, la chair medicee? Les Ænianiens ont iadis eu plusieurs **C** remuemens de lieu en autre : car premierement ils habitoient en la contree qui s'appelle le champ Dotien, dont ils furent dechassez par les Lapithes : de là ils allerent aux Æthiques, de là en vne partie de la prouince Molosside, qui s'appelle Araua, dōt ils furent appelez Paraues : apres cela ils occuperent la ville de Cirrhe, & en icelle aians assommé à coups de pierre leur Roy Onoclus, par le commandemēt d'Apollo, ils descendirent en la cōtree

qui est au long du fleuve Inachus, estant lors habitée par les peuples que lon nommoit les Inachiens & Acciens. Et aians tous les deux peuples eu response de l'oracle, à sçauoir les Inachiens, que s'ils donnoient volontairement part de leur terre, ils la perdroyent toute : & les Ænianiés, que s'ils en pouuoient auoir de leur bon gré, qu'ils la gagneroient & possèderoient toute : il y eut vn notable personnage entre les Ænianiens appelé Temon, qui se vestant de vieux haillons, & prenant vne bezasse sur son col, se deguisa en belistre, & en cest habit s'en alla vers les Inachiens demãder l'aumosne. Le Roy de ces Inachiens en riant, & par maniere de moquerie, prit vne motte de terre, & la luy bailla : l'autre la prenant bien volontiers la mèit dedans sa bezasse, & puis s'osta de là, estât bien aise & content du don que le Roy luy auoit fait : car il s'en alla incontinent sans plus rien demander. Dequoy les plus anciens s'esmerueillans se vont souuenir de l'oracle qu'ils auoient iadis eu, & s'en allans deuers le Roy le prièrent de ne mettre pas ceste chose à nonchaloir, & ne laisser pas cest homme ainsi eschapper. Temon aiant senty le vent de leur deliberation se meit à fuir, si bien qu'il se sauua, moienant vn grãd sacrifice qu'il voia de faire à Apollo. Cela fait les deux Roys des Inachiens & des Ænianiens se desient au combat d'homme à homme, & celuy des Ænianiens nommé Phemius, voyant venir encõtre luy celuy des Inachiens, qui auoit nom Hyperochus, avec son chien, luy crya, qu'il ne faisoit pas tour d'homme de bien, de venir avec vn

compa-

A compagnon. Hyperochus se retourna pour re-
chasser son chien, & ainsi qu'il se tournoit, Phe-
mius luy tira vn coup de pierre si à poinct qu'il le
porta par terre, & le tua: ainsi les *Ænianiens* aians
conquis le païs, & chassé les *Inachiens* & les *Ache-*
iens, adorèrent depuis ceste pierre, cōme vne chose
saincte, & luy font sacrifice, l'enueloppans de la
grosse de l'hostie immolee: puis apres qu'ils ont
payé vn magnifique & solennel sacrifice à *Apollo*,
& immolé vn bœuf à *Iupiter*, ils en enuoyent la
plus belle & meilleure piece aux descendans de
B Temon, laquelle iusques au iourd'huy ils appel-
lent, la chair mendiee.

14 Qui sont ceulx que les habitans d'*Ithace*
appellent les *Coliades*, & qu'est-ce qu'ils appellent
Phagilus? Apres que *Vlysses* eut tué les poursui-
uans qui demãdoient sa femme en mariage, les pa-
rents & amis des trespassez se soubleuerent contre
luy, mais à la fin ils enuoyerent de cōmun consen-
tement querir *Neoptolemus* pour les mettre d'ac-
cord, lequel aiant pris cest arbitrage en main, con-
damna *Vlysses* à sortir du païs, & se bānir des *Isles*
C de *Cephalenie*, de *Ithace*, & de *Zacynthe*, iusques à
ce qu'il fut absouls & purgé des homicides par luy
commis: & semblablement les parents & amis de
ceux qui poursuiuoÿët d'auoir *Penelopé* à femme,
payassent tous les ans quelque amende à *Vlysses*,
pour les excès & dommages qu'ils auoient faits en
sa maison. Quant à luy dōques il se retira en *Italie*,
mais quant à l'amēde l'ayant cōsacrée aux Dieux, il
ordonna que ceulx d'*Ithace* la payassent à son fils:

c'estoient certaine quantité de farines, du vin, certain nombre de flâbeaux de cire, de l'huile, du sel, des moutons à sacrifier plus grands que Phagiles, c'est à dire, que agneaux, comme Aristote l'interprete : au demourant Telemachus donna liberté à son porcher Eumeus, & luy dōna droit de bourgeoisie à luy & à ses descendans en la ville, qui sont au iourd'huy les Coliades, comme les Bucoliens sont ceulx qui sont extraits & yssus de Philetius.

15 Qu'est-ce que le chien de bois chez les Locriens? Locrus fut fils de Physcius, fils d'Amphityon : de ce Locrus & de Cabya nasquit vn autre Locrus, lequel estant entré en different alencontre de son pere, prit avec luy bon nombre de citoiens, & demāda conseil à l'oracle, en quel lieu il deuroit aller fonder vne nouvelle ville. L'oracle luy feit response, qu'il bastist sa ville au lieu où vn chien de bois le mordroit : & passant deuers l'autre mer, il marcha dessus vne ronce, qui s'appelle en Grec la ronce de chien, laquelle le picqua tellement, qu'il fut contraint de demourer là quelques iours : durāt lesquels aiant bien cōsideré le pais, il y fonda la ville des Physcaiens, & celle de Hyāthia, & toutes les autres que depuis ont habitees les Locriēs qui sont surnommez Ozolæ, c'est à dire puants : lequel surnom les vns disent leur auoir esté dōné à cause de la riuere de Nessus, les autres à cause du grand Dragon Python, qui aiant esté ietté par la mer au riuage, se pourrit en la coste des Locriēs. Les autres veulēt dire, que c'est à cause des peaux de mouton & de bouc, que les habitants du pais portoient,

A & pour ce que la plus part du temps ils estoient parmy troupeaux de chéures de maniere qu'ils en deuenoient puants. Les autres tienent que tout au contraire ceste contree la, portant grande quantité de fleurs, eut le nom de la bonne senteur, entre lesquels est Architas natif d'Amphisse en ces vers,
De beaux raisins Macyne couronnee,
De souëfue odeur doucement alenee.

16 Qu'est-ce que les Megariens appellent Aphabroma? Nifus, duquel a esté appelée la ville de Nisee, estant Roy de Megare, prit femme du pais de la Bœoce, nommee Abrote, fille d'Onchestus, sœur de Megareus, dame de singuliere prudence, & de sagesse & honnesteté nompareille, laquelle estant venue à mourir, les Megariens volontairement & d'eux mesmes se meirēt à en mener deuil, & son mary Nifus voulant en perpetuer la gloire & la memoire, voulut que ses os fussent vestus des mesmes habits qu'elle souloit porter en sa vie, & du nom d'elle appella la maniere des vestemens Aphabroma: & semble que Dieu mesme ait voulu fauoriser à la gloire d'icelle, car les Dames Megarienes aians par plusieurs fois esté en propos de changer lesdits habillemens, il le leur a tousiours defendu par son oracle.

17 Qu'est-ce que Doryxenus? La prouince Megarique estoit iadis habitee par bourgades estās les citoiens diuisez en cinq parties, les Heraiens, les Piraiens, les Megariens, les Cynofuriens & les Tripodisceiens. Or ceux de Corinthe qui estoient leurs plus proches voisins, & qui espioient à toutes oc-

cafions les moiens de les reduire fous leur obeïſſance, trouuerent façon de les mettre en guerre les vns contre les autres, mais ils vſoient de ſi grande hōneſteté les vns enuers les autres, que leur guerre eſtoit fort doulce & gracieuſe, comme entre parens: car iamais homme ne faiſoit tort ny deſplaiſir aux laboureurs qui labouroient la terre, & ceux qui eſtoient pris priſonniers eſchappoient pour vn certain taux d'argent, qui eſtoit dit entre eux, lequel ils receuoient apres auoir deliuré & donné congé à leur priſonnier: car au parauant iamais ils ne luy demandoient, ains celuy qui à la guerre auoit pris vn priſonnier l'emmenoit en ſa maiſon, où il luy faiſoit bonne chere à ſa table, & puis le renuoyoit en ſa maiſon, & celuy qui eſtant ainſi renuoyé apportoit de bonne foy le pris de ſa rançon, en eſtoit loué, & en demouroit toute ſa vie amy de celuy qui l'auoit pris, & ſ'appelloit au lieu de Doryalotos, qui ſignifie captif ou priſonnier de guerre, Doryxenos, c'eſt à dire hoſte de guerre ou frere d'armes: mais celuy qui retenoit l'argent & en defraudoit ſon maïſtre, en demouroit infame pour toute ſa vie, non ſeulement entre les ennemis, mais auſſi entre les ſiens, eſtāt tenu pour meſchant homme & de mauuiſe foy.

18 Qu'eſt-ce que Palintocia? Les Megariens apres auoir chaffé leur tyran Theagenes demurerent peu de temps en bon & moderé gouuernement, ains comme dit Platon, les flateurs du peuple & harengueurs les conuians à vne licenciueſe & exceſſiue liberté, ils en deuindrēt de tout point perdus

A perdus & guastez, iusques à commettre toutes les insolences qu'il est possible alencontre des bourgeois qui auoient bien dequoy : car les pauures alloient en leurs maisons, & leur commandoient de les traicter & festoyer opulently & magnifiquement, & s'ils refusoient à ce faire ils prenoient de force tout ce qu'il y auoit en la maison, & en abusoient en toute dissolution : & finalement ils feirent vne ordonnance, par laquelle il leur estoit loisible de repeter des vsuriers qui leur auoient presté de l'argent auparauant, toutes les vsures **B** qu'ils leur auoient payees, & appelloient ceste repetition d'vsures, Palintocia.

19 Quelle ville est-ce qu'Anthedon, de laquelle la prophetisse Pythia respondit vn iour,

Boy de ton vin la lye iusqu'au bas,

Car Anthedon ta partie n'est pas?

car celle qui est au pais de la Bœoce n'a pas grand ny excellent vignoble. L'isle de la Lauria s'appelloit ancienement Irené, du nom d'une Dame ainsi appellee, laquelle on dit auoir esté engendree de Neptune & de Melanthia fille d'Alpheus: mais depuis aiant esté occupee & habitee par Anthes & **C** Hypera, on la surnōma Anthedonia & Hyperia: car l'oracle, ainsi qu'escriit Aristote, disoit ainsi,

Boy de ton vin la lye iusqu'au bas,

Car Anthedon le tien pais n'est pas,

Aussi ne l'est la sacree Hyperie,

Car lors le vin tu beurois sans la lye.

voila qu'en dit Aristote. Mais Mnasigiton escrit, qu'Anthus le frere de Hypera estant encore petit

enfant par fortune fut perdu, & que son frere **D**
pour le chercher errât çà & là, d'auēture s'adressa
en la ville de Pheres deuers Acastus, ou Adrastus,
là où de bonne fortune Anthus seruoit, aiant la
charge de donner à boire: comme donques on le
festoyoit il aduint que ce ieune enfant en portât la
couppe à son frere le recognut, & luy dit tout bas,

Boy de ton vin la lye iusqu'au bas,

Car Anthedon le tien païs n'est pas.

20 Qu'est-ce que lon appelle en la ville de
Priene, Les tenebres d'aupres du chesne? Ceux de
Samos aians la guerre alencontre de ceux de Priene
ne s'entrefaisoient les vns aux autres des domma-
ges assez supportables auparauāt, iusques à ce qu'il
y eut vne grosse bataille donnee entre eux, en la-
quelle ceux de Priene tuerent pour vn iour mille
Samiens: mais sept ans apres en vne autre bataille
qu'ils eurent alencontre de ceux de Milet aupres
d'un lieu qu'ils appelloient le Chesne, ils y perdi-
rent tous les meilleurs & plus vaillans citoiens
qu'ils eussent: ce qui fut alors, que le sage Bias estāt
enuoyé de Priene en ambassade vers ceux de Sa-
mos, y acquit vne grande reputation. Cest incon-**F**
uenient donques & ceste calamité estant aduenue
douloureuse & miserable à toutes les Dames de
Priene ensemble, d'autāt qu'il n'y en auoit pas vne
qui ne s'en sentist aucunement: elles eurent depuis
ces paroles la pour vn formulaire de malediction
& de serment le plus solennel qu'elles eussent sceu
faire & de plus grandes choses, Les tenebres d'au-
pres du chesne: pource que ou leur peres, ou leurs
freres,

A freres, ou leurs marits, ou leurs enfans y auoient esté tuez.

21 Qui sont ceux d'entre les Candiots que lon nomme Catacaute, cōme qui diroit les brufleurs? Lon dit que quelques Tyrreniens aians ray & enleué par force vn nombre de filles & de femmes des Atheniens, du bourg de Brauron, quād ils habitoient és Isles de Imbros & de Lemnos en furent depuis chassez, & s'en allerent prendre terre en la coste de la Laconie, là où ils eurent accointāce avec les femmes du païs, iusques à en auoir des enfans: au moien dequoy ils deuindrent à la fin suspects & maluoulus des naturels habitans, si qu'ils furent contraints d'abandonner la Laconie, & de se retirer en Candie, sous la conduite de Pollis & de son frere Crataidas, là où faisans la guerre à ceux qui tenoient le païs, ils laissoient plusieurs corps de ceux qui mouroient aux rencontres, gisans sur la terre, sans leur donner sepulture du cōmancement, pour ce qu'ils n'auoient pas le loisir, à cause de la guerre qui les tenoit tousiours sur bout, & pour le danger qu'il y auoit à aller enleuer les corps, & aussi depuis pour ce qu'ils auoient horreur de toucher à ces patures corps qui estoient tous puants & infects, se fondans au Soleil, pour le long tēps qu'ils estoient sur la terre: parquoy Pollis s'aduisa d'inuenter quelques honneurs, quelques priuileges, exemptions & immunitiez, qu'il dōna partie aux presbtres des Dieux, & partie à ceux qui enseueliroient les morts, en attribuant & consacrant ces prerogatiues à quelques Deitez terre-

stres, à celle fin qu'elles en fussent plus durables, & non subiectes à estre ostees. Depuis il en feit partage avec son frere, & furent les subiects qui escheurent par le sort, à l'vn les prestres: & les autres, les Catacautes, c'est à dire, les brusleurs, pour ce qu'ils brusloient les corps des morts, lesquels se gouuernoient à part avec leurs loix & discipline particuliere, en laquelle outre les autres honnestetez dont ils vsoient parmy eux, ils n'estoient point subiects à certains crimes & forfaitures, ausquelles tous les autres Candiots sont communément addonnez, comme de courir, voler, & piller, les vns sur les autres: car ceux la ne s'entrefaisoient aucun tort, ny ne deroboient & ne rauissoient rien de l'autrui.

22 Qu'est-ce que la sepulture des enfans empres les Chalcidiens? Cothus & Arclus enfans de Xuthus vindrent iadis pour habiter en l'Isle d'Eubœe, laquelle estoit pour la plus part possedee par les Æoliens. Or auoit Cothus eu vn oracle par lequel il luy estoit promis, que ses affaires se porteroient heureusémēt, & qu'il viendrait au dessus de ses ennemis, s'il achettoit le pais. Parquoy estât descendu en terre avec peu de ses gens, il trouua de petits enfans qui se iouoient sur le bord de la mer: il se meit à iouer avec eux, & à leur faire caresse, en leur mōstrant plusieurs petits affiquets & iouets non vsitez en ce quartier la, & voiant que ces enfans auoient grande enuie de les auoir, il leur dit qu'il ne les leur dōneroit point autrement, s'ils ne luy bailloient en eschange de leur terre: les enfans adonc

A adonc prenans de la terre à deux mains la luy bail-
lerent, & aians auffi receu de luy ces iouets s'en al-
lerent. Les Æoliens aians entendu ce faict, & quāt-
&-quant voians leurs ennemis qui leur venoient
courir sus par la mer, furent si desplaisans & si
marris, qu'ils en feirent mourir ces petits enfans:
lesquels furent inhumez au long du grand chemin
par où lon va de la ville au destroit de la mer, qui
se nomme Euripus. Voila pourquoy le lieu en est
appellé la sepulture des enfans.

B 23 Qu'est-ce que lon appelle Mixarchageuas
en la ville d'Argos, & qui sont ceux que lon nom-
me Elasiens? Ils appellent Castor Mixarchageuas,
& pensent qu'il soit ensepuely en leur pais. Et
quant à Pollux, ils le reuerent & adorent comme
vn des Dieux celestes. Au demourant ils appellent
Elasiens certains demy-Dieux qu'ils reclament
pour diuertir les Apoplexies, lesquels ils estiment
estre descendus de Alexide fille d'Amphiaraus.

C 24 Qu'est-ce que les Argiës appellēt Engnisma?
Ceux qui ont perdu quelqu'un de leurs parens ou
de leurs amis ont accoustumé incontinent apres
leur deuil finy de sacrifier à Apollo, & trente iours
apres à Mercure: car ils estiment que tout ainsi cō-
me la terre reçoit les corps des trespasses, aussi fait
Mercure les ames: & dōnans au ministre d'Apollo
de l'orge, ils reçoient de luy au lieu vne piece de
chair de l'ostie immolee: & estaignās le premier feu
comme estant pollū, ils en vont querir d'autre ail-
leurs, avec lequel ils rostissent leur chair, laquelle
ils appellent engnisma, cōme qui diroit, du Rosty.

escrit au-
ement au
ve de la
uriosité, à
fin.

25 Qu'est-ce qu'Alastor, Aliterios, & Palam-
neus? Il ne faut pas croire que ce soit ce que quel-
ques vns veulent dire, celuy qui en temps de fami-
ne va espier ceux qui en leurs maisons meulent du
bled, & qui le rauissent & emportent à force: ains
faut penser que Alastor soit celuy qui a commis
des malefices Alasta, c'est à dire, non oubliables, &
dont il sera memoire iusques à bien long temps.
Aliterius est celuy qui pour sa meschanceté est di-
gne d'estre fuy de tout le monde, qui s'appelle aussi
autrement Palamneus. Socrates dit que cela estoit
ainsi escrit en des tables de cuiure.

26 Que veut dire ce, que les filles qui accom-
pagnent ceux qui emmeinent le bœuf de la mon-
tagne de Ænus, vers la ville de Cassiopee, vont
chantant iusques aux confins,

Plus reuenir iamais ne puissiez vous,

En vostre cher pais avec nous?

Les Ænianiens estans chassés par les Lapithes, pre-
mierement s'habituerent aupres de Æthacia, &
depuis en la Molosside, aupres de Cassiopee, mais
n'y trouuans rien de bon venant de la terre, & y
aians de mauuais voisins, ils s'en allerent en la plai-
ne de Cirrha, sous la couduirte de leur Roy Ono-
clus: mais là se trouuans surpris de secheresse mer-
ueilleuse, ils enuoyerent à l'oracle, qui leur com-
manda, à ce que lon dit, de lapider leur roy Ono-
clus: comme ils feirent, & puis se remeirent dere-
chef à chercher terre où ils peussent demourer, ius-
ques à ce qu'à la fin ils arriuerent en la contree où
ils sont habitez de present, où la terre est bonne
& fertile

A & fertile de tous biës. Voila pourquoy à bon droit ils souhaitent & prient aux Dieux, que iamais plus ils ne retournēt en leur anciē païs, ains qu'ils puissent tousiours demourer là en toute prosperité.

27 Pourquoy est-ce que à Rhodes il n'est pas permis au herault d'entrer au temple d'Ocridion? Est-ce point pourautant que iadis Ochimus fiancea sa fille Cydippe à Ocridion, & que Cercaphus, qui estoit frere d'Ochimus, estant amoureux de Cydippe persuada au herault (pour ce qu'en ce temps là, la coustume estoit de faire demander les B filles en mariage, & les faire amener par les heraults) que quand on la luy auroit consignée, il la luy amenaist. Ce qui fut faict: ainsi Cercaphus aiant la fille, s'enfuit à tout: mais depuis quād Ochimus fut fort vieil, Cercaphus retourna: & depuis ce temps là les Rhodiens feirent vn statut & ordonnance, que iamais heraut n'entraist dedans le temple d'Ocridion, pour la meschanceté qui auoit esté commise encontre luy.

28 Pourquoy est-ce qu'en la ville des Tenediens il n'est pas loisible à vn ioueur de flustes entrer dedans le temple de Tenes, ne d'y faire aucune mention d'Achilles? Est-ce pourautant que la belle mere de Tenes, l'ayant accusé d'auoir voulu coucher avec elle, Molpus ioueur de flustes tesmoigna faulsemēt contre luy qu'il estoit vray, au moien dequoy il fut contraint de s'enfuir avec sa sœur, en la ville de Tenedos: Et au reste lon dit que Thetis, mere d'Achilles, luy auoit tresexpressēmēt & à certes defendu, qu'il se gardast bien de tuer

Tenes, pour ce qu'il estoit bien voulu d'Apollo, & D
 qu'il en donnast nommeement la charge à l'un de
 ses seruiteurs qui eust l'œil à le conseruer & le luy
 raméteuoir, de peur que par mesgarde ou oubliâce
 il ne luy aduint de le faire mourir : mais en courant
 la ville de Tenedos il apperceut la sœur de Tenes
 qui estoit belle, & Tenes se presentant au deuant
 pour defendre l'honneur de sa sœur, y fut tué, & sa
 sœur durât le combat eschappa, mais Achilles aiant
 recognu Tenes apres qu'il fut tumbé mort, en tua
 son seruiteur, d'autant qu'estant sur le lieu present
 au combat il ne luy auoit pas ramentu, & inhuma E
 Tenes au lieu où maintenant est assis son temple.
 Voila pourquoy ny ioueur de fleutes n'y peult en-
 trer, ny Achilles y estre nommé.

29 Qu'est-ce que les Epidamniens, qui sont
 ceux de la ville de Duras, appellent Poletes, c'est à
 dire, le vendeur ? Les Epidamniens estans proches
 voisins des Esclauons, s'apperceurent que leurs
 bourgeois qui hantoient & trafiquoient avec eux,
 en deuenoient meschans : au moien dequoy crai-
 gnans qu'à la longue cela ne leur apportast quel-
 que remuement à leur estat, ils elisoient tous les F
 ans un des plus hommes de bien de leur ville, pour
 faire tous les contracts & toutes les permutations
 que ceux de la ville pourroient auoir à faire avec
 les Barbares, & celuy la traitant & prattiquant
 avec eux, moiennoit tous les achapts & les ventes
 que ses citoiens auoient à negocier avec eux, & ce-
 luy qui auoit ceste charge s'appelloit Poletes, c'est
 à dire, le vendeur.

A 30 Qu'est-ce que lon appelle en la Thrace le riuage d'Arēnus? Les Andriens & les Chalcidiens estans allez en Thrace pour y choisir lieu à s'habiter, y surprirent ensemble la ville de Sana qui leur fut liuree par trahison, & estans aduertis que les barbares auoient abandonné celle d'Achantus, ils y enuoyerent deux espies pour en sçauoir la verité: ces deux espies s'estans approchez si pres de la ville qu'ils veirent certainement que les ennemis s'en estoient fuis, celuy des Chalcidiens s'y en courut deuāt, comme pour en prendre le premier
B la possession au nom des Chalcidiens: mais celuy des Andriens, voyant qu'il ne le pourroit iamais consuiure à la course, il lancea son iauelot qu'il auoit en la main: le fer duquel s'estant fiché dedans la porte, il s'escria qu'il auoit pris possession de la ville pour les Andriens avec le fer de sa iaueline: sur cela s'estant meu different sans guerre ouuerte entre eux, ils accorderent amiablement, que les Erythreïens, les Samiens & les Pariens, seroient iuges de tous leurs debats & differens: mais pour ce que les Erythreïens & les Samiens iugerent
C pour les Andriens, & les Pariens pour les Chalcidiens: les Andriens feirent en cest endroit la vn solennel serment, avec imprecations & maledictiōs, que iamais ils ne prendroient femmes d'eux, ny iamais ils ne leur en donneroient: & pour ceste cause ils surnommerent l'endroit de ceste coste, le riuage d'Arēnus, c'est à dire, de malediction, qui parauant s'appelloit le port du Dragon.

31 Pourquoy est-ce qu'à la feste de Ceres les

femmes des Eretriens ne rostissent point leur chair D au feu, mais au Soleil, & qu'ils ne l'y appellét point Calligenia? Est-ce point pourautant que les Dames Troiennes, que le Roy en emmena captiues, celebrerent celle feste en ce lieu la, mais pour ce que le temps se trouua à propos pour faire voile, elles furent contrainctes de s'embarquer à la haste, en laissant leur sacrifice imparfaict?

32 Qui sont ceux qui s'appellent Ainauté en la ville de Milet? Apres que les tyrans Thoas & Damasenor y eurent esté desfaicts, il se leua deux parts & deux liguees en la ville, l'une qui s'appella E Ploutis, & l'autre Chiromacha: à la fin celle de Ploutis, qui estoient les plus riches & plus puissans de la ville, demoura la maistresse, & se saisit de l'autorité & du gouuernement. Et pour ce que quand ils vouloient consulter des plus grands affaires, ils montoient en mer sur des vaisseaux, & s'eslargissoient bien loing de la terre: puis apres qu'ils auoient resolu & arresté entre eux ce qu'ils auoient à faire, ils s'en retournoient, ils en furent surnommez Ainauté, qui est autant à dire comme, tousiours nauigans. F

33 Pourquoy est-ce que les Chalcidiens appellent vn certain lieu de leur ville, l'assemblée des gaillards? Nauplius, à ce que lon dit, estant chassé & pourfuiuy par les Acheiens, se retira en franchise de suppliant deuers les Chalcidiens: là où il respondit en partie à ce que les Acheiens luy mettoient sus, & en partie il vsa de recrimination contre eux, les accusant d'autres malefices: parquoy

A quoy les Chalcidiens n'aïans aucune volonté de le rendre, mais craignans que lon ne le tuaſt en trahiſon, luy donnerent pour ſa garde les plus gail-lards ieunes hommes qui fuſſent en leur ville, leſ-quels ils logerent en ce lieu là, à fin qu'ils fuſſent touſiours enſemble, & qu'ils gardaſſent Nauplius.

34 Qui eſt celuy qui immola vn bœuf à ſon bienfaiteur? Il y auoit iadis à l'ancre au long de l'Iſle d'Ithaque vne nauire de courſaires, dedans laquelle eſtoit vn vieillard qui auoit force pots de terre pleins de poix: or aduint que vn pauure ma-rinier nommé Pyrrhias, qui gaignoit ſa vie à paſ-ſer les gens çà & là, arriua là, qui ſauua le vieillard, non pour profit qu'il y pretendiſt, mais à ſon in-ſtante requeſte, & pour pitié qu'il en eut: & bien qu'il n'y euſt pretendu aucun profit, ſi eſt-ce que le vieillard le preſſa de prendre de ces pots de ter-re: & quand les courſaires ſe furent vn peu retirez, & que le vieillard ſe veit en liberté, il amena Pyr-rhias, & luy monſtra comme dedans ces pots il y auoit force or & argent meſlé parmy. parquoy Pyrrhias eſtant ainſi ſoudainement deuenu riche
C & opulent, traitta bien le vieillard en toute autre choſe, & meſmemēt luy ſacrifia vn bœuf: ce qu'ils diſent encore en maniere de commun prouerbe, Nul ne ſacrifia oncques bœuf à ſon bienfaiteur, ſi-non Pyrrhias.

35 Pourquoy eſtoit-ce que les filles des Bot-tiēſiens auoient accouſtumé de dire cōme vne ma-niere de refrein, Allons nous-en à Athenes? On dit, que les Candiots anciennement aïans fait

vœu enuoyerent les primices de leurs hommes à D
 Apollo en Delphes, lesquels voians qu'ils n'auoiēt
 aucun moien de viure là, se delibererent de cher-
 cher quelque endroit où ils peussent bastir & fon-
 der quelque ville : si s'en allerent premierement
 habiter en Iapygie, & de là puis apres vindrent oc-
 cuper l'endroit de la Thrace où ils sont encore
 maintenant, aians des Atheniens meslez parmy
 eux : car il semble que Minos ne faisoit pas mou-
 rir les ieunes iouuenceaux que les Atheniens luy
 enuoyoit par forme de tribut, ains les tenoit
 pour seruiteurs : quelques vns doncques estans is-
 sus de ceux la, & tenus pour naturels Candiors, E
 furent quand & eux enuoyez en la ville de Del-
 phes : voila pourquoy les femmes des Bottiēiens,
 pour souuenance de leur extraction, alloient ainsi
 chantant és iours de leurs festes, Allons nous en
 à Athenes.

36 Pourquoi est-ce que les femmes des Æliēs
 en chantant les louanges de Bacchus, le prient de
 s'en venir avec pied de bœuf vers elles? Les paroles
 de l'hymne sont telles, Plaise toy venir, Sire Bac-
 chus, en ce tien saint temple maritime, amenant F
 quand & toy les Graces, courant avec ton pied de
 bœuf: & puis ils y adioustent par deux fois, Digne
 Taureau, digne Taureau? Est-ce pourautant que
 quelques vns appellent ce Dieu, fils de vache, &
 les autres Taureau, ou si c'est à dire avec son grand
 pied, comme Homere appelle Boopis, c'est à dire,
 œil de bœuf, la femme qui a l'œil gros, & Bugeus
 celuy qui a le cœur grand: ou plustost pour ce que
 le pied

A le pied de bœuf ne fait aucun dommage, là où toute beste qui porte cornes en est dangereuse, ainsi le prient & le reclament elles de venir à elle doulx & gracieux: ou c'est pource que plusieurs estiment, que ce a esté luy qui premier a enseigné aux hommes à labourer la terre & à semer les bleds.

37 Pourquoi est ce que les Tanagréiens ont deuant leur ville vn temple, qu'ils appellent Achilium? car on dit qu'il eust en sa vie plustost haine qu'amitié alencontre de ceste ville là, apres qu'il en eut rauy & emmené Stratonice la mere de Pœmander, & tué Acestor fils d'Ephippus. Pœmander le pere d'Ephippus, estant encore la prouince Tanagréique habitee par bourgades seulement, estant assiégué par les Acheiens en vn lieu qui s'appelloit Stephon, pour autant qu'il ne vouloit pas aller à la guerre quand & eux, il abandonna ce lieu là, & alla bastir la ville de Pœmandrie. Son Architecte Polycritus y estoit, qui alloit mesprisant tout son ouurage, iusques à saulter par dessus le fossé par mocquerie: dequoy Pœmander se sentant picqué & irrité, luy voulut ietter à la teste
C vne grosse pierre, qui estoit là cachee, que lon souloit mettre d'ancienneté dessus les sacrifices nocturnes. Pœmander n'en sçachant rien l'arracha à force & la ietta, & aiant failly d'en assener Polycritus, il en tua son fils Leucippus. Or falloit il, suiuant la loy & coustume pour lors obseruee par toute la Grece, qu'il sortist hors du pais de la Bœoece en estat de banny, errant, pour homicide fortuitement par luy commis en la personne d'un sien parent: ce

qui n'estoit pas facile à faire lors, pourautāt que les D
Acheiens estoient entrez en armes dedans la con-
tree Tanagraïque: si enuoya son fils Ephippus par
deuers Achilles pour le prier, lequel feit tant par
prieres & remonstrances, qu'il le mena deuers son
pere, & avec luy Tlepolemus fils d'Hercules, &
Peneleus fils d'Hippalcmus, qui estoiet tous leurs
parens: par lesquels Pœmander fut conduit & ac-
cōpagné iusques à la ville de Chalcide, là où il fut
absouls & purgé de ce meurtre par Elphenor: en
memoire duquel benefice il honora depuis tous
ces princes la, en leur faisant à chascun bastir vn tē-
ple, dont celuy d'Achilles dure en son entier ius-
ques aujour d'huy, & retient encore son nom.

38 Qui sont ceux que les Bœotiens appellent
Pfoloes, & qui les Æolies? Lon dit que les fil-
les de Minyas, Leucippé & Arfinoé & Alcathoé
estans deuenues enragees & hors du sens, eurent
enuie de manger de la chair humaine, & qu'elles
tirerent au sort entre elles de leurs enfans: le sort
estant tombé sur Leucippé, elle bailla son fils Hip-
pasus pour deschirer & demembrer: à l'occasion
dequoy leurs marits saisis de tristesse & de douleur F
se vestirent de deuil, & en furent appelez Pfoloes,
Æolies & Oeonoloes: d'où vient que iusques au-
jour d'huy les Orchomeniens appellent encore
ainsi les femmes qui sont descendues de leur race,
& de deux en deux ans, és iours de festes qui s'ap-
pellent Agrionia, le presbtre de Bacchus court
apres l'espee traicte en la main, & les fait fuir, & luy
est permis de tuer celle qu'il en peut attraper: & de
faict

A faict Zoilus estant leur presbtre de mon temps en rua vne, dōt toutefois il ne leur aduint rien de bien: car Zoilus luy mesme tombant malade d'un petit vlcere, apres en auoir esté mangé longuement, à la fin encore en mourut: & les Orchomeniens en estants aussi en commun tombez en calamitez & condamnations publiques, osterent la presbtrise à celle race la, & la donnerent au plus homme de bien qu'ils peurent choisir entre eulx.

39. Pourquoi est-ce que les Arcadiens assomment à coups de pierres ceulx qui de propos delibéré entrent dedans le pourpris de Lyceum, & enuoyent en la ville de Eleutheres ceux qui y entrent par ignorance? Est-ce point pour ce que ceulx la sont tenus pour absoulz & deliurez qui le font par ignorance, & pour raison de leur absolution, ceste maniere de parler, de les enuoyer à Eleutheres, est venue en vsage, pour ce que Eleutheres signifie deliurace? Et est ceste façon de dire semblable, comme quand on dit, Tu iras au lieu du peu soucié, ou au manoir du plaisant. Ou si c'est suiuant le conté que lon fait, qu'il n'y eust des enfans de Lycæon, que Eleuther & Lebeadus, qui ne furēt point participāts du crime que leur pere commeit alencontre de Iupiter, ains s'enfuirent au pais de la Bœoce: en signe dequoy les Lebadiens ont encore commune bourgeoisie avec les Arcadiens. Voila pourquoi ils enuoyent en Eleutheres ceulx qui fortuitement, sans y penser, sont entrez dedans le pourpris sacré à Iupiter, dedans lequel il n'est loisible à personne de marcher. Ou bien, ainsi com-

me escrit Architimus en ses chroniques d'Arcadie, D
il y en eut iadis quelques vns qui ignorammēt en-
trèrent dedans ce parc, lesquels furent liurez aux
Phliasiens, les Phliasiens les baillerent aux Mega-
riens, de Megare ils furent portez à Thebes : mais
ainsi qu'on les portoit ils furent arrestez à Eleu-
theres par rauage de pluyes, de tonnerres, & d'au-
tres signes celestes : à raison duquel accident au-
cuns veulent dire que la ville en eust le nom d'E-
leutheres. Au demourant quant à ce qui se dit, que
l'vmbre de celuy qui entre dedans ce pourpris ne
tombe point à terre, il n'est pas veritable, mais si a il
pourtant esté tenu & creu pour chose fort vraye &
asseuree. Est-ce point qu'on voulust entendre que
l'air s'obscurcist incontinent, & se contristast de
nuees, quād il y entroit quelqu'un, ou pour ce que
celuy qui y entre est incontinent mis à mort, & les
Pythagoriēs disent, que les ames des morts ne font
point d'vmbre ny ne sillent point : ou bien pour-
ce que c'est le Soleil qui fait l'vmbre, & la loy du
pais oste la veuë du Soleil à celuy qui y entre, ainsi
ils veulent entēdre cela sous la couuerture de ces
paroles, car mesme celuy qui est attainct d'y auoir
entré s'appelle Elaphos, c'est à dire, le cerf : &
pourtant Cantharion Arcadien s'en estant fuy de-
uers les Eliens qui lors faisoient la guerre aux Arca-
diens, & estant passé avec le butin qu'il auoit gai-
gné en vne course par le trauers de ce saint lieu,
comme, apres que la guerre fut finie, il se fust retiré
en Lacedemone, les Lacedemoniens le rendirent
aux Arcadiens par commandement de l'oracle qui
leur

A leur enioignit & manda de rendre le cerf.

40 Qui est en la ville de Tanagre le demydieu qu'ils appellent Eunostus? & pourquoy est-ce que les femmes ne peuuent entrer dedans son verger? Cest Eunostus fut fils de Elieus fils de Cephisus, & de Sciade, qui fut ainsi nommé par vne Nymphé Eunoste qui le nourrit, & estant beau & iuste, il estoit encore plus chaste & austere en sa vie: toutefois on dit que l'une des filles de Colonus sa cousine deuint amoureuse de luy, & cōme elle le priaist d'aimer, Eunostus la repoulsa avec iniures, luy
B disant qu'il l'accuseroit enuers ses freres. Ce que la fille craignant, le preuint, & alla elle mesme premiere le calomnier enuers ses freres Ochemus, Leon & Bucolus, qui en furent tellement irritez contre Eunostus, qu'ils le tuerent, comme aiant par force violé leur sœur. Ces freres doncques luy aiant dressé embusche, le tuerent en trahison: parquoy Elieus les meit en prison, & Ochne se repentant de ce qu'elle auoit fait, & s'en trouuant toute perturbée, pour se deliurer de la douleur qu'elle souffroit à cause de son amour, & quant &
C quant aiant pitié de ses freres emprisonnez, alla decouurir à Elieus toute la verité, & Elieus à Colonus, par sentence duquel les ieunes hommes furent bannis, & elle se precipita volontairement du hault d'un rocher, ainsi que recite Myrtis vne poëtesse en ses vers. De là est que le temple & le parc & verger de cest Eunostus est depuis demouré inaccessible, & non approchable aux femmes, tellement que souuent quand il aduient ou de grands

tremblements de terre, ou de grandes seïcheresses, D
ou autres prodiges celestes, les Tanagréiens recher-
chent & enquierét fort soigneusemēt, fil y a point
eu quelque femme qui se soit approchée de ce lieu.
Et disoient aucuns, entre lesquels estoit Clidamus
personnage illustre, qu'ils auoient rencōtré en leur
chemin Eunostus qui s'en alloit se lauer en la mer,
pour ce que vne femme auoit entré dedās son san-
ctuaire. Diocles mesme, au traitté qu'il a composé
des demi-dieux, fait mention d'un edict & ordon-
nance faite par les Tanagréiens, sur ce que Clida-
mus leur auoit denoncé. E

41 D'où est-ce que au pais de la Bœoce la ri-
uiere qui passe par Eleon a esté appelée Scaman-
der? Deimachus fils d'Eleon, & familier d'Her-
cules, fut avec luy à la guerre de Troie, mais ceste
guerre allant en longueur, la fille de Scamander,
nommee Glaucia deuint amoureuse de luy, & luy
s'accordant avec elle l'engrossa: depuis il aduint
qu'il mourut en combattant contre les Troiens, &
Glaucia craignāt que Hercules n'apperceust d'ail-
leurs comment elle estoit enceinte, elle mesme re-
courut à luy, & luy declara comme elle auoit esté F
surprise de son amour, & comme elle auroit eu af-
faire avec Deimachus. Hercules, tant pour la pitié
de la pauvre femme, que pour l'aise qu'il eut de ce
qu'il estoit demouré de la semence d'un vaillant
homme, & qui auoit esté son familier amy, em-
mena quand & luy Glaucia dedans ses vaisseaux,
laquelle s'accoucha d'un beau fils, & la mena au
pais de la Bœoce, là où il la cōsigna entre les mains
de

A de Eleon, elle & son fils: le fils fut appellé Scamander, qui fut Roy du pais, & surnomma le fleuve d'Inachus Scamander de son nom, & vn autre petit ruisseau d'aupres, Glaucia, du nom de sa mere: & la fontaine Acidusa, du nom de sa femme: de laquelle il eut trois filles, lesquelles on honore encore iusques aujour d'huy au pais, & les appelle lon les pucelles.

42 Dont est venu ce que lon dit en commun » prouerbe, Ceste cy l'emporte? Dino Tarentin estant Capitaine, & tresvaillant homme de sa personne en guerre, comme ses citoiens eussent par leurs voix & suffrages reietté vn aduis qu'il auoit proposé, comme le herault eust proclamé à haulte voix, la part qui l'emportoit, luy mesme haulsant la main droite, Ceste cy, dit il, l'emportera: ainsi le recite Theophrastus: mais Apollodorus y adiouste en son Rythme, que comme le herault eust proclamé, Ces cy (entendant des voix du peuple) sont plus: mais ces cy, dit il, sont meilleures: & qu'en ce faisant il cōfirma la resolution de ceux qui estoient en moindre nombre.

c 43 Dont a esté la ville des Ithacesiens appellee Alalcomena? Plusieurs ont escrit qu'Anticia estât encore fille fut forcee par Sisyphus, & qu'elle en cōceut Vlysses: mais Hister Alexandrien escrit d'auātage en ses Cōmentaires, qu'ayant esté dōnee en mariage à Laërtes, & emmenee en la ville d'Alalcomenion en la Bœoce, elle y enfanta Vlysses, qui depuis renouuelant la memoire de la ville où il estoit né, appella celle qui est en Ithaque de son nom.

44 Qui sont ceulx que lon appelle Mono-^Dphages, c'est à dire, mangeants seuls, en la ville d'Ægine? Plusieurs des Æginetes qui furent à la guerre de Troye y moururent és rencôtres, & plus encore y en eut qui furent noyez par la tourmente au voyage : mais ceulx qui retournerent en petit nombre, furent recueillis par leurs parents & amis, lesquels voians que tous les autres bourgeois estoient en tristesse & en deuil, penserent qu'ils ne se deuoient pas resiouir ny faire sacrifices aux Dieux manifestement, ains secretement : & ainsi chascun à part en son priué receuoit les siens, & leur^E faisoient bancquets & festins, esquels ils seruoient eulx mesmes leurs peres, leurs freres, leurs parents & amis, sans qu'aucun estranger y fust admis : à l'imitation dequoy ils font encore tous les ans des sacrifices à Neptune par assemblees secretes, qu'ils appellent Thiasés, esquelles ils s'entrefestoyent en priué l'espace de seize iours durant, sans mener bruit, & n'y entre pas vn seruiteur ny esclaué, & puis à la fin ils font vn solennel sacrifice à Venus, & ainsi mettent fin à leur feste. voila dequoy & pourquoy ils sont appelez Monophages. ^F

45 Pourquoy est-ce qu'au pais de Carie l'image de Iupiter Lebradien est faite tenāt en la main vne coignée haussée, non pas vn sceptre ny vne foudre, comme ailleurs? C'est pour ce que Hercules aiant tué l'Amazone Hippolyte, & entre ses autres armes aiant gaigné sa coignée, en fait vn present à Omphale, laquelle tous les Roys de Lydie qui furent depuis Omphale, porterent, comme chose

A chose sainte & sacree, qu'ils auroient eüe par succession de main en main de leurs peres, iusques à ce que Candaules dedaignant de la porter, la donna à porter à l'vn de ses amis. Depuis il aduint que Gyges se soubs-leua en armes contre luy, & à l'aide de Arfelis, qui luy amena vn grand secours de gens de guerre de la ville de Myles, il desfeit Candaules & le fait mourir avec celuy sien amy, auquel il osta la coignee, & l'emporta en la Carie avec les autres despouilles, & aiât fait faire vne image de Iupiter, il luy meit en main celle coignee : à raison de laquelle il le surnomma Lebradien, d'autant que les Cariens appellent vne coignee Lebran.

46 Pourquoy est-ce que les Trallianiens appellent le grain que lon nomme Ers, purgateur, & en vsent principalement, & plus que de nul autre, en leurs cerimonies de purgation & de purification? Est-ce point pour autant que les Minyiens & les Lelegiens les aiants chassez ancienement, occuperent leurs villes & leurs pais? mais les Trallianiens depuis y retournans furent les plus forts, & furent les Lelegiens tuez en la bataille, exceptez **c** ceulx qui se sauuerent à la fuitte, & qui pour leur foiblesse, ou par faulte qu'ils n'eussent sceu trouuer moien de viure ailleurs, demourerent là : desquels ne faisans aucun compte, s'ils viuoiet ne s'ils mourroient, ils feirent vn statut, que celuy des Trallianiens qui tueroit vn Lelegien ou Minyien, en seroit absouls & purgé, en payant aux parents du mort vn boisseau d'ers.

47 Pourquoy est-ce que lon dit, par maniere

de cōmun prouerbe, entre les Eliens, Souffrir plus de maux que Sambicus ? Lon dit qu'il fut iadis vn natif de la ville d'Elide nommé Sambicus, lequel aiant soubs luy beaucoup de complices, rompit plusieurs des images de bronze qui sont en la ville d'Olympie, & en vendit le cuyure, & que finalement il passa iusques à piller le Temple de Diane quelon surnomme Veillante. Ce temple est dedans la ville d'Elide, & l'appelle lon Aristarchium. Apres ce notable sacrilege il fut incontinent surpris, & le gehenna lon tout vn an durant, pour luy faire declarer tous ceulx qui auoient esté ses compaignons & complices, & mourut en ces tourmets, dont est depuis ce cōmun prouerbe venu en vſage.

48 Pourquoi est-ce, qu'en Lacedemone ioinnant le temple des Leucippides est celuy d'Vlyſſes ? Hergieus l'vn des descendans de Diomedes, à la suscitation & persuation de Temenus desroba d'Argos l'image de Pallas, du sceu & avec l'aide d'vn Leager qui estoit familier de Temenus, lequel depuis estant tombé en quelque inimitié & courroux alencontre de ce Temenus, s'enfuit en Lacedemone avec ceste image, que les Roys receurent bien volontiers, & la posèrent pres du Temple des Leucippides, puis enuoyerent en Delphes deuers l'oracle, pour enquerir comment ils la pourroient sauuer & garder. L'oracle leur feit response, qu'ils la baillassent en garde à l'vn de ceulx qui l'auoient desrobée : à l'occasion dequoy ils bastirent en cest endroit la le Temple d'Vlyſſes, où ils la meirent : ioint qu'ils estimoient qu'Vlyſſes appartenoit de quelque

A quelque chose à leur ville, à cause de sa femme Penelope.

49 Pourquoi est-ce que les dames Chalcedoniennes ont accoustumé quand elles rencontrent quelques hommes estrangers, mesmement si ce sont Magistrats, de cacher l'une de leurs iouës? Ceux de Chalcedoine eurent iadis la guerre contre leurs voisins les Bithyniens, prouquez de toutes les sortes d'iniures & de torts que lon le scauroit estre, tellemēt que du temps du Roy Zipætus avec toute leur puissance, & encore avec un gros secours de Thraciens, ils coururent, pillerent & bruslerēt tout son pais, mais à la fin ce roy Zipætus leur donna la bataille aupres d'un lieu nommé Phalium, là où ils se porterent mal, tant pour leur presomptueuse arrogance, que pour le mauuais ordre qui estoit parmy eulx, tellement qu'ils y perdirent huit mille hommes; toutefois ils n'y furent pas totalement desfaits, pour ce qu'en faueur des Byzantins Zipætus leur ottroya appointment de paix. Mais la ville estant fort deserte & desnuee d'hommes, il y eut plusieurs femmes qui furent contraintes de se remarier à des serfs affranchis, les autres à des estrangers venus d'ailleurs habitants en leurs villes, les autres aimants mieulx demourer en viduité sans marits, que de choisir de telles noçes, faisoient par elles mesmes ce qu'elles auoient à traitter & depescher deuant les iuges ou deuant les Magistrats, en retirant seulement vne partie du voile qui leur couuroit le visage: les autres qui festoient remariees les imitans en cela,

comme celles qui valioient mieulx qu'elles, amenerent ceste façon de faire en coustume.

50 Pourquoy est-ce que les Argiens amènent les ouïailles deuant le Temple d'Agenor, quand ils les veulent faire saillir aux beliers ? Est-ce point pourautant que Agenor a tresbien entendu comment il falloit traiter les moutons, & a eu de plus grands troupeaux de bestes blanches qu'autre Roy qui fust oncques ?

51 Pourquoy est-ce que les enfans des Argiens en vne certaine feste s'entre-appellent par ieu Bal-lachradas, qui vault autant à dire, comme, ietteurs de pommes sauages ? Est-ce point pourautant que les premiers qui furent par Inachus amenez des montagnes en la plaine se nourrissoient de ces pommes sauages ? & dit on que ces pommes sauages se trouuerent premierement dedans le Peloponese qu'en autre partie de la Grece, & que lors le Peloponese s'appelloit Apia : voila d'où vient que depuis on a surnommé ces pommes sauages, qui communément se nomment Achrades, Apies.

52 Pourquoy est-ce que les Eliens, quand ils ont des iuments chauldes les meinent hors de leurs confins pour les faire saillir aux cheuaulx ? Est-ce point pour ce qu'Oenomaus a esté le prince qui plus a aimé les cheuaulx, & qui a pris plus de plaisir à ceste beste la, fait de grandes imprecations & maledictions alencontre des cheuaulx qui couuroient les iuments en Elide ? Et pour ce craignans de tomber en celles maledictions, ils les eurent par ce moien d'acquit.

A 53 Pourquoi est-ce que la coustume estoit parmy les Gnostiens, que ceulx qui empruntoient de l'argét à vsure, le rauissoient à force? Estoit-ce point à fin que s'ils venoient à renier la debte, & à vouloir frustrer l'vsurier de son argent, il peust agir de volerie contre eulx, & qu'ils fussent par ce moien d'auantage punis?

54 Pourquoi est-ce qu'en la ville de Samos ils appellent, la Venus de Dexicreon? Est-ce point pourautant que comme iadis les femmes des Samiens fussent perdues de luxure, desbauchees & lubriques en toute extremité, il y eut vn Dexicreon triacleur, qui par ie ne sçay quelles cerimonies & sacrifices expiatoires les en guarentit? ou pour ce que ce Dexicreon, estant marchād traffiquant par mer, s'en alla pour traffiquer en l'Isle de Cypre, & comme il fut prest à charger sa nauire, Venus s'apparut à luy, qui luy commanda de charger d'eau seulement & non d'autre chose, & incontinent se mettre à la voile? ce qu'il feit, & aiant mis grande quantité d'eau dedans son vaisseau, s'en partit. Quand ils furent en haulte mer il y eut vn calme c si grand, que ne tirant vent ny haleine par plusieurs iours, les autres mariniers & marchands cuyderent tous mourir de soif, n'eust esté qu'il leur vendit de son eau, dont il tira vn grand argent, & en feit depuis faire vne image de Venus, qu'il appella de son nom, la Venus de Dexicreon. Et si cela est veritable, il semble que la Deesse en cela ne voulut pas seulement en enrichir vn, mais sauuer la vie à plusieurs par le moien d'vn.

55 Pourquoi est-ce qu'en l'Isle de Samos ^D quand ils sacrifient à Mercure, qu'ils furnomment Charidotes, c'est à dire, donneur de ioye, il est permis à qui veult de desrober & de destrousser les passans? C'est pour ce qu'anciennemēt par le commandement d'un oracle, ils sortirēt de Samos pour aller en Mycale, là où ils s'entreteindrent & vescu-
rent dix ans durant de courses & de larcins sur la mer, & depuis retournans de rechef à Samos, ils y obtindrent la victoire contre leurs ennemis.

56 Pourquoi est-ce que lon appelle vn certain endroit de l'Isle de Samos Panæma, c'est à dire, tout sang? Est-ce pourautant que les Amazones ^E fuyans la fureur de Bacchus se sauuerent du pais des Ephesiens en cest Isle de Samos, & luy aiant fait bastir & assembler des vaisseaux, les y poursuivit & leur donna la bataille, où il en tua grand nombre, enuiron ce lieu la, lequel pour la quantité de sang respandu, ceulx qui le voyoient, par admiration l'appelloient Panæma? Et dit on que de celles qui y furent tuees, aucunes vindrent mourir autour de Phlœum, & y monstre lon de leurs os: & veulent dire quelques vns, que le Phlœum en fut ^F rompu mesme de ce temps la, tant elles cryerent d'une voix haulte, forte & penetrante.

57 D'où vient que à Samos on appelle vne falle Pedetes? Apres que Demoteles eut esté tué, & sa monarchie & tyrannie ruinee, les Senateurs festans saisis du gouuernement, les Megariens al-
lerent faire la guerre à ceux de Perinthe, qui sont extraits & issus des Samiens, portās quand & eulx
des

A des fers pour mettre aux pieds des prisonniers : ce qu'entendants les Senateurs leur enuoyerent incontinent du secours en toute diligence, aians esleu neuf Capitaines , & armé trente nauires , desquelles deux , ainsi comme elles vouloient faire voile, furent frappees de la foudre, & perirent tout deuant le port: mais toutefois les Capitaines poursuuants leur voyage avec les autres, vainquirent les Megariens en bataille , & en prirent six cents prisonniers, & aians les cœurs esleuez de ceste victoire , delibérerēt de ruiner le gouuernement des nobles chez eulx: à quoy ceux mesmes qui auoient le gouuernement en main leur donnerent occasion, leur escriuant qu'ils leur amenassent les prisonniers Megariēs enferrez des mesmes fers qu'ils auoient apportez. Aiant doncques receu ces lettres, ils les monstrent & communiquerēt secrettement aux prisonniers Megariens, leur persuadās de se liguer & bander avec eux pour remettre leur ville en liberté, & deliberans entre eulx de la façon d'executer leur entreprise , ils furent d'aduis d'ouurir & lascher les anneaux des fers , & les mettre ainsi aux iambes des Megariēs, & puis les attacher avec des courroyes de cuir à leurs ceintures, de peur que estants laschez & ouuerts ils ne leur tombassent & ne leur fortissent des pieds en chemināt. Ainsi aians accoustré de ceste façō les prisonniers, & leur aians baillé à chascun vne espee , ils se remeirent à la voile vers Samos , là où quand ils furent arriuez & descendus en terre, ils les menerent atrauers la place dedās le Senat, là où estoient tous

les Senateurs assis en conseil : & lors le signe donné, les Megariés se ruèrent sur ces Senateurs, & les ruèrent tous. La ville ainsi deliurée, ils donnerent aux Megariens, qui en voulurent, droit de bourgeoisie, puis firent faire vne grande salle, alentour de laquelle ils pendirent & attacherent les fers, & l'appellerent pour ceste cause Pedetes, c'est à dire, la salle des fers.

58 Pourquoi est-ce qu'en l'Isle de Cos, en la ville d'Antimachie, le prestre de Hercules estant vestu d'une robe de femme, & coiffé d'une coiffe, commande le sacrifice? Hercules estant party de Troye avec six nauires courut fortune, & ses autres vaisseaux rompus & perdus fut ietté par le vent avec vne seule nauire en l'Isle de Co, alendroit qui s'appelle Laceter, n'ayant sauué autre chose que ses armes & les hommes qui estoient dedans son vaisseau : & trouuant vn troupeau de moutons, requit le berger qui les gardoit de luy en donner vn: ce berger s'appelloit Antagoras, qui estant homme puissant & robuste, conuia Hercules à luiicter avec luy, sous condition que s'il le portoit par terre, le mouton seroit à luy. Hercules accepta l'offre, & comme ils furēt aux prises, les Meropiens, qui sont les habitans de l'Isle, vindrent au secours d'Antagoras, & les Grecs de Hercules, de sorte qu'il y eut là vne grosse bataille, en laquelle Hercules se sentant pressé & lassé de la multitude d'ennemis, s'en courut à ce que lon dit à vne femme Thraciene, là où pour se cacher il se deguisa d'une robe de femme : mais depuis estant derechef venu au dessus de
ces

▲ ces Meropiens, apres s'estre purifié il espousa la fille de Alciopus, & prit alors vne belle robbe. Voila pourquoy son presbtre va sacrifier au propre lieu où fut la bataille, & les nouueaux mariez y reçoient leurs espousees en habits de femmes.


59 D'où vient qu'en la ville de Megare il y a des races qui s'appellēt Hamaxocylistes? Du temps que le dissolu & insolent estat populaire, qui ordonna que lon peust repeter les vsures que lon auroit pieça payees, & qui permet le sacrilege, estoit en la ville, il aduint que quelques deputez du Peloponese, pour aller à l'oracle d'Apollo en la ville de Delphes, passants par la prouince Megarique, au pres de la ville d'Ægires, au long du lac verserēt & tomberent de dessus leurs chariots, comme il aduient quelque fois, avec leurs femmes & leurs enfans: là se trouuerent quelques Megariens, qui estants yures furent encore si insolents & si cruels, qu'aiants releué & redressé ces chariots, ils les poulferent dedans le lac, tellement qu'il y eut plusieurs de ces pauures deputez qui y furent noyez. Or les Megariens pour la confusion & le desordre du gouuernement qui pour lors estoit en leur ville, ne feirent compte de venger ceste iniure & ceste forfaiture: mais le conseil des Amphictyons, d'autant que l'ambassade de ces deputez estoit religieuse & sacree, en prit la cognoissance, & chastia les coupables de ceste impieté, les vns de mort, les autres de bannissement, & depuis ceulx qui sont descendus de ceulx la ont esté surnommez les Hamaxocylistes.

COLLATION ABBREGEE D

D'AVCVNES HISTOIRES

Romaines avec autres sembla-
bles Grecques.

*En la marge d'un vieil liure escrit à la main, ces pa-
roles Grecques se treuvent: Ce liure ne fut iamais
de Plutarque, autheur excellent & sçauant, mais
de quelque escriuain vulgaire, & ignorant de
l'art de Poësie & de Grammaire.*



LVSIERS estiment les e
ancienes histoires estre des
fables & côtes faits à plaisir,
pour les estranges faicts qui
sy lisent: mais quant à moy,
aiant trouué beaucoup de
choses aduenues en noz tēps
semblables aux ancienes,

j'ay recueilly quelques vnes de celles du temps des
Romains, & à chascune des ancienes ay subioint la
narration d'autre semblable plus recente, en cottāt
les autheurs qui les ont laissees par escript. F

I DATYS Lieutenant du Roy de Perse estant
descendu en la plaine de Marathon, au pais d'Atti-
que, avec trois cents mille combattants, & y aiant
planté son camp, denonça la guerre à ceux du pais.
Les Atheniens faisans peu de conte de ceste grāde
multitude de Barbares, y enuoyerent neuf mille
hōmes sous la conduite de ces quatre Capitaines
Cynegirus, Polyzelus, Callimachus, & Miltiades.

Si y

A Si y eut bataille, en laquelle Polyzelus, aiant veu vne vision surpassant l'humaine nature, perdit la veüe, & deuint aueugle. Callimachus aiant le corps percé de part en part de plusieurs coups de picque & de iaueline, tout mort qu'il estoit demoura debout, & Cynegirus arrestant vne nauire Persiene, ainsi qu'elle vouloit demarer, y eut les deux mains coupees.

B ASDRUBAL Roy, aiant occupé la Sicile denonça la guerre aux Romains. Et Metellus estant esleu capitaine par le Senat, en obtient la victoire, en laquelle Lucius Glaucio homme noble retenant la nauire d'Asdrubal y perdit les deux mains, ainsi comme l'escriit Aristides Milesien au premier liure des annales de la Sicile, duquel Diodorus le Sicilien a pris le subiect.

2 XERXES estant venu surgir au chef d'Arthemisium avec cinq cens mille combattans, denonça la guerre à ceux du païs: dequoy les Atheniens se trouuans estonnez, enuoyerent pour reconnoistre & espier son armee; Agefilaus le frere de Themistocles, encore que son pere Neocles en dormant eust songé qu'il voyoit son fils aiant perdu les deux mains, & estant arriué au camp des Barbares en habit Persien, il occit Mardonius, l'un des capitaines des gardes du corps du Roy, estimant que ce fut Xerxes: & estant pris par les assistans fut mené lié & garroté au Roy, lequel estoit apres à faire vn sacrifice sur l'autel du Soleil, dans le feu duquel Agefilaus mettant sa main, & y endurant la force du tourment sans crier ny soupirer, le Roy

commāda qu'on le desliaſt, & lors il luy diſt: Tous nous autres Atheniens ſommes de cœur pareil, & ſi tu ne le veux croire, ie mettray encore la gauche dedans le feu: dequoy Xerxes ſe trouuant effroyé, le feit ſoigneuſement garder: ainſi comme eſcrit Agatharchides au ſecond liure des geſtes de Perſe.

PORSENA Roy de la Thoſcane aiant logé ſon camp dela la riuiera du Tybre, faiſoit la guerre aux Romains, & leur coup pant les viures qui ſouloient venir à Rome, trauailloit fort la ville de famine, dont le Senat ſe trouuant eſtonné, Mucius l'un des plus nobles de la ville, avec quatre cens autres de ſon aage tous des meilleures maiſons de Rome, en habit de pauvre homme paſſa la riuiera, & voiant le capitaine des gardes du Tyran qui departoit les viures aux autres capitaines, cuidant que ce fuſt Porſena, le tua. Il fut pris & mené deuers le Roy: il meit ſa main droite dedans le feu, & endurant les douleurs de la bruſſure magnaniment, ne ſ'en fit que rire, en diſant: Roy barbare ie ſuis deliuré, encore que tu ne le veuilles pas, & ſache que nous ſommes quatre cens dedans ton camp qui auons entrepris de te tuer: dequoy Porſena aiant peur, feit appointement avec les Romains: ainſi comme eſcrit Ariſtides le Mileſien au troiſième liure de ſes hiſtoires.

3 Les Argiens & Lacedemoniens ſe faiſans la guerre les vns aux autres, touchant la propriété de la contree de Thyreatide, les Amphictyons iugerent qu'ils ſe donnaſſent bataille, & que le païs appar-

A appartient droit à ceux qui gaigneroient la victoire: parquoy les Lacedemoniens esleurent pour leur capitaine Othryades, & les Argiens Therfander. Ainsi la bataille donnee, il ne demoura des vns & des autres que deux Argiens viuans, Agenor & Chromius, lesquels s'en allerent à la ville porter la nouvelle de leur victoire. Mais ce pendant tout estant coy sur le champ, Othryades aiant encore quelque peu de vie, s'appuyant sur des tronçons de lances rompues prit les boucliers des morts, & en dressa vn Trophee, dessus lequel il escriuit avec
B son propre sang, A Iupiter, garde des Trophees. Sur quoy les deux parties estans en controuerse, les Amphiçtyons se transportans sur les lieux, apres auoir veu le faict à l'œil, adiugerent la victoire aux Lacedemoniens, ainsi que l'escriit Chrysermus au troisiéme liure des Peloponesiaques.

Les Romains aians la guerre alencontre des Samnites, esleurent capitaine Posthumius Albinus, lequel estant surpris en vn pas de montagne fort estroit, qui s'appelle Les fourches Caudines, y perdit trois legions, & luy mesme y estant blessé
C à mort, y perdit la vie: toutefois sur la minuiçt, aiant encore vn peu de vie, il se leua, & ostant les boucliers aux ennemis morts sur la place, en dressa vn Trophee, & trempant sa main en leur sang escriuit dessus, Les Romains à Iupiter garde des Trophees cōtre les Samnites. Mais Marius surnommé le Goulu y estant enuoyé lieutenant du peuple Romain, & aiant veu sur le lieu mesme ce Trophee: Je prens, dit-il, cest augure à bonne encontre: &

la dessus donnant la bataille aux ennemis, il les desfit, & aians pris leur Roy l'enuoya à Rome prisonnier, ainsi que dit Aristides au troisiéme des histoires d'Italie.

4 Les Perles estans descendus en la Grece avec cinq cens mille combattans, Leonidas fut enuoyé par les Lacedemoniens avec trois cens hommes, pour garder le pas des Thermopyles: & comme ils prenoient leur refection, toute la foule des Barbares leur vint courir sus. Et Leonidas les sentant venir dit à ses gens, Disnez compagnons, en intention de soupper en l'autre monde. Et ainsi se ruant sur les Barbares, y fut percé de plusieurs coups de picque: il fit tant neantmoins qu'il fendit la presse, iusques à arriuer à la personne propre de Xerxes, auquel il osta le diadéme de la teste, & mourut. Xerxes le fit ouurir, & trouua qu'il auoit le cœur velu, ainsi comme l'escrit Aristides au premier liure des histoires Persiennes.

Les Romains aians la guerre alencōtre des Carthaginois, enuoyerēt vne compagnie de trois cens hommes sous la conduite du capitaine nommé Fabius Maximus, lequel donnant la bataille à son ennemy perdit tous ses gens entierement, & luy mesme se sentant blessé à mort se rua contre Annibal par telle impetuosité, qu'il luy osta le diadéme ou frontal qu'il auoit autour de la teste, & mourut avec luy, ainsi comme escrit Aristides le Milesien.

5 En la ville de Celaines, qui est au païs de Phrygie, se feit iadis vne grande creualle & fondriere

A driere de la terre, avec grande quantité d'eau, laquelle rait & tira en abyfme bon nombre de maisons, avec toutes les personnes qui estoient dedans. Le Roy Midas eut vn oracle des Dieux, par lequel il luy fut respondu, que s'il iettoit dedans cest abyfme ce qui estoit le plus precieux, l'abyfme se combleroit, & la terre se reioindroit. Midas y fait ietter grande quantité d'or & d'argent, ce qui n'y seruit de rien : mais son fils Anchurus, aiant imaginé qu'il n'y auoit rien si precieux que la vie & l'ame de l'homme, apres auoir embrassé son pere, en luy disant adieu, & aussi sa femme Timothea, il monta à cheual, & s'en alla ietter en celle fondriere. La terre soudain s'estant referree, Midas y fait vn autel d'or, qui fut appelé l'autel de Iupiter Idéen, en y touchant de la main. Cest autel enuiron le temps que ceste fondriere de terre s'ouurit, estoit vne pierre, mais apres certaine prefixion de temps passé, il deuint d'or, comme on le voit maintenant. Ainsi l'escrit Callisthenes en son second liure des Transformations.

La riuere du Tybre passant par le milieu de la place de Rome, pour le courroux de Iupiter Tarsien, il s'y ouurit vne grande fondriere, qui engloutit plusieurs maisons en abyfme. Si leur fut donné vn oracle, que ceste fondriere cesseroit, prouueu qu'ils iettassent quelque chose precieuse dedans. Les Romains y aians ietté en vain de l'or & de l'argent, Curtius l'vn des plus nobles ieunes hommes de la ville, aiant compris ce que vouloit dire l'oracle, faisant compte qu'il n'y auoit rien si
pre-

precieux que la vie de l'homme, il se ietta tout à cheual dedans l'abyfme de celle fondriere, & en ce faifant deliura fes citoiens de leurs afflictions. Ainfi l'efcrit Aristides au quarantième des hiftoires Italiques.

6 AMPHIARAUS fut l'un des princes qui accompagnerent Polynices, & comme ils estoient vn iour tous enfemble en vn feftin, il y eut vn aigle qui fondant fur luy emporta fa iaeliue en l'air, & puis la laiffant tomber, elle fe ficha en terre & deuint vn laurier: le lendemain la bataille feftant attaquée en la place mefme, Amphiaraus y fut englouty de la terre avec fon chariot d'armes, au lieu où maintenant eft affife la ville qui en a retenu le nom de Harma, c'est à dire le chariot, ainfi que dit Trifimachus au troifième des fondations.

Les Romains aians la guerre contre Pyrrhus le Roy des Epirotes, Paulus Æmilius eut vn oracle qui luy promit la victoire, prouueu qu'il edifiast vn autel au lieu où il verroit vn de leurs gentils-hommes englouty vif en terre avec fon chariot. Trois iours apres Valerius Conatus aiant eu vne vifion en fonge qui luy commandoit de veftir son

A Critolaus au troisiéme des histoires Epirotiques.

7 PYRAICHMES Roy des Euboïens faisoit la guerre aux Bœoriés, Hercules estant encore ieune le vainquit, & l'attachant à deux cheuaux le deschira en deux parties, & puis le ietta là sans luy donner autre sepulture, d'où vient que le lieu où ceste execution fut ainsi faite s'appelle encore au iourd'huy, les poulains de Pyraichmes, & est au long de la riuiera qui s'apelle Heraclie, là où quand on abbreuue les cheuaux on entend comme vn hennissement de cheual : ainsi qu'il escrit au troisiéme liure des Riuieres.

B TULLVS Hostilius Roy des Romains feit la guerre à ceux d'Albe, dont estoit Roy Mitius Sufetius, cōtre lequel il differa & recula plusieurs fois de venir à la bataille, tant que les ennemis le tenant pour desconfit, se meirent à faire bonne chere, mais quand ils eurent bien beu, alors Hostilius les alla charger & les desfit, & aiant pris leur Roy l'attacha à deux cheuaux, & le desmembra en deux parties, ainsi qu'escrit Alexarchus au quatriéme des histoires Italiques.

C 8 PHILIPPVS voulant saccager les villes de Methone & d'Olynthe, en taschant à passer de la la riuiera de Sandane, il receut dedans l'œil vn coup de fiesche, que luy tira vn Olynthien qui s'appelloit Aster, & y auoit ce vers en escrit dessus la fiesche,

Philippe, Aster ce traict mortel t'enuoye.
mais Philippus se trouuant forcé par ses ennemis repassa la riuiera vers ses gens à nage, aiant perdu

son œil. Ainsi le recire Callisthenes au troisiéme des annales de Macedoine.

PORSENA Roy des Thoscans, aiant assis son camp dela la riuere du Tybre, faisoit la guerre aux Romains, & leur couppant les viures que lon portoit à Rome, trauailloit fort ceux de la ville: Et Horatius Cocles eleu Capitaine s'alla planter sur le pont de bois que les Barbares s'efforçoient de gagner, & les arresta pour vn temps. En fin se sentant forcé par la multitude grande des ennemis, il commanda à ceux qui estoient en bataille derriere luy, qu'ils coupassent le pont. C'est pendant il soustint & garda les Barbares de passer oultre, iusques à ce qu'ayant receu vn coup de trait dedans l'œil, il se ietta en l'eau & passa la riuere à nage, ainsi que dit Theotimus au troisiéme des histoires d'Italie.

*C'est la fable d'Icarus, chez lequel Bacchus alla
loger. Eratosthenes en l'Erigone.*

9 Saturne alla quelquefois loger chez vn laboureur qui auoit vne belle fille nommee Eutoria, laquelle il depucella, & engendra en elle quatre fils, Ianus, Hymnus, Faustus, & Felix. Si leur enseigna en recompense la maniere de faire le vin, & de planter la vigne, & leur commanda d'en faire part à leurs voisins, ce qu'ils firent: mais eux aians beu de ce breuuage qu'ils n'auoient point accoustumé, se trouuerent espris de sommeil, & s'endormirent plus qu'il ne falloit: & au resueil pensans que ce fust du poison qu'on leur eust baillé, ils assommerent le laboureur à coups de pierre: de quoy les petits fils furent si desplaisans, que de regret

A gret ils s'en pendirent & estranglerent. A raison de quoy la peste s'estant mise au pais des Romains, l'oracle d'Apollo leur respondit, que la pestilence ne cesseroit iusques à tant qu'ils eussent appaisé le courroux de Saturne, & les esprits de ceux qui estoient morts iniustement. Luctatius Catulus vn des plus nobles bastit vn temple à Saturne qui est assis aupres du mont Tarpeien, & y dressa vn autel à quatre faces, ou pour la memoire de ces quatre arriere-fils, ou pource que l'annee a quatre saisons, & ordonna le mois de Ianuier. Mais Saturne les
B transmua tous quatre en estoilles que lon appelle à raison de cela, les vandengeurs, entre lesquelles celle de Ianus se leue deuant les autres, & se montre aux pieds de la pucelle, ainsi que dit Critolaus au quatriéme liure des apparences du ciel.

10 Du temps que les Perses fourrageoient la Grece, Pausanias Capitaine des Lacedemoniens aiant pris & receu du Roy Xerxes cinq cens talens d'or, auoit promis de trahir Sparte: mais son entreprise estât descouuerte, Agésilas son pere le pour-suiuit fuyant iusques au temple de Iuno Chalceæcos, qui est à dire, maison de bronze. Et aiant fait murer les portes du temple avec muraille de brique, le feit mourir de faim: & sa mere ietta son corps aux chiens, sans luy bailler sepulture, ainsi que recite Chrysermus au second de ses histoires.

Les Romains aians la guerre contre les Latins, eleurent pour leur Capitaine Publius Decius. Or y eut il vn ieune gentil-homme de bien noble race, mais pauvre, nommé Cassius Brutus, qui entre-

prit pour vn certain pris d'argent que luy deuoiët bailler les ennemis, de leur ouurir la porte de la ville. Ce qu'ayant esté descouuert il s'enfuit au temple de Minerue auxiliaire, là où son pere appelé Cassius Signifer le teint enfermé tât qu'il l'y feit mourir de faim, & ietta son corps sans luy dōner sepulture, ainsi que dit Clitonymus és histor. Italiques.

II DARIUS Roy de Perse aiant combattu alencontre d'Alexandre le grand, & en ceste rencontre aiant perdu sept de ses Lieutenans & gouuerneurs de prouinces, & cinq cens & deux chariots armez de faulx, estoit prest à combattre encore le lendemain. Mais son fils Ariobarzanes, aiant compassion d'Alexandre, luy feit promesse qu'il trahiroit son pere : dequoy le pere estant indigné, luy feit trencher la teste, ainsi que recite Arctades Gnidien au troisiéme des histoires Macedoniques.

BRUTVS estant par tous les Romains esleu Consul, chassa de Rome le Roy Tarquin le Superbe qui se portoit tyranniquement : & luy s'estant retiré deuers les Thoscās, faisoit la guerre aux Romains. Les fils de Brutus voulurēt trahir leur pere, mais estās descouverts, il leur fit trencher les testes. Aristides le Mile sien és Annales d'Italie.

12 EPAMINONDAS Capitaine des Thebains auoit la guerre contre les Lacedemoniens, & estāt venu le temps que lon deuoit eslire les magistrats à Thebes, il s'y en estoit allé, aiant ce pendant ordonné & commandé à son fils Stefimbrotus qu'il se gardast bien de combattre : Les Lacedemoniens estans

A estans aduertis de l'absence du pere, reprochoient à ce ieune hōme, qu'il auoit faute de cœur: dequoy se sentant picqué, il entra en si grande cholere, qu'il oublia le commandement de son pere, & donna la bataille, qu'il gaigna. Le pere estant de retour fut marry de ce qu'il auoit transgressé son commādemēt, & l'ayant couronné d'une courōne de victoire luy fait trencher la teste, ainsi que recite Ctesiphon au troisiéme liure des histoires de la Bœoce.

Les Romains aians la guerre contre les Samnites, esleurent pour Capitaine Manlius, surnommé l'Imperieux, lequel estant retourné du camp à la ville de Rome, pour assister à l'election des Consuls, commanda à son fils, qu'il se gardast de combattre les ennemis: dequoy les Samnites estant aduertis, picquerent avec paroles iniurieuses ce ieune homme, luy reprochant qu'il estoit couard: ce qui le meut à la fin tellement, qu'il leur donna la bataille, où il les desfeit: mais Manlius à son retour luy fait trencher la teste, ainsi que recite Aristides le Milesien.

13 **H E R C U L E S** estāt refusé du mariage d'Iole, saccagea la ville d'Oechalie. Iole se ietta du haut de la muraille au bas des fossez, & aduint que ses habillemens estans enfléz du vent qui s'entonna dedans en tombant, elle n'eut point de mal, comme l'escriit Nicias natif de Malee.

Les Romains faisans la guerre aux Thoscās, eleurent pour leur Capitaine Valerius Torquatus, lequel aiant contemplé la fille du Roy, Clusia, la luy demanda en mariage. Ce que luy aiant esté refusé,

il prit & saccagea sa ville, & Clusia se precipita du ^D haut des tours en bas : mais par la prouoyance de Venus qui enfla de vent ses habillemens, elle tomba à terre sans se faire mal. Le Capitaine la prit à force, & pour ceste cause par arrest de tous les Romains il fut confiné en l'isle de Corcina, qui est au deuant de l'Italie, ainsi que dit Theophile au troisiéme liure des histoires d'Italie.

14 Les Carthaginois & Siciliens aians fait ligue alencontre des Romains, & se preparans pour leur faire la guerre, Metellus leur Capitaine aiant sacrifié aux autres Dieux, laissa derriere la ^E deesse Vesta seule, laquelle fit tirer vn vent contraire à sa nauigation. Mais le deuin Caius Iulius luy dit, que le vent cesseroit prouueu qu'il offrist en sacrifice premierement sa propre fille. Et se voiant pressé de partir, il fut contraint d'amener sa fille pour l'immoler : mais la Deesse Vesta en aiant pitié, au lieu d'elle supposa vne genice, & l'emporta en la ville de Launium, où elle la feit religieuse du Dragon qu'ils ont en grande veneration en celle ville. ainsi l'escrit Pythocles au troisiéme liure des choses d'Italie.

En mesme sorte le cas d'Iphigenia, qui aduint en Aulide ville de la Bœoce, est recité par Meryllus au troisiéme de ses Bœotiaques. ^F

15 BRENNVS Roy des Gaulois pillant & saccageant le pais de l'Asie, arriua à la ville d'Ephese, là où il deuint amoureux d'une ieune fille de race populaire, laquelle luy promet de coucher avec luy, & de luy trahir la ville d'Ephese, prouueu qu'il luy

A luy baillast des carquās, bracelets, & autres ioyaux dont les Dames ont accoustumé de se parer. Brennus commanda à ses gentils-hommes qu'il auoit autour de luy, qu'ils luy iettassent en son giron tout ce qu'ils auoient de ioyaux d'or. Ce qu'ils feirent en telle quantité, que la fille fut accablee toute vifue & assommee du pois de la multitude de ces ioyaux d'or.

TARPEIA fille de bonne maison, aiant le Capitole en garde lors que les Romains auoient la guerre alencontre de ceux d'Albe, promet à leur Roy Tatius de luy dōner entree dedans le chasteau du mont Tarpeien, si en recompense il luy faisoit dōner les bracelets & carquās que les Sabins portoient par ornement. Ce que les Sabins aians entendu l'en accablèrent toute vifue, cōme dit Aristides le Milesien en ses histoires Italiques.

16 Les habitās des villes de Tegée & de Phénée auoient eu vne longue guerre les vns contre les autres, iusques à ce qu'ils s'accorderent entre eux de vider leurs differens par le combat de trois freres iumeaux, nez d'une mesme ventree. Les Tegéates meirent en auant les enfans d'un de leurs citoyens, nommé Reximachus: Et les Phénéates ceux de Demostratus, lesquels estans descendus en champ de bataille, il y eut deux des fils de Reximachus qui furent tuez sur le champ, & le troisiéme qui s'appelloit Critolaüs vint à bout des autres trois par vne telle ruze: Il fait semblant de fuir, & tua l'un apres l'autre ceux qui le poursuiuoient. A son retour au pais, tous ses citoyens luy feirent la

plus grande chere dont ils se peurent aduifer, excepté vne sienne sœur appelée Demodice, d'autant que l'un des freres qu'il auoit desfaicts estoit son fiancé. Critolaüs estant fâché de ce qu'elle luy faisoit si mauuais recueil, la tua sur la place. Sa mere le poursuiuit d'homicide, mais il en fut absouls à pur & à plein, comme escrit Demaratus au second liure de ses Arcadiques.

Les Romains aians la guerre contre ceux d'Albe, esleurent pour leurs châpions d'une part & d'autre trois freres nez de mesme vêtree. Ceux d'Albe, les Curiatiens: & les Romains, les Horatiens. Le combat estant commencé, ceux d'Albe tuerēt deux de leurs aduersaires: le troisième s'aidant d'une fuite simulee, tua l'un apres l'autre tous les trois qui le poursuiuoient: de laquelle victoire tous les autres Romains menans grande ioye, sa sœur Horatia seule monstra de n'en estre point ioyeuse, pour ce que l'un d'iceux l'auoit fiancee: à raison dequoy il tua sa propre sœur. Ainsi le dit Aristides le Milesien en ses Annales d'Italie.

17 En la ville d'Ilium le feu s'estant pris au temple de Minerue, l'un des habitans nommé Illus y accourut, qui raut vne petite image de Minerue appelée le Palladium, que lon tenoit estre descendue du ciel, & en perdit la veüe, d'autant qu'il n'estoit pas loisible que ladicte image fust veüe d'aucun homme: toutefois depuis aiant appaisé l'ire de la Deesse, il recouura sa veüe, comme escrit Dercyllus au premier des fondations.

METELLVS homme noble, comme il vouloit

Aloit aller en quelque maison de plaifance qu'il auoit pres de Rome, fut arresté par des corbeaux qui le battoient avec leurs ailes: duquel presage se trouuant estonné, il s'en retourna à Rome: & voiant que le feu estoit dedans le tēple de la Deesse Vesta, il s'y en courut, & prit l'image de Pallas que lon nomme Palladium, à raison dequoy soudainement il deuint aueugle: toutefois depuis, apres auoir esté reconcilié avec elle, il recouura derechef sa veuë. Aristides Milesien en ses chroniques d'Italie.

B 18 Les Thraces aians la guerre contre les Atheniens eurent vn oracle qui leur promettoit la victoire, prouueu qu'ils sauuaissent la personne de Codrus Roy d'Athenes. Mais luy se desguisant en pauvre manœuvre, tenant vne faux en sa main, s'en alla au camp des ennemis, où il en tua vn, & fut aussi tué par vn autre, & ainsi gagnerent les Atheniens. Ainsi l'escrit Socrates au second liure de ses Chroniques de Thrace.

P V B L I V S Decius Romain aiant la guerre contre ceux d'Albe, eut en dormant vne vision qui luy promettoit, que si luy mouroit, il adiousteroit la force aux Romains: parquoy il s'alla ruer à la plus forte presse des combattans, & y en aiant tué vn grand nombre, il fut aussi tué: & son fils aussi qui s'appelloit semblablement Decius, en la guerre contre les Gaulois sauua les Romains. ainsi le dit Aristides le Milesien.

19 **C Y A N I P P V S** natif de Syracuse sacrifioit à tous les autres dieux fors qu'à Bacchus, de-

quoy ce Dieu se courrouçant luy enuoya l'yuresse, D
tellement qu'en vn lieu obscur il depucela par force sa propre fille qui s'apelloit Cyane, mais elle luy osta du doigt son anneau qu'elle bailla à sa nourrice, pour recognoistre qui c'estoit. La peste se mit depuis par tout le pais, & leur respondit Apollo, qu'il falloit immoler aux Dieux diuertisseurs des maux vn incestueux. Tous les autres ne sçauoient que vouloit dire cest oracle: mais Cyane entendant bien ce qu'il vouloit dire, prenant son pere par les cheueux le trainna à force, & l'ayant immolé, elle mesme se sacrifia puis apres sur luy, E
comme l'escriit Dositheus au troisiéme des chroniques de la Sicile.

Lon celebroit la feste de Bacchus, que lon appelle les Bacchantes, à Rome, là où vn nommé Aruntius, qui iamais n'auoit beu vin, ains tousiours mesprisoit fort la puissance de ce Dieu, lequel en vengeance de ce luy enuoya vne yuresse telle, qu'estant yure il força sa fille Medulline, laquelle par son anneau recognoissant qui c'estoit, prenant le faict à cœur plus que son aage ne portoit, feit vn iour enyurer son pere, & l'ayant couronné de festons & chappeaux de fleurs, le mena à l'hostel de la foudre, là où en plorant elle sacrifia celuy qui par surprise luy auoit osté sa virginité, comme l'escriit Aristides Milesien au troisiéme de ses chroniques d'Italie.

20 ERECHTHEVS faisant la guerre à Eumolpus, entédit qu'il obtiendrait la victoire, si premierement il faisoit aux Dieux vn sacrifice de sa fille.

Et

A Et en aiant communiqué avec sa fille Praxithea, il sacrifia deuant la bataille sa propre fille. Euripides en fait mention en sa tragedie de Erechtheus.

MARIVS aiant la guerre contre les Cimbres, & se sentant le plus foible, eut vne vision en dormant, qu'il gaigneroit la bataille s'il immoloit premierement sa fille, qui se nommoit Calpurnia, & luy mettant le bien public & l'affection enuers ses citoiens au deuant de celle qu'il portoit à son propre sang, le fit ainsi, & gagna la bataille: & iusques auiourd'huy y en a il encore deux autels en B Allemagne, qui au temps & à l'heure que fut fait le sacrifice, rendent vn son de trompettes. Dorotheus au troisieme des annales d'Italie.

21 CYANIPPVS natif du pais de la Thesalie, alloit continuellement à la chasse. Sa femme qui estoit ieune meit en sa fantasie, que ce qui le faisoit ainsi aller si souuent & demourer dedans les bois, estoit qu'il auoit la compagnie de quelque autre. Parquoy elle se delibera de l'espier. Vn iour le suiuant à la trace, & se cachant dedans vn fort bien espais de la forest, attendoit ce qu'il aduendroit: les branches des arbres se mouuants à l'entour d'elle, les chiens cuiderent que ce fust vne beste, & tirans celle part deschirerent ceste ieune Dame, qui aimoit tāt son mary, ne plus ne moins que si c'eust esté vne beste sauuage. Et Cyanippus aiant veu deuant ses yeulx ce que iamais il n'eust pensé, en fut si desplaisant qu'il se tua luy mesme. ainsi le dit Parthenius le poëte.

En la ville de Sybaris, qui est en Italie, il y eut ia-

dis vn ieune homme nommé *Æmylius*, fort beau **D** de visage, & qui aimoit singulierement la chasse. Sa femme qui estoit ieune aussi, pensant qu'il fust amoureux d'une autre Dame, entra dedans vn buisson, là où elle feit remuer les arbres, & les chiés qui accoururent celle part la deschirerent en pieces, & luy se tua dessus elle: comme recite *Clytonianus* en son second des *Sybaritiques*.

22 *MYRRA* pour auoir courroucé *Venus* deuint amoureuse de son pere, & declara à sa nourrice la vehemence de son amour: elle trompa finement son maistre, luy faisant à croire qu'une belle **E** fille de leurs voisins l'aimoit, mais qu'elle auoit honte de se trouuer avec luy en public. Le maistre s'y accommoda & coucha avec elle: mais vn iour voulant cognoistre qui estoit celle avec qui il couchoit, il demanda de la lumiere: si tost qu'il l'eust veüe il meit la main à son espee, & poursuiuoit la villaine: laquelle par la preuoyance de *Venus* fut transformee en vne plante du mesme nom, comme recite *Theodorus* en ses *Metamorphoses*.

VALERIA Tusculanaria aiant encouru la malueillance de *Venus*, deuint amoureuse de son **F** pere, & s'en descouurit à sa nourrice: laquelle affina cautelement son maistre, luy donnant à entédre que c'estoit vne ieune fille de leurs voisins, laquelle auoit honte de se trouuer en public avec luy: toutefois le pere vne nuit aiant beu, demanda de la chandelle: & la nourrice à grand haste alla esuciller la fille, laquelle s'enfuit aux champs toute grosse, là où elle se ietta du hault en bas d'un precipice, neant-

A neantmoins son fruit vescu, car elle demoura enceinte au bas du precipice, & au bout de son terme accoucha d'un fils qui eut nom Syluanus, en langage Romain, & en Grec Ægipan. Valerius de regret qu'il en eut se precipita aussi luy mesme du precipice, comme le recite Aristides le Milesien, au troisieme liure des histoires d'Italie.

23 Apres la destruction de Troye, Diomedes fut ietté par la tormente en la coste de la Libye : là où regnoit vn Roy nommé Lycus, qui auoit accoustumé de sacrifier à son pere le dieu Mars, les estrangers qui arriuoient en son pais. Mais Callirhoé sa fille estant deuenue amoureuse de Diomedes trahit son pere, & sauua Diomedes en le tirant de prison : & luy ne se souciant pas de celle qui luy auoit procuré vn si grand bien, s'en partit, dont elle eut si grand regret, qu'elle s'en estrâgla, comme dit Iuba au troisieme des histoires Libyques.

CALPURNIVS Crassus gentilhomme Romain, estant à la guerre avec Regulus fut par luy enuoyé cōtre les Massiliens pour prendre vn chasteau fort, qui s'appelloit Geretion, là où estant pris prisonnier & destiné à estre immolé & sacrifié à Saturne, Bysathie fille du Roy deuenue amoureuse de luy trahit son pere, & rendit son amy victorieux : depuis le ieune homme s'en estant retourné, la fille en eut si grand desplaisir, qu'elle se tua elle mesme, comme recite Hegesianax au troisieme des Libyques.

24 PRIAM Roy de Troye sentât que sa ville s'en alloit prise, enuoya son petit fils Polydorus en

Thrace à son gēdre Polymestor, avec grāde quantité d'or & d'argent. Polymestor pour la grande conuoitise de gagner l'argent, tua l'enfant. Mais Hecuba estant venue en son pais le trompa sous couleur de dire qu'elle luy vouloit donner cest argent, & le tirant à part à l'aide des autres Dames, la premiere elle luy creua les deux yeulx avec les mains, comme dit Euripides le poëte Tragique.

Du temps que Hannibal saccageoit le pais de la Campania en Italie Lucius Imber deposa en garde son fils Rustius entre les mains de Valerius Gestius son gendre, avec grosse somme de deniers. Mais **E** aiant entendu comme Hannibal auoit gagné la bataille, par auarice viola tous les droits de nature, & fit mourir l'enfant. Le pere Imber allant par les champs rencōtra le corps de son enfant, & enuoya querir son gendre, luy mandant qu'il luy vouloit monstrier vn tresor, mais quand il fut venu il luy creua les deux yeulx, & puis le pendit en croix.

25 **Æ A C V S** auoit eu de Psamatha vn fils nommé Phocus, qu'il aimoit fort tendremēt. Telamon n'en estant pas content le mena quand & luy à la chasse, & s'estant présenté deuant eulx vn **F** sanglier il lança sa iaueline contre celuy qu'il haïssoit, & le tua : à l'occasion dequoy le pere l'enuoya en exil, ainsi que recite Dorotheus au premier des Transformations.

C A I V S Maximus auoit deux enfans, Similius & Rhesus, desquels Rhesus estoit né de Hameria. Ce Rhesus estāt à la chasse tua son frere, puis quād il fut de retour il voulut faire à croire à son pere que

A que ce auoit esté par cas fortuit, & non pas de guet propensé : mais le pere aiant entendu & cogneu la verité, le chassa de sa maison, comme recite Aristides au troisieme des Italiques.

26 MARS eut la compagnie d'Althea, & engendra en elle Meleager . Euripides en la tragedie de Meleager.

SEPTIMIUS Marcellus aiant espousé Syluia estoit ordinairement à la chasse. Et Mars fessant transformé en guise d'un berger força sa femme nouuellement espousee, & l'engrossa, puis se declara qui il estoit, en luy donnant vne lance, & luy disant que la destinee de l'enfant qu'elle deuoit enfanter de luy, gisoit en celle lance. Septimius doncques tua * Tusquinus, & Mamercus faisant sacrifice aux Dieux pour les biés de la terre mesprisa Ceres seule entre tous, laquelle estant indignee de ce mespris enuoya vn grãd sanglier en ses terres : & luy aiant assemblé plusieurs veneurs, fit en sorte qu'il le tua, & en meit à part la hure & la peau, qu'il enuoya à celle qu'il auoit fiancée: dequoy estants marris ses oncles freres de sa mere, Scimbrates & Muthias, l'allerent oster par force à la ieune fille, dont il fut si indigné qu'il en tua ses deux oncles : & sa mere, pour venger la mort de ses freres, meit la lance fee dedans le feu. Ainsi le dit Merylus au troisieme des Italiques.

27 TELAMON fils d'Æacus & de Endeide s'enfuit de la maison de son pere, & arriua de nuict en l'Isle de Eubœe *

Le pere l'ayant ap- Tout cest endroit est perceu, cuidant que ce fust vn de ses subiects, dóna

partout cor rompu. la fille à vn de ses gardes pour l'aller ietter en la mer. Le garde en eut pitié, & aima mieulx la vendre. La nauire estant arriuee en Salamine, Telamon l'achepte, & elle en fin enfante Ajax, comme dit Aretades Gnidien au second des Insulaires.

LVCIVS Troscius auoit vne fille nommee Florentia de sa femme Patride. Calpurnius Romain la viola, & en estant nee vne fille, il la bailla à l'un de ses satellites pour l'aller ietter en la mer. Le soldat en eut pitié, & la vendit à des marchands d'une nauire : qui de bonne aduventure arriuez en Italie, Calpurnius l'achepta, & eut d'elle Contruscus. E

28 ÆOLVS Roy de la Thoscane eut de sa femme Amphithee six filles, & autant de fils, desquels Macareus le plus ieune par amourettes en viola & engrossa l'une, elle au bout de son terme fit vn enfant : ce qu'estant descouuert, le pere luy enuoya vne espee, & elle recognoissant la faulte qu'elle auoit commise, s'en desfit : autant en fit puis apres Macareus, comme recite Sostratus au deuxieme des Thyrréniques.

PAPIRIVS Volucer aiāt espousé Iulia Pulchra, eut d'elle six filles, & autant de fils, desquels l'aîné Papirius Romanus estāt deuenu amoureux de Canulia, l'une de ses sœurs, l'engrossa. Ce que aiāt entendu le pere, luy enuoya vne dague, dōt elle mesme se desfit : aurāt en fit Romanus, ainsi que racōte Chrysippus au premier liure des histoires Italiques.

29 ARISTONYMVS Ephesien fils de Démostratus haïssoit les femmes, & auoit affaire à vne asnesse, laquelle avec le temps enfanta vne belle fille

A fille, qui fut surnommee Onoscelis, qui est à dire cuisse d'asne. Aristote au second des cas estranges.

FVLVIVS Tellus haissant les femmes se mesloit avec vne iument, qui à la fin porta vne belle fille, laquelle eut nom Hippona, la Dceſſe qui a la superintendence des iuments. Ageſilaus au troſieme des choses d'Italie.

30 Ceulx de la ville de Sardis aians la guerre contre ceulx de Smyrne, planterent leur camp deuant les murailles de la ville, & feirent ſçauoir à ceulx de dedans que iamais ils ne partiroient de là, **B** qu'ils ne leur euſſent enuoyé leurs femmes pour coucher avec elles: & comme les Smyrniés fuſſent reduits à telle neceſſité, qu'ils eſtoient preſts de faire ce que leurs ennemis leur demandoient, il y eut vne chambriere, belle de viſage, qui ſ'adreſſant à ſon maistre Philarchus, luy dit, qu'il ne falloit que choiſir les plus belles garſes de ſeruâtes qui fuſſent en la ville, & les habillât en filles de bonne maiſon: les enuoyer à leurs ennemis au lieu de leurs maiſtreſſes. Ce qui fut fait: & eulx ſ'eſtans laſſez à force d'auoir affaire à elles, furent ſurpris par ceulx de **C** la ville qui ſortirent ſur eulx: d'où vient qu'encore auourd'huy en la ville de Smyrne on celebre vn iour de feſte qui ſ'appelle Eleutheria, auquel les ſeruantes portent accouſtrements de maiſtreſſes, comme dit Daſyllus au troſieme des Lydiaques.

ATEPOMARVS Roy des Gaulois faiſant la guerre à ceulx de Rome, iura que iamais il ne ſe leueroit de deuant, qu'ils ne luy euſſent enuoyé leurs femmes pour coucher avec elles. Mais eulx

par le conseil de quelque seruant leur enuoyerent D
des chambrieres. Les Barbares se meslerent tant
auec elles, qu'à la fin en estants lassez, ils s'endor-
mirent : & lors Retana (car ainsi s'appelloit la ser-
uante qui auoit donné ce conseil) print vne bran-
che de figuier, & montant dessus vne muraille, fit
signe aux Consuls, qui sortirent sur eulx, & les des-
feirent : d'où vient que lon celebre la feste des
chambrieres, ainsi que dit Aristides Milesien, au
premier liure des histoires Italiques.

31 Les Atheniens aians la guerre alencontre E
d'Eumolpus Pyrander, qui auoit charge des muni-
tions, craignant qu'il n'y eust faulte de viures, di-
minua la mesure pour espargner le bled : mais les
habitants pensants qu'il fust traistre l'assommerent
à coups de pierres, comme dit Callistratus au troi-
sieme des histoires de Thrace.

Les Romains aians la guerre cōtre les Gaulois,
& n'aians pas quantité grande de bleds, Cinna di-
minua au peuple la mesure du bled : les Romains
soupçonnants qu'il prist ceste voye pour occuper
le Royaume & se vouloir faire Roy, le lapiderent :
Aristides au troisieme des histoires Italiques. F

32 PISISTRATVS d'Orchomene durant
la guerre du Peloponese, haïssoit les nobles & ai-
moit les hommes de bas & petit estat. Parquoy
ceulx du Senat resolurent entre eulx de le tuer, &
& le taillant en pieces, en cachèrent chascun vne
piece en leur sein, & raclèrent la terre où le sang en
estoit tombé : dequoy le menu peuple s'estāt doub-
té s'en courut au Senat, & le plus ieune fils du Roy,
nommé

A nommé Tlesimachus, ſçachant la conſpiration retira la commune de l'aſſemblée, & ſepara le peuple, aſſeurant auoir veu ſon pere qui avec vne plus grande & plus auguſte forme ſ'en alloit monter à la cyme du mont de Piſæ, comme dit Theophile au ſecond des Peloponeſiaques.

A cauſe des guerres voiſines de Rome, le Senat oſta au peuple la meſure de bled qu'il ſouloit auoir, & Romulus en eſtant marry la leur rendit & en chaſtia pluſieurs des plus grâds, leſquels ſ'eſtants bandez contre luy le tuerent au milieu du Senat, & le taillant en pieces en ietterēt chaſcun vne piece en leur ſein. Le peuple Romain y accourut incontinent pour mettre le feu dedans le Senat: mais Proclus l'vn des plus nobles de la ville, dit qu'il auoit veu Romulus en vne montagne plus grand que nul homme, & qu'il eſtoit deuenu vn Dieu: ce que le peuple de Rome ſ'eſtant perſuadé pour l'autorité du perſonnage, ſe retira, ainſi que dit Ariſtobulus au troiſieme des Italiques.

33 PELOPS fils de Tantalus & de Euryanaffa, aiant eſpouſé Hippodamia, en eut Atreus & Thyeſtes, & de la Nymphe Danaïde Chryſippus, lequel il aimoit plus que ſes autres enfans legitimes: mais Ianus le Thebain en eſtant deuenu amoureux le rait, & eſtant ainſi pris par Thyeſtes & Atreus, il obtint ſa grace enuers Pelops à cauſe qu'il l'auoit fait par amour. Hippodamia perſuada à Thyeſtes & Atreus ſes enfans, qu'ils le feiſſent mourir, ſçachant qu'il aſpiroit à occuper le royaume de leur pere. Ce que culx aians refusé de faire, elle meſme

employa ses mains à commettre ce malefice : car d vne nuit comme il dormoit profondement, elle prit l'espee de Laius, & en donna vn grand coup à Chrysippus, ainsi cōme il dormoit, laissant expressement l'espee en la playe. Si fut Laius soupçoné de ce meurtre, à cause de l'espee : mais le ieune homme qui estoit à demy mort le deschargea, & declara toute la verité du faict. Au moien dequoy Pelops aiant fait inhumer son corps, chassa & bannit sa femme Hippodamia, ainsi que recite Dositheus en son liure des Pelopides.

HEBIVS aiant espousé vne femme qui se nommoit Nuceria, en eut deux enfants, & d'une serue affranchie eut vn autre fils nommé Firmus, qui estoit d'excellēte beauté, & qu'il aimoit plus chèrement que ses enfants legitimes. Nuceria aiant en haine ce beau fils, essaya de persuader à ses enfants qu'ils le tuassent : ce que saintement ils refuserent de faire, mais elle l'entreprit à executer, & de faict la nuit prit l'espee de l'un des gardes, dōt elle donna vn coup mortel au ieune hōme, ainsi qu'il dormoit : le garde en estant soupçoné à cause de son espee que lon trouua, l'enfant luy mesme descouvrit toute la verité, & le pere apres auoir fait inhumer son corps, chassa & bannit sa femme, comme recite Dositheus au troisieme liure des Italiques.

34 THESEVS estant veritablement fils de Neptune, eut vn fils de la princesse des Amazones Hippolyte, qui fut appellé Hippolytus, & depuis luy amena en sa maison vne marastre, nommee Phædra, fille de Minos, laquelle estant tombee en l'amour

A l'amour d'Hippolytus luy enuoya sa nourrice pour le solliciter, mais luy n'y aiant voulu entēdre, abandonna la ville d'Athenes, & s'en alla à Thirezeus, là où il s'addonna à la chasse. La mauuaise femme se trouuant frustrée de son dessein, escriuit de mauuaises lettres à son mary, contre l'honneste & chaste ieune hōme, & de despit s'estrangla avec vn cordeau. Theseus adioustant foy à ce qui estoit contenu dedans les lettres, requit à son pere Neptune qu'il feist mourir Hippolytus pour l'vne des trois requestes, dont il luy auoit donné le choïs.

B Neptune pour luy obtemperer enuoya à Hippolytus qui se promenoit au long de la mer, vn taureau qui effroya tellement les cheuaulx de son coche, qu'ils renuerferent Hippolytus & le briserent.

COMMINIUS Suber Laurentin aiant eu vn fils nommé Comminius, de la Nymphæ Ægeria, espousa depuis vne femme Gidica, laquelle deuenue amoureuse de son beau fils, & par luy esconduite de son amour, se pendit & estrangla, laissant des lettres faulses & controuuees. Comminius aiant leu les calumnieuses imputatiōs qui estoient dedans lesdittes lettres, & se laissant aller à sa ialousie, inuoca Neptune, lequel monstra à son fils qui estoit monté sur son chariot vn Taureau: les cheuaulx effroyez tirerent en sorte qu'ils demembrerent le fils, ainsi que recite Dositheus au troisieme des Italiques.

35 La peste estant grande au païs de Lacedemone, l'oracle d'Apollo leur respondit que la pestilence cesseroit proueu qu'ils immolassent tous

les ans vne ieune fille de noble lignee. Il aduint vne annee que le sort tomba sur Helene, de sorte qu'elle fut menee toute accoustree & preste pour estre immolee: vne Aigle fondit sur elle, qui raut l'espee, qu'elle porta au pastis, ausquels estoient les troupeaux de bestes, & la posa dessus vne ieune genisse. Au moien dequoy de là en auant ils se deporterent de plus sacrifier des filles.

La pestilence trauailloit les Phaleriens, & estant la contagion grande, il leur fut donné vn oracle, que laditte affliction cesseroit, si tous les ans ils sacrifioient à Iuno vne fille. Ceste superstition estoit tousiours demouree: Valeria Luperca estant appelée au sacrifice par le sort, ainsi que l'espec fut desguainee, vne Aigle fondit sur elle qui l'emporta, & dessus l'autel, où estoit le feu allumé, meit vne petite verge, au bout de laquelle y auoit vn maillet emmanché. Et quant à l'espee elle la posa dessus vne ieune genisse, qui passoit au long du temple. Ce que considerant la ieune fille, apres auoir immolé la genisse, elle emporta le maillet, avec lequel allant de maison en maison elle fraploit doucement tous ceux qui estoient malades, en leur disant qu'ils fussent sains. D'où vient qu'encore au iourd'huy ceste mystique cerimonie s'observe, comme dit Aristides au dixneuuieme de ses Italiques.

36 PHILONOME fille de Nictimus & de Arcadia, chassoit avec Diane, & Mars se desguisant en berger l'engrossa. Elle aiant enfanté deux lumeaux, & redoutât son pere, les ietta dedás le fleuve de Erymanthus, & eulx par la prouoyance des Dieux

A Dieux allerent à val l'eau sans danger, iusques à ce que le cours de l'eau les ietta cōtre vn chesne creux estant au bord de l'eau, là où vne Louue aiant des petits faisoit son giste: la Louue ietta ses petits en la riuiere, & donna la mammelle à ces deux petits enfans iumeaux. Ce qu'ayant apperceu vn pasteur nommé Tyliplus, recueillit les enfans, & les feir nourrir comme siens, appellant l'vn Lycastus, & l'autre Parrhasius, qui succederent au royaume d'Arcadie, ainsi qu'escriit Zopyrus Byzantin au troisiéme de ses histoires.

B AMVLIV's se portant tyranniquement & violemēt enuers son frere Numitor, tua son fils Ænitus à la chasse, & rēdit religieuse de Iuno sa fille, qui auoit nom Ilia Syluia. Mars l'engrossa, & elle au bout de son terme enfanta deux iumeaux, & cōfessa toute la verité au Tyran, lequel les feir tous deux ietter dedans la riuiere du Tybre. L'eau les porta tous deux en vn endroit de la riue, où vne Louue auoit n'aguères fait ses petits, lesquels elle abandonna & ietta, & nourrit les deux enfans iumeaux. Faustus berger aiant veu cela, les prit & les
C nourrit, & en appella l'vn Remus & l'autre Romulus, les fondateurs de Rome. Ainsi que recite Aristides le Milesien en ses histoires Italiques.

37 Apres la prise & destruction de Troye Agamemnon fut tué avec Cassandre, mais Orestes estant ce pēdant nourry par Strophius, feir la vengeance de ceux qui auoient tué son pere, comme dit Pyrande au quatriéme des Peloponesiaques.

Fabius Fabricianus parēt du grand Fabius, aiant

pris & saccagé Thuscia ville capitale des Samnites, & enuoya à Rome l'image de Venus victorieuse: car elle estoit en grãde veneration enuers eux. Sa femme aiant esté cogneuë par adultere d'un beau ieune homme, qui s'appelloit Retinius Valentin, tua depuis son mary en trahison: mais Fabia sa sœur sauua vn sien petit fils, qui se nommoit Fabricianus, qui estoit encore enfant, & le fit secrettement nourrir: depuis quand le ieune homme fut venu en aage, il tua sa mere avec son adultere, & en fut absouls par le Senat. Ainsi l'escriit Dositheus au troisième de ses Italiques.

38 BVSYRIS fils de Neptune & d'Antippe fille du Nil, sous pretexte de receuoir courtoisement les estrangers passans en sa maison, les immoloit. Mais la vengeance diuine vengea finalement la mort de ceux qu'il auoit ainsi fait mourir, car Hercules l'assaillant avec sa massue le desfit. Ainsi l'escriit Agathon Samien.

HERCVLE semmenant les bœufs de Geryon à trauers l'Italie, alla loger chez le Roy Faunus, qui estoit fils de Mercure, & sacrifioit tous les estrangers à son pere, mais en aiant voulu faire autant à Hercules, il fut tué luy mesme. Ainsi l'escriit Dercyllus au troisième des Italiques.

39 PHALARIS Tyran des Agrigentins homme cruel, auoit accoustumé de gehenner les passans: & Perillus qui de son mestier estoit fondeur de cuiure, luy fit vne vache de bronze qu'il luy donna, à fin qu'il feist brusler les passans dedans le corps d'icelle. Le Tyran se monstra iuste en cela
seule-

A seulement, car il le fit mettre dedans, & sembloit que la vache rendist vn mugissement. Ainsi est il escrit au troisiéme des Causes.

En Ægeste ville de la Sicile fut iadis vn cruel Tyran Æmilius Censorinus, lequel faisoit des presens à ceux qui luy inuentoient quelque nouuelle sorte de gehenne à tourmenter les hommes. Si y eut vn nommé Arontius Paterculus, qui aiant forgé & fabriqué vn cheual de bronze le luy donna, à fin qu'il y iettast dedans qui il voudroit: & luy, faisant lors premier acte de iustice, fit ietter dedans le premier celuy qui luy auoit donné, à fin que luy premier experimentast le tourmēt qu'il auoit cuido inuenter pour les autres. Et le prenant apres le precipita du haut en bas du mont Tarpeien. Et semble que ceux qui ont violementement regné, ont esté de luy appelez les Æmiliens, comme dit Aristides au quatriéme des Italiques.

40 E V E N V S fils de Mars & de Sterope, espousa Alcippe fille d'Oenomaüs, dont il engendra vne fille Marpisse, laquelle il vouloit garder vierge, mais Apharclus l'ayant veüe la raut en vne danse. C Le pere courut apres pour la penser recourir, mais iamaïs ne le peut atteindre, tellement que de douleur il se ietta en la riuiera de Lycormas, & fut fait immortel, ainsi que dit Dositheus au premier des Italiques.

A N I V S Roy des Thoscās, aiant vne belle fille nommée Salia, la gardoit fille, mais Cathetus l'vn des nobles, voiant ceste pucelle qui se iouoit, en deuint amoureux, & ne pouuāt vaincre la passion

de son amour, la raut & la mena à Rome. Son pere f'estant mis à le poursuiure, & ne l'ayant sceu atteindre, se ietta dedans la riuiere qui lors s'appelloit Parenfion, & depuis a esté de son nom surnommee Anio. Et Cathetus couchant avec Salia engendra en elle Salius & Latinus, desquels sont descendues les plus nobles familles du païs, comme Aristides le Milesien & Alexandre le Polyhistor escriuent au troisiéme des Italiques.

41 EGESISTRATVS natif de la ville d'Ephese, aiant tué l'un de ses parens s'enfouit en la ville de Delphes, & demanda à Apollo en quel lieu il se deuoit habiter. Apollo luy respōdit qu'il s'arrestast là où il trouueroit des païsans dansans, couronnez de chappeaux faits de rameaux d'oliue. Estant donques arriué en certain endroit de l'Asie, où il trouua les laboureurs couronnez de rameaux d'oliue, & dansans, il fonda la vne ville, laquelle il nomma Eleunte, comme recite Pythocles Samien au troisiéme de ses Georgiques.

TELEGONVS fils d'Vlysses & de Circé enuoyé pour chercher son pere, eut aduis par l'oracle qu'il edifiast vne ville au lieu où il trouueroit les laboureurs couronnez de chappeaux, & dansans ensemble. Parquoy estāt arriué en vn certain endroit de l'Italie, & y voiant les païsans couronnez de rameaux & brāches d'oluiers sauuages, & s'esbattās à danser, il y edifia vne ville, que pour l'euenemēt il appella Prineste, laquelle depuis les Romains en tordāt vn peu le nom, ont appellé Preneſte, ainsi que recite Aristocles au troisiéme des Italiques.

